

122  
148  
156

中國方志叢書·第一五六號

據


民國郭輔相修王世鏞等纂  
民國二十一年刊本

影印

貴州省

# 八寨縣志稿

成文出版社印行



\*10103018\*

中華民國五十七年十月

# 八寨縣志稿

全一册

發行人：黃 成 助

臺北郵政信箱二二六〇五號

出版者：成 文 出版社

臺北郵政信箱二二六〇五號  
電話：九二二〇一〇號

印刷者：新高美印製有限公司

三 重 市 長 興 街 九 十 三 號

內政部登記證內版臺業字第一一四七號

新華書局  
PDG

# 中國方志叢書導言

## 論方志在史籍中的地位及功用

論我國史籍的源流，要以尚書和春秋最古。章學誠（一七三八—一八〇一）有六經皆史的說法，認為古人未嘗離事而嗜理，六經皆是先王的政典。龔自珍（一七九二—一八四一）認為六經是周史的宗子。易經是卜筮的史，書經是記言的史，春秋是記事的史。國風是史官採自民間的詩而要付之司樂的，雅頌是史官採自士大夫的，禮記是一代的律令，皆歸史官守藏。這樣看來，都是與史有緣的。參證後來把會典、通典、通考各種專記律令文獻的著作，也例入史籍，適足說明我們要研究社會全面文化的時候，自然會擴大史料的徵集範圍。否則，只能局限在政治史的小圈子裡。無論如何，依今日圖書分類愈趨精密的眼光來看，尚書和春秋，總該是上古的珍貴史籍。

自從漢代司馬遷作史記，班固父子作漢書，一般人的觀念中便有經和史的分辨。魏晉南北朝以至唐初，私家修史的風氣大開，詩賦雜說，論著更多，彙存的書籍越來越豐富。本來根據內容把圖書分類列為七略，到了晉時又有四部的劃分。把兵書、方技、術數併入子部，詩賦歸入集部，成為經、史、子、集四部。這種分類的意義，好像是說，經是民族的大本原，史是社會文化發展的跡象，子是個人發掘的理性，集是個人自由精神的感情表現。經史高高在上，冥冥中鑄成東方文化注重通貫綜合的學術精神特色，只求互相涵攝並存，蔑視抽象的分派對立，技藝在學術上不被尊重，於是文人學士把經史纏在一起，甚至文史也弄得分拆不開。一直傳沿到清代乾隆開館重整四庫，分類仍然照舊，史部中羅列了十五類子目，而方志只有一五〇種。史籍雖然很多，後人却終不能整編歸納成一部完備而有系統的中國通史和文化史。試看民國十九年瞿兌之在方志考稿序中嘆道：「吾國人之不能認識了解吾民族性者蓋有由矣，無真史故也。史不能明全體社會活動之迹，而徒措意於一二人之殊功美行，亦猶乎吾曹今日但知環吾左右者之思想行動大抵相同，而不知距吾曹稍遠者其思想行動乃膠附於數百千年之前而少所變也。」又余紹宋也在方志考稿序三中概說：「今者國史之業，既無專司，而著作體裁亦宜畧變。必當參用通志之例，廣載各地方社會情形，而不能偏置於中央政治，乃事理之當然，亦時勢所必至，若是則有賴於方志者益多。近世以來，政治凌夷，雖屢變而不能中理合度協於人情，國事晚艱，職是之由。」這樣看來，我國累存的史料確是不少，可惜史學研究上還待重行檢討哩！

唐宋以來，史籍的編纂却也演進許多，官修的演化爲編年體的皇家實錄、紀傳體的正史、有關禮法的會典、偏重地理的方志；私修的也有紀傳體的正史、別史、編年體的通鑑、以事爲綱的紀事本末、屬於典志的通考、通典專史，體裁和內容都有進步。史學上也誕生了兩位傑出人物。一位是唐代的劉知幾（六六一—七二二），他取諸家所作的史籍，闡明義例，商榷利弊，遺存傳世的有史通一書，獨具評論性。另一位是章學誠（一七三八—一八〇二），曾爲和州、永清、亳州修志，又做過臬沅的幕僚，修纂湖北通志。他是重視方志，親歷其事，而又提出具體建議的第一人。這兩位皆是值得推崇的史學碩彥。

人類自從有了時間觀念，再也斬不斷過去、現在、未來的鎖鏈，這是歷史與趣的根源。有了空間觀念，又渴求地理的知識。生活演進，使文物制度日漸繁複。歷史的探討便由幾何直線擴展到橫面的伸展。中國的土地大，人口多，山川氣候不同，先前的交通遠不及近日方便，更容易形成地方特色。只憑少數人編纂的國史，顯然不能囊括各地的社會全盤現象。地方志隨時代前進，倡於明代，盛於清代，現已成爲史籍中的要角了。這便是我們要介紹方志的緣由。

方志自從明代提倡編纂，清代便昌盛起來。托庇於國學首先注重經史，再加文史素來兼顧的餘輝，早年館庫所收的方志，皆有特定的水準。其實，在政府的通令鼓勵下，各地主纂方志的，莫不兢兢業業，收集的史料，皆是可資信實的，並不限於官府的藏本。據朱士嘉統計：清代編成的地方志有四、六五五種，康熙間完成一、二八六種，乾隆間又有一、〇二四種；直隸最多，有四〇三種，四川、江西、山東、河南、陝西、浙江皆各有三百種以上。他在一九三〇年統計我國方志便有四、九一二種，一九三五年統計總數爲五、八三二種，九三、二三七卷，一九三八年又查知七三〇種，一九五八年再查知七〇〇種。這樣，總數就達到七、二六二種。比起正史來，卷帙浩繁，真不是任何人可以憑他一生精力而能全部瀏覽一遍的。但是我們原也不必去做那種迂事。祇要知道這是歷史方面還未開發的山林，可以發掘的寶藏很多。現在試依顧頡剛在中國地方志綜錄序引述的一般方志紀事要目如下：地理——沿革、疆域、面積、分野；政治——建置、職官、兵備、大事記；經濟——戶口、田賦、物產、關稅；社會——風俗、方言、寺觀、祥異；文獻——人物、藝文、金石、古蹟；便知方志內容廣泛，而且它的取材，來自檔案、函札、碑碣，是很可信實的。真正說「以校正史，則正史顯其粗疏」而已。這是說地方志在數量和內容方面也成爲史籍中的要角。

民國十九年瞿兌之出版方志考稿，賅括江蘇、河北、山東、河南、山西、遼寧、吉林、黑龍江八省的方志，一一列明了纂修年月、纂修人姓名、舊志沿革、卷數目次，並且辨體例，評得失，尤其注意特殊史料，是輔導研讀方志的文獻。此外，民二十年故宮所藏方志編目刊行，二十二年國立北平圖書館承京師圖書館和北海圖書館合併之後，藏有方志三千八百餘種，也編有目錄。

二十三年朱士嘉編中國地方志綜錄，羅列了五千多種。朱士嘉在北平所見的不過三千種，後又訪得上海涵芬樓直省志目，徐家匯天主堂藏書、金陵大學、南洋中學、中山大學諸書目，並知王綬珊藏有一千多種，又索得美國國會圖書館方志簡目、日本內閣文庫、宮內省圖書寮、日本帝國圖書館等志目，遂完成了蔚為大觀的綜錄。令人驚異的是國外的巴黎和越南的遠東圖書館，美國哈佛大學也藏有我國的方志，國內的教會校館更對方志發生興趣，這個時代的中西史學精神也就可以窺見一斑。

我國昔日的史家似乎拘束於史料的體例形式，精神已墮入治亂衰替的循環律陷阱，偏重政治史的小圈子，不敢放胆解釋人性各方面活動史實，但是今日經過科學洗禮以後，我們要弄清楚幾點：(一)憑藉文字和古物研究歷史，並不能使過去的事實完全再現，再說每件歷史事實皆有它的特殊面，能使它再現的，僅是倚靠我人的經驗和直覺。(二)科學可以捉住相同的事物，正因為我人能控制它的再現，可以求出它的共相和通性或定理、定律，但是史學上就不簡單了，我們要儘量注意它的特殊面。(三)現代史學在政治、經濟、社會、宗教、藝術以至文學方面應有廣泛的研討。(四)歷史研究者須有哲學的氣質，參用科學的方法，獲取藝術的成果。(五)對史實的特殊相若不加以解釋，只能做一個史料收藏家，算不得是真正的歷史學者。

我們現在應該知道，中國歷史在傳統的史籍以外，方志是有地域性的，另外還有一種家譜是氏族性的史料。這方志與家譜，足可幫助史家分別根據人、時、地、物四個因素來研究事態的始末，展開嶄新的歷史敘述。為了適應時代需要，樹立清晰而有系統的概念，我們把選印本方志叢書的範疇，暫定為鄉、縣、府、郡、行政區的地方史，及各種敘一物一事的專志等（如瀘水志、廬山志）。

明清以來，方志成為地方官參照施政的要覽。若說依據方志便能瞭解該地的全情，未免過於誇張，所以研讀方志只能說有助於瞭解一地的過去情況。提供歷史專題研究的翔實資料，而且要從多種方志去探求同一節目，效果就高得多，現在把方志的功用，試述幾個實例如下：

- (1) 朱彝尊日下舊聞，陸心源宋史翼，顧炎武天下郡國利病書，大多係由各種方志取材。
- (2) 陳垣的元人也里可溫考，據至順鎮江志而作。
- (3) 張亮丞菲律賓史上的李馬奔 (Linahong) 真人考，據閩粵方志而成。
- (4) 日人桑原隲藏作蒲壽庚事蹟，援引閩粵方志多種。
- (5) 日人加藤繁中國經濟史考證，何炳棣中國人口論，皆據很多方志的資料。

- (6) 專從物產而言。乾隆時豐潤縣志記載扇子本為朝鮮進貢大臣隨員售來民間，但品級低劣，不為一般人喜愛，豐潤人利用竹枝、風景、花鳥畫改良後，風行一時。這是涉及朝貢而又有興趣的史料。又如何炳棣曾利用方志研究中國的早熟稻種。
- (7) 元李好文長安志圖，詳載如何利用水力。很多方志皆有河工、灌溉、築堤的經費、徵工等資料，可供稽考。
- (8) 地方賦役的負擔，也可從方志比較輕重。
- (9) 往日的水陸交通、驛站距離，也可查知考證。
- (10) 鄉村市集、地方商業、對外貿易、典當、礦業，皆可在方志查考。蘇州府志有論孫春陽雜貨店的記述。高陽縣志論棉紡工業及第一次世界大戰期間的發展及各地市場情況，直敘到其後的衰落。這是工商榮衰遞變的史實。
- (11) 章學誠永清縣志對縣衙組織和差役的待遇，也是今日不易找到的資料。
- (12) 往昔教育制度的社學、義學、書院、學田、科舉應考生的旅費等，也可從方志查考。
- (13) 風俗、節日、寺院、壇觀、碑碣、古墓，在方志中均有豐富的記載可資考證。
- (14) 少數民族如苗、獠的風俗，方志記載也很可靠。
- (15) 歷任地方官的姓名、科舉名錄，更是考證上的極好資料。

從這些功用看來，方志確也含一部份地理資料。乾隆四庫全書把它列入史部十五個子目之一的地理目，便是這個原故。到此，我們也要敘一敘方志的起源。有人認為漢袁康的越絕書，晉常璩的華陽國志是方志鼻祖；但那偏重地理性的圖經更可算是方志的前身。考據起來，由隋煬帝詔令天下各郡上呈當地風俗習慣及地圖，唐代令各郡每三年呈報人口一次，宋代又令潤月的年份要編圖經上呈朝廷，皆是圖經進展的實跡。宋代的志書已增列人物藝文，但遺存的很少。元代創編一統志，明代修纂一統志，因而徵求各省志書，方志的型態漸成一格。清代方志大盛，民國繼續修纂，有些省區曾急迫的限令於六個月內完成，內容自然就不免浮濫的譏評，所以刊本雖多，選讀的時候還須思量一下。本社致力於影印中國文史社會科學名著有年，此次選印的方志叢書，是完全依循前面所述的觀點，精選善本影印發行。更進一步，倘若國內外人士藏有孤本，本社願收入這部叢書，以貫徹素來發揚中國文化的精神。

不

不

不

不

不

不

不

不

甲粵民國貳

拾年仲冬月



郭縣長輔相





溥 惠 長 縣 蔣






王縣長長定一





紀念影攝竣事志修員職各覽瑜孟公郭長局兼長縣局志修縣纂八日一月元年十二國民







## 八寨縣志序

縣有志猶國有史也國無史則一代之文物典章兵刑錢穀以及屬士人情祥瑞災異等其建置沿革純駁理亂爲何若曹焉弗知徒使當軸者考察政蹟原委而無由昔蕭何入關不於玉帛子女之是問而沾沾惟相府圖籍之是求以是得知天下戶口阨塞讓者趨之雖然國固不可以無史抑知國史由多數縣志積累而成此縣志之不可不亟亟從事也余自己巳秋以丙妹權務改權八寨篆值兵匪擾亂之餘檔案文卷多不齊全既往治跡無可考證召書吏而索縣志一觀書吏以無對他日接見都人士詢其故答曰此志欲修而復輟者屢實因經費之不充兼爲際會之所阨此志之所以不果修也余歎曰寨邑僻處邊隅自清雍正間始列版圖爲時不過三百年開化既晚事實必稀過此不修則老成凋謝更誰問津積日累月其文明不淪入於草昧焉不止也環顧全黔八一縣縣各有志惟

寒獨無此不特居是邑者歎且將貽宰是邑者羞因不自揣極力倡修願捐一己之公費爲先河一時搢紳父老暨農商各界踴躍輸將頃刻得洋數百元猶恐不濟復由團欵附加月捐補助之欲聘鄰縣宿學董其事不惟苦於經費之不貲且礙於事實之未悉因就本縣搢紳父老昆季中擇其智識明達者爲採訪學力宏富者爲編纂此外又有協採協纂爲之輔十閱月而志稿脫分類二十八得卷三十一凡二十餘萬言立擬付梓噫前事之不心種事之師也事將蕪而余適奉調幸得繼任蔣公惠溥之潤色而足成之真不啻錦上之添花豈僅余之大幸也哉行將首途走筆序此以紀不謬

時民國二十年歲在午未三月八寒縣縣長郭輔相謹撰

## 八寨縣志序

民十九夏余由成都回籍省慕兼省諸昆白髮盈盈相聚一堂頗獲怡怡樂趣旋由友人招赴貴陽長省政府民政廳第一科事適奉中央明令舉辦地方自治設立行政人員訓練所八寨縣長郭君輔相遵章調所訓練上峯卽以余承其乏當民二十舊曆元宵之日爲余接篆視事之時郭君手持一編授余曰此八寨新修志書稿也八寨原無志輔相蒞任卽薄捐俸公厚積鉅資延地方人士設局採訪編纂今將成書適值奉調未竟厥功幸先生蒞臨敢以移交請畢厥事輔相之幸亦八寨地方之幸也余愛而讀之見其紀載頗覺周詳獨惜於兵匪擾亂之餘老成凋謝參考無書雖語焉不詳司其事者亦覺煞費苦心矣君既倡之於前愚溥不敏敢不步亦步而趨亦趨以蕙其事諒亦君之願而亦余之幸也況於行將蒞任時曾接家兄慈普來函曰民十一余權八寨篆時曾與邑紳何君名超輩

議修縣志而不果行今吾弟復任八寨或者可以成余之志云云今得君  
先得我心敢不踵其緒而期底於成以彰先生之德而竟家兄之志况現  
亦爲職責之所在者乎惟抄襲魯魚編次鱗雜因於簿書閒暇詳加更改  
並屬邑紳王君世鑫細爲訂正另僱書傭錄成正本甫經畢事欸尙未集  
而余又奉令調所二期訓練因又托之後任王君定一今大觀厥成行將  
付梓函求余序因紀其梗概於篇首

民國二十一年八月遵義蔣惠溥

序

縣志最高標準的有二：供省、國統計參考資料，資縣事政進指針是也。前者重敷陳事實，後者則重因果法則，是縣志之內涵，其繁鉅可知矣。

八邑無志，是篇乃首創之稿；事實詳而應側重之點畧，蓋尙有待於後繼之努力，始克完成斯志之整個使命也。

雖然；首創固難事也。材料雖夥，若未經搜集、整理、紀錄而保存之，後縱有賢者，將安資爲藍本焉？是斯稿負責各同人，其苦心孤詣所積之成果，將隨斯篇不泯矣！

余來守是邦之翌月，邑紳以此篇請序於余；且曰：行將付梓矣。講贊數言，聊表鄙見如此。

民國二十一年三月八日 襄縣縣長王定一謹撰

凡身期必有

序

平空翻覆只可謂奇文不得謂實錄縣志實錄也錄實而先河省志疇矢國史也錄不實而又影響省志國史也然志通都易志邊鄙難何則通都則人文盛而著述多搜求事實不啻揚糠取米操若左券邊鄙則反是况入邑原古蠻夷地漢武置牂柯聲教不暨而荒服也如故卽經元明先後設置長官司尙屬羈縻而負固也亦如故迨清雍正間列版圖置漢官迄今不過三百年爲日無多文化有限加以漢夷雜處意見易生因之反復不常間有學士文人一經叛亂文墨盡銷於兵燹茲復老成凋謝尋諸往事不免西瓜而東鱗幸先達胡公孟存著志畧一篇又值離亂期間不暇旁求事太簡寡語不甚詳俾執筆者幾經趑趄也今得同事諸君互相贊助足成是篇若縣志過此不修則代遠年湮更難得其彷彿也矧實際乎是以急於紀載不較工拙權作聊勝於無之感想閱者其勿哂

八  
卷  
二  
五  
和

民國二十年歲在辛未十一月邑人白葵王世鏞謹識



八寨縣志稿

卷首

總目 銜名

卷一

八寨縣境全圖

八寨縣城畧圖

卷二

沿革

卷三

城垣

卷四

營建 公署公所

卷五

洞廟寺觀

卷六

山川

卷七

關梁

卷八

古蹟金石形勝附

卷九

區保村寨

卷十

職官宦績

卷十一

學校

卷十二

選舉

卷十三

營汛驛站

卷十四

土官

卷十五

典禮上

卷十六

典禮下

卷十七

人

目次

二

貴陽文通書局代印

農桑  
棉業附

卷十八

物產上

卷十九

物產下  
礦業附

卷二十

工業商業

卷二十一

風俗

卷二十二

倉儲

卷二十三

年紀兵事

卷二十四

文學

卷二十五

武功

卷二十六

忠義

卷二十七

列女 烈節賢明

卷二十八


藝文上

卷二十九

目次

三

貴陽文通書局代印



藝文下

卷三十

變異雜類

八寨縣志稿纂輯銜名

創理兼校勘

八寨縣

縣長

龍里

郭輔相

續理兼督修

八寨縣

縣長

遵義

蔣惠溥

八寨縣

縣長

錦屏

王定一

編纂

士世鑫

張明星

督探

何名超

趙朝楨

協纂

富邦

李國清

蔡邦達

孫學文

蘇起棻

採訪

莫紹榮

蕭榮宗

王承烈

黃自清

謝廷欽

田慶源

孫振堂

鍾鼎聲

張萬鍾

余農澤

李時德

唐峻天

馬如珪

張臨星

楊本濟

唐峻德

陳宗和

池濂

陳繪宗

協探

何第忠

黎煥枚

楊大魁

池斯澄

周尙貞

孫孝澎

鍾本正

張萬鑑

何品榮

蕭煌宗

黃雲奎

黃大洲

王育之

秦學禮

孫茂材

葉明儒

楊建章

王慶廷

王燦章

楊克勳

王起龍

王紹周

王慶鈺

黃三民

朱炳章

勸捐



劉金榜	王世清	賴廷軒	周起龍	楊學貴	何名揚
李國良	李勳	賴廷坤	朱德軒	池斯淨	蒙子才
劉天盛	何玉珊	馬如琛	朱子文	潘起崑	魏澤平
王沛澤	王潤澤	文德高	劉蘭軒	張萬福	鄧惟先
萬全堂	孔兆之	廖錫三	楊正濂	陳守琛	徐正乾
黃玉齡	羅仲謀	王定舉	賴尙權	孫爽君	



八寨縣志稿卷二

沿革

自來有變異之朝代卽有分合之地圖邑人士生居斯土素號荒服數千年蠻夷自相雄長分合不常文學未興史乘莫備欲求其沿革之蹟蓋亦難矣及漢武開邊南夷悚服唐宋二代州列羈縻然不過收拾人心其版圖亦未如今日之截然可指者至明洪武開闢苗疆清雍正開拓新地乃列入版章談地理者每詳於中州而畧於邊鄙實言省分而畧言縣邑今修縣志求之數月鮮有知者祇得已載之舊史者約畧書之俾後之君子得以知其畧而考其詳耳

八寨縣治地隋以前同都勻唐爲黔中道夔州地宋隸夔州路紹慶府  
通志  
然皆苗酋分據不過羈縻而已故有羈縻州之置時八寨地亦在羈縻州之中

元至正十三年天霸干賊首齋果反宣慰使楊輝平之置安寧宣撫司遂  
 為司地屬於楊氏未幾仍為苗酋盤據時八寨為都勻定雲即今雲南間地  
 明洪武七年宣撫司天阿路籍所管八寨地圖人民戶口獻於朝十二年  
 仍命阿路為安撫司自此八寨地為天氏所有而屬於明者二百餘年  
 清順治入關後安撫司天朝玉繳印效順仍准襲職如故八寨地仍為天  
 氏所有而屬於清

康熙十一年以天霸長官司隸都勻府時八寨地屬都勻

康熙十二年苗酋將天應祿殺害後流土均不受制分據土地自相雄長  
 者近六十年時八寨屬於何人均無所稽考

雍正八年貴州巡撫張廣泗開生苗地以天霸長官司地置八寨廳治以  
 同知而隸於都勻府又置一衛四長官司於是八寨同知領衛一曰八寨  
 衛長官司四曰天霸司土千總職銜曰揚武司曰排調司曰永安司均土

把總職銜至清末所領衛既裁長官司職亦廢

民國元年更改八寨廳爲八寨縣直隸於貴州民政長五年改民政長爲省長直隸貴州省長十七年改省長爲省主席直隸省主席

按遵義鄭子尹巢經文集牂柯十六縣問答故且蘭無斂二縣似與八邑有關係者附錄之以備沿革參考之一助

故且蘭 按漢地理志此縣下沅水東南至益陽入江武陵郡無陽下無水首受故且蘭南入沅水經沅水出牂柯郡且蘭縣爲旁溝水東至鐔城縣爲沅水注無水出故且蘭南流至無陽故縣東南入沅後漢西南夷傳莊豪從沅水伐夜郎軍至且蘭楸船於岸而步戰據此諸文可見且蘭爲沅水無水所出又可見其疆域必至今沅水上流可通舟楫之處莊豪水軍乃可達其地而楸船也無水卽今貴州之鎮洋江源自鎮遠府黃平州經舊黃平施秉縣鎮遠縣又經思州府青溪縣玉屏縣

入清江源州沅水卽今都勻府之清江源自都勻經麻哈州清平縣又  
一源經黃平來會過台拱清江入黎平府開泰縣又經鎮遠天柱縣入  
湖南靖州至黔陽縣入無水今之瀾沅入黔者舟可直抵鎮遠城下莊  
豪時雖水道較險當可達青溪王屏間然則今貴州鎮遠一府及貴陽  
之龍里貴定兩縣平越州之甕安餘慶兩縣都勻府之麻哈州清平縣  
石阡府之烏江以南境皆且蘭地也自元和志以播州爲且蘭後人因  
以邊義地當之皆沿吉甫之誤

無斂 按漢志此縣下剛水東至潭中入潭鬱林郡定周下水首受無  
斂入潭行七百九十里此水在無斂爲剛水卽水經注之無斂水流入  
定周縣卽爲水經之周水班志於兩縣下敘上下流互相明足非二水  
也剛水卽今貴州之獨山江源自獨山城西二里簡麗寨東南流會都  
勻府王家司八寨廳諸小水至三脚塋名獨山江一名都江經古州界

入廣西天河縣境經思恩縣慶遠府至柳城縣城西南合柳江水道提綱謂源委九百餘里實柳江西源是也今柳江卽潭水源出黎平府境漢志潭水出鐔城玉山則黎平鐔城地也今柳城卽潭中縣地獨山江於柳城合柳江與剛水至鐔中入潭正合定周當今慶遠府地其上游卽都勻則今貴州都勻一府除清平麻哈不在外兼黎平之古州及廣西接古州荔波地皆無斂縣地也但水經存水極有誤處酈氏所注又復駁雜不可不知水經云存水出犍爲郁鄆縣東南至鬱林定周縣爲周水又東北至潭中縣注於潭按郁鄆今四川敘州府地潭中今廣西柳州府地由敘州東至柳州中間赤水烏江兩大水皆自南趨北敘州之水焉能絕出廣西前漢志止言定周水首受無斂不言出郁鄆其犍爲郡郁鄆下亦不言有水水經出郁鄆自當作存水出牂柯無斂縣自水經有此誤道元強以諸書附合云周水東至且蘭縣北又東逕無斂

縣北東南與無斂水合水首受牂柯水東逕無斂縣爲無斂水又東注於存水其溫水注云潭水東逕鬱林郡潭中縣周水自西南來注之又東南與剛水合水西出牂柯無斂東至潭中入潭是鄜氏以無斂水爲一水入於周水周水與剛水又別是兩水周水合潭以後剛水始入潭不知周水剛水無斂水止是一流隨地異名班志首尾互足與紱鬱水橋水一例遂使經文一誤注文再誤而溫水注又云豚水經無斂縣無斂水出焉是又以無斂水入溫愈膠葛難解矣或曰前漢志夜郎豚水何水也曰今北盤江也曰子以平越鎮遠爲且蘭以貴陽都勻爲無斂今北盤江絕不經此等處如子言則水經注豚水東逕牂柯郡且蘭縣又東逕無斂縣何以言之曰此鄜氏之駁文也余以周水爲獨山江出之獨斷誠有可疑若沅無二水之出鎮遠平越入湖南則無可疑者如且蘭無斂爲盤江所經其地必當貴州畢節以東廣西泗城以西往北



則滴澄河南明河都江河入粵入蜀隔斷南北中間焉得沅無二水發源如班志所云者若必以酈注合班志則自鎮遠南至安順興義皆是且蘭無斂地矣兩縣如此遼闊亦必無是理須知酈氏敘豚水一段文字其誤舛不止此言地理上當準之前漢志以外則有合有不合誠不可盡牽就耳



八寨縣志稿卷三

城垣

八邑自古本蠻徼之地戰鬥之場至前清雍正之際兩次揆度地勢  
遴擇險要環山鑿石以爲城就泉蓄水以爲池從容鎮攝地方享安  
謐之福者百有餘年及咸豐時苗教攻城亦屢經擊退設使內姦不  
作外有救援而城未必遽失殺戮未必如是之慘也城池固不足重  
乎獨是今日科學愈進器械益精巨砲則無堅不摧飛艇則無遠弗  
屆城池亦何足恃然而縣地處萬山之中林深箐密伏莽時聞非此  
又不足以資坐鎮阻跳梁安人心矣

八寨縣之有城垣自前清雍正九年始其時苗疆新闢改土歸流人民初  
附移都勻府同知坐鎮縣境乃擇縣治東十里許之地築城居之以鎮撫  
苗夷因附近之寨有八週環圍繞故以八寨名卽今之柔遠堡又稱老八

寨者是其遺址雖存城墻原係土築已盡傾圮惟餘西南北三石拱門其周圍里數及墻之高低厚薄均不可考至乾隆十二年以其地勢狹隘城西南隅雖有山不過丘陵土阜瞭望不遠東北面雖有水亦只小溪淺壑喝飲堪虞十二年乃改建今縣治地勢由東南至東北半面倚山而城畧高西南至西北半面畧低成一斜下形設東南西北四門炮臺四座周圍計六百零五丈五尺合三里三分有奇咸豐五年被叛苗攻陷民居官舍焚毀無餘並墮其城而不居荒蕪者十六載自始建至被陷百有餘年其中有無修理求其故實無復知之者蓋城陷之後遺老盡矣同治十年苗亂蕭清同知葉正邦因仍舊址請欵修復十二年同知陳世芳繼續修之十三年同知劉垂祺委員余昌期監修計日歲事功竣乃復舊制全城登之以石高一丈一尺女墻厚八尺躲口七百餘個城樓四座炮臺四座以資守望惟其時苗亂甫平民力未復未免草率將事至光緒十五年遂傾

圯二百餘丈城樓砲臺亦倒塌殆盡計算修整費約千餘金同知吳光燾錫明先後呈請修理均以工程耗大難籌的欸見拒至光緒二十五年同知沈國良始徇人民之請由紳耆於本邑募欸自修調取閩縣石工發給官價徒役只供伙食不分晴雨督工趕辦費時大閱月耗金三百餘兩坍塌之處均已修葺完好二十七年同知馬楨更將城樓修復惟礮臺尙付闕如現城樓又已傾毀過半矣按城內住戶咸豐以前計千餘家肅清後流亡歸復者不滿百家被苗殺戮之多可見矣迄今休養生息者已六十年城中亦只四百家云



八寨縣志稿卷四

營建 公署公所

公署者一方之表率萬民之觀瞻也若雕墻峻宇則侈靡蕩財茅茨土塔則狹隘鄙陋古之人幾經營度始得其中蒞斯土居斯署者類皆能垂裳之訓凜守土之義觀重堂庇蔭及思所以達民隱舉凡風雨晦明皆存饑溺包與不愧屋漏職思其居也故雖不能媲美大邑雄都亦具長治久安之象矣

縣署 卽前清同知署在鼓樓坡之下治城北街乾隆十二年創建咸豐五年苗叛變被焚同治十年同知葉正邦復創建十三年同知劉垂祺繼續修整委員余昌期監督工程完竣計先後修復者頭門三間二門三間左科房四間右差房三間待質所一間大堂五間二堂五間甬道三間左右廂房各三間廚房二間東西轅門各一間左右鼓樂亭各一間蕭曹祠

土地祠各一間倉廩二所男監二女監一卒房一獄神祠一共四十六間  
光緒中葉傾圮幾半復經同知吳光鑿修葺完善宣統三年同知王孔鑄  
就署西廢倉建用拙齋四間民國元年改建縣知事公署現近年地方多  
故縣知事來去不常不暇修整大堂則已歪斜頭門二堂幾不蔽風雨十  
八年知事郭輔相到任將頭門二堂修整乃可居住又將大堂葺正乃壯  
觀瞻其餘均倒塌不堪尙待修理惟監獄尙稱完善二十年縣長蔣惠溥  
復將二門五間葺正裝修由頭門起直至大堂一律培修完善加以油漆  
規模大具即以公安局保衛團分設於二門外之左右其大堂下之左廂  
則位置爲經征處財政局辦公地點對面卽爲監獄焉

遊擊署 在城內東街前清乾隆時建咸豐五年苗叛被焚光緒二年遊  
擊景春林修復共四十餘間宣統二年遊擊移駐都勻其署遂廢民國二  
年知事陳時濟改設高等小學校隨時修葺已非舊觀十四年滇軍過境



居住城中二月有餘人民被其搜括不堪其苦遂盡逃避該軍以諸事均無接濟即將署柱壁折作柴辦瓦片無存

學官署 在城內東街前清道光時建咸豐五年苗叛被焚肅清後迄未修復學官借住龍泉書院即今之女學校民國六年變賣官產其基址亦已拍賣與唐姓矣

龍泉書院 前清道光二十三年建設治城西門內咸豐五年燬同治十三年重建於北門頭門五間山斗堂五間左右廂房各三間後正房四間廚房一間共計二十一間現今改爲第一兩級女子小學校房屋僅共存一十一間

八寨衛千總署 在城北平夷堡距城二十里清乾隆時建咸豐五年苗叛被焚同治十三年千總林耀堂修復計八間光緒十年燬於火十二年千總李良益修復頭門一間大堂二間正房四間廂房二間廚房一間共

計十間宣統三年衛千總裁撤其署遂廢民國六年變賣公產其署屋基址均已標價拍賣與杜姓改屋居住矣

九門汎千總署 在城東北南泉場距城七十里本署建自何時無從查考咸豐五年苗叛被焚肅清後迄未修復歷任千總均租賃民屋辦公其基址四至亦無從查考

得祿汎把總署 在城西得祿汎距城二十里本署建自何時無從查考咸豐五年苗叛被焚肅清後迄未修復歷任把總均租賃民屋辦公基址亦已無存

善後局公所 在治城大中街咸豐時苗叛肅清後建設以辦理一切善後事務者原建瓦屋三間民國八年燬於火旋即由地方修復改作公安局十七年裁撤公安局後現分設教育局建設局於其中

按清時八寨原轄有四長官司承襲後各就私宅辦公不在官署之列

團務總局 本城團務局前清光緒二年買民房三間在城內大中街辦公歷久未修不蔽風雨民國四年移設關岳廟內

桑區 在治城東門外距城五里地名大坪民國六年建置房屋四間爲辦理桑務公所桑地約二百餘畝現今房屋無存

教育局 在治城內大中街卽前清善後總局現在房屋三間廚房二間經費局 附設知事署二門內左廂房中現今改爲財政局

建設局 在治城內大中街卽前清善後總局與教育局同住

按縣屬公所前清咸豐以前設有養濟院一所共計房屋十二間肅清後迄未修復至光緒末葉同知馬楨任內舉人歐陽朝相提倡募捐造屋三間在治城西南隅龍井邊

按縣署就前清兩知署改設大致仍舊大堂二堂現已歪斜倉廩及廚室盡毀肅曹土地二祠改設警察民國三年知事唐萬鍾於用拙齋前

修葺涼亭一座四年知事李竹溪改修監獄較前完善二門內左廂附  
設經征所暨財政局

八寨縣志稿卷五

祠廟寺觀

黔南蠻荒俗陋素尙鬼神歐西范像鑄金亦崇先烈可知祠祀之典非惟古今不易亦大地皆同近有淫祠之禁然此可以行之中州不可以施諸蠻貊蓋蠻夷心疑性橫戒之以桁楊刀鋸每陽奉而陰違動之以幽冥禍福輒心憂而色阻此神道設教所以勝於立監督責也况文廟卽昔之學堂習禮樂卽可以造多士武廟卽古之忠烈廟民氣卽可以尙武功凡茲祠廟載在祀典旣非迷信淫祠曷敢更張任意爰錄之以備後人之參考

孔廟 在城內東街同治十年同知魯侯傅召集紳耆捐欸創修正殿五間兩廡各五間大成門七間櫺星門一架左右官廳各三間鄉賢祠三間名宦祠三間泮水池一所齋一座左聖域門一間右賢關門一間週圍繞

以紅墻萬仞宮墻甬壁一座後殿崇聖祠三間大成殿遵制祀至聖先

師孔子神位居中南向四配復聖顏子名回字子淵宗聖曾子名參字子輿

城人鄒東位西向述聖子思子名伋亞聖孟子名軻字子輿西位

東向東序先賢閔子損字子騫冉子雍字仲弓端木子賜字子貢仲子出

字子路亦作卜子商字子夏衛人有子若字子若魯人西序先賢冉子

耕字伯牛宰子予字子我冉子求字子有言子偃字子游顓孫子師字子張

人朱子熹字元晦宋徽位均東西向東廡從祀先賢蘧瑗字伯玉衛人

九年以孔子嚴敬非弟子改祀於其鄉清雍正二年禮臣議曰蘧瑗汲汲

於仁以善自終又云以孔子大聖食於堂上堦大賢坐於兩廡亦禮之所

安應請復澹臺滅明字子羽魯原憲字子思魯南宮适字子容

記名適家語禮記名綰經注並謂仲孫閱也閱一作說朱彝尊曰按世本

仲孫獲生南宮綰孔安國以南宮适即敬叔香大夫鄭註禮曰敬叔魯孟

信子之仲孫閱也又云南宮綰孟信子之南宮括家語作南宮綰按其

兄弟之仲孫閱也又云南宮綰孟信子之南宮括家語作南宮綰按其

一人是魯孟信子之敬叔是閱人也近春秋名號歸一圖仲孫閱括南宮

一人是魯孟信子之敬叔是閱人也近春秋名號歸一圖仲孫閱括南宮

一人是魯孟信子之敬叔是閱人也近春秋名號歸一圖仲孫閱括南宮

一人是魯孟信子之敬叔是閱人也近春秋名號歸一圖仲孫閱括南宮

傳子之則夏說似屬可從而不  
及括則則夏說似屬可從而不  
高瞿字子木魯人文漆雕開家語字子開蔡人

鄭元曰魯人朱彝尊曰按龜山  
司馬耕字子牛宋人家梁鱣或作鱣人

孺字子魯或伯虔字子栢家語名成字哲朱彝尊曰按史記家語  
冉季字子

漆雕徒父字子友文翁圖父作夫漆雕哆字子馮家語公西赤字子

任不齊楚字子選公良孺陳字子正公肩定魯字子中鄭元曰晉人鄒單家無縣字

家語有縣重字子象無鄒單疑作一人  
罕父黑史記字子素家語榮旂字

左人郢字子行魯人鄭國字子徒家語作薛邦字從史記索

鄭國子徒子從安見其名字相類而並疑其姓氏之徒名字間有同者薛邦

原亢字子籍家語作元文翁廉潔字子庸一作子曹叔仲會字子

公西輿如齊人上邽巽字子飲史記索隱作邽陳元說

琴牢字子開一字步叔乘字子車齊人廣韻注孔子弟子

秦非字子之顏嗜字子聲顏何字子冉魯人明帝

祀清雍正二年禮部議曰按史記仲尼弟子列傳載顏何字冉北齊顏止

七應請復縣直子見廣韻注此唐宋封爵未之及云明嘉靖九年以史子

不載又疑與因以單直全音定為一人乃祀郡單去縣直當時原無確據

而家語無之因以單直全音定為一人乃祀郡單去縣直當時原無確據

從請復樂正克孟子弟子清雍正二年禮部議曰史記稱孟子所

祀萬章齊人孟子弟子清雍正二年禮部議曰史記稱孟子所

年贈汝南伯從祀元至順二年加贈道國公清康熙五十年賜諡元

後二程程顥字伯淳宋河南洛陽人文哲博題其墓曰明道先生嘉定十

公邵雍字堯夫宋河南人元祐中賜諡先儒公羊高受子荀崧曰公羊

子授春秋於卜商嘉靖九年改稱先儒伏勝字子賤濟南人秦董仲舒

贈江都伯成化三年改廣川伯后蒼字近君漢東海郟人明嘉靖九年

杜子春漢河南緱氏諸葛亮字孔明漢瑯琊陽都人建興三年封武鄉侯

夫著耳目而其居心仁恕開誠布公於出處若亮君真能事君盡禮者矣朱



子謂義利大分武侯知之日非他免所及強試爾其扶皇極正人王通隋龍門  
 心悅回仁義之文與陸贄唐書本傳贄年十八第進士中博學宏詞授鄭  
 人弟子私諡曰從祀中陸贄唐書本傳贄年十八第進士中博學宏詞授鄭  
 子明高竊九年從祀中陸贄唐書本傳贄年十八第進士中博學宏詞授鄭  
 縣尉以書判拔萃州別駕卒贈兵部尚書諡曰直德與序其集謂贄從  
 事旋罷政事貶忠州別駕卒贈兵部尚書諡曰直德與序其集謂贄從  
 德宗幸奉天時書詔旁以年灑翰即成無不曲盡事情中沉軍國利害巨細夫  
 悍卒皆匪涕激發贊日以年灑翰即成無不曲盡事情中沉軍國利害巨細夫  
 必陳在相位推賢讓能其舉直錯于微論事舉要深遠慮忠悃接之溢於  
 情朝御選古文淵鑒其舉直錯于微論事舉要深遠慮忠悃接之溢於  
 楮墨欽定提要稱其學不愧醇儒似無遺議恭查雍正二年部等衙門  
 龜鑑是贊之有功臣學不愧醇儒似無遺議恭查雍正二年部等衙門  
 道旨詳加考證折衷盡善爾等所議從祀諸儒雖有祀文廟然保學術何  
 心必詳加考證折衷盡善爾等所議從祀諸儒雖有祀文廟然保學術何  
 休未通似儒者問至如唐之陸贄宋之韓琦勳業昭著史冊自是千古淳  
 質深通似儒者問至如唐之陸贄宋之韓琦勳業昭著史冊自是千古淳  
 臣然于孔孟此心傳果有授受而能表章羽翼乎其他諸儒是允協務以  
 至當不易欽此嗣經各衙門再議贊與琦俱未獲從祀臣等伏思漢唐以  
 來賢臣其乘而贊與琦俱未獲從祀臣等伏思漢唐以  
 朝洞鑒之中特以事關巨典是念復加咨訪臣等竊考贄當日近參帷幄  
 遭時多故機務填道夕不遑貶後又避諸不復著述故述論修文  
 章疏而外別無明道大經之書然觀其奏議諸篇兵則益之象發詩書補  
 德之語陳聚財則履信思順舍己從人等語皆本於孔孟而散小儲以成  
 闕改過之旨以及履信思順舍己從人等語皆本於孔孟而散小儲以成

大儲一言本善引之以釋渙之九五此外凡所敷納無非根據經術發為  
 昌言較之漢唐諸儒依經訓義者尤為遠契心傳直窺奧妙再查現在從  
 祀先儒如諸葛亮范仲淹司馬光等道無實愧於古人綜厥往平正以  
 學術精純俱得列於兩廡今替文章德實無愧於古人綜厥往平正以  
 守己忠以事君使與七才子並世當在德行政學之難行之世有賢臣  
 之發代無間言使與七才子並世當在德行政學之難行之世有賢臣  
 實超曹杜房而上王通之次祀范仲淹字希文宋吳縣人封汝南公諡  
 文廟東廡在隋臣王通之次祀范仲淹字希文宋吳縣人封汝南公諡  
**歐陽修** 字永叔宋廬陵人諡文忠公 楊時字中立宋將樂人學者稱龜山先生  
**從彥** 字仲素宋南劍州人學者稱豫章先生 李侗字愿中宋延平人朱子受其  
 延平先生說文靖元贈越 呂祖謙字伯恭其先萊人遷婺州墓題東萊  
 公明萬歷四十二年從祀 蔡沈字仲默宋建陽人成化三年贈崇安伯 陳淳字  
 贈忠亮景定二年 蔡沈字仲默宋建陽人成化三年贈崇安伯 陳淳字  
 號北溪宋漳州龍溪人清雍正二年禮部議曰陳淳所著語孟大學中  
 庸字義等書其言太極言仁語篇發明天理全體示學者標的朱子語人  
 以南來吾道喜得 魏了翁字華甫宋邛州蒲江人諡文靖清雍正二年禮  
 陳淳乃進從祀 魏了翁字華甫宋邛州蒲江人諡文靖清雍正二年禮  
 所開於李燾輔廣者教授生徒正學顧以不墜所著九經要義周禮井田  
 圖說等書於聖道大有發明故先儒王禕亦嘗為之請祀乃進從祀焉 田  
**王柏** 字會之號魯齋宋金華人諡文憲清雍正二年禮部議曰王柏何基  
 弟子會之號魯齋宋金華人諡文憲清雍正二年禮部議曰王柏何基

之旨及訂正詩經春秋大學中庸等書源道學進從祀等  
 數十種百餘萬言嘗闡發濂洛精義淵源所著有讀易記  
 雍正二年禮臣議曰趙復元初名儒所著傳道圖伊洛發  
 揮希賢錄等書北力知有程朱之學實自趙復始進從祀  
 人清雍正二年禮臣議曰許謙金履祥弟子讀書自窮探深  
 皆不敢忽所著有四書叢說詩名物鈔書傳叢說自窮探深  
 至謙經義綱維世教不輕筆之於書世稱白雲先生何基王  
 字幼清號草廬曰考仁人明述五經四子各有詮注而學以  
 隆二清禮臣議曰考仁人明述五經四子各有詮注而學以  
 實多發明復從祀書胡居仁字叔敬齋先生萬曆十二年從  
 安明餘姚人讀書陽明洞世稱陽明先羅欽順字允升號整菴  
 生封新建伯謚文成萬曆十二年從祀羅欽順字允升號整菴  
 議曰羅欽順為司業以實行致書關之往復再三著困知記  
 數才知之士翕然從之欽順致書關之往復再三著困知記  
 今不墜者欽順黃道周字石齋明漳州人清道光五年禮臣  
 之力也遂從祀黃道周字石齋明漳州人清道光五年禮臣  
 少詹事忠言謫論守正不阿中遭貶失志不移卒能復恭釋  
 節明史傳贊稱其指陳深中時弊足為萬世龜鑑臣等復恭釋  
 帝諭旨褒其立朝風節不愧一代完人聖訓昭誠為千古定  
 本講學浙閩以格致為宗而歸宿於至善與劉宗周之以誠  
 程子於慎獨專習義理者並行實與建經有裨象數亦猶師  
 承是其所學可與

忠早樹楷模于史冊正體廟堂東廉圭臬欽順之林應湯斌字潛菴清州人朝  
 如該等所奏准其從祀文廟載式列傳成進士授職詞垣歷官潼關  
 光三年禮部議曰查閱六年會試中式九年成進士授職詞垣歷官潼關  
 學官弟子五年事復由學鴻儒改授講學內閣學士江蘇巡撫其部  
 道嶺北道管詹事府學鴻儒改授講學內閣學士江蘇巡撫其部  
 工部尚書管詹事府學鴻儒改授講學內閣學士江蘇巡撫其部  
 行清端巡撫年間有旨稱其老成端宜拔擢更部以斌在講筵時業行  
 勤慎任巡撫時潔已奉屬實心任事宜拔擢更部以斌在講筵時業行  
 仰蒙列聖褒嘉昭在冊至其政事則玉潔伏戎深密化舉中斌設計與利除  
 弊而其尤著者如官領北時巨寇李廷玉伏戎深密化舉中斌設計與利除  
 地乃靖巡撫江蘇時愛戴至今頌不衰即其生好門之風奏益積年民  
 欠方減蘇賦顧民時愛戴至今頌不衰即其生好門之風奏益積年民  
 十餘萬人德政所學出於孫奇逢主於堅苦自持事講求實用著明正色  
 立朝始終一節所學出於孫奇逢主於堅苦自持事講求實用著明正色  
 十卷並洛學編等書俱深醇篤實中正和平洵能明正學遠契先聖心傳  
 與陸隴其相編等書俱深醇篤實中正和平洵能明正學遠契先聖心傳  
 雅正年間奉旨入祀賢良祠乾隆元年賜諡文正公曾侍讀密親王未  
 斌暨范文程等五人祀賢良祠乾隆元年賜諡文正公曾侍讀密親王未  
 燕心輔導于保即特之選公正大臣蒙允湯斌於四十餘年復能  
 親王情性乖張即特之選公正大臣蒙允湯斌於四十餘年復能  
 是理密親王不勝受湯斌輔導之益早况理密親王疾未除情性變  
 樂無以化朱均父陳蕃不能匡益蔡况理密親王疾未除情性變  
 易終至獲咎湯斌之未能匡益蔡况理密親王疾未除情性變  
 其品學醇政積卓著天匡士大夫無不心悅誠服臣等有悉心核議應准

其德文廟東廡  
西廡先賢林放  
魯人推文慮不齊  
字子賤魯人  
公治長

家語作甚范甯曰名芝  
公哲哀周公禮殿圖考稱家語作公西哀今本家

語作公哲哀克次或作沈廣  
注孔子門人有公休哀公祈哀朱彛按

公祈哀疑即公哲哀以哲祈形類而講也然廣韻注既列孔子弟子公哲

哀於前又列孔子門人公祈哀高柴字子羔左傳作季羔禮人孔子弟子

於後則別是一人未可臆決  
高柴字子羔左傳作季羔禮人孔子弟子

樊須字子遲家語魯人  
商澤字子季魯人一巫馬施字子期魯人

期為單顏辛字子柳魯人  
文翁圖及曹邨字子循公孫龍字子石家語衛

秦商字丕茲家語作不慈史記作子丕魯人鄭元曰楚人朱彛曰顏高

字子驪史記索隱家語名壤駟赤字子徒家語壤作穰字子石作蜀明素

人公夏首字子乘家語魯人  
后處史記字子里齊人今奚容蒧史記字子楷衛人

文翁圖顏祖字子襄司馬貞曰家語無此  
句井疆字子疆秦祖字子南鄭

縣成語字子祺今本家語有之祖作相  
公孫語作公孫荀茲魯人燕伋字子思秦

人樂欬字子欣魯人或狄黑字子哲家語人  
孔忠成作弗字子茂公西蒧史記

祠廟寺觀 五 貴陽文通書局代印

子魯語人顏之僕魯人子叔施之常魯人子恆申振陸德明曰申振鄭康成曰

中棠字周家語云申續字周也司馬貞曰文翁圖所記有申振申棠王

寫之誤後漢王政碑云無申棠之欲亦以根為業則申棠申根一人耳唐

開元本朝祥符俱列從祀一人而為二人失於詳考陸氏釋文也索隱謂

文翁圖有申棠申根今所傳禮殿圖有申黨無申根朱赫尊按申根申棠

並字用也如公西藏公西興同字必當去其一乎左邱明觀十三年詔與顏淵

同從祀秦冉字子開唐時從祀明嘉靖九年按史記仲尼弟子列傳載秦冉字

有既管其姓復禮其字必收皮清雍正二年禮臣議曰按史記仲尼弟子列傳載秦冉字

也從祀公都子曰齊人孟子弟子精研性善之旨力闢義外之說進從祀公孫丑人齊

孟章公孫丑相與祀其禮臣議曰趙岐云孟子之道進從祀張載字厚居

嘉世稱橫渠先生嘉定十三年程顥字正叔世稱伊川先生嘉定十三年

人宋唐時從祀孔安國世孫唐時從祀毛萇漢趙人善說詩世謂毛亨

時從鄭元字康成漢正二年禮臣高議曰唐時成所著周易尚書毛詩儀禮改祀  
 論語孝經尚書大傳及六藝之論魯不禘禘詩出處進退一衷于道朱子有大  
 典謂大儒之范甯字武正郡人唐時范甯著春秋穀梁集解詞意  
 稱復從祀之范甯祀清雍正二年禮部議曰范甯著春秋穀梁集解詞意  
 其崇實論稱晉代崇學敦教未有如甯者泗水數以虛不堅實為兩晉一  
 所著穀梁傳至今尊行宋甯所謂三傳之學惟穀梁韓愈字退之唐南陽人  
 所得最多諸家之解惟范甯所著最善復從祀梁韓愈字退之唐南陽人  
 從祀贈胡瑗先生諡文昭明嘉靖九年從祀司馬光字君實宋溫國公諡文  
 昌黎伯胡瑗先生諡文昭明嘉靖九年從祀司馬光字君實宋溫國公諡文  
 正成淳三尹焯字彥明一程伊川弟子窮根本德備中和所著有論語  
 宏毅實謂力門固焯者鮮子進從祀胡安國字康侯宋崇安人諡文定明  
 伯張棻字敬夫宋賜諡宜景號南軒先生陸九淵字子靜宋金谿人安學  
 嘉靖九黃幹字直瀛號勉齋任州道之統者端推黃勉齋朱子授以所  
 年從祀黃幹字直瀛號勉齋任州道之統者端推黃勉齋朱子授以所  
 著書曰吾道之託在此吾無憾矣從祀華真德秀字景元宋浦城人明正  
 四子遞衍其道正學賴以不墜進從祀華真德秀字景元宋浦城人明正  
 統元年從祀成化何基字子恭宋金華人諡文定清所著二年禮部議曰  
 三統元年從祀成化何基字子恭宋金華人諡文定清所著二年禮部議曰

系系系系系系

祠廟寺觀

六

貴陽文通書局代印

於書犬易啓通書近思錄曾以發揮為名其學本  
 禮臣議曰陳淵生于宋季不求聞達博學好古潛心禮  
 者稱為雲莊先生明洪武時列其書於學官至今潛三百餘  
 從之遺金履祥字吉父號仁山元蘭籍人至正大學章句疏  
 禮考證書義進註多先許衡正至大元河內魏國公皇慶二  
 字德溫明河津人學稱慶五年從祀陳獻章白沙先生萬曆  
 文清宏治九年祀于鄉隆慶五年從祀陳獻章白沙先生萬曆  
 祀蔡清字介夫號虛齋明晉江人萬曆中謚清以善易名禮  
 經四書蒙引盛呂坤字叔簡明寧陵人清道光六年禮臣議曰  
 行于時進從祀呂坤字叔簡明寧陵人清道光六年禮臣議曰  
 士氣內疏數千言炳燭都察御史巡撫山西歷刑部侍郎剛  
 憂危一疏數千言炳燭都察御史巡撫山西歷刑部侍郎剛  
 家與後進講學駁性命絜御史巡撫山西歷刑部侍郎剛  
 四庫全書欽定提要稱其不欲多語精微而篤實以為本不  
 履以真程絕無從陸未物放浪迂腐之病陳宏謀序稱其于  
 己俗人之要皆從人物理中推勘而病陳宏謀序稱其于  
 象鈔省心紀道今實濟時用惟四禮疑一書未錄著述均能  
 種倫常真串古脈圖四禮用惟四禮疑一書未錄著述均能  
 保通儒一疑孟于王柏吳澄輩于六籍經文尤考厥修不借  
 司馬允書疑孟于王柏吳澄輩于六籍經文尤考厥修不借



孔廟初不以見之偶偏掩其生平之實學主於存誠立言本乎心得其  
 著行已無愧古人繼往開來有功樹儒林之圭臬紹理學之宗傳應准其  
 之分行延建可濟時書堪覺世實足樹儒林之圭臬紹理學之宗傳應准其  
 從祀文廟之次在劉宗周史宗周列傳乾隆四十二年賜諡原案曰宗周  
 自守正不仕歷官至左都御史居官日少講學日多綜其生平實忠言  
 論守正不仕歷官至左都御史居官日少講學日多綜其生平實忠言  
 為守正不仕歷官至左都御史居官日少講學日多綜其生平實忠言  
 于誠敬所著八書粹然一出於王守仁而期於實踐遠契心以慎獨為宗  
 文廟西廡次明孫奇逢字鍾元明直隸容城人清道光八年禮部議曰  
 臣蔡濟之次明孫奇逢字鍾元明直隸容城人清道光八年禮部議曰  
 年獨講節師孫承宗論魏忠賢權左之概絕無計較利害之私溥朝定  
 鼎後移家河南通關人兼山堂讀易其中受明道術啓迪後學海內之  
 士閉風興起有功於世道人心非淺鮮湯斌又謂其博極造約  
 學以慎獨為宗弟為盡性之基由忠恕為達化之門蓋斌又謂其博極造約  
 於言之最切著其書近指此外如理學宗人物考十八  
 卷俱採入四庫全書其書近指此外如理學宗人物考十八  
 六卷他著稱其書近指此外如理學宗人物考十八  
 典其湯斌稱其書近指此外如理學宗人物考十八  
 定四庫全書提要內稱奇逢說易發近指四書子之學主於  
 用故廣言關法戒有足取焉四書近指四書子之學主於

卷之三

廟廟寺觀

七

貴陽文通書局代印

旨博引先儒之說以證異同如大學經傳數節未免高明之病最確然指意不無偶偏如論道干乘之國及大學經傳數節未免高明之病最確然指意  
考意在黜華藥勵實行鄒子注經後人而責備賢者頗為不苛惟張玉傳贊為  
糾繆等語臣等伏考朱子注經後人而責備賢者頗為不苛惟張玉傳贊為  
而要德學無門戶兼傳朱陸之宗道溯源足衍濂洛之脈應准其從祀文  
夫道不以一語之偶偏掩其生平由倫常日用契乎性天以慎獨存誠闡  
廟西廡在明陸隴其以斯道為任精研程朱之學兩任邑令務以德化民  
臣呂坤之次陸隴其以斯道為任精研程朱之學兩任邑令務以德化民  
入官匪臺章奏必抒誠悃不生端方孝友笑言不苟所著諸  
書能發前人所未發絲毫不詭於正稱昭代醇儒進從祀

啓聖祠 崇祀 至聖先世中設 肇聖王木金父左 裕聖王祈父右 詒

聖王防叔左次 昌聖王伯夏右次 啓聖王叔梁紇位皆南向祠內配

享先賢顏氏 名無繇家語繇 孔氏 名鯉字 東位西嚮先賢曾氏 名點字子

曾孟孫氏 名激字公宜魯 西位東嚮兩廡從祀先儒東廡周輔成 周之子教

程珌 字伯溫贈永年伯 蔡元定 字季通隱居西山世稱西山 西廡張迪 張

載之父宋神宗 朱松 字喬年歷吏部司勳郎中 又崇聖祠三間並在大成

殿後

按孔廟自同知魯候傅倡修後歷任皆有修整甚爲壯麗完善民國十四年滇軍過境駐廟中二月竟將先賢金字牌位及門窻戶壁撤作柴薪現地瘠民貧不知何年方能修復

關岳廟 在城內東街前係關帝廟民國四年改作合祀關岳廟

附錄民國四年三月禮制館呈擬定關岳合祀典禮文上年十一月二十日奉大總統申令據陸海軍部呈稱時方多難宜右武以崇忠古者以死勤事以勞定國皆在祀典近則歐西各國范金鑄像日本亦有靖國神社之名表彰先烈中外所同現武城之奠尙在闕如崇德報功必符名實關壯繆翊贊昭烈岳武穆獨炳精忠英風亮節同炳寰區實足代表吾民族英武壯烈之精神謹擬以關岳合祀作爲武廟等情查關岳兩祠近代久崇禮祀我國人民景仰盛徽肝鬢之報幾遍里閭誠以忠武者國基所以立民氣所以強當此民國肇興

要在尙武經傳本有禱祭唐宋亦祀武成允宜特薦馨香列諸典禮  
爲師干之圭闈表示民族之楷模著禮制館妥議闕岳合祀典禮並  
稽考唐宋武城廟祀遺規將歷代武功彪炳之名臣名將及民國開  
國忠烈將士酌與從祀庶振袍澤之氣用臻強盛之庥凡我國人民  
皆當知崇厥武祀實以壯軍志而固國維既殊叔季豐昵之非更異  
釋老迷信之指其咸懷明德作我干城本大總統所深望也此令等  
因奉此謹案京師漢壽亭侯廟建於隋代其前雖無可考而自隋迄  
今一千三百餘年祀事修明至明清而益盛自京師以逮各行省廟  
貌巍峨典禮之隆擬之闕里岳廟始建於鄂在宋孝忠乾道五年距  
其歿也未三十載歷致褒崇從祀歷代帝王廟其廟之在於河南浙  
江江蘇湖北等處者皆由地方官吏春秋致祭論勳業則山河並壽  
同期恢復中原論行誼則忠孝兼全不僅頡頏國士後先一揆足立

情而廉頑稱道至今直家尸而戶祝今遵明令考禡祭之經修合祀之典英靈昭醜馨香通以神明將士趨踰報饗導其忠義所有壇墀之闢旂纛之陳登降何以肅其文筮鏞何以緹其奏出師旋師之特告春戍秋戍之常儀典秩所在武義之宗自應博考旁稽審慎擬議而廟立標姓並躋孔氏之尊稱位宜題諡不襲道家之謬號則又因時之制不可不折衷至當者也至於從祀之人氣節爲上武畧次之義貴講嚴寧遺勿濫前清將帥民國先烈有待論定暫就闕如謹擬自蜀漢張飛至明周遇吉都凡二十四人列位兩序以配胙蠻世昌等督飭館員悉心考訂成京師及各地方關岳廟祭禮一卷附具說明書並飭擬訂樂譜均經評議員議決復由世昌等詳細復核凡所纂擬尙臻周妥從此丹青毛髮御雲車風馬以偕來袍澤謳歌激古誼忠肝而興起信於今而爲烈實異世而同昭也同月二十五日奉

大總統批示呈悉准如所擬辦理卽由該館通行遵照此批 附錄  
京師關岳廟祭禮殿內正位左奉 岳忠武王均南向兩序奉歷代  
忠武將士張飛王濟韓擒虎李靖蘇定方郭子儀曹彬韓世忠旭烈  
兀徐達馮勝戚繼光東位西向趙雲謝玄賀若弼尉遲敬德李光弼  
王彥章狄青劉錡郭侃常遇春藍玉周遇吉西位東向均北上歲以  
春秋分節氣後第一戊日遣副總統或參謀總長陸海軍總長一人  
將事特行崇典則大元帥親詣行禮前祭一日齋戒是日味爽執事  
官 凡執事官均由內務部酌派潔蠲殿內外籍以醴薦拂拭 神  
座張幄次於廟門內階下之左南向殿上正位籩豆案二其前香案  
二又前總設俎一皆南向東序一龕西向西序一龕東向籩豆案各  
四統設俎豆香案東西各一殿中少東祝案一北向東尊桌一接桌  
一西尊桌一接桌一派桌一均北向 正位神龕旁饌桌東西各一



實祿設祿桌上凡帛皆白色設洗於幄次之外司樂設樂懸於殿外階上鈔鐘一時磬一編鐘十有六編磬十有六琴六瑟四簫四篴四箎四排簫二塤二笙四建鼓一搏拊二祝一敔一千戚三十有六麾一旌二東西分列如儀陳設畢執事官引內務部次長一人入周省禮盛及簋豆登鑪之實如儀 辨行禮位殿門外正中爲大元帥拜位北嚮(遣官則拜位設於階下)階下左右爲分獻官拜位其南爲陪祭官拜位簡任文官陸海軍上等官佐均先期由政事堂統率辦事處開單呈請 大元帥選派屬任文官陸海軍中等官佐均由政事堂統率辦事處及各府部院軍營師處旗長官選派各二人(辦執事位殿上司一一立祝案東西嚮鳴贊一人司帛二人司爵二人皆 正位從祝位各一)(接祝祿一人立東案之東西嚮司帛二人司爵二人亦 正位從祀位各一)司祿一人立西案之西東嚮侍儀



內務總長陸軍總長海軍總長禮官平政院院長肅政廳都肅政史  
統率辦事處總務廳廳長內史長分立東西案之南東西嚮對引侍  
從武官各二人分立大元帥左右對引在前侍從武官在後均北嚮  
（遣官則不設侍儀及侍從武官位）典儀一人立殿左門外西嚮鳴  
贊一人立殿右門外東嚮其南司樂一人及樂工歌工舞佾分立樂懸  
之次階下分贊二人分立於分獻左右糾儀肅政史二人傳贊二人分  
立於陪祭各官拜位之北皆東西向司瘞一人率瘞人立瘞坎之隅  
是日味爽陪祭各官豫集恭蒞大元帥戎衣至由廟中門入下騎  
或降輿）對引二人進導幄次禮官一人侍從武官二人從大元帥具祭  
服侍從官進奉帨巾盥畢司祝以祝版進大元帥恭閱署名司祝進  
奉於祝案 鼙鼓初嚴典儀贊執事官就位執事官各就位再嚴燃  
燭焚香三嚴禮官請大元帥行禮大元帥出幄次侍從武官隨侍（凡

陞階進殿均隨侍其餘衛侍從至階下止立。對引導大元帥入中門升中階就位北嚮立禮官進立殿左西嚮分贊引分獻官傳贊引陪祭各官均於階下就位北嚮序立典儀贊樂舞生就位執事官各司其事陪祭官各就位典儀贊迎神（贊者承傳以下凡典儀有司贊者皆承傳）司樂舉麾贊舉迎神樂奏建和之章辭曰尙武兮新邦景前徽兮烈光緬翊漢兮神威啓精忠兮靖康明祀事兮惟誠庶居歆兮苾芳樂作鳴贊贊再拜大元帥再拜傳贊贊衆官皆拜衆官在位者皆再拜樂止典儀贊奠帛爵行初獻禮司帛爵奉帛篚揭尊幕勺挹酒實爵以進司樂贊舉初獻樂奏安和之章辭曰颯爽兮英姿肅靈風兮兩旗椒馨兮始升薦嘉幣兮明粢來格兮洋洋神憑依兮在茲樂作樂工舉旌舞干戚之舞鳴贊贊詣奠帛獻爵位對引導大元帥進殿門（凡大元帥進出均由殿中門下遣官則由左

門）先詣 關壯繆侯位前正立鳴贊贊獻帛司帛進篚大元帥受篚拱舉司帛奠於案正中贊獻爵司爵進爵大元帥受爵拱舉司爵奠於墊中退次詣 岳忠武王位前正立獻帛奠爵儀同贊復對引導大元帥仍由殿中門出復拜位立兩序司帛爵各奉篚實爵進至東西序位前立分獻官各就案前受帛爵拱舉司帛爵奠於案上退司祝就祝案前立鳴贊詣讀祝司祝捧祝立大元帥右讀祝辭曰惟某年某月某日陸海軍大元帥某（遣官則云遣某官某）敬祭於 關壯繆侯 岳忠武王曰惟 神河嶽英靈乾坤正氣忠誠激於金石武烈炳於旂常高義薄雲動寰區之景慕精忠報國垂後進之楷模信大節之相符宜有功而必祀奠十秋之俎豆廟貌長留靖八表之戈鋌民生受福震今鑠古元精爭日月之光異代同符壯采肅風雲之氣永虔肸縶勿替明禋尙饗讀畢大元帥拱舉司

祝奉祝版安於篚退樂復作鳴贊贊復位對引導大元帥復拜位立樂止 典儀贊行亞獻禮司樂贊舉亞獻樂奏靖和之章辭曰振萬舞兮宮縣申式鶴兮告虔赫濯兮聲靈仰神功兮億年樂作（舞同初獻）司爵奉爵分詣 關侯 岳王位前拱舉各奠於左退兩序隨分獻如初樂止 典儀贊行終獻禮司樂贊舉終獻樂奏康和之章辭曰河嶽兮降神佑啓我兮後人清酒兮三申通精誠兮明禋樂作（舞同亞獻）司爵奉爵分詣 關侯 岳王位前拱舉各奠於右退兩序隨分獻如亞獻儀樂止舞退 典儀進至殿東西嚮立贊受祴退鳴贊贊詣受祴位對引大元帥進殿詣受祴位正立司祴官就西案執祴祇立大元帥之左接祴官祇立於右鳴贊贊受祴大元帥受祴拱舉授右官賜於軍吏（祭畢由內務部送祭肉於統率辦事處分頒在事諸軍吏）贊復位對引導大元帥復拜位

立鳴贊贊再拜大元帥再拜傳贊贊衆官皆拜衆官皆再拜 典儀贊徹饌司樂贊舉徹饌樂奏蹈和之章辭曰備物兮吉錫將告徹兮瓊筵神享兮克誠垂英靈兮後先樂作司爵進徹籩豆各一少移設處退樂止 典儀贊送神司樂贊舉送 神樂奏揚和之章辭曰瞻祠廟兮神歸翮雲駕兮騷騷靈盼兮昭回承嘉休兮德威樂作鳴贊贊再拜大元帥再拜傳贊贊衆官皆拜衆官皆再拜樂止典儀贊奉祝帛送瘞司祝司帛司爵進捧祝帛酒饌以次恭送瘞所大元帥轉立拜位旁酌嚮（遣官則避立西旁）俟祝帛過復位兩序帛饌均隨送瘞所分贊引分獻官退傳贊引陪祭各官退立拜位東西旁樂作（樂章與上並爲一闕）典儀贊禮成禮官導大元帥入幄次樂止更戎衣歸府衆官皆歸 附錄各地方關岳廟祭禮各地方關岳廟皆以歲春秋分節氣後第一戊日由駐在該地方各文武推

官職較高者一人親詣致祭（官職相等者皆爲陪祭如將軍主祭則巡按使爲陪祭之類）官職較次者二人東西序分獻糾儀以軍官警官各一人執事人各以其屬及地方官紳學校教員學生之嫻禮儀者選充在該地方各軍官警官及兼有軍警職各文官一體與祭其餘同城文官均不另祭祭之日陳設祭品行禮儀節均與京師遣祭 關岳廟禮同 祝辭曰惟某年某月某日某地方某官某敬祭於 關壯繆侯 岳忠武王曰惟 神武功彪炳偉烈昭垂建大節於千秋振英風於六合忠誠正直麗河嶽而長留智仁勇功與日月而並耀潔馨香而合祀德量同符肅俎豆以明禋心源如接惟祈歆享克鑒精誠尙饗 迎 神樂奏建和之章辭曰懿鏖兮神功震華夏兮英風義勇兮河東惟湯陰兮與同修祀典兮方州佇降歆兮闕宮奠帛初獻樂奏安和之章辭曰神來兮格思風馬下

兮 靈旂量幣兮初陳薦芳馨兮玉卮瞻仰兮明威儼如在兮軒墀  
舞干戚之舞亞獻樂奏靖和之章辭曰萬舞兮洋洋禮再舉兮陳鴈  
靈昭昭兮既留庶鑒誠兮降康舞同初獻終獻樂奏康和之章辭曰  
名世兮鍾靈炳河嶽兮日星祀事兮三成肅駿奔兮廟庭舞同亞獻  
徹饌樂奏蹈和之章辭曰告徹兮禮成神其受兮苾芬明德兮惟馨  
播聲威兮八紘送 神樂奏揚和之章辭曰雲駕兮高翔神將歸兮  
九閭受福兮蒸民導我武兮惟揚 附錄說明書 一祭地謹按中  
華民國三年十一月二十日大總統申令有云關岳兩祠近代久崇  
禋祀我國人民景仰盛徽胥蠶之報幾遍里閭誠以忠武者國基所  
以立民氣所以強當此民國肇興要在尙武經傳本有禘祭唐宋亦  
祀武成允宜特薦馨香列諸典禮爲師干之圭表示民族之楷模等  
因是以此次擬定關岳合祀典禮所有行禮儀節悉本於古禘祭武

成廟祭而損益之考禡祭之禮在漢已亡

文昌廟 在城內東街孔廟右光緒十六年地方紳民募捐創建共二十七間現移設兩等學校於內

火神廟 在城內東後街前清光緒九年地方紳民募捐創建現已朽壞  
昭忠祠 在城內東後街清光緒三年地方官紳募捐修造殿宇五間大半朽壞現改爲忠烈祠

龍王廟 在城內西街清光緒五年地方紳民募捐修造廟宇一間現尙完整

城隍廟 在城內西南隅前清光緒十年地方人民募捐修造正殿左右廂房戲台酒樓共二十二間歷年修理現尙完整

報恩寺 在城內南街民國九年地方紳民募捐修建

觀音庵 在城內東後街前清光緒八年女尼史廣明捐資修建後由地



方補修又一在城內南後街清光緒三年地方人民捐資修建

白衣庵 在城內南後街清光緒七年地方人民捐資修建

萬壽宮 在城內南街清光緒八年地方人士捐資修建

龍泉山寺 在城西五里清光緒初建已毀民國十二年地方公共團體募捐修建

魁星閣 原在城內東北隅鼓樓坡頂清同治年間修建至光緒十四年同知吳光燮迷信風水之說謂此閣不利於衙署遂移於城南門外五里橋之左阜因距城稍遠無人照料致殿閣朽壞無存現二處地址尙完好如初

### 鄉閭祠廟

關岳廟有四 一在城東北十里長青堡清光緒二十四年地方紳民募捐修建一在城北二十五里興仁堡同治十二年紳民捐資修造一在城

北三十里中孚堡光緒三十四年人民募捐修造一在城東七十里雙守堡光緒十二年人民募捐修造

孔廟一 在城東十里長青堡與關岳廟同

城隍二 一在城東十里長青堡清光緒十年人民募捐修造一在城東

九十里排調場光緒四年人民募捐修建

魁星廟一 在城東十里長青堡光緒三十年人民募捐修造

觀音庵一 在城東十里長青堡清光緒三年人民募捐修造

萬壽宮一 在城東七十里南皋場清光緒二年人民募捐修造

三元宮一 在城東北六十里石礮堡清光緒三年人民募捐修造

宗祠有四 張氏宗祠在城東十里長青堡清光緒二年張氏合族捐資

修建楊氏宗祠在城東北六十里石礮堡清光緒六年楊氏合族捐資修

建何氏宗祠在城北三十里中孚堡清宣統元年何氏捐資修建周氏宗

祠在城北三十里興仁堡清光緒初年周氏捐資修建

ノ須藤 有 三

八寨縣志稿卷六

山川

山川險易兵家之所注目形家亦所醉心顧云不識地利者不可以爲將傳曰天時不如地利然近代文明促進飛艇徧環球行空如平地下視殺函之嶮巖江漢之浩淼等之蔑如雖然大敵不足恃以爲藩籬平居或可倚之爲屏蔽八邑萬山叢脞千澗分歧要皆鸞叢鳥道不通舟車何戰守之足云居民不過耕山而食限水而飲在求治者因俗成化進斯民於熙皞之境而已至若山之錯綜水之參伍名不勝名筆不勝筆茲取古之所傳今之所著者而分別之以備日後口傳之闕焉可耳

龍泉山 爲縣治主山在城西四里分屬於費寔都勻間之斗篷山正幹由楊家冲南行爲金鐘山

都勻

至河流東南部逕王司循雞賈河右岸起



折入而結距城一百二十里

金鐘山

縣治入景之一

由飛鳳山分支向東三里遞結是山距城正南四里巍然

獨秀四面無纏帶之山高數百天形如覆地金鐘

鳳容山 在城東北五里秀雅天然山左如鳳卷翅山右勢舒張合觀如

金鷄曬翅

相傳昔有土官雷鳳鳴者用奇計破苗匪於其上故名鳳以紀其功

尖坡 又名文筆峯亦名玉柱山 縣治入景之一 在城正東八里挺然矗豎平原

中秀穎高出雲表約五百尺四面名山環繞 如龍泉飛鳳金鐘諸山相繼迴繞之 有居中策

應之勢清雍正間哈將軍元生平苗曾營其山麓藉資控制諸苗悉平

獅子山 在城東七里山頭如獅仰口中有古墓一不知葬自何時碑碣

風雨剝蝕字跡幾滅細辨認隱見楊經聖之墓五字形家云此墓得地子

孫應侯此固不足憑信陟其巔則萬山朝拱聲聲勢勢景緻天然

獸星山 在城西北三里兩山對峙如獅相向古諺云二獸排新府雙龍

入舊城

舊志

鹿頭山 在城西北十餘里山高聳危崖崩劣地臨麻江都勻兩縣之交  
迢遞層疊北下三十里至甕城河濱止

甕朗山 在城東三十里綿互十餘里危峯剗巖箐密林深惟一線羊腸  
盤旋而上清咸同間苗叛悉衆巢之聲勢洶湧官兵幾費經營方搗破之  
展良山 在城南五里形若畫屏俗謂之掛榜山

馬鞍山 有三一在一區正南六里一在正東三里一在三區排調西北  
隅距城約百里皆以形勢命名

猴子坡 距城南二十里

羊勇坡 距城南二十里卽縣治與三合縣之交界處

龍崩坡 在城東南三十里林木豐翳山勢聳峙高入雲際前憑大發洞  
洪發洞各汞廠後臨四相合興各汞廠值縣治與三合縣之交界三面削



壁無路可躋惟由二區排擔坡之嶺岡迤邐而上路基逼狹輿馬難行山  
頭有大塘一寬十餘丈旁田十餘畝藉資灌溉中一村坐觀四面之山  
歷歷可數村以地高故名高寨塘最深傳中藏異物去後塘傾圮故名龍  
崩坡以其龍去而坡崩也土人僅築留塘中井以供汲飲四面拓爲田甚  
肥美清同治初鑪山縣屬之苗匪羅光明叛率衆巢其上頗有建瓴之勢  
以故官兵反爲所困地利使然也

排水坡 在城東三十餘里山脈遠大氣勢磅礴岐支四出均懸崖絕壁  
路逕陡險爲進三區排調之要道

望鄉臺名山在城正東六十里陡險奇絕高約貳百丈中通小徑爲進三區  
排調之門戶兩岸之危峯若懸若墜若倚若傾難以言狀下則峯巒跌宕  
層出不窮憑 俛矚則山腰叢林合抱之木不啻平原淺草北望香爐即鑪

山縣之儼如小聚西顧龍泉即本縣之龍泉山 僅若橫牆不特環境之羣山歷歷

在目卽鄰縣如都江三合丹江鐘山之崇巒峻岫皆可一望而收故曰望鄉臺亦奇境也一大觀也

九十九腦名山在城東五十餘里由金鐘山分脈經瓦廠堡大坡出康家溝而結之峯巒疊出凸凹高低錯雜奇離不可名狀故以九十九腦揮括之鳳凰山 距城東北五十里在三區排調北六十里爲三區之主山巍峨矗立氣象翩翩左右若羽翼然茂林修竹四時不殺莊秀無匹

五臺山 距城東九十里在三區排調場適居山之腰高約千尺自旁山視之遞疊五層故名

雄虎山 距城東北百里許在排調東北十餘里山勢威猛峭壁巉崖林木森森蹲踞若虎然

仙人掌 排列數峯參差若指下平疊若掌由五區白竹山橫經丹江屬之喬王烏勇等寨折入縣治之南岑上下兩寨而爲是山距城百里在排

調東北十八里

牛角山 距城東一百三十里在排調四十里由白竹山之南出分水坳

玉鼎山而結之雙峯湧出懸崖峻絕林木陰翳俗傳山上有石牛一常出飲河敵死民牛甚衆主者

忿追及山中忽無踪跡惟一石牛在焉擊之斷一角並以犬血淋之嗣後不復出

同角山 距城東百里許在排調東北二十里高聳雄峙自北望之僅見

一峯高插天際由西南遠望則三峯秀列

雄達山 距城百里在排調之東四十里由牛角山曲折而南旁結一山

是為龍頭山

白馬山 距城百餘里在排調東二十五里由雄達山分脈林木幽靜上

有剎名白馬廟

金家山 山勢稍平頗有田土金家村焉故名距城八十里在排調四十

里

魚塘樹 距城東一百二十里

烏泥山 距城東一百九十里距五區烏洛場十里

白竹山 距城一百六十五里在烏洛西十五里山多白竹由丹江屬之

冷竹山分支經也吉山入縣境分東南西三支東支經脚牛怎卡野牛羊

黨等寨至兩岔河止山脈十六里南支經高硯排告兩寨而達照榜山又

由也的排吉加腦等寨連天馬山過筆架山至三元橋止山脈三十里西

剛分水均玉鼎山排雁山對科坳達遇仙山

玉鼎山 距城一百五十五里在烏洛西二十五里東去二里有仁壽營

故壘迢濫而達烏沛河止山脈十三里

排雁山 距城東一百五十五里在烏洛西南二十五里形如雁行故名

連仙山 距城東一百六十里在烏洛南四十里山脈分岐迢濫延長內

中一支達格江城一支達都江城相傳昔柳鳩有苗人名在西者於上  
巳日登臨山頂場一老問爾何欲蒼

願常不飲酒肉老人以杯水飲之忽不見返而為人祈禱願發靈業巫以故今之苗巫降神先飲水一口謂之飲神水於考卦不驗則請在西作證盟延習至今毫不更易故名此山為過仙山

天馬山 距城東一百八十里在烏洛南五里許

筆架山 距城東一百七十餘里在烏洛南十里三峯排列中高於兩旁

秀挹數十里宛如筆架

排座山 距城東一百六十餘里在烏洛東十五里

照榜山 距城東一百七十里在烏洛西十二里形如插屏林木蒼翠幽

雅宜人

涼傘坡 距城東北十二里在二區長青堡東二里

番甕大山 距城東二十五里在長青堡東北十餘里

笑天龍山 距城東三十里在長青堡北十餘里

石龍坡 距城東北四十餘里在長青堡北二十餘里 每逢子午兩日苗男女聚歌於此謂

山之扒

龍坡 距城東北四十餘里在長青堡北三十里羣巒迭出杉松暢茂宛若游龍

太平坡 地占高原縱橫三十餘里距北二十餘里在四區南皋西十餘

里 清哈將軍元生苗匪曾紮營其上既而匪平故名太平坡壘跡尚存

四方山 地勢高廣古木參差橫亙數十里山路分歧毗連丹江清時為

匪出沒之場距城東北六十里高達數千仞山頂有石磴數十 土人云清

生覘敵井一口水極清涼四季不涸 苗男女於子午匪聚歌舞於此極其巔東關雷公

山西望龍泉山南視牛角山北顧香爐山均在目前山以此得名

夾牢山 距城北六十里在南皋之反背山勢崔巍羣峯聳峙中一小坪

村落在焉四面山圍如迴牆皆削壁危崖無路可躋山右勝又疊一坪自

下視之如重臺然可營萬人實有居高臨下之勢山之前僅徑通小曲折

崎嶇頗礙輿馬緣路古木參天半多橡樹而上下左右尤富松杉中田數百畝盡屬膏腴形勢陡險迴環異常堅固故曰夾牢洵非虛也

按境內諸山統由城西龍泉山發脈分南北兩大支南支由大登高過脈而結飛鳳山迢遰南下經展良大山十餘里而結三合縣屬堡望之

大坡 又由飛鳳山分支東向三里結金鐘山 由此分東南東北兩

支東南支經兩夾坡三里至馬鞍山縣城正南遞疊而結羊勇即八寨三合交界地

大坡東折至高寨而為龍崩坡南下即三合地段綿互約四十餘里 由此略

折南結三合縣屬之野記坡傍東行經馬頸坳迭結三合都江兩縣交

界之大坡綿互約四十里 又由金鐘山分支東北出埋頭坡鐵駝坡

袤折北經烏圭寨遞結猛虎跳澗坡約十餘里 又由埋頭坡分支北

向出馬鞍山縣城正東挺結文筆峯疊結鳳容山約五里 又由馬鞍山分

支東下洗馬塘而結獅子山經瓦廠堡出硃砂廠二區之分區越羊烏把條

等寨南下至大發硯硯河止綿互約二十餘里 又由硃砂廠東向經  
口袋門而結排水坡下烏灘河循烏阿河至排倒河止約三十餘里  
又由硃砂廠東北向排甲溝坡分支經老洞寨出康家溝委曲迢遙過  
貓鼻嶺而分結九十九腦綿互約五十餘里 由此又分東西兩支東  
支結鳳凰山約八里西支達望鄉臺約十里 又鳳凰山分左右中三  
支經丹江縣之黨壩寨折入本縣之巖脚寨金家山烏早河止約二十  
里右支經宰宿寨至排排寨約十里中支經丹江縣之孔慶寨折入本  
縣之野雞寨北河寨而爲五臺山約三十餘里 五臺山又分甲乙丙  
三支甲支出楊柳井也要寨馬鞍山雙堯寨至馬頸坳止約三十里乙  
支至黨甕烏威等寨止約十里丙支出黨干西鵝納寨碗廠岔河止約  
二十里 又由望鄉臺泡水山分甲乙丙三支甲支出從爽寨甲石寨  
至烏早河約十五里乙支經黨早寨過崖脚寨迢遙出南岑上下兩寨



而入丹江境約三十餘里丙支出宰恢排桂辣子等寨延至雙峯山約十餘里 又分左右三支左支經排末小寨至馬頸坳右支經排倒寨雞加大寨排末大寨亦達馬頸坳綿延六十里 又由甲石寨坡分支出茅草坡經王司而達銅角山約三十餘里 又由金鐘山分支出番甕卓左等寨經過丹江縣屬排落大塘卜家坳冷竹山喬洛大山折入本屬飛鳳山魚塘坳烏泥山綿延數十里 又飛鳳山南分支經蕭家上中下三寨而達烏洛街即五約十五里 由魚塘坳之東大槽沖達喬外寨十里烏泥山分東南兩支至也吉山山之西達格益上中下三寨山之東迤邐而至雙岔寶又分二支經田壩寨加支棉花坪寨至烏鳥河右支至排畧寨小河溝寨左支經楊家灣寨至加鳥寨山脈三十里又東支九硯山大坳排座山按此山之東即榕江屬地山之西即本縣屬地以山梁倒水爲界山脈延五十里 白竹山由丹江屬之冷竹山分支至開聖寨也吉山入

本縣境界山分東南西三支東支經脚牛怎卡野牛羊黨等寨至兩岔河十六里南支經高洞排告兩寨結照榜山過也的排吉加腦等寨結天馬山過甕卡黨開兩寨結筆架山達三元橋三十里西支迭結分水均玉鼎山排雁山對科均遇仙山山脈延長七十餘里由此分二支一支達榕江縣城一支達都江縣城止 又由番甕山十三里至轎頂山及排左尖坡北行而達四方山約三十餘里 由此折東至排戾山排連山而結烏低山入丹江境約三十里 又一支西北行出巖鴛寨曲折而達烏順山 其山埡口土人云哈將軍斬龍處 約四十里由此北行經太平坡仰天窩沿河下卡烏河 麻江縣屬 十餘里 又由四方山分支北行經養埡山達九門岔河而達南皋營約三十餘里 又龍泉山東北一小支下磨刀石經龍硿三里至五里關又分兩支傍南一支至縣城之鼓樓頂 下即縣治 下東門坡出老前營 清河統領駐兵處 至上下五里橋達下烏圭寨止八里又

分一支傍北行經馬寨出烏藥豐樂堡達兩廊坡至甲脚河止約十餘

里 又龍泉山正北一支下大壩口蜿蜒而至宰拉坡直接鹿頭山下

甕城河止約三十里 又鹿頭山分支西北行六里過金竹坪七里經

平夷堡 左為甲脚坡 右為重望坡 約十餘里至排怎坡亦下甕城河止又一支北行

經興仁堡 即四區 約十餘里至中孚堡之三洞橋止 又龍泉山反背

分小脈一支五里至得祿沉三里下總講 三合地 出二臺坡折入低刁河

三合 止此八寨山脈之大概情形也

龍井水 源出城內西南隅 縣治八景之一 水勢浩大四季不涸秋冬稍殺味極

甘涼悠然長流下灌田數千畝概屬膏腴匯大登高山麓水於蒼筤盪寨

脚三里至上五里橋二里至中五里橋又二里至下五里橋半里至孫家

橋五里至改乃寨脚六里經大小烏油寨脚里許至長青堡 即二區 大橋半

里與長青堡之洗布河合 洗布河發源於羊堯羊列兩寨之交 二里至豐樂堡里許西有臺

神寨烏藥寨之河入之於龍神鳥藥之河發源東有臘堯之河入之五里又

會番甕寨之河約十餘里至紅巖而番仰寨之河入焉底番仰小河源於

約長二十餘里又十餘里至中孚堡之三洞橋約六里至鐵嶺入卡烏大河底麻地此

河雖長七十餘里田無所賴河低故也

龍洞水 源出龍泉山麓在城西四里味甘涼與龍井無異滔滔不絕向

東北流經臺神等寨溉田千餘畝

大水溝 出二登高西北麓距城西八里經巖溝底達翁龔等寨入三合

縣堡壘河凡十三里強在源流十里經雷坡寨四里經鷄罩寨五里達低

刁入堡壘河都勻志

荻哨溪 都勻八寨兩縣連界處也距城西十里溪水出其西南都勻志作東南

達岔河

展良小河 距城南五里出展良上寨大山之腰際灌展良上中下三寨

之田近千畝東南流五里經五里鋪出天星橋過羊甲十餘里達交圭響

水三合縣地折西南流十餘里至夜高入堡壘河俗謂打扁河

羊烏河 距城東十五里源有三一發於螃蟹寨脚流十里入之一發於

柔遠堡新寨流八里入之一發於羊邦寨脚流里許經硃砂廠二里過羊

排寨脚又二里入之此三水發源極高經過既出不下數千畝三水於此匯合東南五里經大

發硎即永廠六里經排亭寨巖寨脚十里經烏阿寨十五里經鷄賈寨脚會

合甲石黨早宰恢宰沙等寨脚之水入烏爪河十餘里出馬頸坳入大河

自烏阿以下河勢低涉田水無所取給

烏灘河 在城東四十里源有二一由老洞寨脚一由九十九腦西北坡

脚即螺絲紐寨之溝渠之水匯流十里經排倒寨脚八里入羊塢河下流

告要寨冷飯廠兩處溪水 均在城南十餘里各流十餘里併入三合縣

之烏腮溝四里經譚家寨五里達王家寨二十里入大河

番扛河 距城北三十五里源出狗扒巖西北二十餘里入長青堡河

鷄賈河 在城正西四十里有渡係邑人劉德超捐田百餘挑給舟子專渡來往者爲上都勻之要道名劉家渡

康家溝 距城東三十餘里由老洞寨發源下流會排左卓左兩處溪流三十里經巖寨十里至排河達羊塢河

黑山溝 距城北十餘里水由宰拉寨脚經重望寨脚北流二十里入甕城大河

羊塢河 在三區排調場東北十五里距城一百餘里源發於丹江入寨兩縣交界之鳥的同南地方經流八十餘里而入之又十里餘達南岑寨脚又有支河源發於丹江縣桃梁巖寨脚經流四十里入之同流七里達岔河又有支河由牛角山白竹山流十餘里達岔河共入大河流至芳勝寨脚是爲碼頭河能通舟楫木植木排等

可勢最低只通舟楫等不能溉田

折南行流入

大河經都江達榕江約四百餘里

烏起河 在排調西八里許距城八十餘里發源於丹江縣孔慶寨脚澗

洄三區暨二區地面約七八十里經雙堯寨脚入排調大河

河低而水急不能灌田稍

可放木植

甕城河 在城北三十里有渡赴麻江鑪山之要道河之南岸為八寨麻

江兩縣交界處河寬大能行舟

九門河 在四區南皋場西四里距城七十里源有三一由二區卓左寨

發源流十餘里一由竹溜寨發源流二十餘里一由龍坡發源流十餘里

入之五里達南皋又由丹江縣排笱寨出一小支流三十餘里經烏皋寨

七里達南皋匯流四里過石橋堡十餘里入麻江縣卡烏河

烏洛河 五區 距城東一百七十里發源於丹江縣喬洛寨達烏洛場經都

江縣踏石至榕江縣百餘里入珠江

格益河 源出魚塘坳過格益寨入烏洛河

加烏河 距烏洛十餘里發原於韭菜坪經加烏烏兩寨過三元橋入烏洛河

野牛河 距烏洛八里源出白竹山經野牛流入烏洛兩岔河

加勇河 距烏洛十餘里源出河坪分水坳其支流出排雁山對科坳之間至加勇加膠寨脚匯流經將軍石南江片庫兩寨過三元橋入烏洛河

柳塢河 距烏洛三十里源出對科坳遇仙山之間其支流出李廣東經柳排塢泥至雙溪口合流至南江寨入加勇河

巖峽井 在城內東北隅水由巖峽出清涼與龍井相埒煎茶無鏽是所特長惜春發冬涸

小井 在城內縣府南水卽不甚清冽釀酒味濃厚他井遜之但秋冬卽涸



四方井 在城北里許頗浩大可灌田二百餘畝冬不涸

打鼓井又名迴龍井 距城南六里展良寨對山腰際其水由下上升復由上轉下初升時溝無滴水忽聞地有聲隱如雷逾近逾大而逾急豁然一聲水從洞湧出深尺有咫少選聲漸緩漸細水復縮溝涸如故俄又作如前雖盛旱其水無分毫加減亦奇觀也

一碗井 有二一在城西二十五里 距城東二十二里發於山坳上井上古栢數株陰翳蔽日地高而險爲入番甕卓左等寨之要道往來者必憩息其間水由巖縫瀉出一天然之石盪盛焉形若大碗故名味極甘芳四時無增減

排調井 三區 在區東里許水由沙中湧出清冽非常不涸且浩可運車碾區人築塘蓄之寬約十五方丈深可八尺名洗馬塘 有二一在第一區 時有魚千百尾游泳其中可供游玩下可溉田數百畝

柳樹井 在排調西六里旁多古木榆柳雜其中春夏間交相掩映鳥語

鶯啼別有風景井清甘行人小憩頗有忘返之概

三十六堰塘 在飛鳳山左峽層迭一連三十六故名距城西五里

洗馬塘

縣治八景之一

距城東六里水清潔浩瀚灌田數百頃上有洞水深不涸

距塘丈許形如仰月兩岸榆柳扶疏蒼松翠柏異草奇葩互相掩映岸上有千年樟木一大可數抱高約五丈形若華蓋冬青不凋盛暑行客浴罷坐談樹下清爽之極尤可取者遠近洗馬其中輒少病且肥澤

長塘 距城東十五里柔遠堡側長十餘丈寬五丈水深綠四時如一中有鯉魚重二三十斤者小鯉尤多相傳中有靈物每逢大旱鄉民相約百十成羣各持耨鋤掘塘移時大雨滂沱溝瀆爲滿屢試有效亦奇事也

龍塘

有二一在龍崩坡高寨

距城東北二十五里水深不可底相傳異物宅其中魚

尤衆後異物去塘漸清淺無他異焉下灌田數百畝

三岔塘 在城北十六里寬而深經冬不涸

興仁堡大塘 在堡下三箭路之遠距城北三十里極深大可灌田數百畝閘堡利賴之

干河大塘 距硃砂廠二里在城東二十餘里不渴居高溉田極多數村之民賴焉

高筍塘 距城東四十餘里高筍充溢故名地偏而幽僻四面峻嶺豐林暴客常匿其中時爲行客患近漸寧謐

老王塘 距城西里許大可十餘畝被土人王姓侵佔成田今由邑人查出提起公訴經蔣惠溥縣長極力開導王姓已具呈請願規復舊觀



八寨縣志稿卷七

關梁

一夫當關萬夫莫敵有關則有所恃而無恐十一月徒杠成十二月  
輿梁成有梁則河所虞而病涉關梁固為通都所常有關梁又為邊  
鄙不必無八寨邊鄙也邊鄙而山川錯雜也山不盡關而有關水不  
盡梁而有梁可錄可棄是在視有關係與無關係者

五里關 在城正北二里

舊稱五里不知何據而云然

為赴麻江鑪山兩縣之要道兩

山排列中即關隘今馬路通焉

羊勇關 在城正南二十里為八寨三合兩縣交界處大山峙其左深渠

護其右地亦險要今已拓平為馬路

余家卡 在城南十八里下即三合縣之堡壘地

脚高卡 在城北八十里距四區南皋場二十里通丹江縣之要道

黨弔卡 在城東北百餘里距三區排調場二十五里爲入丹江之要道  
得祿汛關 在城正西二十里爲赴都勻之要隘清初設一把總防守之  
至光緒季年始裁撤

九門汛關 在城正北六十里爲赴丹江麻江兩縣要道清初設一千總  
防守之至光緒末年始裁撤

韭菜坪 距城東二百里許在烏洛東二十里居九桐山排雁山之間爲  
榕江縣羊社場七十二寨必由之要道

同界坳 距城東北一百六十里在烏洛西南隅二十里居柳排寨養牛  
坡寨之間爲柳烏柳排一帶往喬桑之要道

喬配坳 距城東北一百六十里在烏洛西二十里居玉鼎山排雁山之  
間爲古州往排調八寨之古道

相傳光緒初因南忙大塘  
之水妖作祟近往來者鮮

分水坳 距城東一百六十里在烏洛西二十里居玉鼎山白竹山之間

路甚崎嶇爲烏洛經排調八寨之捷徑

五里橋 有三一在城正南二里是爲上五里橋今復擴通馬路爲下三  
合之大道一在城東南二里是爲中五里橋一在正東二里是爲下五里

橋均係紳民募款修於清雍正間舊稱五里想由老八寨而言今仍其舊

孫家橋 在城東北二里許

鋼鞭橋 在城正西半里爲赴都勻之通衢

台梨上橋 在城東北十五里邑人劉德超建

台梨下橋 在城東北十五里邑人吳華齋建

長青堡大橋 在城東北十三里距二區長青堡三里地方紳民募捐修

建

小朗大橋 在豐樂堡寨側距城十二里

南甕橋 在豐樂堡北四里距城北十六里清咸豐間劉德超建

吳家橋 在城東南二十里洪發壩下吳華齋建

天星橋 距城正南二十里在羊甲寨後

甕城大橋 在興仁堡西五里距城三十餘里陸贊乾建

塘卜大橋 在城北三十五里咸寧堡東里許胡起志建 清光緒末咸寧堡撥歸麻江縣

現為麻江地

新橋 在城北三十五里距咸寧堡里許胡起志建 地現屬麻江

中孚堡大橋 在中孚堡東北三里地方集欵修建一連三控寬二丈餘

長約五丈至清光緒中葉被水冲塌一控同知吳光燮復募欵補修

合心橋 在二登高西山麓距城西十七里兩橋距離約二丈橋心相對

故名

二道河橋 在城東北十三里民國十九年陳嘉猷復捐資重建橋橋成

適縣長郭孟瑜由二區各保點團回經其地嘉猷請題橋因命名為福德



橋並贈一聯云福氣得天由已造德星應運過橋來

羊甲大橋 在城南二十里原係蕭姓修建被水冲塌至光緒中葉其後人蕭鳴顯改修木橋又被火燬未復

三元橋 距城東一百七十里在烏洛南十五里清道光十年岑學典修後洪水冲塌於光緒十五年岑嘉謨等重修至二十年復崩今其嗣孫等又籌款以續先人之志

續嗣橋 在柳塢河距烏洛十五里距城東一百七十餘里清道光初年何宗憲罄家私修建雖叠經洪水冲激未遭傾圮或謂憲之修建此橋心志肫誠之所感也

福來橋 距城東一百八十里在烏洛塢先是李文學建

考其碑銘僅載天運庚申未詳

何時其橋長七丈五尺自清光緒初以迄民國更番朽而復修現今完好如初

雙銘橋 距城東一百八十里在烏洛四里許之兩岔河此間有大小兩河因名雙銘石姓倡修於清光緒初年係木橋一座越三年被水冲塌今已無存僅存碑碣惟小河橋隨朽隨修行人便之

羅家橋 又名三槐橋距城東一百七十餘里居加腦柳塢之間爲往來烏洛場之要道先爲羅承先倡修久而朽壞至清道光末年王有禹繼修以木條鋪架長七丈復經何名超何名馨何名宏何名儒何名揚何名開何名聯王恩培王恩周王恩宣王恩海王恩源王聚昌王宏才胡宏升胡宏元李占富李占鰲等十八家集資買附近杉山一大幅專作修橋之資材以備日後修補之需此一勞永逸之計也

加腦橋 距城東一百六十里清道光元年冉崇德等之祖倡修年久朽壞光緒間陳桂林劉志高等捐資重修今復完善

八寨縣志稿卷八

古蹟 金石形勝附

洪荒甫闢事近陸離世漸文明逐呈真相歷日久而愈可貴者何也懼其磨滅而無以資考鏡也何如而可曰傳之口莫若描之筆筆之所載千載若揭縣原荒裔僻在一隅不啻天之涯地之角豈惟歷代文化所難輸卽聲教亦所難暨也迄清雍正間始入版圖無論三百年前之古蹟莫憑卽三百年間之古蹟亦晨星碩果也今就耳目所及者而分敘之以備將來之一覽

八寨舊城 卽二區柔遠堡亦名老八寨距今城東十二里清雍正八年建置城垣土築後以地偏而隘且乏水公私交困於乾隆十二年始改設今城土垣櫺行倒塌惟存西南北三門石圈礮

老前營 在城東二里清同治壬申癸酉年何統領某率兵駐此遺跡猶

存

中營 在城北五里清同治威武營駐此以扼北路苗匪址尙存

尖坡

即文  
峯

山麓大營

在城東六里清揚威將軍哈元生奉檄平苗駐師

於此

大朗營 在城北豐樂堡後山距城十二里清咸豐乙卯年苗匪蠡起附

近居民築營自衛久困乏食匪破之殺戮殆盡

宰雅營 在二區宰開寨側距城北三十里清咸豐乙卯年苗匪陷城各

村民爲自保計相與營此官兵屢北無援先後與大朗營被匪攻破甚有

滿門被屠無存者

龍塘營

在城東南五十里高寨後山巔

形勢詳見  
龍崩坡

係凱里苗酋羅光明

巢其上

聳車營

在城東南三十五里亦羅酋光明所建與龍塘營犄角附近村

民有求保護者悉居其內約數百家設市面交易後爲馬會某所破始各分散今營壘關卡尙存

哈家營 在三區排調之西山距城九十里有三壘係清雍正六年哈將軍元生攻剿土酋老阿扛駐兵築壘跡依然

山王廟營 在三區排調後山距城東九十里清同治五字營部下何統領某攻剿丹江東區喬王一帶苗逆駐兵於此舊址尙存同時又有同營營長秦玉佩亦

築營於排調之大田塢後居民復總營地爲田今鄉人稱爲營盤田

熊虎營 在三區雄虎寨後山距城八十餘里清同治五字營部下哨長朱權三建此今鄉人稱爲營盤坡

斐排營 距三區排調十五里在城東百餘里清同治十三年丹江苗會殺首後餘孽猶猖獗上憲令人民築營自保故羊塢雄虎排河一帶居民聚此遂免荼毒之苦

滑石板哨營 距城東百餘里清上憲飭人民設營日夜輪流放哨有警  
舉炮爲號兵民共出攻擊此控制丹匪入排調之要道也

黨干西哨營 在排調之東距城約九十里爲丹匪入排調之要道地高  
聳一覽可達數十里偵探最爲適宜

柳樹井哨營 在三區排調西境距城九十里此哨營之設可防守茅草  
坡雙堯兩路及監視碼頭方勝一帶也

雄虎哨營 在三區排調北境距城百餘里地勢居高與丹江南區毗連  
可覘丹江東南兩區半壁兼可控制雷公山逆匪之出入

也學營 在也學寨距城東一百七十里清雍正七年哈將軍元生部下  
楊游擊某統兵駐此一連三壘跡存

孫家坳營 距城一百七十里清雍正七年九月楊游擊某由也學營移  
駐此故易控制各苗酋

柳塢營 在五區柳塢寨距城東一百八十里清雍正八年協府蒲某駐兵於此乾隆元年李游擊某亦駐之先後匪難攻迨咸豐五年丹江教匪羅天光天明兄弟勾夷族肇亂該地何姓全族爲自衛計重加修築堅守八年及同治初烏洛丹江夷族附從苗會某僞將韋老保於四月攻破大肆屠戮幾無孑遺

照榜營 在五區距城東一百八十里清光緒元年四月李游擊某由柳塢移此

甕卡營 在五區距城東一百八十里清同治十二年丹匪復亂戕害屠廟主某救援無及上憲令人民築營自衛卒免蔓延之患

烏洛營 在五區烏洛塢距城東一百八十里清同治十二年丹江復亂時匪首李公雞由裕江生苗地方竄入署都勻知府兼統領羅應旒飭部下李晴川率土兵三營駐之以遏其亂並建昭忠祠於中營明年撤兩營

只留一營迨光緒十四年移營部於平允僅留一哨至二十八年通令改編游擊營始廢之營址尙存後居民日增鄉村之盛此爲最

仁壽營 在五區玉鼎山之東距城東一百七十里山勢險固昔苗族叛

亂爲各營先後駐師處壁壘宛然民國十四年九月丹江縣土酋勾結台

希廷約集士民商築此營自衛衆諾於是加大管理異常完固時有爐山

縣舉人民政部員外郎簽事張夷白過之見山川之盛井井有條乃題其

類曰仁壽新村聯曰黨替哨營 在五區距城東一百八十里清同治十二年夷匪嘯聚四處

搜掠李晴川飭各地居民擇要設哨營日輪派十人放哨又建楠木井哨

營距城東一百九十里辦法如之以防夷匪之竄擾址均存

飛鳳山哨營 在五區距城一百八十里清同治十二年諸夷未靖不時

擾害上憲令民築營防衛以故無山竄入

按一區四區遺壘尙多年湮代遠老成凋謝不無闕畧



石礮 在四區石礮堡西里許距城北七十里成自天然不假人力長約三丈寬近二丈高如之水穿礮過深及丈游魚出入不常兩岸怪石玲瓏莫可名狀遠望若橫虹尤奇異者對岸半里石壁一幅巍然聳峙如插屏高可五百尺寬三百餘尺有古藤二大如椽緣壁左右上交於巔葉深綠經冬不凋形若龍故名龍藤壁間有龍頭虎掌石筍人物山水諸形儼然一幀古名畫下有窩可蔽風雨又有石凳可憩游客清光緒初都勻知府兼下游營務處羅應旒奉檄平苗經其地留題七律二

詩云騎馬平番過此岩嫣然小坐暢形骸參差樹木空中立長短亭臺對陣排不畫不描終不繡非裁非剪亦非裁此間若歿神仙住古跡從何自爾來又云征衣一領蔽風寒懶把名山仔細看小憩須臾諸自適大圖開展甚非凡虹橫水面過來客龍伏岩窩不見潭好景欲觀觀未得悠悠匹馬遶前關

石龍 在四區中孚堡距城北四十里石柱二大如釭先後由山硿抽出蜿蜒若行龍鱗甲開張先者長約十餘丈頭埋入田中後者方出數丈如截去頭部然

相傳揚威將軍哈元生征苗至此各砦不下以犀角向距龍嗣口吹之石龍走出雷擊之遂大破羣苗諸砦悉平

數十丈一巨石聳豎如柱高近百尺名將軍石前面亂石巉巖狀態奇特

俗呼十八童子拜觀音相傳此石嘗化馬食民間壽後亦為雷所轟形跡宛然

仙人墮石 在一區平夷堡距城北二十里有石柱三矗峙如鼎足高丈

許大數圍各另一石安其上似方面圓以手輕弄則動搖如珠滾盤中力

推之反絲毫不動重千鈞也又遠望若三人並立亦名姊妹巖

壘上大灘 在城東十五里形如窰而斜空其口巖漿淋漓構成種種異

狀惟左側一石翁倚頓石壁似持魚具形神尤肖相傳承平時土官雷某

常召集優伶演戲其上遠近參觀人聲水聲鼓樂聲暨觀者之譁笑聲相

和夾雜響震山谷今猶快炙人口云

閣老墳 在城南八里馬鞍山麓大如小阜相傳鄔閣老之墓並無碑記

可考按鄔均志曹陽陳矩碑記云崧山兄明詩紀事紀鄔節愍昌期

王墓於貴陽城惟未能確定王之葬所耳父老傳述已久此為王

鬱歸葬於勻又曰節感雖有清代純廟錫典竟不知墓之所在云云按此論節感勻人勻父老能不知墓所况寒人乎今既傳為節關老墓抑或節感之先人耳

獅子山墓 在城東七里許有楊經聖之墓相傳楊係漢人於清光緒

初其子孫有名玉科者封果勇侯後遣人詢訪有指其墓所者酬之重金

或職官鄉人不審其意不果告其處

參看獅子山註

金石附

銅鼓 係照屬苗族娛樂之樂具其形如規底空面平邊有四耳重約三

十斤或四五十斤不等面有花紋如動植物者間有似鳥篆蝌蚪者多不

辨認每於婚喪追祭時擊之擊時以繩繫耳懸之一人執木槌力擊一人

以木桶合之一擊一合故聲洪而應遠苗人寶貴之多留為傳家重器

都勻

標朱鏡標銅鼓詩群荆自古屬荆楚漢代征伐收版宇三苗聚族逃鬼方夜郎自大崇妖蠱武侯南征久抗師險踞山澗難攻取夷姓犬羊降復叛不忍屠盡仍安撫縱擒威畏武侯威南人不復反其主梗頑未及道詩書鍊冶銅鼓代莽齒賢刀買牛力耕田春秋義祭祀先祖蘆笙跳月宰太牢

牛角飲醪醉歌舞短裙高髻垂耳環唱和歌謠撞銅鼓使忘戰鬥樂堯天  
 男耕女織勤農圃武侯造鼓有深心攻心為上無敢侮非鉦非磬非鑼鑼  
 形如圓月中規矩上鑄蟬蚌鳥跡文花鳥禽魚雜龍虎頭有角兮耳有環  
 聲田田兮非缶羽其中妙術有機謀問誰能知此神武漢末至今千餘年  
 苗開武侯伏如鼠銅鼓歷刻有神呵周之石鼓夏商歷過五朝鼓尚存  
 我朝聖德恩尤溥苗民逆命起干戈大張捷伐靖強虜偏將霖雨洗烽燧  
 四野安恬俱樂土轄軒探拾武侯功史記班班考古揚輝竹簡表勤勞  
 偉烈昭昭在銅鼓我今試作銅鼓歌酒酣拔劍頻起舞相傳為漢丞相諸  
 葛亮征南時所遺  
 遷義志亦云然

貴州巡撫曾璧光嚴禁派伏碑 在三區排調初級小學校外清同治十

三年刊建碑文云照得苗疆粗定民困未蘇亟應剔除積弊加意撫綏以  
 作長治久安之計茲據通省善後總局轉據都勻府羅守具稟地方官  
 及土司衙門向有苗民輪流當差應伏並供應器具什物每遇差使過境  
 或因公下鄉土司書役聯為一氣勒派伏馬酒食無不恣意苛求及弁兵  
 紳團責令苗民服役其弊相等各路營見而效尤遇有移營樵探等事亦  
 相率拉伏似此勞煩民力朘削民膏實不堪命應即嚴行禁革以安閭閻

除行善後局分移鎮道並行各營屬邊照外合行出示嚴禁爲此示仰各屬官紳及營汛員弁並土司書役民苗人等知悉嗣後除主考學院過境照舊派伏迎送外無論何項差使不准派苗民應伏工役一切供應陋規概行革除倘有仍前勒派索擾情弊一經查出或被被告發卽行分別參處究辦決不稍寬勿謂言之不先各宜凜遵勿違特示

同知魯侯傳嚴禁濫派伏役碑 在三區排調初級小學校外係清光緒二年刊建碑文云照得案奉撫憲暨通省善後總局憲扎開照得黔省苗疆地方甫經肅清民間元氣未復亟宜培養以厚滋生除督撫主考學院過境准其照例應付伏役外各防營均有長伏無論文武各差過境一概不得濫應以示體卹爲此示仰非調司上下二槽花戶人民遵照除督撫主考學院過境准其照例應付伏役其餘各差不得濫應以示體卹倘敢故違濫派准其指名具稟以憑究治凜遵勿違特示

同知錫明訓導蕭沛春稟准紳民捐銀買書立案碑 係清光緒十九年刊石建於城內兩級女子學校右側文曰案據廳屬貢生蕭鳴遠等稟稱廳城原設龍泉書院每年延請山長主講惟因脩穀太儉不能聘請高明歷年均係學師兼理今史訓導守藩業經撤差在案蒙恩捐廉倡修齋房置辦器具籌添山長束修火食銀兩聘請任舉人承紀前來主講此席課勵士子作育人材兩庠諸生均爲悅服生等仰體至意不揣冒昧故乘考試之時爰集衆議共捐銀貳百兩作爲買書之資稟請專人赴省採買各種書籍歸入書院以便誦讀互相講究俾得坐院肄業而立功名並據職員楊仁富捐銀貳拾兩充作刀石之用其銀發交教習劉立本等造辦以課武庠等情據此卑職覆查諸生所捐銀兩係爲書院買書起見自應札飭值年齋長具領收存俟訓導蕭沛春赴省送考時再爲採買應用各種書籍到日再行另文申報外合將公捐採購書籍刀石銀兩緣由先行詳

請憲台俯賜查核立案牒准都勻府正堂區批牒稱廳屬諸生捐資採買書籍歸入書院以便誦讀足見勵志詩書殊深欣慰可嘉之至希候如牒立案可也册存轉奉各大憲批准其如詳立案册存等因奉此隨將捐項銀兩移交儒學正堂蕭並派廩生余元鐸史定魁隨同前往採買書籍茲准牒稱買來四史佩文韻府十三經注疏經世文編十子全書通鑑輯覽宋元學案歷代名臣言行錄先正事畧二程全書胡文忠公全集海國圖志王陽明全書秘書二十八種增廣事類統編唐宋詩醇孫子十家注聖武記楚辭注古詩源五子近思錄七十家賦漢學師承紀幼學求源昭明文選段氏說文東萊博議貴州通志文心雕龍姓氏族譜廣治平畧困學紀聞准此除申報另議看書章程外合行札飭爲此札仰該齋長康永齡等刊碑立案以垂久遠切切特諭

按清光緒庚子年又添置新舊各種書籍並石刊各種書約值大洋二千餘元

均備第一兩級小學校內民國十四年滇軍圍境將校舍三十餘間概折作薪並將此項書籍全行扯散一字無存誠爲可惜

哈將軍元生石刻 在城西二十五里地名一碗井四面崇山峻嶺怪石盤旋適當勻寨兩縣出入之衝道旁另有危崖屹立高約二十丈半腰一斜洞中可容數千人清雍正初哈將軍元生奉檄征苗過此洞中苗羣出而要之屢爲所困乃於對山駕巨炮轟崖崖崩掩覆洞口斃於中者過半數餘苗望風降順似此屢月不克之要隘忽一鼓而盪平之誠天意也乃刊天開草昧四大字於崖上事經三百餘年字跡猶顯然云

同知吳光鑾石刻

在城西北隅四里許

即龍泉山麓

有硯一曰龍硯水從硯

口溢溢極清涼四時不涸相傳中有靈物清光緒甲午年久旱不雨田禾盡稿同知吳光鑾親詣祈禱明日忽雨溝澮皆盈以爲奇驗因刻精異冥通四大字於其上

同知沈國良遺愛碑

在城西二里清光緒末年蒞任時多匪警城半倒塌

乃經營補葺較前尤堅民安之建碑頌其功邑舉人歐陽朝相撰碑文



曰於昭我公父母是邦憫茲露處克崇厥埔埔崇如金公旋於旌載瞻屹  
屹載思深深思公賜迴望公復來公胡能來誰達三台鳳岫莫高龍淵莫  
長我公作障遺愛靡量

縣長周人吉去思碑 在城西里許民國丁卯年蒞任八月卽解組政績  
尤多民利賴之去時立碑彰其德邑選貢王世鑫撰碑文曰清官難得清  
而勤而明尤難得公則清勤明者也公以經文緯武之資屈辱下縣恬不  
介懷其殆龐士元之令耒陽歟居官甫半載卽慨然解組不容情去留其  
殆陶靖節之去彭澤歟姑勿具論且論公承我邑殘破後撫輯羣黎惟恐  
不及於刑名案件曲直立判不稍徇隱吏民察其清公自矢不敢以賄嘗  
試是其清也下車伊始卽整飭團務改良教育講求實業諸端必親蒞其  
地不辭勞苦何者應興何者應革無不井井有條風俗爲之丕變是其勤  
也對於閭邑政策是是非非可否否燭照無遺卒之是非可否無相混

清是其明也嗟嗟清勤明三字固不足概括我公之美德又安知清勤明三字不為我公異日安邦定國之基礎乎吾儕知識謏陋不足闡揚顯末不過就其管見所及聊綴數語刻石道旁以作召棠之思云頌曰政通人和范相足多於爍我公治績同科愛民如子政除煩苛閭縣拭目載詠菁莪挽鄧無術為喚奈何綴拾往跡且頌且歌

形勝附

本縣八景

蟠龍戲珠

城西六里大山一座約高百餘丈山脈迢遞形勢蜿蜒如龍躍

實不足形容此山之妙因謂為蟠龍戲珠陳步瀛詩云龍山高聳逼霄空曲折蟠旋奪化工綠樹垂陰能避暑白雲護體不侵風石崖影現如披甲曉日光流似點銅歷盡滄桑多少劫依然故我一覽羣山中昔張桂星七絕詩云形似龍身懶獨眠陰濃古木並參天雲開一覽羣山中昔張桂星七絕詩有仙削歐陽朝相九日登山探勝意無窮上力磨崖又苦要工妙削青美蘭畫本笑拈黃菊出樊雲此地尊無上力磨崖又苦要同寄語工粵湘自此通海蘇草從教入藥龍萬嶽飲連高處不見滿城富

披晚來歸處知社會都樂醉眼霜風相眩紅袖自籠風渡幾年來足有勢  
 高難欲比天工龍泉說是峯如削柑酒會經袖其三臥病城湘有銷  
 天分鷓鴣斜陽歸寫生工貼天遠岫稍雲淡繞千嶺紫氣籠聖堡烽銷  
 更目窮山田耕隱打示全優避未盡臨輿林下帶襟門比紅王世  
 無犬吹山田耕隱打示全優避未盡臨輿林下帶襟門比紅王世  
 七言古云相彼龍泉山曲折似蟠龍盤桓數千里若屈若伸體態何  
 從容賦經雨湖遶日思又許自封春夏秋冬形色聲如洪鐘骨比堅金  
 節似香松可謂紅日思又許自封春夏秋冬形色聲如洪鐘骨比堅金  
 千萬世終莫頭改其行龍呼嗟乎一山聳峙萬山朝宗憑臨一望  
 目小翠峯蟠龍蟠改其行龍呼嗟乎一山聳峙萬山朝宗憑臨一望  
 飛鳳摩空然有升騰之勢大山一瀛七律詩云相傳飛鳳久無聲世界和  
 平彼自鳴雁作羽毛無我相石為骨幹雲情未分混沌先成體自有江  
 山即降生屈指年華過五百黃河一神張桂星七絕詩云不巢  
 阿閣不棲梧集此高閣瑞符奇翼欲摩天上月楚狂歌上有人無選左  
 世益七言古云山如飛鳳覓梧桐生在高岡中下視幸有特格如金鐵  
 桐石盼欲摩空飛鳳自覓梧桐生知仍困積下叢幸有特格如金鐵  
 桐枝葉亂蓬蓬飛鳳自覓梧桐生知仍困積下叢幸有特格如金鐵  
 耐冰霜一孤鴻海上鴻春色點不與凡鳥同君不見翠鳥巢樹上接近射  
 則海上一孤鴻海上鴻春色點不與凡鳥同君不見翠鳥巢樹上接近射  
 月勸爾自摩空自得全始終  
 射勸爾自摩空自得全始終  
 撐天玉柱山唯此山孤偉獨立遠望之如一柱插入天際四面無連帶之

律詩云一山壁立塞城東遠近峯巒迥不同多歷春秋寒骨瘦屢經千雪  
 玉姿豐擗天奇術憑堅忍傲世芳脫化工帝降王今王降霸窮悠悠千古  
 主人翁力誰個千秋力未更萬里雲天一柱撐殷髮難定杞人心莫雄幾  
 輩空勞力復仔肩吾邑城東山一座巍巍孤骨比金堅混沌初開乾坤奠此山  
 誰能任復年體則亭亭而徑直生瓜筋骨比金堅混沌初開乾坤奠此山  
 風霜年復年體則亭亭而徑直生瓜筋骨比金堅混沌初開乾坤奠此山  
 乃得氣之先三冬可許之高大却有紙柱之機權補缺東南無須石撐其  
 靈秀可成仙雖無泰岱之高大有紙柱之機權補缺東南無須石撐其  
 危局山川並草木紛出白雲上又在紫微前蟠龍後洗馬左顧南顧流目  
 牛眠山川並草木紛出白雲上又在紫微前蟠龍後洗馬左顧南顧流目  
 一覽氣象萬千山乎徒有撐天玉柱之美號形  
 体空兮運不全誠能置身大都會列久與中外傳

### 覺世金鐘

基猶存陳步瀛上律詩云頻擊金鐘警睡獅無如習慣不聞知堆塵每  
 借傲風掃積垢時勞細雨施混迹邊隅誠得康養心清夜獨打奇天然字  
 寺猶今古何必鳴球德蓮為醒聲桂星七絕詩云梵王宮殿南關外鐘磬  
 喧揚應遠響欲喚世人癡夢醒聲聲響到夜將闌王世鑫七言古云磬  
 不鳴矣中睡獅何日醒吾邑城南有金鐘惜乎撞者僅以避同雷驚鐘  
 撞者力益急可使夫廉可使之寒山寺上獨憐金鐘啟人女偏救世事如  
 地縱不置之太廟中亦可懸之無礙廣博轉可金鐘默運潛移無須作勢  
 繁論者每謂金鐘無臭又無聲轉可金鐘默運潛移無須作勢

玉液清心 其城之偏西泉水湧出汪洋清瀚下可灌田萬頃之覺活人心神開無

塊壘全消 噴出慈雲可作霖散底無痕堪潔月對觀鑑影足驚心試湧來

飲者誰知味松柏蒼獨賞音張桂星七絕詩云僮僕續挑別後古先

飄翔破水中天源頭積厚流千里能養高底萬頃田王世鑫七宮古云

滄浪西隅龍泉足滄浪之清潔真與京噴出如龍吐玉珠顆顆何如復甸

悠然長流不息為霖為雨慰蒼生當體養心莫養心莫養心莫養心莫

泰山巖巖巖巖巖巖巖巖巖巖巖巖巖巖巖巖巖巖巖巖巖巖巖巖巖巖巖巖巖

滄浪水清僅濯纓龍泉能滌心開朗可惜龍入九河猶守素不乘風勢遽

無多龍泉不甘為止水一片清流達九河參入九河猶守素不乘風勢遽

揚波嘗其味者知其淡胸中塊壘自消磨嗟

芳塘洗馬 多城東入里有塘名洗馬其水清涼浩森四時不竭濯溉良田多

以馬洗濯其中不惟少病且肥澤輕健云窟陳步瀛七律詩云浪滾頃良田

資瀆既敷村生活賴維持利人濟瘼全消且地肥草長平原千瘵張蹄桂星

七絕詩云連朝沐浴趁餘暉人瘼全消且地肥草長平原千瘵張蹄桂星

踏疾如飛王世鑫七言古云孫陽相馬不專在乎馬以孫陽知音者但須

水料得均勻何患天下無良馬抑知良馬不專在乎馬以孫陽知音者但須

倍身不留塵氣被其體澄清心志快如神凡馬之東洗馬塘源泉混漚漚力

長卷三詩卷一

古蹟形勝附

十

貴陽文通書局代印

且涼天然佳境無多芳塘大草木自芬芳區區留作洗馬  
用李密陳精辭晉律芳塘一體廣沾濡為雨蒼生共  
登高得祿山城西五里高山巔約行里許迴而過一小溪經二登高道不此

數里至得祿汎故聊類及之張桂星七絕詩云一山甫罷又增高濯步馬  
登高志愈豪薄祿那堪羈志士笑他恩倖逐錐刀陳步瀛七言古云

出城西將十里一山橫截勢迤邐人到此怕登高峯頭半入雲裏行此  
處不閉山鳥鳴傳有仙人常到此聞雲忽去又忽來誰人識得箇中理

不數里猶近古貧而無諂富無驕男耕女織無休息含哺鼓腹樂道遙得風  
俗於今猶近古貧而無諂富無驕男耕女織無休息含哺鼓腹樂道遙得風

跡猶新舊有公初開草昧與傳古人事跡如日月至今猶成龍山雲動自  
事爭戰禍無涯滿山暴骨亂如麻嗜殺生人下歸佳話長留天地古

謂將軍不尚武惟仁與義為主不嗜殺人天下歸教青草亂黃沙  
王世彞七言古云欲得多祿何長祿之不登在人必爭遠問登高鷗求焉


而危是可言而欲多祿何長祿之不登在人必爭遠問登高鷗求焉  
邑城西五里遂高岡一帶接雲龍風雨左時中有通衢漸低樹招

招我欲上道旁多棧中拾纒升裕然天朗回首白雲漸低樹招  
隨從底齊恍悟置身天上去焉睡何手空歸去那知富貴無何前途  
即得祿處原思得祿纔登上焉睡何手空歸去那知富貴無何前途

臺高得祿云有人職得箇  
中理不貪虛譽枉辛勤

點斗奪魁  
村於此山之一俗謂魁星點斗側一  
張桂星七絕詩云村一技如  
且

插中 天朝 掛青 雲暮 掛烟 左欲 右岡 陵都 拱向 鐘靈 毓秀 啓英 賢陳 步瀛  
 七言 古不 能相 傳吾 邑城 之東 井有 魁今 復有 斗人 文蔚 起時 常著  
 可知 在地 不點 首俗 語悠 悠不 可傳 疑信 由來 久人 中之 蔚理 實難 知  
 惟願 朱衣 暗點 首俗 語悠 悠不 可傳 疑信 由來 久人 中之 蔚理 實難 知  
 僅將 古理 測其 奇道 最高 兮位 最高 光華 日月 合天 儀體 主靜 兮用 主動  
 位置 今不 可移 魁分 斗何 不置 身大 都會 消聲 匿跡 常困 此豈 夷或  
 欲以 身而 作則 不與 世際 相遺 或因 荆棘 蓬蓬 山直 水為 悠悠 鹿與 麋我  
 亦無 所得 我亦 無所 思君 不見 焚界 之中 惟斯 文不 可垂 以酒 昭文 章千 古啓  
 民彝 王世 亦無 所古 云乘 星焚 焚朝 北斗 羅云 不垂 以酒 昭文 章千 古啓  
 如有 惟願 朱衣 筆點 痕人 民爲 何一 小村 遙看 隱白 雲屯 形勢 渾然  
 如北 斗上 有魁 星筆 點痕 人東 六里 一登 甲只 因隱 田禾 插犁 雲勢 渾然  
 舊根 甚何 會習 慣文 章開 從來 地靈 人華 自傑 崧岳 降神 猶可 說人 力尙 可開  
 無念 情好 把詩 書拿 上開 從來 地靈 人華 自傑 崧岳 降神 猶可 說人 力尙 可開  
 奪天 工怎 減留  
 勝地 終消 滅留





八寨縣志稿卷九

區保村寨

昔孟子策滕首重經界商君強秦先嚴保甲若使山川莫考疆域無稽則政教將何所恃而設施也八寨在唐宋時代或爲且蘭邊地或爲毋歛粵區地屬苗夷時亦悠久羈縻改革文獻無徵非惟其詳不可知其畧亦不得聞也及胡元至正間宣慰使楊輝畧定南夷安設天壩土司有明肇造沿而不改上下都勻盡歸管轄巴浪等處皆聽命令乃不思膺圖受籙提紀振綱載之方策傳之萬世致數百年間人才之賢否風俗之美敎均無可考豈不惜哉至滿清雍正之際設廳建城然以地屬彈丸亦若無關緊要土字版章幾於莫辨矣今民國現制詳著疆里因以市集交通村寨保甲悉著於篇俾施政教者閱掌故而得所因革耳

八寨縣治在京經九度一分北緯二十六度五分東經一日〇七度四十二分計水陸行三十日程西距貴州省城三百六十里陸行六日程東行一百八十里至黨開與榕江縣土地均交界西行三十里至高田坎與都勻縣苟柿寨交界南行三十里至響水與三合縣楊勇關交界北行三十里至甕城河鐵廠與麻江縣止燒堡交界東南行九十里至巖寨與都江縣多弄寨交界西南行三十里至余家卡與三合縣的刀寨交界東北行八十里至排夫寨與丹江縣烏疊司交界西北行三十里至榨街與都勻縣翁奔廠交界全境分五區二十六保第一區設本城轄六保護城南北中三保城南羊甲一保附城郭場市上一保城北平夷堡一保第二區轄十保長青堡二保天壩司一保番甕寨一保永安村一保舊名卓左寨硃砂廠一保羊烏寨一保羊排寨一保排倒寨一保宰非寨一保第三區轄三保排調場一保雄虎寨一保芳勝寨一保第四區轄三保興仁堡一保南皋

場一保九門大寨一保第五區轄四保烏洛場一保覺牛寨一保黨開寨  
 一保柳烏寨一保區設區長保設保董分司鄉政統轄三百四十二寨分

述如左 按入寨自清雍正六年建廳轄一衛四司曰八寨衛設置城北十  
 份每份納糧一石二斗三升六合東北京日揚武司在城六十里砂廠距城二  
 十里每份納糧四十三寨曰永安司在城東北左寨距城六十里轄五十一寨  
 曰排調司在城東一百里轄三十九寨曰天壩司在城東北二十里轄  
 六十寨均世承襲至清季衛所被裁四司均廢以成今制今節錄五里  
 撥搖案以見清代疆里之沿革及清季撥出撥入之大要俾稽古者得所  
 考耶 按先是清貴州巡撫李以藏垢納污多在插花之地會合善後局署  
 臬司吳糧道黃奏請舉辦黔省插花以正疆界並擬定章程具奏奉旨  
 依議十二年布政使會通飭辦署同知黃啓泰具呈廳地四面均奉以  
 爲界無甚脫離惟東面之掌沙開二寨與丹江毗連廳北地面之威寧一  
 安屯軍但取其聲勢連絡以資守望等因奉批據該廳地方無甚脫離  
 惟咸寧一堡安屯軍但取其聲勢連絡以資守望等因奉批據該廳地方無  
 糧籍保衛千總管軍脫各衛屯地方軍因於田屯以衛此相但取維均而  
 連絡以資守固不必整齊如方局也既係衛地仍隸該衛照舊辦理  
 勿爲張望之沙開二寨與丹江廳犬牙相接既非該衛脫亦應由  
 舊辦理然至麻哈州脫入該廳之小篾杉木冲猪市寨三處應專責該  
 州查報到司核明應否飭撥再行檄飭該廳等情以未將距城遠近該  
 詳細注冊五里又麻哈州插入該廳之篾杉木冲猪市寨三處應專責該  
 廳城六十里距州五里又麻哈州插入該廳之篾杉木冲猪市寨三處應專責該

區保村寨  
 貴陽文通書局代印

案距州城八十里距臨城三十里是  
 行等因旋即會合丹江麻哈勘明後  
 東應撥出孔慶歸丹江管轄撥入  
 虎宰挖羊鳥均無種石人民各二十  
 餘戶北撥入小威箕一堡與麻哈  
 轄屯糧九十石零屯軍六十戶而  
 已按威寧一堡實為入秦之門鎖  
 鑰備不  
 備有二十餘戶種三石八斗零而  
 已來待至變城河岸然後知之械  
 備不  
 清乾嘉之際生苗作亂每從此而  
 來待至變城河岸然後知之械備不  
 苗及患乃息至宣統二年議撥商  
 酌與均須派人踏勘明白然後定  
 奪同知王孔鑄即委唐咸寧該地  
 人哈又之再四具稟哀告止撥均  
 許入境以稟覆上憲撥出該地人  
 哈又之再四具稟哀告止撥均被  
 知即據以稟覆上憲撥出該地人  
 哈又之再四具稟哀告止撥均被  
 掩飾阻攔本邑非惟失糧數  
 十石又失北方要隘惜哉

第一區設置六保轄九十三寨

第一保設置治城內共轄九寨

- 斗魁寨在治城東五里
- 洗馬塘在治城東五里
- 烏圭寨在治城
- 東二里
- 改乃寨在治城東三里
- 螃蟹寨在治城東三里
- 鐵陀
- 寨在治城東南八里
- 五里舖在治城南十五里
- 夾底寨在治城

南十六里 高樓寨在治城南十六里

第二護城保設置治城南大街轄十寨

排呆寨在城南一里 小寨在城南三里 良上寨在治城南四

里 者良中寨在城南五里 包腦寨在城南六里 貓寨在城南

八里 挑磚寨在城南十二里 小羊昌在城南十四里 坡脚寨

在城南十五里 板堯寨在城南二十里與三合縣境交界

第三護郭保設置治城北門外場壩轄十五寨

場市辰戌二日集

四方井在治城北一里 下烏圭寨在治城北二里 排牙寨在治

城北六里 大小馬寨在治城北八里 火燒寨在治城北十里

上下羊浪寨在治城北八里 了口寨在治城北八里 小平寨在

治城北八里 平寨在治城北九里 貓寨在治城北八里 發瘋

寨在治城北六里 教場壩在治城西北二里 龍洞寨在治城西

北四里 打鉄寨在治城西北五里

第四護城保設置治城東街轄二十五寨

羊擋寨在治城西一里 羊冬寨在治城西一里 燒箕盪寨在治城西二里 李阿三寨在治城西二里 老猴寨在治城西北三里 排鵝寨在治城西南三里 旺鬧寨在治城西南十二里 黃土寨在治城西二里 牛王寨在治城西十二里 三家村寨距牛王寨三里 雷坡寨距三家村二里 杉木冲寨距雷坡寨半里 雷塘寨距杉木冲半里 烏尖寨距雷塘寨半里 皆犁寨距烏尖寨半里 三苗寨距皆犁寨二里 溝底寨距三苗寨一里 白岩寨與溝底寨毗連 得祿汛在治城西十五里 瓮腦寨距得祿汛二里與勻交界 長塘寨距得祿汛三里 百元寨距長塘寨二里 藍家廠距百元寨二里與都勻屬坡脚寨交界

第五保設置羊甲街在治城南十五里轄十九寨

羊甲大寨距保半里前去三里與三合縣境界 路邊寨距保半

里 街脚寨距保半里 小寨距保半里 對門寨距保一里 橋

頭寨距保三里 瓦廠寨距橋頭寨二里 交圭寨距瓦廠寨一里

排井寨距交圭寨一里 中寨距排井寨五里 告要上下二寨

在保之東五里 烏熊寨在保之西三里 坡脚寨距烏熊寨三里

與三合縣交界 天生橋上中下三寨距保十二里 烏送講脚上

中下三寨距保十五里與三合縣境界

第六保設置平夷堡在治城北二十里轄二十寨

金竹坪在保之南五里 抬盛大小寨距金竹坪三里 坡頭寨與

抬盛寨相連 鬼洞寨距坡頭寨半里 夾脚寨距鬼洞寨三里

兩龍坡距夾脚寨一里 烏約上下寨距兩龍坡二里 羊邦寨距

烏約寨一里 野鴨塘寨距羊邦寨二里 烏地寨距保九里 火  
燒寨距烏地寨五里 宰拉寨距火燒寨二里 烏腮寨距宰拉寨  
三里 鹿頭山距烏腮寨一里與都勻縣境交界 重望寨在保之  
西五里 新寨距重望寨三里

第二區設置長青堡在治城十二里轄十保一百三十一寨保衛團亦設

於此

有場卯酉  
二日集

### 第一保設置長青堡轄十五寨

大溝壩寨在保之東二里 羊雞寨距保三里 巖寨距保三里  
羊送寨距保四里 腊堯寨距保五里 小排甲寨距保五里 二  
道河寨在保之東北四里 老猴寨距保四里 寡媳寨距保五里  
了口寨距保五里 大朗新寨距保五里 壩垢寨距保二里  
小烏油寨距保三里 羊丁寨距保一里



第二保設置長青堡轄十六寨

野條寨在保之南二里 排道寨距野條寨二里 望上寨距排道

寨二里 羊堯寨距望上寨二里 羊列寨距羊堯寨二里 瓦廠

堡距羊列寨五里 下操寨距瓦廠堡半里 柔遠堡距下操寨三

里 柔遠堡清雍正時開闢新疆即設八寨廳治於此因狹隘乃遷今縣治故又名老八寨迄今已二百餘年其城門尚存土城牆形迹

宛繡城內外尚有人戶居住距今治城十二里 新寨與柔遠堡相連 望城堡距柔遠五里

排高寨距望城半里 甕瓜上寨在保之南三里 甕瓜下寨距

上寨半里 穿心寨距甕瓜半里 高寨距穿心寨半里 排正寨

距高寨二里

第三保設置番甕寨在治城東三十里距區十五里轄十四寨

干野寨在保之南二里 雞凡寨距干野寨三里 排甲溝距雞凡

寨二里 排臥寨在保之東五里 狗扒巖寨距把臥寨二里 烏

猛寨距狗扒巖寨半里 龍崩坡寨距烏猛寨三里 排乃寨距龍

崩坡寨三里 番扛灣寨距排乃寨四里 干今寨距番扛灣寨半

里 牛角寨距干今寨半里 灣寨在保之西一里 龍塘上下二

寨距灣寨二里 烏樂寨距龍塘寨三里

第四保設置天壩司在治城東北三十里距區十五里轄十七寨 有小場

已亥二日集

官家寨在保之東二里 舊寨與官家寨相連 冷寨距舊寨半里

業雄寨距冷寨五里 烏雞寨距業雄寨五里 番扛寨距烏雞

寨八里 番扛大寨 平寨 王城寨 心田寨以上四寨均與番

扛寨相連

狗矢寨在保之北二里 長塘寨距狗矢寨一里 大典列寨距長

塘寨三里 小典列寨距大典列寨三里 巖營寨距小典列寨八

里 宰雅寨距巖鴛寨五里 老貓寨距宰雅寨五里

第五保設置永安村 舊名卓左寨 在治城東北六十里距區三十五里轄二

十寨

烏蛙寨在保之東南十五里 宰作寨距烏蛙寨三里 烏里上下

寨距宰作寨七里 排夫寨在保之南七里 宰叔寨距排夫寨六

里 銅鼓坡寨距宰叔寨十里 羊排寨距銅鼓坡寨三里 排左

上下寨距羊排寨五里 烏受寨距排左寨五里 番仰大小相連

共五寨 此寨後有營盤古蹟名排加營 養雅寨在保之西北八里 卓開上寨距養

雅寨五里 卓開中寨距上寨半里 卓開下寨距中寨二里

第六保設置硃砂廠場市上在治城東二十里距區十二里轄十五寨

場市已亥二日集

羊排寨在保之東二里 排黨已寨距羊排半里 動博寨距黨已

寨二里 干河上下寨在保之南二里 蜜告寨在保之西七里  
巖營寨在保之北三里 干壩寨距巖營寨二里 大小豆二寨距  
干壩寨一里 羊旺上下二寨距大豆寨一里 烏灘寨距羊旺寨  
二十里 烏仲寨距烏灘寨一里

第七保設置羊排寨在治城東十八里距區十二里轄九寨

干鬼寨在保之東三里 小寨距干鬼寨半里 簪車寨距小寨五  
里 馬姓老屋基寨距簪車寨二里 黨敢寨在保之南二里 排  
潭相連三寨距黨敢寨二里

第八保設置羊烏寨在治城東十八里距區十二里轄七寨

羊浪寨在保之東二里 把條寨距羊浪寨半里 大發洞廠距把  
條寨二里 高寨大小相連三寨距大發洞廠三里與三合縣境交  
界

第九保設置排倒寨在治城東南四十五里距區三十里轄十寨

雞加寨在保之南五里 馬頸坳距雞加寨十五里 有場市寅申二日集 來留

寨距馬頸坳二里 烏挖寨在保之西十里 排廷寨距烏挖寨五

里 排河寨距排廷寨三里 排窄街寨在保之北五里

第十保設置宰非寨在治城東六十里距區四十里轄八寨

攆早寨在保之東八里 甲石寨距攆早寨五里 迭賞寨在保之

北十里與丹江境交界 宰沙寨距排貴寨三里 辣子寨距宰沙

寨三里 排莫寨距辣子寨十里 雙堯寨距排莫寨十五里與都

江境交界

第三區設置排調場在治城東南九十里轄三保四十三寨 有場市子午日集

第一保設置排調場轄十五寨

禾納寨在保之東十里 岔河寨距保十五里 銅角寨距保十八

里 南岑上下二寨距保二十里 烏威寨在保之南七里 也要  
 寨距保三十里 烏早河寨距保三十里 羊起寨在保之西十里  
 柳樹寨距保十六里 烏起寨距保二十里 巖脚寨距保三十  
 里 排合寨在保之北八里 野雞寨距保十里 打鐵寨距保十  
 一里

第二保設置雄虎寨距區四十里轄十五寨 有場市已亥日集

也兄寨在保之東十里 排保寨距保十二里 羊烏寨距保十二  
 里 黨吊寨距保十四里 宰挖寨距保二十里 碼頭寨在保之  
 南十五里 有場 基修寨距保二十二里 下墾了寨距保二十二里  
 巖脚寨在保之西十四里 聳峨寨距保二十五里 排聳寨在  
 保之西北十六里 排抱寨距保十八里 龍頭山寨距保二十里  
 羊告寨距保二十五里 羊先寨距保二十五里

第三保設置芳騰寨距區四十里轄十一寨

麻鳥寨在保之東三十里 排結寨距保三十五里 加配上下二寨在保之東南三十里 小塘寨距保三十二里 脚牛寨距保三十五里 羅家灣寨距保四十五里 野都寨距保五十里 野林寨距保五十里 排拉寨距保五十二里 野嚮寨距保六十里 祖師田寨距保七十里

第四區設置興仁堡在治城東北三十里轄三保三十八寨

有場市寅申二日集

第一保設置興仁堡轄十四寨

大簸箕小簸箕二寨相連在保之東三里 宰扛寨距小簸箕二里 龍坡寨距宰扛寨三里 上下烏筆二寨距龍坡寨五里 甲勞寨距烏筆寨四里 擺撈寨距甲勞寨三里 金竹坪寨距擺撈寨二里 仰天窩寨距金竹坪寨三里 者泥寨距保三里 中孚堡

距者泥寨六里 杉木冲窩距中孚堡二里與麻哈縣境界

第二保設置南皋場在治城東北六十里轄十四寨保衛團亦設於此

場市丑未  
二日集

賞卡寨在保之西一里 高寨與賞卡寨相連 大簸箕寨距高寨

三里 石礮堡距大簸箕寨二里 巖寨距石礮堡五里接麻哈之

卡烏以河爲界 太平坡寨在保之東南十二里與一保之仰天窩

毗連 高寨距太平坡一里 老鼠寨距高寨一里 烏皋寨在保

之北三里 麻拐灘寨距烏皋二里與丹江境交界 老鴉寨距保

之東南一里 雙峯堡距老鴉寨二里 守望堡與雙峯堡毗連

第三保設置九門大寨在治城東六十里距區二十五里轄十寨

貓寨在保之南一里 卓開中寨距貓寨三里 四方山寨距卓開

寨四里 老烏谷寨距四方山二里 烏眉烏谷二寨相連距老烏



谷寨二里 烏洗冲寨距烏眉寨二里 竹留寨距烏洗冲寨八里

烏底寨距竹留寨十五里與丹江縣境交界

第五區設置烏洛塲在治城東南一百八十里轄四保三十九寨

有場市  
寅申二

日集

第一保設置烏洛市轄九寨

小河溝寨在保之東一里 蕭家寨距保五里 烏洛大寨在保之

南半里 格益寨距保五里 野牛寨在保之西五里 排浪寨距

保十里 喬外寨在保之北二十里 銅哨寨距保二里 怎卡寨

距保六里

第二保設置覺牛寨距區十里轄九寨

加老寨在保之東六里 加勇寨距保七里 排級寨距保九里

也丹寨距保十里 瓮卡寨在保東南五里 也麻你寨在保東北

八里 揚武寨距保十二里 河平寨距保十五里 排告寨距保二十里

第三保設置黨關寨距區十五里轄十一寨

加鳥寨在保東南十一里 楊家灣寨距保十二里 南江寨在保之南五里 片庫寨距保八里 排坐山寨距保二十里 加芝寨距保五里 田壩寨距保八里 中寨在保之西一里 柳排寨距保四里 排要樂寨距保七里 養牛寨距保八里

第四保設置柳塢寨距區十六里轄五寨

也拉寨在保之南十里 喬用寨在保之北二里 長坡寨距保五里 喬配寨距保八里 甘棠寨距保十里

八寨縣志稿卷十

職官宦績

邑本蠻徼素稱化外數千年未通聲教紛紜攘奪竊據爭雄君師之不重也久矣至有清雍正之際始設流官得諸大夫提倡鼓鑄賢師儒禮樂教化風氣一變賢哲挺生拖青紆紫蔚然與中邦媲美及咸豐之變慷慨捐軀以赴國難者數十百人其忠義之氣上與日月爭光若非賢官師教化之力烏能有此乃列職官表其姓名已達數十人試論循良成績而足稱揚者不過數十餘輩豈以私怨蔽之耶抑亦方志未備之過也今修縣志只得以見之他書與得之傳聞者分類著之於篇以補文獻之闕憾

職官表

姓

名

籍貫

出身

備考

魯朝聘 新城人 貢

監 雍正十年署任

陳于中 四川涪州人 舉

人 乾隆年間署任

劉宗幹

梁 菴 江西人 進

士

陳 堯

黃鶴齡

高 權

王存誠 進

士

李 璣

宋繼郊

薛 榮

何 璣 四川人

吳廣生

葉新

鄧鳳鳴

張其燦

許大綸

以上諸員籍貫出身到任年月均無從詳考

鄒書魁

朱佑賢

朱顯

李珍

吳登甲

馬世璜

進士

舉人

優貢

附貢

進士

附生

舉人

舉人

進士

生

人

貢

生

士

生

人

人

士

咸豐元年署任

三年實任

咸豐四年到任五年十一月城陷被難

葉正邦

廣西酒  
城人

同治十年調任後苗復  
版十八年克復縣城

陳世芳

四川人

舉

人

同治十一年署任

劉垂祺

湖南寧  
縣人

雲

騎

尉

十二年署任

魯侯傳

光緒二年署任

朱壽萱

光緒四年署任

羅鼎珍

湖北人

四年署任

黎光瑜

湖南人

六年署任

吳光燮

四川  
蓬江  
縣人

份

生

十八年連三任

王圖

雲南人

十年署任

黃啓泰

湖南人

舉

人

十一年署任

錫明

湖南人

十八年署任

龔斌

湖南人

二十四年署任

沈國良	湖南人	二十六年署任
史支昌	安徽人	二十七年署任
李鼎基	湖南人	舉人大挑知縣 二十八年署任
馬 棧	四川人	進士 二十九年署任
喬蔭福	直隸人	廩生 三十年署任
吳席珍	四川人	拔貢 三十一年署任
嚴增淦	旗人	筆帖式 三十二年署任
何樹葵	湖南郴州	優貢 宣統元年署任
謝祖禹	湖南人	宣統二年署任
王孔鑄	山東人	翰林院供事 二年實任
嚴鐘聲	四川人	三年署任 <small>三個月因 反正回籍</small>
許特任	四川人	舉人 民國元年到任

陳時濟 四川人

二年到任

唐萬鐘 松桃人

三年到任 由此改縣長

李竹溪 江蘇人

由部免考知事 五年到任

黃翼 四川人

法政畢業 六年到任

劉壘 湖南人

由文官考選 八年到任

蔣中 遼寧人

清光緒丁酉科人 十年到任

朱詢 貴陽人

北京法政畢業 十二年到任

和彥彬 雲南人

優廩生 十三年到任

錢福元 貴陽人

清監生 十四年到任

丁殿芬 貴定人

清附生 十五年到任

李鳳池 安順人

清附生 十五年到任

周人吉 安順人

清廩生保定武備學校畢業 十五年到任



何鴻書 貴定人

清附生 貴陽模範中學畢業

十六年到任

郭輔相 龍里人

貴陽模範中學講武學校畢業

十八年到任

蔣惠溥 遵義人

清歲貢 民政廳總辦 科長

二十年到任

王定一 錦屏人

貴州行政人員訓練所畢業

二十年到任

訓導

周恩濟 貴陽人

舉

道光年特授

宋秉芳 瓮安人

舉

道光年實授

劉琅 開州人

附

咸豐五年實任是年苗亂城陷父子三人均殉難

戎英 平越人

廩

同治十年署任

趙揚然 安平人

舉

十一年署任

王家申 廣順人

舉

十一年署任

王憲章 平越人

歲

十三年署任

何大煊 開州人 歲 貢 光緒二年實任

史守藩 黔西人 舉 人 六年實任

蕭沛春 貴陽人 歲 貢 十八年署任

田相奎 玉屏人 拔 貢 光緒二十四年實任至三十  
年歿於官其職亦被裁

游擊

納 晉

鮑虎臣

楊大鵬

李步雲

馬奮龍

楊青鶴

楊萬青

常英  
德齡  
陳士蛟  
侯元龍  
王明祥  
榮齡  
褚玉鳳  
彭長春  
哈青阿  
楊玉鰲  
德祥  
傅權

雷謙

林耀堂

以上二十一員均道咸時署任籍貫出身到任日期無從查考

楊廷柱

輕車都尉

咸豐五年署任苗叛城陷陣亡子亦被難此職曠十八年

席定邦

雲南人

同治十年署任

秦玉佩

湖南人

十二年署任

景春林

四川人

光緒元年實任十一年復任

羅鴻鳴

四川人

五年署任

池有蓮

本縣人

六年署任

趙萬青

貴陽人

八年署任

侯加世

雲南人

九年署任

龔連元

湖南人

十年署任

喻士瀛	雲南人	十三年署任
劉占宏	遵義人	十四年署任
孫國義	湖南人	十五年署任到兩任
尹慶元	安徽人	十六年署任
張振瀛	河南人	十七年署任
趙登雲	本縣人	十八年署任
易登瀛	湖南人	十九年署任
華耀武	湖南人	二十年署任
向文勝	湖南人	二十一年署任
劉定光	湖南人	二十三年署任
朱明英	湖南人	二十三年署任
江翰清	遵義人	二十四年實任 三十二年復任

職官宦績

職官宦績

六

貴陽文通書局代印

李盛橋 湖南人

三十一年署任

張洪興 興義人

三十二年署任

韓殿元 山東人

三十四年署任

己酉科侍衛

李春陽 雲南人

宣統元年署任

湯懋昭 四川人

宣統二年到任是年裁汰武營移駐都勻此職遂廢

武舉人

衛千總

李煜

程占祥

明琨

咸豐五年帶屯兵巡城陷被難

蔣明璋

王錦章 四川人

同治十二年署任

李良益 施秉人

光緒元年 實任十二年十六年連任

陳寶鈞 貴陽人

七年署任

張白純 四川人

八年署任

陳文炳 黎平人 武

舉 十四年實任

張福田 遵義人

二十二年署任

何希聖 獨山人

二十四年署任

黃 鎰 貴陽人

二十五年署任

趙承榮 貴陽人

二十六年署任

楊繡章 貴陽人

二十七年署任

喻嶽春 湖南人

二十九年署任

邵正邦 貴陽人

三十三年署任是  
年被裁其職遂廢

城防千把總外委

葉幹青 廣東人

光緒元年由外委考  
補千總實任十餘年

陳仲林 本城人

二年署任

杜鎮南 湖南人

黃金榜 本城人

雲騎尉

光緒初年連署三任

蕭遠禎 四川人

三年署任

古建光 廣西人

十六年實任

陳忠和 本城人

二十三年署任

凌鴻澤 黎平人

二十六年實任

黎煥枚 本城人

三十年署任

孫炳儒 本城人

武

生 三十三年署任

楊春輝

九門汛千總

鄒光燦 獨山人

光緒初年實任十餘年



鄒光耀 獨山人

八年署任

謝普珊 貴陽人

二十年署任

周淮清 遵義人

二十二年署任

彭鏞 古州人

二十三年署任

楊國恩 古州人

二十四年署任

得祿汎把總

屠逢青 都勻人

光緒初年實任十餘年

杜廷英 都勻人

六年到任

徐正揚 黎平人

十年實任

徐安國 黎平人

十四年署任

宦績附

魯朝聘字竹溪江西新城人以資得官縣令權獨山州牧雍正中雲貴總

督鄂爾泰議清理苗塚巡撫張廣泗督兵進剿以八寨爲九股咽喉分兵三路入檄朝聘率州屬土兵抵關口苗據險以拒朝聘躬冒矢石急進遂破交圭羊甲等寨斬首二十餘級苗大挫叩廣泗營求撫旣而移師丹江屢攻不克八寨復叛朝聘留九門寨復背受敵終無挫衄大兵再平八寨廣泗請城其地立營卽以朝聘爲八寨理苗同知凡三歲規制大定創義學延師教苗民子弟千百年阻化之區至是始被文教十三年古州諸苗亂八寨苗蠢動自夏徂東屢攻城城中額兵八百半調他處勢岌岌朝聘率士卒城守每出戰分兵出苗後夾擊又多設旗幟爲疑兵苗莫測虛實廣城不可得乃散去明年大兵進剿苗悉平以苗絕戶田爲屯田又分八寨爲十屯措置咸中經法累官至都勻知府以老歸

江西志

馬世璜字渭川江西大庾縣人咸豐壬子進士四年權八寨廳篆時太平天國起苗民乘機肇亂世璜到任卽修整城池辦理鄉團教訓激勵阨

守要害五年六月苗來攻城督率軍民固守凡五閱月而援兵不至軍困糧絕城中奸民應賊十一月初一日城陷世璜率軍民巷戰力竭被害於龍井邊逆苗將世璜害後據有廳城驅逐漢人謂之洗城又於四門安設刀斧手凡漢人出門必任其斫一刀謂之過刀刳其男女小孩不能逃者或纏於橈上以標由穀道穿至頂迎而舞之或拋至空中以刀接之使作數斷落下以爲娛樂今四城門外墳塚累累謂之萬人塚卽當日過刀刳之人也傷哉

楊廷柱字擎鰲世襲輕車都尉先駐防獨山勇敢善戰賊聞風遠避咸豐五年檄守八寨慷慨誓師以平賊爲己任六月賊來攻城數次均被擊退廷柱欲乘勝追擊一鼓盪平時有畏葸者謂此是賊人誘敵之計愆慮文官飭其固守待援不許出城門一步廷柱知其志不得行大憤適賊又來攻廷柱躬冒矢石雖被鳥槍傷猶負創任事賊入城率標下兵大呼衝殺

力戰至大登高坡脚勢不敵遂陣亡子玉峯亦同遇害

劉瓊字良玉開州附貢咸豐二年授八寨訓導到任卽集諸生課文講藝循循善誘執經請業者絡繹於途學署幾不能容至五年苗變邑城戒嚴卽集文武諸生訓以大義勉以固守朝夕親巡城干晴雨不輟勞苦不辭城陷卽自縊於文廟大成殿旁其子大卯亦同遇害

葉正邦廣西泗城人同治十年奉檄克復邑城時遭亂已久戎馬甫定城中瓦礫榛莽墟無人烟正邦招集流亡披荊斬棘建衙署築城垣防守要害剿搜餘匪撫綏安插人民來歸本邑乃告肅清

陳世芳四川舉人同治十一年署八寨同知時值兵燹之後田土荒蕪各寨苗民來歸紛紛擾擾朝夕莫保無以資耕世芳乃請上憲發給耕牛籽種轉發與人民藉資耕種人心乃安所屬田土自是亦漸開墾

劉登祺字佑福湖南寧鄉縣人世襲雲騎尉同治十二年權八寨廳篆時

地方初復一切善後事宜尙未經理垂祺到任卽次第舉辦功旣告竣乃籌款建學宮置書院創設城鄉義學十一所自此苗民子弟始復向學其代人民清理田產給照管業餘存絕逆兩產招佃耕種年獲租穀一千三百餘石稟准截留地方管業以作辦理資興燮案書院義學暨各項公益費用至民國六年省政府從中提賣國有田產折扣去租谷貳百貳拾貳石外尙存千石有零現令劃撥爲學校費用永不許撥支他用計劃周詳地方受其利賚實無窮焉

黃啓泰字魯巖湖南舉人光緒十二年署八寨同知整飭政治愛養羣黎嚴戒蠹役勤慎清廉罕有倫比又好鼓勵文學每月課諸生齊集卽危坐堂上與諸生講藝論文終日不倦其試卷清正者卽自捐廉給獎月費二三十金不等又常召城中幼小學童至川堂背誦默寫經書其字句清明文字端正者卽獎以書籍或筆墨紙張月必一次從不斷輟是年城鄉共

設私塾十七堂常至各學堂考察教師優劣勤惰以爲去取一時文化大

興爲前後任所不及至今人民猶稱其德政弗衰

鑑當幼童時屢召試驗多叨優獎

沈國良字哲臣湖南人光緒二十六年署八寨同知性慈愛務休養有同患難共憂樂之象常勸人民止訟故於不甚緊要之呈詞不濫准理其准理者必限日判結不使拖累有關倫紀者必引律勸戒不濫用刑以故人民得其一言無不悅服樂從先國良到任時四方盜警常有所聞而邑城崩壞二百餘丈預算工費約金千餘兩經前任吳光鑾龔斌先後稟請大府發款修整均未蒙允許至是國良恐一旦有警無以爲防衛之具乃約集紳民籌議就地捐資修理均皆樂從於是召集闔縣石工給以半價徒役則僅給火食親往督率人民聞國良親往遂各效子來趨之若鶩耗金僅三百餘兩費時只五閱月則已修理完好如初由是可見其得民也卽去任紳民思念不置爲之立遺愛碑現存西門外

何樹熒字輝庭湖南郴州人優貢生朝考一等分發貴州補用知縣宣統元年署入寨同知有經史學政治才到任後卽微服到鄉間私訪人民疾苦地方利弊無不洞若觀火然後定議興革以故諸事悉中肯綮人民畏而愛之時創設新政罷科舉學堂爲當務之急樹熒以邑處邊隅風氣初開師資缺乏卽設立速成師範講習所擇地方紳士之堪爲教授者入所講習分正副二班限期畢業自兼講員待學成後乃分向各鄉教授設本城高初兩等小學一所劃撥地方公穀柴百肆拾捌石爲修脯暨購書籍置器具之用又委勸學員到鄉間勸設國民小學十餘所人民受其感化遐邇稱揚未一年改調清平縣攀留祖道者數十里不絕今學校逐漸推廣已達二十餘所每念其經營草創之功輒稱頌不置云

著華經鈞元歷  
史科講義等篇

許特任字鐵肩四川舉人光緒二十三年署都勻縣事裁汰白役嚴禁浮收凡稟傳兩造均按里給錢或令自傳或令保申代傳遇有重案輒微行

偵確所以集訊多批卻道竅莫不驚服以爲神明一時有許青天之號民國元年調署八寨同知民國肇造國是未定奸民乘間攪擾公口盛行有議請大兵禁止者特任不許曰本邑本無大奸慝此不過蚩蚩愚民爲保身家計豈甘心附和只須坐鎮從容地方自無事耳何用請兵殺戮良民哉於是整頓團務清理保甲地方果不用兵而自安時左右鄰縣殺人如麻惟邑清淨人民感之入骨及歿於署昇靈柩過街老少男女無不泣下劉璵字晉春湖南瀏陽縣人清附生法政畢業由文官考授貴州縣知事民國八年攝八寨縣篆清公勤慎洞悉民隱加意撫綏民懷其德政簡刑輕縣無冤民幾有花落訟庭之概自奉極薄辦理一切公件務使欸不虛糜而事亦無不治蒞任三年風平浪靜四民安焉改組時縣民挽留無術建去思碑於城西三里之道旁詞曰勤政愛民四字以紀不忘

蔣中字慈普籍隸遵義清光緒丁酉科舉人民國十年到任賦性剛正嚴



明振興教育實業團防等事不遺餘力民刑案件尤爲注意時恐冤抑民亦愛之如慈母今猶稱道不置

周人吉字靄梧安順人清優廩生民國十五年知八寨縣事爲政務持大體接士有禮訟獄寬平推廣學校整頓團防無不稱其廉明人民愛之若父母淡於榮利居官甫半載卽請去任地方人士攀留不獲爲之立碑紀念現存西門外里許

郭輔相字孟瑜隴里縣人民國十八年由丙妹釐金總辦調知八寨縣事賦性慈愛廉能到任時知游匪時爲邊患卽極力整飭團務使人民各自量力買槍自衛親身下鄉規畫教練欲使人盡知兵常至各保點團見有一三十戶成聚者卽多方開導創辦小學一所必觀厥成而後已尤見牖民覺世之苦心每過處見濯濯童山卽教人民種植有用樹木統一財政以作建設之基不許敷衍塞責又以邑處偏隅交通不便另築馬路直貫

城中大街往來甚便又以邑乘未備文獻無徵卽召宿學纂成實錄以開千百年之文化且本邑疊經天災人禍人民異常疾苦凡關公益慈善事業靡不悉心規畫並捐資補助馭胥吏尤嚴有藉票勒索妄取作奸犯科擅使威福者必置之重法治邑僅及一年盜匪遠避漢夷悅服比閭之間夜不閉戶宅爾宅畋爾田各遂其生四民罔不愛戴闔邑爲立清官亭建德政碑於內以誌不忘

蔣惠溥遵義縣人清歲貢由民政廳總務科長權八寨縣篆時年六十四精力強健尤邃政治學賦性剛毅警敏嚴寬相濟吏民畏而愛之蒞任後凡百極力振興務掃因循委靡之習無論教育實業團務諸端整理有方卽一切新政層出無不分別辦理井井有條案無留牘於民刑案件曲直立判兩造帖然以八邑地處邊隅恐有匪患尤注意整飭團防務使有備無患四民賴以安焉又續修縣志足成前任未竟之功是其卓犖之大者

此治績之梗概也

王定一錦屏人貴州行政人員訓練所畢業練達明決警悟天然談論間詞和而義正吏民不敢干以私蒞任甫二月凡應興應革各事宜莫不規畫井井每值紀念週輒對公務人員及縉紳父老極力宣傳黨義回環往復議論精詳無不動聽是其卓犖之大者初政且如此則將來之殊勳異績固自多也



八寨縣志稿卷十一

學校

學校者人才之母人才者治國之器也是故無學校則不能造就人才無人才則不能平治天下古先聖王知然也於是設爲庠序學校以教之小則教以洒掃應對大則教以六藝詩書於時人無不學學無不成故人才不可勝用也其後則教以聲律對偶誘以利祿科名此學校之所以每況愈下也逮明洪武開拓苗坼則設義學以教苗民子弟清雍正改設流官亦設義學以教平民不可謂非重視也乃其後竟視爲周濟寒賤之具而師法掃地無餘今民國所設學校重實學不重虛名若實事求是不能比隆於上古否則未必不又如昔時之義學負教育之責者其鑑之哉

明太祖洪武二十三年改都勻安撫司爲都勻衛二十八年詔諸土司皆

立儒學邑人士附衛學列膠庠登鄉解者數十人惜冊籍無存諸生員姓名均無查考至清雍正八年建設八寨廳治未設學仍附府學百餘年道光十八年始建八寨廳儒學舉人楊超儒貢生陸順乾黃元吉莫嘉澤張登泗等倡捐鉅款請頒廳學巡撫賀長齡提學使王慶雲會銜奏定歲試取進文武學各六名科試六名國家遇有大慶典則增額三名廩增生各八名三年貢生一名入國子監讀書每屆學院案臨文武諸生童仍就都勻府會合七屬一同院試時尙未有學田也同治十一年苗亂肅清地方人士貧困特甚同知陳世芳辦理善後事宜始於逆絕兩產租谷內提撥歲科試各項規費以恤寒賤計歲科試巽案谷三百石親供冊費谷一百二十石學官月食谷十石廳府院三試廩生津貼谷五十石府院試兵禮房試卷谷一百二十石廳署文墨規費二百石學書門斗津貼谷八十石賓興谷八十石膳錄谷十六石會試每名四十石舊有龍泉書院在治城

西街咸豐十年城陷被焚一切建設均無從考同治十二年同知劉垂祺  
移建於北街並於逆絕兩產內每年撥定膏火谷六十石山長束修谷八  
十石月課谷六十石齋長二名薪資谷各三十石雜費谷四十石歲修谷  
三十石雜役谷十石又設城鄉義學十一所以教平民提定谷一百八十  
石至光緒末葉廢科舉撤學官設學堂此項谷均改作學堂用欸由經費  
局收支光緒二十四年詔各省籌設學堂時八寨亦設學堂十所未逾年  
卽廢三十三年二月同知吳錫珍改龍泉書院爲兩等小學旋因都勻苗  
亂中途停止三十四年二月同知覺羅增治復設初等小學堂聘請教職  
員三名招俊秀學生四十名時學校草創人懷觀望入學者寥寥無幾乃  
設食以爲誘掖之具宣統元年同知何樹熒招集貢生張桂星等會議添  
設高等一班加聘教員二名乃定初等爲兩等兼課經史地理格致算術  
諸學并指定逆絕兩產租谷七百四十八石並各鄉場屠斗兩捐爲常年

的欸統歸教育局收支永不許撥支別用時風氣大開人民欣欣向學乃停止設食以師資闕乏又創設師範速成科一所招宿學之士堪以爲師者入學講習分正副二班限六個月畢業自爲講員以副班經學國文稍差聘張明星爲講員專講經解文遵章設勸學所請提學使委孫學文爲所長又委劉富邦蔡邦達爲勸學員分向四鄉勸導辦學宣統三年同知王孔鑄添修講堂加招本城初等一班與前分甲乙二班孫學文又創設簡易識字夜班生一所並創設鄉間簡易小學七所指定各鄉場屠斗捐爲常年的欸是年十月值改革之變本城及鄉間學堂一律停辦未幾民國成立元年知事許特任到任繼續開辦將鄉間簡易學堂改爲初等小學民國二年知事陳時濟創設本城女子小學一所附設關岳廟內三年知事唐萬鍾見兩等小學校地址狹隘講堂距離太近乃改修已廢之遊擊署爲兩等小學校移女學於兩等舊校四年奉部令改初等小學校爲



國民學校旋值二次改革停辦女學改設鄉兵教練所民國五年二月繼續開辦女校七年因聘女師困難兼以滇軍攪擾仍議停止十七年乃復繼續開辦現邑雖處邊徼風氣蒸蒸日上惟苗夷固守庸愚其所賴於賢令尹之開導者固正多也

官立八寨縣第一兩等小學校 光緒三十三年同知覺羅增治就龍泉書院改設初等小學三十四年同知何樹熒添設高等民國二年知事唐萬鍾移設於遊擊廢署十四年滇軍過境將校舍撤作柴薪片瓦不存書籍棹凳焚毀無餘前教育局長王世鑫乃提議改設文昌廟內公共操場約一百方丈經費統由教育局開支

長青堡國民學校一所 在城東北十里宣統三年同知王孔鑄創設民國九年知事劉勳添設高等一班畢業後因滇軍攪擾欸項支絀停辦高等尙未修復現有國民學生二班每年由教育局開支大洋二百元

平夷堡國民學校一所 在城北二十五里宣統三年同知王孔鑄創辦  
每年由教育局開支大洋一百元

天壩司國民學校一所 在城東北三十里宣統三年同知王孔鑄創辦  
每年由教育局開支大洋一百元因學生不足停辦數年現經縣長蔣惠  
溥恢復矣

興仁堡國民學校一所 在城北三十里宣統三年同知王孔鑄創辦每  
年由教育局開支大洋一百元

排調國民學校一所 在城東南九十里宣統三年同知王孔鑄創辦每  
年由教育局開支大洋一百元

芳勝寨國民學校一所 在城東九十里民國二十年縣長蔣惠溥創設  
每年由教育局開支大洋一百元

南皋場國民學校一所 在城東七十里宣統三年同知王孔鑄創辦每

年由教育局開支大洋一百元

烏洛場國民學校一所 在城東南一百八十里宣統三年同知王孔鑄

創辦每年由教育局開支大洋一百元

十九年縣長郭輔相添辦一班加大洋一百元

礫砂廠國民學校一所 在城東南十五里民國六年知事黃翼創辦每

年由教育局開支大洋一百元

石橋堡國民學校一所 在城東七十里民國十年知事劉勳創辦每年

由教育局開支大洋一百元

得祿汎國民學校一所 在城西二十里民國十九年二月縣長郭輔相

創辦每年由教育局開支大洋一百元現因學生不足停辦一年本年經

縣長蔣惠溥恢復矣

百元寨國民學校一所 在城西北十五里十九年二月縣長郭輔相創

辦每年由教育局開支大洋一百元

永安村國民學校一所 在城東六十里民國十九年二月縣長郭輔相創辦現尙在修理校舍定明年開學

中孚堡國民學校一所 在城北四十里十九年二月縣長郭輔相創辦由教育局開支洋一百元

本城女子小學一所 設北街龍泉書院內民國二年知事陳時濟創辦四年值二次改革欸項支絀停辦五年知事黃翼繼續開辦七年因聘女師兼以滇軍攪擾仍議停止十七年仍復開辦經費統由教育局開支

八寨縣志稿卷十二

選舉

天之生才也原不擇地東夷西夷皆有聖人南蠻北貊亦多賢哲八寨開化雖晚自明及清摩仁漸義五百餘年豈無一二奇才異行之士可紀者只以向附府學考試名籍悉隸於府至道光二十二年貴州巡撫賀長齡學政王慶雲奏請頒廳學始設文武學各六名廩增各八名並設訓導一員文之登鄉榜者自道光壬辰科始武之登鄉榜者自道光甲辰科始選拔自道光己酉科始於是政府乃有名册可查私家亦有著述可考未幾苗變城陷典籍與兵燹俱燼姓名與灰飛同塵悲乎茲得之傳聞有有姓而逸其名者有姓名而無年分者全錄之以備後賢之參考

姓名

科

分

張儉

乾隆年進士

胡政舉

同治癸酉科進士

劉開甲

乾隆年弟兄同榜舉人開甲陞用雲南迤東道

劉開第

開第署廣東廣州府

包佚名

李佚名

張熹

王世臣

張誠

以上五人均乾隆年舉人

楊超儒

道光壬辰科舉人

楊大生

道光甲辰科舉人

盧振德

同治癸酉科舉人

歐陽朝相

光緒丁酉拔貢連捷舉人

莫嘉澤

道光己酉拔貢

楊廷甫

咸豐辛酉拔貢

胡正周

同治癸酉拔貢

張德音

歲貢

官萬全

歲貢

張登泗

歲貢

周親仁

恩貢

陸中乾

恩貢

周尊仁

歲貢

陸順乾

恩貢

黃元吉

歲貢

舉人

二

貴陽文匯書局代印

徐觀儒

恩貢

李成擇

歲貢

陳建勳

恩貢

周樹榮

恩貢

張晉如

歲貢

陳致新

歲貢

王榮光

歲貢

方超林

歲貢

方時望

歲貢

陳步瀛

歲貢

康景星

歲貢

楊一滋

歲貢



陳策

拔貢

楊澤

拔貢

蕭鳴遠

光緒辛卯歲貢

康金鼎

光緒丁酉拔貢

張桂星

光緒丁未歲貢

周敦五

歲貢

王世鑫

宣統己酉拔貢

趙朝禎

宣統己酉拔貢

中學以上畢業生

姓名

學校別

余農澤

貴陽高等警察學校畢業

莫自鈞

莫紹錦

黃雲開

王顯文

楊湛芳

官樹森

蕭榮宗

馬如瑜

莫世璋

彭正邦

彭正樑

桂作雲

史龍吟

以上均同

貴陽農業學校畢業

同

同

貴陽法政學校畢業

同

同

貴陽測量學校畢業

鍾鼎聲

貴陽模範中學畢業

張萬鍾

同

鍾鼎培

同

楊大魁

同

唐千鍾

同

莫文錦

同

扶聖謨

貴陽師範學校畢業

鍾鼎元

同

趙本固

都勻五中學校畢業

趙本智

同

劉文燾

同

趙本正

同

馬文彬  
王紹周  
池 濂  
周厚倫  
黎肇寅  
蕭祖憲  
桂作瑤  
洪經達  
莫世瑤  
孫振榮  
余耀榮  
孫振綱

同 同 同 同 同 同 同 同 同 同 同

貴陽崇武學校畢業

羅洪翔

同

孫茂德

同

孫茂才

同

莫紹榮

貴州財政講習所畢業

黃羅馨

同

楊正廉

同

賴尙權

貴陽第一期區長訓練所畢業

張萬鎰

同

鍾光炯

同

孔正倫

同

桂作芬

同

黃裕齡

同

卷之二

何品榮

王慶庭

羅仲謨

朱炳章

徐大章

同

同

同

同

同

八寨縣志稿卷十三

營汛驛站

國家可百年不用兵不可一日不設兵兵之設所以安內而禦外君子以儲戎器戒不虞其慮之深計之密蓋欲消患於未萌八邑古淪荒服不通上國後經元明兩代先後置天壩長官司猶屬羈縻地未入版圖迨清雍正時甫置漢官分設營汛逮乾隆初以邑地偏隅不宜驛站僅設塘鋪並置屯軍兵防於茲始備足資扞衛藉戢戎心其後武備漸弛故警咸同之苗亂官兵屢挫幾於不可收拾後雖極力整頓而實力不逮曩昔遠甚洎光緒末葉營汛屯軍漸次裁撤民國二年郵政普及又撤鋪矣

清朝雍正七年新設立協鎮都督府分左右二營

八寨協副將一員

雍正七年新設至乾隆二年移駐都勻府城

遊擊二員 分防一員

守備二員 分防一員

千總四員 分防三員

把總八員 分防七員

制兵一千八百名內馬戰兵一百八十名步戰兵七百二十名守兵九百名

乾隆二年改設立八寨營遊府

八寨營遊擊一員

乾隆二年以八寨協副將移駐都勻府城是年改設都勻協分防八寨汛右營遊擊駐紮至宣統二年裁汰都勻協副將以八寨營遊擊移駐都勻府城僅設分防八寨汛存城千總一員外委一員至民國二年奉文千總守兵一併裁撤



千總三員 分防二員

把總二員 分防一員

制兵八百六十名內馬戰兵八十名步戰兵三百五十名守兵四百三十名

自咸豐五年兵燹後營汛未設一十八年至同治十一年復設遊擊駐防裁汰制兵四成僅存馬步戰守兵五百零五名至光緒二年又裁撤馬步戰兵僅存守兵三百三十名又續裁二成僅存守兵二百六十七名光緒二十四年通裁一成僅守兵二百九十名三十一年又通裁二成僅存守兵一百九十二名至民國二年弁兵一併裁撤

八寨存城遊擊一員千總一員把總二員兵五百八十名 遞截至光緒三十一年僅存守

兵九十六名至宣統二年遊擊移駐都勻僅留千總一員守兵十二名至民國二年官兵一併裁盡

九門汛分防千總一員兵一百名 遞截至光緒三十一年僅存守兵二十二名民國二年官兵併裁

得祿汛分防把總一員兵五十名

遞裁至光緒三十一年僅存守兵

牙舟汛分防千總一員兵一百名

把總遞裁至光緒三十一年僅存守兵

一十四名至民國二年官兵裁盡

凱口汛分防外委一員兵四十名

僅存守兵九名至民國二年官兵裁盡

無驛設塘

八寨路離偏隅未設驛站僅設力塘

龍井塘兵四名

得祿塘兵二名

雞賈塘兵二名

借設都勻地

多傑塘兵二名

借設都勻地

羊甲塘兵二名

燒茶塘兵二名

以上六塘民國二年裁盡

靖彝塘兵二名

擺泥塘兵二名

雙峯塘兵二名  
以上三年裁撤

無驛設舖  
八寨路出偏兩未設驛結清朝三舖三年設立一十七名八寨同知

政晉理民國二年郵

本城舖  
原設夫三名

龍井舖  
原設夫四名

得祿舖  
原設夫四名

雞賈舖  
名舖夫二名原設四

多傑舖  
名舖夫二名原設四

牛角舖  
名舖夫二名原設四

牦老舖  
名舖夫二名原設四

高基舖  
名舖夫二名原設四

甲底鋪 鋪夫二名  
原設四名

羊甲鋪 鋪夫二名  
原設四名

交梨鋪 鋪夫二名  
借設獨山地

羊芒鋪 鋪夫二名  
借設獨山地

三脚鋪 鋪夫二名  
借設獨山地

八寨同知親標千總一員制兵一百名 清乾隆二年新設  
豐五年兵燹後裁撤

八寨衛千總一員安設十一屯堡共屯軍八百一十戶 乾隆三十年新設  
宣統三年裁撤

設主計員經收屯糧民國成立後主計員撤消併入寨知事管理  
經收民國五年省政府變賣屯產變成民產屯軍名目從此取消

屯堡十一

平夷堡屯軍一百戶衛千總衙門住此

豐樂堡屯軍六十戶

長青堡屯軍一百戶

柔遠堡屯軍一百戶  
望城堡屯軍七十戶  
興仁堡屯軍八十戶  
中孚堡屯軍六十戶  
石橋堡屯軍六十戶  
雙峯堡屯軍六十戶  
守望堡屯軍六十戶  
咸寧堡屯軍六十戶借設麻哈地



八寨縣志稿卷十四

土官

歷代馭夷之道大都順其土俗用厥渠魁戡亂止亂以蠻治蠻錢糧征解可免酷吏之浮收伏馬照供不漏奸民之徭役至若驅除荏苒約束苗民秦皇之法不能格漢武之教亦難馴者莫不洗心革面向化輸忱斯不愧朝廷之屏藩鄉閭之保障也較之他邑長官虜使部民別爲聲教暴民與政遺害閭閻其賢不肖奚啻霄壤哉特以其先人創垂之顛末後世繼紹之根由悉著於篇以見數百年來之利害以作言治者之參考

天壩長官司

天壩長官司天氏其先廣西慶遠府人有天阿路者於元至正十三年征南有功朝廷遂卽其地分封授天壩長官司世襲元亡明太祖開闢苗疆

洪武七年召留京師至十二年七月以東苗亂差員護送回籍擢授天壩蠻夷長官司給印信號紙管理上中下都勻等處一帶地方土務十四年苗民復叛欽差統兵征剿檄調隨師征討地方蕩平苗民盡皆輸賦復召到京十八年另賜方印號紙改陞貴州蒙囊直隸天壩安撫司仍管都勻巴榔等處一帶地方建文二年二月病故子阿浪襲永樂九年正月苗復跳梁極力征剿陣亡子龍蘭襲洪治六年十二月病故子金台襲王德五年六月病故子阿羅襲嘉靖二十二年三月病故子金貴襲萬歷二十年七月病故子阿童襲天啓二年調討平越王倫積勞病故子金隆襲奉調隨師征討朗洞等處叛苗有功題奏重加冠戴回司崇禎十一年二月病故子定國襲十三年四月病故子朝玉襲適清兵入關底定中外朝玉隨即繳印效順仍准襲如故未頒給印信順治十七年病故子應祿於康熙十二年承襲仍管理都勻等處一帶地方當因東苗肆橫奉調隨師征剿



被圍不屈死子世美襲雍正六年丹江八寨苗叛奉調隨師征剿著有勞  
績旋病故子建新襲提督哈元生賞給土把總委牌仍命隨師征討運糧  
有功賞給銀牌暨牛酒銀物有差征剿事竣撫院元展成賞給土千總委  
牌管理八寨地方土務原管之巴榔等處割歸府管議敘一等軍功題奏  
乾隆十二年四月病故子天貴襲三十三年七月病故子治平年幼詳請  
曾叔祖天爵代理至四十二年治平仍襲四十八年清釐土職案內咨部  
換給八寨天壩長官司委牌六十年二月病故子承祖襲旋奉司道扎委  
運都江軍米三千石至銅仁無誤督部堂富尼善咨明發給八寨土千總  
委牌嘉慶七 years 上諭國初各省用兵所有攔城抗節捐軀諸臣子孫賞給  
恩騎尉世襲罔替取造天應祿職銜及殉節陣亡事蹟造具冊結送部核  
辦賞給恩騎尉以承祖現已襲職詳明其弟榮祖承襲嗣承祖廢弛土務  
經著廳憲張某詳革弟顯祖詳請代理未蒙允准以次子象元襲道光二

十四年象元因廢弛土務經廳憲張某詳革弟象賢襲成豐五年苗教叛亂奉廳憲馬某扎選派土兵會同衛千總防堵尋因苗亂披猖奉調來城率土兵登陣固守旋城陷巷戰陣亡無嗣至同治十一年廳城克復地方清平前廳憲陳世芳查明象賢陣亡之嗣其弟象奎應承襲扎委代理土務正造冊結請襲隨卽病故其弟象田襲病故無嗣雖有旁枝其勢亦微不能承襲矣

排調長官司

排調長官司王氏其先有王宗貴者獨山州人也熟習苗語雍正六年丹江入寨苗叛都勻府憲進兵征剿調充通事引導官兵進剿丹江入寨等處地方逆苗有功撫都院張廣泗賞給功牌旋派護糧丹江無誤嗣撫院張廣泗紫營望城飭引兵進剿交圭羊甲等處均得勝賞示招撫委牌入年協憲蒲某飭引兵疏通都江河道浮水奪獲苗船一隻渡兵過河攻寨

得勝回營飭遞公文至八寨廳憲魯侯傳留侍左右八月清拏排調方勝  
叛苗賞花紅銀牌復令招撫排調方勝加支加照等二十餘寨十三年各  
處苗民復叛府協諭招募土兵卽毀家紓難變賣田產募兵百名隨師剿  
撫五月奉令護糧接濟丹江十一月遊府李步雲令帶兵引路至奪弄攻  
打雅灰各寨逆苗回扎燒茶乾隆元年隨同官兵進紮排調擒獲苗酋賞  
花紅銀牌牛酒隨進兵剿雅灰加支等處帶傷記功在案傷愈飭令帶兵  
進剿牛皮大箐擒獲逆苗人口甚多事竣賞土把總職議敘一等軍功咨  
題十五年九月奉部換給土把總委牌因病告退子世臣襲三十三年撫  
部院周某給土把總委牌四十五年病故子朝襲撫院李本督部堂福某  
均換給委牌五十四年病故子承祚年幼廳憲劉宗幹暫委世洪代理五  
十八年承祚仍襲嘉慶二十三年十二月病故子恩榮襲道光三十年七  
月病故子憲章襲咸豐乙卯苗叛帶土兵防剿並辦理城防事務城陷巷

戰陣亡之嗣叔恩隆襲同治十二年三月病故子憲錫襲憲錫故後其禮祀亦無傳矣

### 永安長官司

永安長官司雷氏其先清平縣人有雷起鳳者於雍正六年清理苗疆廳

憲魯朝聘招充通事自行招募土兵五十名進攻交圭等寨暨攻番仰等

寨均有功先是邑城東北五里有山名風榮坡高約百餘丈三面懸絕只

數十里起鳳招得五十人攻之苗人大笑起鳳憤極思得計乘黑夜以鹽水

至是起鳳招得五十人攻之苗人大笑起鳳憤極思得計乘黑夜以鹽水

為兵至中然後以炷香束於羊角放之羊聞鹽氣相爭而上苗見炷香以

乘之其山遂破按此山名風榮破此山者亦尋帶土兵隨經畧張某攻打

丹江賞給銀牌於雍正八年疏通河道隨協憲蒲某出師上江嗣因苗疆

平復廳憲魯給以上把委總牌雍正十三年苗逆復叛帶土兵引路攻打

燒茶等處招撫九門等寨協憲蒲某轉揚威將軍哈元生記功賞給銀牌

移營舟溪護糧接濟丹江無誤將軍哈元生賞給銀物牛酒旋回救八寨  
乾隆元年協憲曾某出師帶兵引路進剿高坡等寨受賊槍傷廳憲魯朝  
聘協憲曾某錄功詳報嗣苗疆奠安議敘一等軍功咨部三年經畧張某  
賞給土把總委牌十七年退休子澤洪襲五十一年目失明子明聲襲督  
部堂富某咨部發給土把總委牌嘉慶十二年九月病故子鎮宇襲咸豐  
乙卯苗亂帶土兵防守北門城陷巷戰陣亡長子濟恩亦被難無嗣次子  
濟清子治能襲病故乏嗣繼其弟子金城襲病故其子嗣不能承襲而其  
職遂廢

### 揚武長官司

揚武長官司楊先榮熟諳苗語招當通事以開闢苗疆屢立奇功經畧張  
某咨部發賞土把總委牌管理羊排羊烏等處三十餘寨土務乾隆五十  
一年九月病故因先抱先華子楊瑜爲嗣遵例承襲嘉慶二十四年五月

病故子廷棟襲道光五年十一月病故子元春襲咸豐乙卯苗教猖獗廳  
憲馬世璜遊府楊廷柱扎飭帶土兵團練辦理城防事務廳城失守巷戰  
陣亡長子清賢亦被難地方肅清後次子清明襲因老病辭退子啓貴襲  
病故時滿清退位民國成立其職遂廢其子孫亦微矣

八寨縣志稿卷十五

典禮上

古帝王創制顯庸因心作則大經大法歷古今而咸宜執兩用中合官民而皆準至若前清所定會典諸禮雖未盡五帝三王之心法周官儀禮之精華亦曾表止八孩統行六合何須再詳徒煩券帖也况滿清顛覆民國肇造典章文物悉予維新亦安用此虛儀往制爲乎惟八邑僻處南郵素號苗坼開化既遲遭亂亦久邑乘未備文獻無徵蘭芷蕭艾不知其爲香豆籩簠簋不知其爲器升降拜跪之儀不講久矣故不憚煩瑣仍悉陳之俾按籍而稽庶知一朝之令典耳

秩祀禮

聖廟春秋二仲月上丁日祭將祭前三日文武官致齋三日不理刑名前一日教官出祭器陳列明倫堂設香案於牲房外日午地方官偕陳設官

恭捧祝版及與祭官執事生姓名榜至學宮奉安祝版於祝案正中詣

至聖先師神位前上香三柱行一跪三叩首禮畢掛榜亭內日晡後主祭

官具祭服至明倫堂各官以次揖主祭官起省饌豆醴尊唱贊詣省牲所

引贊生前省牲執事者牽牲過案前省畢唱復位主祭官復位各官以次

敍坐唱請演禮禮如正祀獻帛爵等樂舞生請演樂樂如正祀演畢而退

祭之日四鼓陳設官教官率各執事人陳設祭器祭品牲俎於各神位

前工歌陳設篋簾琴琴鼓柷敔等訖各齊集廟門外主祭官分祭官陪祭

官各朝服詣廟門外下輿馬由櫺星門左右入文武升次序坐茶茶巡畢

陰陽官報聲唱初鼓鼓初徐後疾以百桴為率在廟皆役及各官從人俱

間二鼓主祭官分祭官陪祭官俱起立整飾衣冠立戟門次唱贊者先入

少間三鼓引贊生引主祭官及各詣盥洗所濯水進唱樂舞生各就位

各執樂器少間唱執事者各執其事司尊者就尊所立助獻分東西階上



唱主祭官就位俟立分獻官就位俟立陪祭官就位俟立瘞毛血助獻生

祭奠於迎神司樂者舉迎神樂奏昭平之章引贊上香引主祭官由東階

案前跪上復位引主祭官自殿右跪主祭官以三跪九叩首興樂止唱

行初獻禮司樂舉初獻樂奏宣平之章引贊詣盥洗所濯水進巾唱詣

酒樽所司樽者舉瓶酌酒引主祭官自東階詣

至聖先師位前行初獻禮跪左右助獻帛右助獻舉帛授主祭官前獻爵

如獻帛叩首贊興主祭官以詣讀祝文所引主祭官祝案前讀

各官皆跪樂止贊讀祝文讀畢仍樂作贊三叩首贊興贊詣復聖顏子

神位前引主祭官就跪贊獻帛如前叩首贊興贊詣宗聖曾子神位前

禮如前詣述聖子思子神位前禮如前詣亞聖孟子神位前如前復

位引主祭官由其餘十二哲及兩廡分獻官於讀祝文後唱行分獻禮贊

生引分獻官就神位前行初獻禮畢贊復位唱行亞獻禮司樂舉亞獻樂

典禮上 二 貴陽文通書局代印

奏秩平之章引主祭官分獻官亞獻禮畢樂止唱行終獻禮司樂舉終獻

樂奏敔平之章引主祭官分獻官終獻禮畢贊復位樂止唱飲福受胙引

祭官自東階上進殿左門詣飲福位贊跪助獻二人捧酒胙立於左贊飲福體主祭官受胙

於左跪贊受福胙左跪者贊授三叩首贊興復位唱謝胙跪主祭官以三

跪九叩首贊興微饌司樂舉微饌樂奏懿平之章助獻生舉饌出殿樂

止唱送神司樂舉送神樂奏德平之章唱跪主祭官以三跪九叩首唱興

讀祝者捧祝司帛者捧帛各詣燎所讀祝者先跪取祝文司帛者次跪

配左哲由殿左門出班燎所各捧跪於燎次之西望燎主祭各官前焚祝

帛復位樂止禮畢退

祝文乾隆元年

維某年月日某官致祭於

至聖先師孔子神位前曰惟先師德隆千聖道冠百王揭日月以常行

自生民所未有屬文教昌明之會正禮節樂和之時辟雍鐘鼓咸怡薦以

馨香泮水膠庠益致嚴於邊豆茲當仲春秋祗率彝章肅展微忱聿修祀典

以復聖顏子宗聖曾子述聖子思子亞聖孟子配尚饗

東西十二哲東西兩廡各行一獻禮丁祭日四鼓前教官先至崇聖祠

引贊生引入崇聖祠門唱詣盥洗所澀水進巾唱執事者各執其事司尊

會所立助獻生分東西階主祭官就位俟立分獻官各就位俟立瘞毛血

升各脫簪侍拜次前立助獻生徹毛血盤盪於坎唱迎神上香上香復位贊跪主祭分三跪九叩首贊興唱行

初獻禮唱詣酒尊所司尊者舉巵酌酒執帛者捧帛執爵者捧爵主祭官

門入詣五聖王神位前跪獻帛獻爵獻叩首興詣讀祝文位前跪引

祭官詣祝案前跪讀祝分獻官皆跪贊讀祝文讀畢三叩首興贊詣先

賢顏氏神位前跪獻帛爵叩首興詣先賢曾氏神位前跪如前

詣先賢孔氏神位前跪如前詣先賢孟氏神位前跪如前其從祀分

禮上 三 貴陽文通書局代印

獻官於讀祝文後唱行分獻禮二引贊生引二分獻官就東西神位行禮俱照主祭官初獻儀注初獻禮畢贊復位唱行亞獻禮引贊如亞獻禮畢贊復位唱行三獻禮引贊如終獻禮畢贊復位唱徹饌送神跪主祭官以下皆跪三跪九叩首興唱讀祝者捧祝司帛者捧帛各詣燎所唱望燎各面燎所立焚祝帛唱復位禮畢主祭官以下俱皆復坐次

祝文

維某年月日某官致祭於

肇聖王 裕聖王 詒聖王 昌聖王 啓聖王 神位前曰惟 王奕葉  
鍾祥光開聖緒盛德之後積久彌昌凡教澤所覃敷悉尋源而溯本宜肅  
明禋之典用申守土之忱茲屆仲春聿修祀典以 先賢顏氏 先賢曾  
氏 先賢孔氏 先賢孟氏配尙饗  
東西從祀先賢五座各行一獻禮

祭器

清雍正三年奏准將文廟祭器樂器刊頒各省劃一製造十二年議准直  
省文廟祭器樂器有未備者該地方官詳明督撫照額設原數備齊如有  
損壞亦即詳明修補府州縣官並教官離任時俱各查明交代乾隆元年  
議准文廟祭器有未備者均動帑項修造仍於完竟時報部核銷

文廟祭器 凡十有九

簠

俎

鉶

鐙

爵

簋

簋

籩

豆

祝版

香爐

燭塵

酒樽

尊罍

龍罍

帨巾

籩巾

盥盤架

盥盤

文廟樂章

大哉孔子先覺先知與天地參萬世之師祥徵麟紘韻答金絲日月既揭  
乾坤清夷

初獻奏宣平之章

予懷明德玉振金聲生民未有展也大成俎豆千古春秋上丁清酒既載  
其香始升

亞獻奏秩平之章

式禮莫愆升堂再獻響協設鏞誠孚壘獻肅肅雍雍譽髦斯彥禮陶樂淑  
相觀而善

終獻奏敘平之章

自古在昔先民有作皮弁祭菜於論思樂惟天脯民惟聖時若彝倫攸序  
自今木鐸

徹饌奏懿平之章

先師有言祭則受福四海蠻宮疇敢不肅禮成告徹毋疎毋瀆樂所自生  
中原有蕝

送神奏德平之章

覺嶧莪莪洙泗洋洋景行行止流澤無疆聿昭祀事祀事孔明化我蒸民  
育我膠庠

關帝廟

順治元年定每年五月十三日祭九年勅封忠義神武關聖大帝雍正三  
年封關帝三代公爵造神牌供奉後殿五月致祭外定於春秋二仲月上  
戊日致祭五年頒行武廟祀典乾隆二十三年加靈佑二字嘉慶二十年  
加仁勇二子復加宣德二字春秋二祭期由部選擇正殿陳設帛一白爵  
三燈一釧二簋二簋二籩十豆十牛一羊一豕一鐙俎二鑪一尊一有勺  
疏布  
累香盤一行禮儀注同聖廟

祝文

維某年月日主祭官某陪祭官某致祭於

忠義神武靈佑仁勇關聖大帝神位前曰惟 帝浩氣凌霄忠心貫日扶  
正統而彰信義威鎮九州完大節以篤忠貞名高三國神明如在徧祠宇  
於寰區靈應丕昭薦馨香於歷代屢徵異績顯佑羣生恭值嘉辰遵行祀  
典祇陳邊豆敬奠牲醪尙饗

文昌廟

嘉慶六年奉諭旨致祭文昌帝君倣照關帝春秋二祭之例辦理後殿祀  
文昌先代七年頒行祀典神牌書文昌帝君神位每歲以二月初三日聖  
誕爲祭期秋以欽天監選定吉日爲祭期陳設禮節與武廟同

祝文

維某年月日主祭官某陪祭官某致祭於



文昌帝君神位前曰惟 神績著西垣樞環北極六匡麗曜協昌運之光  
華累代垂 靈爲文人之主宰扶正久彰夫感召薦馨宜致其尊崇茲屆  
仲春秋用昭特祀尙其歆格鑒此精虔尙饗

社稷壇

順治初定府州縣社稷每年以春秋二仲月上戊日祭雍正二年議准社  
稷壇府稱府社神府稷神州稱州社神州稷神縣稱縣社神縣稷神壇制  
東西二丈五尺南北如之高三尺一成四圍出陛各三尺緣以周垣四門  
朱色今壇無周垣亦無四門神牌二以不爲之硃漆青字高二尺四寸廣六寸座高  
五寸廣九寸五分臨祭設於壇上陳設共一祝版各位前帛一色黑爵三銅  
一和簋二黍簋二稻籩四錒豆四韭菹菹羊一豕一俎燈一有罇一有  
行禮儀注同前

祝文

維某年月日主祭官某陪祭官某致祭於

社神 穆神位前曰惟 神奠安九土粒食萬邦分五色以表封圻育三  
農而蕃稼穡恭膺守土貽展明禋茲屆仲秋敬修祀事丸丸松柏鞏盤石  
於無疆翼翼黍苗佐神倉於不匱尙饗

常雩壇

祭法曰雩宗祭水旱也春秋書雩二十有一皆因旱而雩若夫龍見而雩  
詩頌所謂祈谷於上帝也舉行於建巳之月歲有常額是謂常雩乾隆七  
年御史徐以升奏府州縣孟夏擇日行常雩禮或有亢旱亦皆七日先祭  
界內山川次祭社稷不兩仍祈禱如初但不必用大雩禮亦不必另設雩  
壇其社稷籍田等舊設壇址可以恪恭將事其或霪潦爲災則伐鼓用牲  
禁祭城門以祈晴霽俱照舊行儀注奉旨依議欽此制即在社稷壇分案  
合祭陳設正中第一位 風雲雷雨神位前帛四青黃黑爵十二白各劍二和

簋二黍稷 籩二稻粱 簠四刑鹽棗 豆四蕝苴醢醢 羊一豕一同 鑪二 鑪一尊一

有勺 禮左第二位 社神位前帛一色 爵三餘俱同 壇右第三位 稷

神位前黍稷同前壇次左第四位 山川神位前帛一色 爵六餘同次右

第五獻文先農神位前帛一色 爵三餘同儀注與前同

穀(說文)夏祭樂於赤帝以祈甘雨也又(禮月令)仲夏大雩

祝文

維某年月日主祭官某 陪祭官某 致祭於

風雲雷雨 社 稷 先農之神曰某 恭膺詔命撫育羣黎仰體彬廷保

赤之誠勤農勸稼俯維葦屋資生之本力穡服田令甲爰頒龍舉祈年之

典惟寅將事用申守土之忱黍稷維馨尚冀神明之受賜來牟育庶禱豐

裕於蓋藏尚饗

神祇壇

會典以風雲雷雨爲天神類以山川城隍爲地祇類順治初共爲一壇每歲春秋二仲月祭之雍正二年奏准安置神位以風雲雷雨之神居中帛四其府州縣境內山川之神居左帛二府州縣城隍之神居右帛一皆白色祭前致齋三日不理刑名壇制與社稷壇同惟門由南入 神位凡三木主臨祭設於壇上中曰風雲雷雨之神左曰八寨城隍之神祭期舊以巳日致祭乾隆三年奉部劄同用二仲上戊日祭品與社稷同惟帛用白色共設三案儀注與社稷壇同惟獻禮分中左右三位望瘞改爲望燎執事者不以土實坎

### 祝文

維某年月日主祭官

某

陪祭官

某

致祭於

風雲雷雨 山川 城隍之神曰惟 神贊襄天澤福佑蒼黎佐靈化以流形生成永賴乘氣機而鼓盪溫肅咸宜磅礴高深長保安貞之吉憑依

鞏固實食捍禦之功幸民裕之殷盈仰神明之庇護恭修歲祀止值良辰  
敬潔豆籩祗陳牲帛尙饗

### 先農壇

雍正四年准令直省府州縣各擇潔淨之處照九卿所耕籍田畝數爲田  
四畝九分設立先農壇每歲季春亥日各官率屬員耆老農夫恭祭先農  
之神照九卿九推之禮壇製高二尺一寸寬二尺五寸後建正房三間左  
右配各二間正房中間供神牌東間貯祭器農具西間收貯籍田谷右配  
房東間置辦祭品西間看守農夫居住壇之外周圍築土爲大門一座其  
神號曰先農之神用木牌高二尺四寸寬五寸厚高五寸寬九寸祭期每年  
以季春亥日致祭儀注亦與社稷神祇同祭畢卽於是日行耕籍禮以朝

服祭畢耕籍  
改換鮮袍

### 耕籍儀

先農祭畢各官俱穿蟒袍司旗八人分東西負牆立司鼓八人載出鼓分

東西立司旗相間司鉏八人分東西引銅鉏分東西立於旗鼓之前樂工八人

立於東西區之中儘南耕則推往來作樂為節唱贊生二人立東西二區之中儘北

明贊生行耕籍禮引贊生正印官以下等官各就耕所唱行九推禮唱進鞭

明秉耒明初推司鉏者鳴鉏一聲司旗者揚旗司鼓者搥鼓不疾不徐均節為禮樂

工歌詩農官牧夫以牛行播種官執青旂隨後播種各官如之一進一反為一

推司鉏者鳴鉏一聲唱初推竟二推至九推皆如之九推禮畢唱停犁唱釋鞭升

觀臺序立臺下庶人終畝畢唱謝恩引贊生各官就位望闕序立贊三

跪九叩首興唱禮畢

祝文

維某年月日主祭官某致祭於

先農之神曰維神肇興稼穡粒我蒸民頌思文之德克配彼天念率育

之功陳嘗時夏茲當東作感服先疇恭維九五之尊定舉三推之典忝膺  
守土敢忘勞民謹奉彝章聿修祀事惟願五風十雨嘉祥咸沐夫神庥庶  
幾九穗雙歧上瑞頻書於大有尙饗

火神廟

祭期 會典六月二十三日致祭每年春秋二祭  
定於祭龍王之象日儀與祭龍王同

祭品祝版一帛一白爵二銅一簠二簋二簋四豆四羊一豕一燈一鑪一  
香盤一罇果實五

祝文

維某年月日某致祭於

火德熒星尊神曰恭維 尊神正位離明體陰用陽配坎福民有功民社  
祀典崇新茲屆仲春敬薦豆馨惟望 神靈默佑心曜含精上報懷柔之  
聖世下賜康吉於蒼生薦牲酬酒 神其鑒此一誠尙饗

城隍廟

按城隍廟舊無專祠春秋仲月上戊日附祭於神祇壇三元令節

則合祭於厲壇

祭日於午後奉城隍神主壇壇位正中南向祭用祝版一有帛一白爵

一三羹五器羊一豕一鐙一鑪一香槃低馬一分無祀鬼位西向各一案

祭用爵三菜三器羊一豕一如無羊豕即作殺置於磁盤鐙二鑪一飯米隨紙果用

祝文

維某年月主祭官某陪祭官某致祭於

府城隍暨闔境無祀鬼神之衆曰幽明異路治理惟均名位殊途職權自

別惟神聰明正直有以作之鑑觀而若蒿悽愴無不極其情狀爰遵定制

聿舉明禋凡斯無嗣之魂俱屬有生之類爲男爲女姓莫紀於宮商是故

是新代可稽於子丑號風嘯雨斷子姓而疇依附草棲烟絕姻親其何託



謹築壇於城北仰主祭於尊神維茲<sup>上</sup>元之節敬備牲醴肅具羹飯統  
一境內之幽魂率羣靈而大享鬼音歸也庶幾壇壝以知歸神之格思尙  
其薦馨香而來格尙饗

### 龍王廟

乾隆二十四年議准致祭於龍王於春秋二仲月辰日祭品悉照河神  
之制先期齋戒一日不理刑名據祀典行三跪九叩禮亦有行二跪六叩  
禮者

### 祝文

維某年月日主祭官致祭於

龍王之神曰惟神德澤寰海澤潤蒼生允冀水土之平經流順軌廣濟  
泉源之用膏雨及時績奏安瀾占大川之利涉功資育物欣庶類之蕃昌  
仰藉神庥宜隆報享謹遵祀式用協良辰敬布几筵肅陳牲幣尙饗

賢良祠

雍正十年二月奉上諭我朝從前文武大臣持躬正直奉職公忠樹績建勳完全名節者朕已降旨於京師建立賢良祠永遠展祀以彰令善因思外任大臣撫鎮封疆宣猷布化忠勇效命威愛宜民其政績卓然可紀者身歿之後宜於本地建立賢良祠俾得永膺祀典既足以慰兵民懿好之公亦足以爲後來居官之勸如今日之將軍蔡良提督張起雲總兵蘇大有魏翥國皆有賢聲勤勞王事而歿於官者先宜在賢良之列著各於省會之地建立祠宇其與祀之人若追溯從前恐稽查未確或致濫膺亦未可定不若卽從近年爲始向後若有應請入祠者該地方督撫一人各具一本請旨不必彙奏其一切事宜著九卿妥議具奏欽此到部仰見我皇上褒德報功祀典周洽歷稽隆古罕有比倫臣等伏惟各直省文武大臣仰沐朝廷教育洪恩身荷聖明簡畀重任無不爭相砥礪奮建功名其有

宣惠澤以綏兆民肅軍威以資重鎮者確有嘉庸可溯允與祀典相符至所任地方其實政之霑被最親輿情之見聞最悉俾得建祠以祀共切觀瞻且足闡揚前次之功施亦易興起後來之效法臣等欽遵諭旨即從近年爲始如廣州將軍蔡良福建提督張起雲貴州古州總兵蘇大有雲南臨安總兵魏翥國皆忠公奉職境內素著乎賢聲敬慎居官存日勤勞於王事謨思徧洽政澤猶新已邀恩諭之褒揚深協羣情之懿好應令該督撫於各省城建立祠宇將蔡良張起雲蘇大有魏翥國四員先行製牌入祠永膺祀典以作稽模其近年各置省督撫提鎮大臣有政績卓然可紀及此後外任文武諸大臣著有賢聲於身後應請入祠者令該督撫詳查事蹟博采公忱一人各具一本據實繕奏恭請欽定一體入祠致祭則方州之節鉞勳名與俎豆同光先後之賢良姓氏並彝章永煥矣其祠宇規模臣等酌照雍正七年奉旨特建河道總督靳輔齊蘇勒合祠之式正廳

三間廳內正中製造神龕一座遇有應行入祠之大臣製造牌位安設廳前東立石碑一座西設燎爐一座門樓一間大門三間大門內東西各置廂房一間大門外柵欄一道照牆一座其買地基並採募工科等費俱於公項銀兩內動支工完造冊報明工部查核其每年春秋祭品亦照各省名宦之例令地方官備辦入於祭祀開銷至於祠宇間架高深寬廣圍牆丈尺及專人司香守廟之處應令各該處因地制宜酌量辦理所建祠宇應請欽定題賢良祠匾額交與該處恭摹該部頒發轉令各省加謹刊刻擇吉懸掛以光大典以垂萬年恭候命下之日移咨各直省督撫欽遵諭旨敬謹舉行可也奉旨依議欽此

### 授時禮

凡頒朔之禮歲以孟冬一日頒來歲十有二月之朔以利民用直省布政司各給欽天監時憲書印貯於庫歲四月欽天監以奏准來歲時憲書式

頒谷布政使司刊刻國曆以所貯監印孟冬月彙送督撫督撫設香案陳時憲書履生引贊率所屬文武官朝服望闕行三跪九叩禮祇領訖布政使司遞頒發專城之道府轉行所屬州縣分駐之提鎮轉行所屬標營到日行禮祇領均與會城同迺頒布民間無有不徧偽造者論如律

### 迎春禮

每歲立春有司官遵照典禮迎春於東郊出土牛先期塑造土牛芒神前一日各官常服迎至縣門土牛南向芒神東西向立春日早陳設酒奠各官朝服行一跪三叩禮奠酒畢昇土牛芒神行香亭鼓樂前導各官朝服後隨至東郊各官執綵仗環立土牛兩旁禮生贊鞭春各官環擊土牛三鞭畢而退

按今有司官迎春皆前一日朝服於東郊迎昇土牛芒神安設於長官公署之儀門外次日照依立春時刻祀芒神卽於安設土牛處鞭

春

上牛式水土取歲德方位牛像頭至尾椿長八尺按八卦尾長一尺二寸按十二時高四尺按四時胎骨用桑柘木顏色視立春日干爲頭角耳支爲身納音爲蹄尾肚各取所屬五行分青黃赤白黑籠頭构索視立春日支色四孟日麻仲日苧季日絲构子用桑柘芒神式身像高三尺六寸按一年三百六十日寅申巳亥年像老子午卯酉年少壯辰戌丑未年孩童正日前後五日立春爲忙芒神與牛並立前五日外立春爲早忙立牛前後五日立春爲閑立牛後六支陽年立右陰年立左服色視立春日支神受尅爲衣之顏色腰頭髻前後視立春日納音位鞮耳提戴視立春日時氣鞋袴行纏有無繫懸左右視立春日納音之氣與位鞭結用柳枝長二尺四寸按二十四氣結子麻苧絲視日孟仲季俱五采染色

行香禮

每月朔望日有司官皆詣各廟行香跪叩九六三視各廟祭祀之數雍正  
間釋准各廟行香須在黎明以昭誠敬又每行香後詣明倫堂講書亦與  
上任講書儀同

冊稿

### 救護禮

凡遇日月食文武各官俱遵照典禮依部頒欽天監推算時刻於本衙門  
救護凡日食結綵於本衙門儀門及正堂設香案於月臺上設金鼓於儀  
門內兩旁設各官拜位於月臺上俱向日陰陽生報日初食各官俱朝服  
行三跪九叩禮各官俱跪班首官上香畢擊鼓三聲衆鼓齊鳴再上香各  
官暫起立三上香各官仍俱跪陰陽生報復圓金鼓聲止各官俱再行三  
跪九叩禮禮畢各官然後散月食儀同

清初仍沿明制順治十四年定例各官救護日月食俱於本衙門行禮月  
食救護與日食儀同又會典救護自初食以至復圓俱朝服今初穿補服

次穿素服次穿朝服

上任禮

新官到任本衙門預備儀仗先期出城迎至日新官具公服首領官率各房吏典併合屬官人等導引新官先至城隍廟陳牲醴行香致告行一跪三叩禮獻爵讀祝或有誓詞讀畢仍行一跪三叩頭禮畢導引至本衙門儀門前祭告行禮畢導引至月臺上設香案朝服望闕行三跪九叩頭禮易服拜印行一跪三叩頭禮畢坐公座開印皂隸排衙吏房呈押公座畢參見吏役屬官畢三日內行香講書

附行香儀前一日定期至日視各廟應穿禮服及跪叩儀節分別行禮如文廟三跪九叩頭關帝廟同文廟城隍廟土地祠一跪三叩頭之類


講書儀



先於明倫堂設公座及講案文武諸生拱候於儒學門新官至一揖導引詣明倫堂公座諸生行參見禮新官拱答如儒學官同座敘說畢講書值講生向上三揖端立抗聲講說書義畢三揖而退又輪值講如前儀講畢新官申訓詞分給紙筆獎值講者新官起諸生仍趨儒學門拱候揖送

### 開封印信禮

每年正月開印十二月封印皆遵照部行欽天監擇定日時行禮儀注開印儀與上任拜印同封印跪叩同開印惟標記封印不呈押公座



八寨縣志稿卷十六

典禮

下

謁見禮

謁見大總統禮

一特任簡任各職之晉見大總統均用謁見禮

一謁見員詣大總統府時須先向承宣司遞職名柬柬用大名片居中直行寫職銜及姓名背面並寫簡明履歷由承宣官入啓俟大總統臨延見室再行導入

一謁見員入延見室應向大總統行一鞠躬禮大總統延坐詢答畢謁見員興辭行一鞠躬禮退出

一謁見均用常禮服但初次晉見者須着燕尾服曾得勳章者並佩帶勳章

一大總統傳見及因公請見或介紹請見者均用謁見禮

一薦任職以下除大總統傳見者外均無庸謁見

一滿王公世爵及蒙回藏汗王公之晉見者均用謁見禮

一凡謁見員預請示期或臨時請期經大總統定期或解期或派代見或免謁見承宣司均應隨時通知謁見員

見副總統禮

一凡官民見副總統初見遞禮柬(柬式如前)副總統出見行一鞠躬禮及退鞠躬如前副總統送於門外凡常見通名帖(名帖式正面仍書職銜及姓名背面第書某籍某住址)均行一鞠躬禮

見國務總理禮

凡自簡任職以下各職奉任命後由銓敍局行取各該員簡明履歷彙陳總理請期接見屆期各具名柬由銓敍局局長引入接見室啓總理出

見進見員各向總理行一鞠躬禮總理延坐詢答畢各員興辭請立以次退出進見各員均用常禮服

文武官敵體相見禮

文武官敵體相見初見通名刺（僅書姓名）賓入主人迎於門若在室內各行一鞠躬禮及退主人送於門外若在室外文武官應親相見之地或行一鞠躬禮或行軍禮舉手依時依地定之凡常見亦行一鞠躬禮

文武僚屬見長官禮

凡僚屬見長官初見遞禮柬長官出見行一鞠躬禮及退鞠躬如前長官送於門內凡常見通名帖均行一鞠躬禮

人民見官長禮

凡人民見官長初見通名帖（如法人代表名帖上亦應書明）官出見行一鞠躬禮官長答禮及退一鞠躬官長答禮如前送於門內凡常見一

鞠躬官長答禮亦如之

人民敵體相見禮

凡人民敵體相見初見通名刺賓入主人迎於門相對鞠躬及退主人送於門外凡常見用脫帽體

卑幼見尊長禮

凡卑幼見尊長初見通名帖尊長出見行鞠躬禮尊長答禮及退一鞠躬送於門內若尊長來見卑幼迎於門外如前儀凡常見一鞠躬尊長答禮亦如之如尊長係親屬者不送

弟子見師長禮

凡弟子見師長如卑幼見尊長例

女子相見及男女相見禮

女子相見與男子相見畧同若男女相見亦各以其差等適用以上各禮

惟女子例不脫帽

附公佈禮制法令

第一章 男子禮

第一條 男子禮爲脫帽鞠躬 第二條 慶典祀典婚禮喪禮聘問用脫帽三鞠躬禮 第三條 公宴公禮式及尋常慶弔交際宴會用脫帽一鞠躬 第四條 尋常相見用脫帽禮 第五條 軍人警察有特別規定者不適用本制

第二章 女子禮

第六條 女子禮適用第二條第三條之規定但不脫帽 尋常相見用一鞠躬 第七條 本制自公佈日施行 右爲中華民國禮制

第一章 男子禮服(圖式從略)

第一條 男子禮服分爲大禮服常禮服二種

第二條 大禮服式分爲如第一圖料用本國絲織品色用黑

第三條 常禮服分二種(一)甲種式如第二圖料用本國絲織品或棉織品或麻織品色用黑(二)乙種褂袍式如第三圖

第四條 凡遇喪禮應服第二第三條禮服時於左腕圍以黑紗

第五條 男子禮帽分大禮帽常禮帽二種(一)大禮帽式如第四圖料用本國絲織品色用黑(二)常禮帽式如第五圖料用本國絲織品或毛織品色用黑

第六條 禮靴分種(一)甲種式如第七圖色用黑服大禮服及甲種常禮服時均用之(二)乙種式如第七圖色用黑服乙種常禮服時用之

第七條 學生軍人警察法官及其他官吏之制服有特別規定者不用本制

第八條 凡有公職者於應服禮服時不適用第三條第二欸及第六條



第二款之規定

第二章 女子禮服（圖式從略）

第九條 女子禮服式如第八圖周身得加繡飾

第十條 凡遇喪禮應服前條禮服時於胸際綴以黑紗結

第三章 附則

第十一條 關於大禮服及常禮服之用料如本國有相當之毛織品時得適用之

第十二條 本制自公佈日施行

冠禮

按冠禮爲成年之古制近世多廢輟不行但今民律草案采取各國法律參酌古今習慣有男子二十歲爲成年之規定是猶古時男子二十而冠之遺意爰略述古制姑存一格以免數典忘祖之譏

(一)戒賓 (冠期已定應請賓爲冠者加冠或使來觀禮兩三日請主人自詣其家)

戒賓書式 (此卽遣使致書之書詞)

奉啓

某某執事

某有子某年及成人將以某月某日行加冠禮求所以教之者以德之齒莫

先生若敢請屆期寵臨以惠教之某父子咸感荷無極矣未及躬詣門下尙祈

亮照不宣

某某署名 (上下稱呼隨宜)

(二)宿賓 (宿者進也前一日遣使再請所以致敬於賓必欲其惠臨也)  
宿賓書式

某上

某某執事某以來日加冠於子某務請 惠臨敢宿 某某署名

(二)行始加冠禮 (古制有三加冠禮分始冠再冠三冠之儀)

將冠者出房卽席執事者以始加冠進由賓受冠申祝辭然後以加將冠者之首是謂始加冠 (古有拜跪各儀茲從畧後仿此)

始冠祝辭

吉月今日始加元服棄爾初志順爾成德壽考維祺以介景福

(四)行再加冠禮

畧如前例

再冠祝辭

吉月良辰乃申爾服謹爾威儀淑慎爾德眉壽永年享受景福

(五)行三加冠禮

同上

三冠祝辭

以歲之正以月之令威加元服兄弟俱在以成厥德始終敬慎黃耆無疆受天之慶

(六)行醴禮(酌而無酬酢曰醴)

冠者就醴席執事酌酒授賓賓受酒申祝辭復以酒授冠者冠者祭酒啐酒謝賓如儀是謂醴禮

醴禮祝辭

旨酒既清嘉薦令芳拜受祭之以定爾祥承天之休壽考不忘

(七)行合字禮(古時已冠而醴如命以字)

賓主及賓者各醴贈由盃申祝辭冠者拜謝如儀禮畢賓退就次

禮畢

禮儀既備吉月令日昭告爾宇爰字孔嘉髦士攸宜宜之於嘏永保受之

(八)見廟

主人以冠者見於宗祠主人先行禮繼續讀祝冠者後主人行禮復隨主人辭神焚祝文

見廟祝文

禮儀三百莫重於冠某之(第幾)子某今日冠畢用敢率見伏惟鑒格俯垂庇佑俾之成人勿墜先志謹告

(九)見父母尊長及諸賓友

冠禮已成冠者在宗祠中叩見父母尊長父母尊長亦起答之復由主人率冠者謁見諸賓友冠者行禮諸賓友皆答禮如有教言冠者祇領申謝乃退

附笄禮

按女子十五而笄笄以母爲主擇親戚婦人爲賓儀制如冠禮而少省  
茲不贅

右述冠笄各制近已罕行然臨婚之日間有教新郎之俗其初不戴  
大禮帽是猶有寓冠於婚之意女笄亦於臨嫁時行之如開臉加笄  
及餞酒(卽醮女之禮)皆古時笄禮之遺不過併冠笄婚嫁爲一耳  
告朔餼羊不可忽也

婚禮

婚禮爲嘉禮之一古有六納采問名納吉納徵請期親迎是也朱子家禮  
存其三一納采二請期三迎親納采俗稱行聘請期俗稱催妝導日親迎  
俗稱迎娶今雖崇尚文明不遵舊制然古禮或爲一部分取姑存其略

(一)納采

婚禮之初爲求婚既允而後行聘蓋卽古禮中之納采問名也今多於納采時補行求婚允婚禮書且僅用敬求台允與謹遵台命八字與古代略異『古文納采書式』及『求婚允婚禮書式』詳禮書（見交際文字程式類中）中而行聘時有種種禮物及聘金並有直稱財禮爭多論少者殊不文明

### （二）請期

請期者選擇吉日請於女家以定迎娶之期也請期之時又有禮物名曰納幣蓋卽古納吉納徵之禮幣用綢緞伴以食物酒果量力贈與各從俗例

### （三）親迎

迎娶之日婿乘馬或轎或車親率彩輿至女家女家選人招待婿至導之入室略用茶點然後登堂行奠雁禮（雁爲古時士所執之贄今皆僭用

羔羊或以別物代之。奠雁時女之父母先出見壻壻行三鞠躬禮畢趨立輿旁既而女出壻見之行一鞠躬禮（女之父母及女答禮亦如之）俟其登輿然後辭出先彩輿而行今壻不親往但以彩輿往女家迎之者亦曰迎娶不行奠雁禮惟羔羊則仍用之然俗尚簡易習不知非繩以古殊有未當女既至男家則有合巹廟見諸禮結婚之日設花燭禮場設於內堂俟彩輿至贊禮者高唱請新人降寶輿然後喜嬪扶新人降輿與新郎並肩而立向內行參拜禮復相向行交拜禮禮畢執燭者導新郎新娘入洞房飲交盃酒是曰合巹今合巹以後倘有告祖見舅姑及拜見親族之禮惟多於結婚之翌日行之又女子出嫁之日有告祖設醮及辭父母等禮大抵於彩輿未至之前行之迨女登輿而去則必有女之兄弟以送之俗稱送舅其實送舅爲新壻不親迎而設若新壻自行親迎則固無須有送舅矣女嫁三日或一月歸寧之日俗謂之回門回門卽古者反馬



之禮本應行之於三月廟見之後今則多於三朝或滿月後行之回門日期則由女家決定通知壻家壻於是日與女俱往女家待之宴禮必須豐備

### 附古制儀節述畧

奏樂 彩輿臨門 喜娘扶新婦出 登堂在右向內立 新郎出堂在左向內立 男主婚人登堂居中向內立 率新郎新婦祭告祖宗畢 新郎新婦易位 行結婚禮 男主婚人居中向外立 新郎新婦行覲見禮 男族親友男女尊屬平輩晚輩以次分左右立 新郎新婦內向行覲見禮

### 附文明結婚儀節述畧

文明結婚之儀節較古禮爲簡然濡染歐風崇尚自由幾盡廢古之六禮說者病之吾謂儀節可簡而禮不可簡故行聘也請期也親迎也通常亦

不盡廢惟以簡儉為主耳吾又謂選擇可以自由而禮制不可自由故父母之命媒妁之言亦不能偏廢惟以已之允否為主耳尤當注意之事即血族之避忌凡姨表姊妹不聯姻與夫童年結婚戕害身體而已他何尤焉茲述禮堂位置與儀節如左他與古制畧同若『證婚書』『祝詞』『詞』『謝詞』又散見交際文字及禮書類中亦不復贅

文

男族全體人席

明

男介紹人席

音樂部席

結

男主婚人席

新郎

男賓相席

男賓席

婚證婚人席

禮案

女主婚人席

新娘

女賓相席

女賓席

禮

女介紹人席

司樂員席

圖

女族全體人席

結婚禮場設在宅內或借花園公所如圖陳設至時司儀員入場就位立  
唱道(一)執事告備吉時已屆應行結婚大禮 奏樂(不用鼓樂則用  
風琴)(二)請男女來賓暨兩家親族人入場觀禮(依圖分行就座)(  
三)請證婚人入場觀禮(依圖分行就座)(三)請證婚人入席(就禮案  
向外立)請介紹人入席(就禮案左右相向立)(四)請引導人導新郎  
新娘入場詣禮案前立)向證婚人行一鞠躬禮(五)請證婚人宣讀證  
書(至是樂應暫止)(六)請證婚人介紹人蓋印(七)請介紹人爲新娘  
新郎交換飾物(指環等)奏樂(八)請新娘新郎向外行招告禮 三鞠  
躬(此指在宅內設有香案者言如不設則接行以下各禮)(九)請新郎  
新娘向內(如無上項向外禮則不唱向內二字)對證婚人介紹人行致  
謝禮 三鞠躬(十)請新郎新娘行交拜禮 三鞠躬(十一)禮成(樂  
止)請證婚人介紹人退席(退席後如道賀可參入來賓中)

婚禮告成之後接見親族來賓之禮仍由司儀員唱道

(一)行見親族禮 奏樂(二)請諸尊長上立(由諸尊長互相推讓不必司儀員一一唱請)新郎新娘行謁見禮 三鞠躬(以下惟奏樂畢由司儀員唱餘由各人自行之)(三)此時尊長中如有訓詞應讓外姻來賓行演說而後言之(四)男女來賓(親族中有平輩人等在內)可於新郎新娘見親族尊長後各舉代表一人趨前以花佩新郎新娘襟上既佩代表者退後幾步與衆賓一齊向新郎新娘鞠躬道賀(左右分行以便新郎新娘答禮)新郎新娘應行側身答禮各一鞠躬(五)來賓中如有長篇演說應先告知司儀員司儀員於衆賓道賀時囑暫止樂一面唱道 來賓某某君現有演說請諸君就座(此時新郎新娘可於本位暫坐)司儀員亦坐演說畢起立(六)演說者於聞唱後新郎新娘未坐之前即趨近禮案之旁外一鞠躬然後開言演

說說畢又一鞠躬而退(七)新郎新娘於演說者鞠躬時均應起立答禮(八)來賓如有簡單頌詞可於佩花時言之新郎新娘應於頌畢致謝(九)司儀員俟以上各禮行畢即復唱道 奏樂 引導人導新郎新娘入內室 禮畢 (於是司儀員退衆賓及親族人等皆退樂亦隨止)

### 附歐美婚禮述畧

#### (一)求婚

歐美婚姻雖可由男子逕向所識女子面言然亦必自量能力有可婚之資格審彼女子有願婚之意思方可行之否則必被女子拒絕若爲已經面求而允諾者應由男子稟告父母親長並致正式求婚書於女子父母親長惟已達自由結婚年齡者亦可不拘

#### (二)訂約

已經兩家父母親長允許則女家邀男子宴會或約期游園自是以後女之出入可由其訂婚之男子保護或代謀一切及資助等事訂婚之時祇有男子贈女子以指環等件別無禮物聘金

### (三) 婚期

結婚日期大凡以西歷四月五月九月爲宜婚之月星期三星期四爲宜婚之日最忌星期五日而行禮多在下午三句鐘以前

### (四) 結婚

西人結婚須請牧師爲證婚人另延襄理員一人爲新郎輔佐而新娘之喜儷則皆由新娘延訂先隨新郎入教堂以招待衆賓待新娘至則倚於其父母親長之右臂直上禮場坐於新郎之右至結婚證書須購官紙於結婚時依式填寫由證婚人宣讀簽字而後新郎新娘相將入束裝室簽字畢互相授新娘遂挽新郎之臂緩步而出教堂衆亦隨出以赴宴所

### (五) 婚宴

婚宴除尋常香賓酒咖啡點心外更須由新娘親自持刀切餅以餉賓客此餅曰新娘餅用餐時新娘之父兄與新娘同席舉杯以相賀答而襄理員及喜僮則講極有趣味之故事以助興致餐畢新娘更換旅裝偕婿別賓登車立即旅行曰度蜜月

### 喪禮

我國古來喪禮繁重沿至今日多已不便於行即孔子亦謂喪與其易也易治也寧戚又曰喪禮與其哀不足而禮有餘不若禮不足而哀有餘也是以現在喪家行事宜畧文尙質其程序如左

(一) 始死 凡人始死之時其家中男女哭泣盡哀而後舉尸出之內室臥以靈牀依禮設帷惟帷外暫不設靈位以便棺殮且孝子之心不欲遽以死待其親也

(二)成殮 死後約歷二十四小時而斂或以白布緊纏尸身或以時服加衾各從俗例總以掩護死者肌體爲主旨斂時宜先用香水爲尸洗之  
(現用柏葉湯或花露和水) 既洗而後成斂既斂而後入棺喪主等憑棺哭之而後蓋棺曰柩正其位於堂中設其孝子苦塊於旁以爲寢處

(三)設奠 斂而後奠(俗稱成服)司馬書儀朱子家禮皆云大斂之明日成服今從之設奠儀式附後

(四)訃聞 主人既成服而後訃告親友是曰訃聞(訃式詳禮書中)未訃聞之前如有至戚須送斂者可於死之日先行作書遣人通知或登告白於新聞紙

(五)受弔 依禮而論設奠之後出殯以前凡親友均可隨時往弔然俗例則必於其間指定一日以爲受弔之日是日須延人招待並備茶點飯食



(六)殯葬 古時交通不便親友之來弔者多需時日故喪期較遠然士庶亦不過逾月今則在堂之殯不過一二星期出堂之日卽安葬焉是以喪禮中祇有葬儀無所謂出殯也現因我國各處尙無公葬之地一時不能卽葬遂有暫行出厝於殯屋者無論出殯出葬俗皆謂之出喪焉出喪之前一二日有客祭禮家祭禮及題主大典致祭者則有祭文酒席香楮題主時則更有題主儀節茲亦附列於後

以上六項爲民間現行喪禮至於成服之時在舊禮凡屬五服內之卑幼皆須按照服制親疎各服其服序位行禮今民國雖未有特定喪服服制而禮服服制中固可用棉織品或麻織品者又云凡遇喪禮男左腕圍以黑紗女胸際綴以黑紗結是則凡屬舊喪禮應著白布毛邊麻衣者當然宜改着黑布毛邊麻衣平日居喪一年以內亦當着粗布衣服男於左袖上圍以黑紗女於胸際綴以黑紗結斷不宜穿着綢緞美

麗之服公然聽戲筵宴此則無論古今中外所同者也惟其餘次等親屬酌行二十七日之哀悼可耳

### 成服設奠儀式

大歛之翌日黎明設奠（卽初祭也但喪祭曰奠不曰祭祭屬吉禮可奏樂奠則否）延甲乙二人爲贊丙丁二人爲祝（贊司贊禮祝司奠獻俗統稱曰禮生）就靈案兩旁立（甲丙立左乙丁立右）  
唱贊如下

（一）甲曰 啓帷行大奠禮 孝子（從俗稱承重孫同）匍匐出靈帷中起立就喪主位（立於靈案前如哀慟不欲起立則直其躬可也以後衆人鞠躬孝子仍行稽顙） 現在跪拜之禮雖廢惟家遭大故哀慟之至自不妨仍行匍匐稽顙（南海康長素先生現居母喪覆大總統函電皆稱稽顙）（二）乙曰 有服者皆就位 序等（

按親疎等級序立於孝子之後(三)甲曰 爲喪主者上香(香由丙授之孝子孝子就香一鞠躬丁受之插於香爐以下同) 乙曰 有服者皆鞠躬四 甲曰 再上香乙曰 再鞠躬 甲曰 三上香乙曰 三鞠躬 甲曰 (六)甲曰 去閣餘(記曰始死之奠餘閣也與閣餘爲閣上所餘常食之饌朝夕所供者至是撤去之) 改陳奠品 爲喪主者酬酒(傾酒於地以灌降也) 獻花(今追祭皆須供奉鮮花)(七)乙曰 執事生代供花(司祝者接孝子手中所獻之花代供於靈位前)(八)甲曰獻爵 獻果品(今祭品中以鮮花鮮果爲必有之物)(九)乙曰 進爵 進果品(以上凡曰獻曰進皆由丙授與孝子孝子舉手獻丁接之陳於靈案)(十)甲曰 獻某品乙曰 進某品(例如豕曰剛鬣羊曰柔毛雞曰翰音雉曰疏趾兔曰明視脯曰尹魚曰魚羹飯曰粢盛以尋常肴

饌曰獻饌獻時食就上祭品一一唱之可也不用實行舉獻以唱畢  
爲度)(十一)甲曰 既畢獻(執事生代讀哀章)(丁讀) 或喪  
主自讀讀畢焚之)(十二)甲曰 奠畢(喪主人等鞠躬退)(十三  
乙曰 舉哀(撤饌)

題主儀式

行成主禮 嚴鼓 鼓再嚴 鼓三嚴 大吹 細吹 合吹 奏樂  
升階 介賓引大賓升堂 行相見禮 大賓詣盥洗所 盥手  
授巾 詣對鏡所 對鏡整冠 束帶 大賓升公座 介賓各就位  
孝子孝孫更衣出帷 詣大賓前 拜求大賓鴻題 拜四 興四  
平身入帷 捧主出 詣大賓前 跪 拱主 左賓接主 安主  
去魂帛 啓櫬出主 臥主 分主 拂主 送大賓前 右賓染硃  
筆 受孝子 孝子接筆 拱筆 求大賓彩筆鴻題 左賓接筆

送大賓 大賓接筆 面東 受生氣 題主 先題粉面 次題函  
 中 臥筆 右賓染墨筆授孝子 孝子接筆 拱筆求大賓墨筆增  
 輝 左賓接筆 送大賓 大賓接筆 蓋主 先蓋函中 次蓋粉  
 面 臥筆 讀主 祝主 右賓起主 合主 樹主 入櫛 合櫛  
 覆魂帛授孝子 孝子捧主 興 詣安主所安主 孝子孝孫出  
 堂復位 拜謝大賓 兼謝介賓 拜四 興四 平身 禮畢 退  
 堂

喪服述要

舊喪服有三父八母之圖現案新制親等圖三父名詞業已刪除惟八母  
 情義所關仍當聽從習慣茲特照錄舊時八母服制如下(一)妾生之子  
 女稱父之正妻曰嫡母斬衰三年(二)父娶之後妻曰繼母斬衰三年(一  
 三)自幼過房與人者曰養母斬衰三年(四)所生母死父自別娶而有

撫育之義者曰慈母斬衰三年(五)父死而再嫁他人者曰嫁母降服斬衰杖期(六)被父所出而離婚者曰出母降服斬衰杖期(七)稱父之妾曰庶母嫡子與衆子均齊衰杖期生子斬衰三年(八)受父妾哺乳者曰乳母義服總麻

又新制親等圖亦不載妾之名稱惟我國現在對於妾之習慣仍未革除茲仍列舊圖於末以備參考

喪

用 至 纛

用 稍

入祭服高下

典禮下

十五

賈陽文通書局代印

圖		總		服	
		斬衰 年三			
邊		下		縫	
		不		之	
		爲		布	
		爲		麻	
		齊		衰	
三		不		杖	
月		杖		期	
		期		五	
		期		月	
邊		下		縫	
		之		爲	
		爲		布	
		爲		麤	
		大		功	
		月		九	
之		爲		布	
		熟		麤	
		用		稍	
		用		稍	
		小		功	
		月		五	
之		爲		布	
		熟		麤	
		稍		用	
		用		稍	
		總		麻	
		月		三	
之		爲		布	
		熟		細	
		稍		用	
		用		稍	

乃身... 二... 一... 二...

夫 為 妻

夫高祖	總麻				
夫曾祖	總麻	伯夫會 叔曾祖 母父	無服		
夫祖父	大功	夫伯 叔祖父 母父	總麻	伯夫會 叔曾祖 母父	無服
舅	斬衰 斬衰三年	夫伯 叔父母	大功	伯夫堂 叔父母 母	總麻
妻為夫	斬衰 斬衰三年	夫弟兄 及妻	小功	兄夫堂 弟及妻	總麻
子長 婦子	年期 年期	其妻 夫姪	大功 年期	堂夫姪 功小	其婦無服 總麻
孫	大功	其妻 夫孫	總麻 小功	夫堂 孫姪	總麻
曾孫	總麻	其妻無服 夫曾 孫姪	總麻		
元孫	總麻				





族 九 宗 本)

高	齊衰								
祖	齊衰	會伯祖	總麻						
曾祖	齊衰	叔伯祖	小功	堂叔伯	總麻				
祖父	齊衰	叔伯	小功	堂叔伯	小功	堂從叔	總麻		
父	斬衰	叔伯	期年	堂叔伯	小功	堂從叔	總麻		
己		其妻	兄弟	其妻	堂兄弟	其妻	堂從兄弟	三從兄弟	
子長	長子	功小	年姪	其妻	功大	服無	功小	服無	
子長婦	長子	其妻	年姪	其妻	堂姪	其妻	堂從姪		
年期	年期	功大	年姪	麻總	功小	服無	麻總		
孫嫡	嫡孫	其妻	姪孫	其妻	姪孫				
功小	年期	麻總	功小	服無	麻總				
曾孫	總麻	其妻	姪曾孫						
孫元		服無	麻總						
孫	總麻								



親宗本爲女嫁出)

	三月	高祖父母	齊衰			
祖父母	齊衰	伯祖父母	總麻			
父母	齊衰	伯叔父母	大功	堂伯叔父母	總麻	
己身		兄弟及妻	大功	堂兄弟	小功	
在室大功		姪及婦	大功	堂姪	總麻	

(圖 服 降 屬)

			五月		曾祖父母	
			出嫁無服	祖姑	在室總麻	不杖期
出嫁無服	堂姑	在室總麻	出嫁小功	親姑	在室大功	不杖期
出嫁總麻	堂姊妹	在室小功	出嫁小功	姊妹	在室大功	
			出嫁無服	堂姪女	在室小功	姪女
					出嫁小功	

ノミナリニオケル

		親	外)
		小功	
		母之兄弟	妻之父母
		小功	總麻
總麻		舅之子	姑之子
小功		外甥女	姑之女
總麻		外孫女	總麻

(圖

服

		母之父母	
母弟兄之妻		母之姊妹	小功
姨之女	姨之子	總麻	女壻
舅之女	外甥婦		外甥
	外孫婦		外孫

圖服內族長家爲妾

家長父母	期年	家長祖父母	小功
家長正妻	期年	己身	家 三年 斬衰
家長衆子婦	衆子 年期	己之子 子婦 年期	家長 衆子 年期
己之	己之	己之孫 功小	家長 衆子 女
己之孫女	己之孫女	己之曾孫	家長 衆子 孫
己之元孫女	己之元孫女	己之元孫	家長 衆子 女孫

新喪禮簡式

(甲)服色男子左腕圍黑紗女子胸際綴黑紗結(乙)弔儀輓聯輓帷香花等(送花圈須於安葬時用之)(丙)設備靈前供亡人照影或鉛像一



一張並陳列香花等件(丁)禮節(一)奏樂(二)上香(三)獻花(四)讀祭文(五)向靈前行禮三鞠躬(六)來賓致祭一鞠躬(七)演說亡人事實(八)舉哀(九)奏樂(十)謝賓一鞠躬(戊)發引先提檀香爐次蓋花次輓聯次亡人像次祭席次主人次靈柩最末送葬之來賓

### 附歐美喪禮述畧

歐美各國風俗以人生爲重是以其人子對於父母親屬(夫妻兄弟間同)遇有疾無不盡力醫治迨至醫藥無效溘然長逝則亦有致哀盡禮而已其行事大畧如左

(一)喪家狀態 凡人家遇有凶喪其家中肅靜無論如何哀悼大抵泣而不哭(號咷大哭尤所罕聞)屋內窗簾一律垂下其婦女則絕跡於交際場中

(二)治理喪事 凡人已死其親族不忍看其面容故必以巾覆之一面

置辦棺物登報通告並委人治理一切喪事

(二)開弔時日 凡戚友往弔大抵於出喪日之午前此指普通人民而言如係大職位之人則其安葬期間較遠當必另定弔祭之日以便各人往弔齊集書室或客廳由委任人授衆賓客客帽帶一束手套一副(似我國之送白帕聞今亦多由客自備矣)然後肅入致祭衆客皆必穿黑色禮服手持花圈置之靈前鞠躬而退如欲送葬可仍至客廳以待

(四)出葬儀式 西人出喪或於家中棺殮之後用喪車將柩載至葬地或即以尸入喪車(此車即玻璃馬車但較長大其牆及頂皆可拆卸)尸上覆大巾巾上散布鮮花載之公塚(有屋)而後成殮殮後即下葬出葬之時諸送葬者皆徒步隨喪車而行極其肅敬迨至葬所喪主立於墳前衆賓客環列左右或啜泣或注視俟葬事既竣而後散歸歸時始各乘馬車(往送者皆空車徒行)但婦女則於送葬時亦乘馬車然非至戚概不

往送又查西人出喪其喪車有須至教室者既至暫停於神壇前由牧師爲之禱告而後導往葬地既葬則其喪主或家族代表應隨牧師至教士會所爲死者註冊且納費焉

以上爲現在上海香港等處西人之通行喪禮其在本國俗例諒或各有不同（如喪服日期九個月至十二個月不等然大致不外乎是）今我國喪事多欲則倣西俗於是花車花圈等物日增月異而僧道鼓樂一切儀仗仍然不廢糜費益甚試就上海一隅而論華人出喪之奢華較之西人奚止數倍豈華人財力富於西人乎抑華人報本之禮固重於西人耶蓋西人喪禮雖似簡畧而哀戚之情肅敬之容有過之無不及也我華人若果反而思之能不其顛有泚耶

### 祭禮

民國肇興禮制多未頒布祭天典禮非吾人所注意不贅述他若祀孔祀

關岳及種樹等亦無割一之儀節大抵節取古禮而從簡便更易拜跪爲  
脫帽鞠躬而已民間家祭及祀神禮節亦各行其是茲姑錄普通祭禮秩  
序以備採擇

(一)主祭人及陪祭人前期三日齋戒前期一日設位或拂拭已設之位  
並整列几案燭台香爐等灑掃清潔復陳祭器等於東階案上省牲滌器  
具饌待黎明行事

(二)通贊一人引贊一人或二人讚祝一人董其事儀節約畧如左

唱序立 參神脫帽三鞠躬 降神 (引唱)盥洗(詣香案前)焚香

正立酌酒(以酒沃地也)三鞠躬 (通唱)進饌 行初獻禮 (引唱)

正立 祭酒 奠酒 (主祭者舉爵過額授於執事者奠神) 詣讚祝

位 (通唱)分獻(分獻附位也)奉饌(進粉食或麪食)行亞獻禮

(與初獻同不奠酒不讚祝不分獻附位) 奉饌(進羹湯米飯) 行

終獻禮 侑食（通斟各位酒令滿並正箸飯上） 三鞠躬 復位

（通唱）獻茶 飲福受胙（飲福者工祝承神之命賜主祭者以酒肉也）

詣飲福位（卽香案前）正立受酒 啐酒（嘗少許也）受胙 三鞠躬


躬 復位 辭神 脫帽三鞠躬 焚祝文 徹饌 禮畢

### 序坐禮

尊卑有別聚會同堂其中坐次原有成規非可差錯貽笑大方况自過後捫心亦有蹙然不安者如父母叔姪翁婿師徒此皆名分攸關不得混行並坐而有限於地方不得寬列則隨時變通亦當別有權宜庶席雖改常而坐仍合度至如序坐之法先朋友次親戚次宗族而其中又以長幼爲序是亦定程到處共守者因繪方格爲桌形模內註正字者以指桌面內註數目者以指坐次若係貴客或係尊長一席一人者則以中爲先以左爲二以右爲三序之如無中席雙列兩席則先左後右以序之

主人或有礙不便

對正人二席一




客謙虛不正坐者

對傍人二席一



留席面者以第二

向正人三席一




坐者則傍右坐

則橫面如此


改左邊

或五人則上一人下二人


向正人四席一



坐正人八席一




坐橫人八席一




或六人則上一人下二人

二席直下正向




二席直下旁向





一席直下如客少者



二席正向空席前




二席正向前滿



二席對向不坐人



二席一正一旁



客有相礙不便  
坐者則用此例






三 席 正 向



如不留席而  
周坐者自中  
席對前左七  
右八數起凡  
五席七九十  
一席俱成單  
者均照此例  
○凡席多客  
少者中間兩  
旁少坐免致  
以背向人也

三 席 一 正 二 旁






其豐下

二四


貴陽文通書局代印

旁 一 正 二 席 三



客有礙不  
便坐者照  
此例  
如客多者  
先宜上二  
席兩旁坐

向 正 席 四



此席係四席三十二人  
坐餘如係多席可不坐  
人則以第七位改為九  
位其八位改為十位照  
此推去只記近左為先  
近右為末其餘席多者  
照此為例分別次序

## 西餐禮

近時通都大邑通行西宴一切格式與中宴不同亦交際時所應知之事西宴入席通例以可坐主客六人之席言之主必居中外向最近主人之左手者爲首席近右手者次之愈推愈遠至主人對面居中者爲末座一品食畢以刀叉置盤中役人知其已畢此品可進他品當就座時先進以湯繼以魚肉野味及飯或點心終以咖啡水果而餐事畢矣茲將餐時應注意之點列下

(一)主人主婦分坐大菜檯之兩旁男女宜按位之次交互對坐如婦人而上客者坐主人右男子而上客者坐主婦左婦人之次客坐主人左男子之次客坐在婦左不可凌越

(二)飲湯時須右手按盆左手取匙如執筆法飲之飲畢匙仰向於皿之右邊

(三) 魚肉等類以右手持刀切之左手用叉叉食之刀勿入口

(四) 每品食畢刀在右向內放叉在左俯向皿右

(五) 侍者遞酒及茶均向右侧送入

(六) 主客酬應及演說談話須於停食之時

(七) 食時宜注意者六事 咀嚼勿有聲 食過之品勿再放皿內 食

尚在口切勿談話 食菜時不宜夾食席上果物 食畢方可吸煙

惟有女客同席時宜忌之 入席坐不橫肱食時勿起立不定食畢

宜先主人離席

八寨縣志稿卷十七

農桑

神農稼穡俗革茹毛嫫祖育蠶化更服卉此我國生民衣食之起原抑亦立國之本根也黔南素號山國農桑不及他省力為耕作猶足自給八縣僻處東南萬山叢錯地高水寒農務相地而施因時而事且人民性耐勞苦豐年或可足兼年之給若遇旱潦庚癸堪虞此實風氣不開交通不便限於農具不良弭災無術曷勝浩歎蠶桑不甚相宜實因地寒土瘠即以荊桑湖桑依法接之而不莠樸也如故蠶業不興職是之由雖然半在地利半在人謀志實業者當有以辨之也

以下參採遵義都勻兩志以其氣候物質多同本縣故也

農地

縣多山全境山居十八九三五兩區尤甚二四兩區邊隅亦如之兩山之

間小溪通焉兩旁數弓地亦可拓田坡陀斜下則爲梯田橫且山腰下至山麓則爲帶田零星參伍土石錯列闢土爲田者名曰蝦蟆老鼠田然溪水不斷性寒而禾不甚樸茂環境無大壩以其山勢錯雜故也卽有之阡陌連綿者不過一二里餘則崎零散布村落隨田而聚大概城之附郭鄉之村脚均屬膏腴此外則功倍而事半旱潦則收成百不一二也山多帶土頗有天然森林附近居民不特不加培養且不時斬伐野火從而燒牛羊從而牧則易芘芘而濯濯此虞衡職闕之故也

### 農宜

小土紅沙紅油沙崖糞泥性煖耐旱所種穗大而堅均爲上地大眼泥鴨矢泥白油沙火石土性煖不耐旱糞多而耕及時所種亦穗大而堅均爲中地大黃泥白墘泥豆麩蕨巴泥耕糞不失法歲亦薄收是爲下地冷白沙冷黑沙卽不失法薄收亦幸爲下地漕沙泥黑油沙不糞自肥宜菽

稷不可稻在山坡爲上地地土之性剛柔有定轉變不時美惡瘠肥視人力爲之也秬稻之種數十其秧及三旬不擇地而栽者曰火燄秬亦曰穀王曰茅香早曰大小齊秬曰百日黃曰白風秬曰飛蛾秬其及三旬必肥田可栽者曰大小貴陽秬曰麻陽秬曰至笨秬曰油秬曰旗秬曰白秬曰大南秬必肥田又必四旬栽者曰烏梢秬曰半邊秬曰晚穀其別者曰旱穀種乾地糯稻之種數十及三旬栽不擇肥瘠者早黃糯曰竹了糯曰金釵糯必肥田又必及四旬者曰黃絲糯曰灰色糯曰簷塵糯曰杯杯糯曰遲黃糯曰果糯曰牛蟻子曰白楊糯曰江西糯名不可悉數各宜其方麥之類五曰大麥亦曰米麥曰小麥亦曰禿頭麥曰老麥曰香麥亦曰南麥回麥燕麥曰青裸麥 豆之類十曰黃豆胡豆蠶豆也曰豌豆曰綠豆曰赤黑豆大者曰縱子豆曰爬山豆曰米豆有紅白雜色曰四季豆曰刀豆莢有赤白黑青其別厚大若肥身者曰大刀豆曰豇豆豌豆之種三曰麻

豌豆曰白豌豆曰菜豌豆亦曰肉豌豆爬山之種二曰小豆曰苗豆 麻之類三曰  
芝麻胡麻也曰火麻大麻也曰蘇麻 菽之類三曰花菽亦曰甜菽曰苦  
菽曰藥菽 包谷之種七曰箐包產高山壩不宜曰九子包一莖九實五  
色各以色名 稗之類三曰稗子亦曰雞爪稗曰水稗水種其修如高粱  
曰爛草米稷曰高粱禾曰小谷黍曰水予米三者有秬糯無別種 水田  
皆宜稻乾田宜胡豆山地肥者宜諸豆高山宜包谷山地之新墾宜小谷  
冷濕地宜稗子乾鬆宜諸菽米麥水子米惟宜肥地包谷高粱香麥小麥  
老麥青裸爬山豆種瘠地亦獲微收糞必合土性之寒煖大糞涼黃土紅  
沙之高燥者宜豕糞同之馬羊糞熱冷水冷沙地之卑濕者宜菜油巴灰  
漿泥大眼泥宜惟牛糞不擇地草灰和溺宜種高粱諸豆石灰桐油巴最  
宜肥瘠田治田瘠實爛包田若煤灰若胡豆青雲苔青性峻速糞秧地爲  
上



農事

農家四時有忌有宜反之則農事不利甲子忌雨丙寅忌晴甲申忌雨春

不收夏傷田未秋六畜死冬人病多己卯忌風諺云春已卯風水頭空冬已卯風關裏空正月

元日宜陰七日宜晴八日宜明甲子宜雨立春日忌雪裏雷諺云雷打雪

三月無秧水四月秧上節是月也雇長年糾犁疆索整田器種樹挑沙砌田坎始抄乾

田打土理溝二月驚蟄宜陰冷諺云凍驚蟄不凍蟲冷到五月中宜鳴雷諺云驚

米似忌霜諺云一日驚霜十日晴春分宜小雨諺云春分有雨病人稀忌火風令豆是月也添

冬水整水車出牛糞始犁水田三月清明宜晴谷雨宜雨諺云清明雨淋忌無

雷水是月也糞秧地下種諺云莊家種下種點大春曬秧水四月立夏宜雨諺云

立夏不下犁耙高掛小滿宜滿諺云小滿不喜天寒忌烈日諺云栽秧向是月也車

水掃秧蟲收胡豆種麥浪田始薙大春五月端陽宜雨夏至宜雨諺云夏

河十八忌大風是月也栽秧畢穫菽朗高粱包穀薙頭秧旱爛田六月小暑

宜雨忌雷

諺云小暑一聲雷翻轉作黃梅

三伏宜晴

諺云三伏無雨秋天晴

忌火風是月也鋤豆薹

二秧車水始食包穀七月朔宜晴

諺云七月初一晴八月無雨

立秋宜雨

諺云立秋雨不雨二十四個秋老虎

處暑宜晴忌甲子雨午時風

諺云人怕老來

是月薹蔗

打茅稗放水田儲種小春闌穀點秋菽

諺云處暑點秋菽白露春苗

摘高粱收豆整鎌始

薦新八月朔宜陰白露宜雙日且晴

諺云白露逢霜乾谷上倉

忌風雨落黃沙

諺云一黃沙

三日雨三日黃沙九日晴

是月也穫穀

諺云白露不低頭穫取餵老牛

散草上草樹藏穀包穀小穀豆

畢收始犁板田九月寒露霜降宜晴十三宜雨

諺云重陽無雨望十三無雨一冬乾

也點小春曬穀十月立冬宜晴忌久爛豆麥甲子雨

諺云冬甲子雨牛馬凍死

收秋菽苴牛欄砍柴馱刺整籬援始開山田十一月喜久晴宜雪冬至宜

晴是月也撈葉掘摺頭挑煤十二月宜雪是月也看冬水護林整屋蓋牆

凡農儲糞爲至計來年之糞隔年必先積之凡牛馬豕糞悉盛之又以一

屋積灰便凡掃除之土燒之灰種稗之糞俱沃之勿令風雨颺落致散力

性若不勝積春二月出暴碎爲末仍坎積覆以草土俟以時散治秧節必穀雨亦有清明節播種者但氣候尙寒若遇連日雨種必壞若俟桐子花開時播之亦無壞秧之患以其氣宣地必向陽以其水溫泥必淺脚以其土不寒秧田先融以水壯以糞或以油菜花散之田然後醒以犁揉以耙如是者三又以大糞沃之以豆青覆之以淤泥埭之俟水澄青乃爛乃下種秧必善故精治秧者收強謹胎教者子良

浸種法三山農浸已烘之亮之曰火芽平地農浸三日濾之盛以籠覆以草日噴水俟芽甫生卽亮之曰屋芽又曰明芽浸已濾之不俟芽卽撒者曰啞穀明芽法最無害農多爲此必早秧不足田煖氣催不得已始爲啞穀亮芽忌酒氣沾酒則壞撒之日尙庚落泥後天暖則淺其水寒則深芽喜晴寒則入泥入深則不生撒之水養二日卽芽老時晴則急放水乾細理其蕩使芽得土氣卽根定不浮曬一日微微灌水使露秧尖則易長撒

三四日不得曬則芽入泥必多壞撒四五日若雹打必壞盡可以再撒若刺水青而壞曰必微糞乃可再撒曬水後二旬秧乃生螟每日必辰申以竹船掃之必輕以均遲則降水附秧根船製如竹夫人中置鋸鋸藤數莖兩頭懸長竿之顛蟲拂之黏於藤淘之溪棄諸林秧老卽蟲不生或秧水麻是下癆也治以地灰癆乃不生秧適栽時不得遲一二日遲則穀不豐將栽必先浪田不浪則田冷而氣不融諺云願栽三日黃秧不栽一夜冷田昏秧可莠數日拔田不可隔夜浪也

栽沃田行宜稀瘠田宜密栽忌屈頭屈必死忌立身立必浮起忌日烈水淺主炮腰易斷忌隨手青主不榮栽後欲轉黃而青苗必好栽後三旬卽耘又三旬再耘務絕其草漸以蔗三耘之曰薈蔗粟益飽也

灌溉之利閘河爲上溪水之流隨地勢次第爲堰而分之使東西溉又相田之高卑爲小溝輪日洩閉灌無不均是坐食其利者也故一溪若流

百里則百里近岸地皆上田次則莫如泉泉委長者可坐灌十里田邑之既田

多係泉次則小溪無泉無溪之可仰惟恃時雨之降而已但泉有冷熱熱者豐冷則穀遲遲病秋風又

次莫如車田溪大岸高不可闌橫隄之砌隘港焉水至此速因為水輪使

谷以灌一輪之水常輸五十石穀田歲一補三歲一新逸不及闌田之美

俱無憂水旱且水弱時淘其上下沙更無水分緩急之爭焉按此法惟四區南皋九門

石橋一帶多行之餘不甚適用地勢使然也非此三者開堰為上堰高山平壩皆宜擇地當諸

田之上山漲所必注者掘之若穀田貯深三尺之水足灌十五石倍深之

其灌亦倍治堰之法必窻中築其底堅其四塘使無滲漏若隄必厚內外

切石實以土以一閘司其蓄魚上植柳隨山勢疏小溝令雨水至即流注

此法邑盛行之如是雖高田大旱無無收者又嘉植美蔭牛得以時寢訛飲沐其

所菰菱魚蟹又可時取暫勞而永利者也

穀之蠹苗盛時青蟲食葉令穗不壯火蠹火蠹起於杓之放蠹之起也蠨

蠨螋蟻稻林中不知幾千萬億以翅扇谷卽枯莖亦仆兩色赤如是不惟

無收稈亦不中萎牛其田水紅者水蠖也穀螟生莖節中色白而微令穗

不實或白頸折之俗名鬼折頸蚱蟻爲害蔽其汁穗亦如之數者無術治癆蟲

色麻生稻根細若鍼條苗稿黃卽下有癆以石灰洒之已水冷之田不可

耕邑水冷田多以巖灰撒之其功較石灰尤佳雖耕之必癆不治

豆久雨驟晴常打地蒸不實爲火莢是因久晴包谷得火風燒不實而色

焦高粱得火燄卽葉赤而莖槁豆莢之肉角麥穗之奴蘆皆以晴雨不時

時則均好也

藏之道有五倉也草棚也竹箬也甕盎也火焙也五者各有所宜稻既收

以簸以揚以概以量以入倉倉中必間空竹數筒令洩氣通風穀必乾不

乾則霉米無筋絲若不乾時天晴必曝之有二分濕亦可儲春必乾試齧

之綻牙量歲用有餘餘者毋糶搆四柱架平承其上底以筥稭積而總此

外莖而內穗下小而上大而圓必尖上以草蓋通風洩濕可藏四五十年  
耨之粟稗皆如新若粟有餘藏貯於中央可免鼠耗亦不防盜架必豐大  
地必明燥藏包谷以橫竿卽穀爲系排挂之鱗鱗次次努目視地令風日  
滲其濕氣麥之藏也木匱蠹篋筥潮曝之必燥巨盜大甕盛之置高終年  
無時曝之勞小谷之藏若麥中外道滑更免鼠竊竹筥高者過人卑者半  
身其疏也通風其置地也濕沖必承之或木或石藏菽也攬莖藏豆也攬  
穀高粱生者必蠹乾者易腐火焙之使回潮熟之待冷而後貯貯之若筥  
若盎皆可無慮謹此五藏可也又凡山糧春必蠹生及其未先出

濕之可  
絕其萌

### 農具

牛爲農具大宗生而有齒四歲破齒始可犁六歲七歲是其壯年牛之性  
各異黃牛畏寒水牛畏熱牯牛喜觸鬥母牛喜眠息飼之當謹其時審其  
方冬欲熱時飼以穀豆糝糠夏秋之間飲以泔水沃草以鹽湯以取其涼

春初草生母畏手僵與一束新草其壯也勝齧乾芻一捆強母令飲溺飲之則暍久之則尪九月之水三月之黃是時聞聲而張四奔也若狂若值兩門必有一傷如仍不解當用火攻日以語牧時時隄防小者蟲大者蠹以時視之母令受戕若耳根濕濕其牛無病耳燥鼻乾不食水草是必病也急召醫以藥之若食螞蝗久則子孫繁衍於腸胃牛必骨稜毛長日就尪弱飲糞泥漿卽瀉下之牛不可倒倒則百不一生也居牛必冬溫而夏涼牛糞熱夏常清其寢冬則無須冬寒凍肉夏寒凍骨牛多死於春時煖水米湯餵之牛至春卽無病亦服藥三四裹須爲之防終年自無病故養牛其要不可不講

相牛之法頭旋高者壽口花而胸雜毛者疾黃牛吉者頭黃而尾脊之白均身有百旋如生鱗角周正肩擔平水牛吉者頭如古鼎眼如明鏡角如八字角長尺八身高尾長蹄圓而方腰腹如鼓匡無論牝牝水黃得此者



佳若黃牛頭白而花身頂平而低旋或白尾黑頭與毛雜如鹿斑水牛若頭尾黃而倒生口若仰盂角若圓盤或雙旋入其眼或旋又旋於膊前是皆不吉若腰下旋曰地漏脊上旋曰天穿氣堂旋曰落氣水肚草肚之旋曰絕祿皆不永年

蒲輓以合抱之木鑿七稜兩端圓軸貫以耙耙無齒人立耙上牛曳以行使實田

犁轅鑄底也長三尺三寸入犁底五寸五分犁底之長亦如之入鑄舌者三寸

捷耙山田齒以鐵水田齒以木齒長三寸五分兩齒距五寸前九齒後七齒浪耙亦如之惟齒減二上皆有闌人推闌逐牛行水耙齒兩畔皆九破土塊用捷耙浪田用浪耙實田底使不漏用水耙

牛打脚繫於底首以縛牽索牛致力全在此長無過七拳過則傷牛

斛桶四方如斗修廣無定高尺七八寸秋收時把稻秉卽斗牆落其實植  
稗田中可以緩收卽遇雨待晴稗易乾免堆積於室若十日不得耨卽粟  
與稗皆就霉之患

風簸高三尺八寸以風扇爲準扇團二尺六寸者頭斗廣八寸五分二斗  
廣四寸五分天斗長二尺六寸廣一尺深六寸五分天斗貯穀頭斗瀉穀  
二斗瀉租輕揚者出於口

碓首長三尺三寸尾長一尺八寸杵頭長八寸

秧馬治秧田先刈戎菽等密布田內用秧馬踐入泥俟爛則播種其力倍  
於糞且不蠹秧馬制以縱木二爲崑菑四橫長倍廣下旁殺令上平如足  
榻狀底如四履齒用柔條一或絕貫兩端爲系高接手踏時足各履一馬  
手提系適行莖葉上深陷之名踩青甚便且速

鄭珍播州  
秧馬歌序

水輪傍溪之田宜用之元明以前無人道者

北

其法先於溪旁築石成

隘上流水至隘勢極奮迅乃設竹車二圍製如車輪大可二丈縛數節竹筒緣於兩輪其筒向內一面截口受水每筒相距三尺許兩筒中間編縛竹板一扇以遏流水所以激輪使旋者全在此蓋水勢迅則衝行而輪乃隨之以轉每激一扇後扇繼來旋而上升則筒中滿水已至車頂筒口向下水卽下傾於其傾處刳大竹受之或刳木爲巢接引入田雖遠可到所謂農者坐而觀之無舉手之勞而田已畢灌矣大江以南水勢平衍不可行也其有潮濕之地似亦可仿而爲之

許繼曾撰  
行紀程

### 蠶桑

(孟子)五畝之宅樹牆下以桑匹夫蠶之老者足以衣帛中國之事蠶業由來舊矣貴州僻在西南蠶業猶後清乾隆三年山東歷城陳玉鑿知遼義府郡故多柵樹以不中屋材薪炭而外無所取玉鑿循行往來見之曰此青萊間樹也吾得以富吾民矣於是遣人歸歷城售山蠶種兼以師來

如是者三諭村里教以放養繅織之法令轉相教告授以種給以工作之資經緯之具民爭趨若異寶數年蠶業大興迄今幾百年漸推漸廣精益求精從此遵綱之名竟與吳綾蜀錦爭價於中州見遵義志黔南各縣卽極力經營無出其右民入省府頒行蠶桑計畫書申令八邑有司限年觀成并按年遣員巡視乃多方籌款委有農學經驗者主之治桑區一於城東廣約數十畝植桑二萬餘株因土質瘠礮培養失宜不甚芄樸然不無補益於附近之養蠶者邑地只事家蠶不事山蠶橡樹隨處皆有無人提倡放養繅織之法以其限於地勢資財故也村民所養之家蠶又不能織帛只供用線而已十年至計是所望於熱心實業者

### 棉業

棉補蠶絲之不及較之蠶絲尤普通焉八邑民風儉樸多安於棉而異於帛以其帛難得而棉易致也惟地性寒蠶桑則難培養且價高棉數倍棉

故本土不豐豐於鄰近之三合且毗連三合之近地亦產也村中苗婦每  
年及時負來至三合屬之堡空地耕種獲則照法軋而紡而織而成衣謂  
之土紗布卽不甚細緻而溫煖遠過於洋紗且經久用人民服之無斃



八寨縣志卷十八

物產上

寶藏興貨財殖地無遺利物無棄材國之所以富庶也動植物以及水產爾雅載之備且詳應有盡有不暇徧及今載其方物足矣凡從同常見無關考索者固無庸備數也載之有物名而又無注釋徵土宜者何費焉煩引亦病蕪濫特就耳目所及前籍可稽者分別彙次詳列以資考鏡

以下兼採通志都勻兩志以其物質物理多全於本縣

穀類

秈稻 稻不下二三十名前已詳列之皆清明前後種八九月收成  
 早秈俗名百日黃早穫收歉乏水田及計利者種之  
 晚秈種不一有紅秈麻秈馬尾秈白秈皆清明後種白露熟又早稻即陸稻也種於陸地乏水田者

稭稻俗名糯穀亦不一種有早糯瓜子糯折糯香梗糯紫糯皆秋分後熟  
蜀黍俗名高粱莖高丈許狀似蘆荻節間赤葉亦似蘆荻大如帚粒大如  
椒紅黑色殼黏采不脫米性堅實皆酒料也清明前種八月收黏者曰稷  
可作餅

粟俗呼小米苗小於高粱亦有節有衣莖中實有和糯之殊均可釀酒亦  
可作粹三月種九月收

山民種粟先火陡險之山俟火息  
數日即點種不糞不薈分外成熟

粳俗名大麥又名米麥高上三尺莖空有節粒端有芒九月點種次年四  
月熟可釀酒可佐食

來俗名小麥形狀及種穫期畧同大麥可作醬又名醬麥屑之可供餅餌  
之用

穉麥俗名穀麥又名老麥可釀酒熟而屑之亦可爲食富者多以豨豕  
齋俗名燕麥狀如麥穗細長而疏外皆糠糲內芥子一粒色黃屑作餅餌



氣香俗謂之香麥巴種收稍遲

菽名蕎麥又名菽子歲兩種春菽二月種四月收秋菽七月種九月收苗高一二尺莖赤花白實密狀如羊蹄有三稜春菽卽苦菽秋菽卽甜菽皆可作餅餌或搏粉和米作飯

稗三月種八月收又有水稗種水田與稻同其長大似高粱分黏糯均可作餅飯又有草子種收同水地山均可種

豆卽菽又名大豆有黃綠白黑等色夏至前後種八月收苗高三四尺葉圓前銳秋開白花莢長寸餘子在莢中或二或三并可磨腐作豉及資粉及其他食品富脂肪及蛋白質

小豆又名飯豆有赤白黑等色高尺許葉似酸豆種收與大豆同味亦佳綠豆苗高尺許葉小有毛莢細長種收與大小豆同宜粥飯磨粉作糕發芽供蔬均可

蠶豆名胡豆莖高一二尺葉羽狀柔滑九月種次年四月收實可充蔬或製粉製醬均佳又可飼馬葉可糞田飼家畜

豌豆凡二種名菜豌豆又名肉豌豆一白豌豆又名壳豌豆蔓生莖長五六寸葉羽狀作蝶形實每莢三四粒味均佳斷其稍作茹尤清香適口種收與胡豆相同

胡麻又名脂麻莖形方高三尺許花白結角長寸許有黑白二色以搗茶點糖餅榨油一種似蘇名蘇麻子亦中搗茶并三月種八月收

玉蜀黍卽包穀有黃白赤三種莖大如高粱清明後種六七月收磴爲粉可作糲并可釀酒其糜作饒更甘脆

薏苡俗名綠穀米以形似珠又名苡珠三月生苗莖高三四尺葉如黍五六月開花赤白生葉腋實尖形青白色殼薄仁白如糯米可雜米作粥久服可除濕氣

天星米如黍粒可作糧食葉經霜紅如老少年秋深滿山紅葉亦大可觀  
土人以米炒成花和糖作餅切片以食名天星餅

### 蔬類

薑味辛苗高二三尺葉如箭竹而長對生苗之根黃無花無實秋時采根  
根上莖微紫謂之紫薑秋後采者名老薑藏之地至來年四月分種之禦  
濕 寒並可作藥引

椒俗稱花椒性辛熱複葉對生如羽狀開黃綠花雌雄異株實圓小熟則  
色赤而裂黑子外見如眼珠然不裂者有毒別種野生名狗椒味劣

菘卽白菜莖圓厚微青或扁薄而白者八月種九十月束以草卽捲心俗  
名捲心白味佳別種曰蓮花白尤清脆

芥菜俗名青菜莖葉皆青味濃厚可供常蔬性微寒清明前後邑人采作  
鹽菜味最佳

萊服俗名蘿蔔其莖消食解毒甘脆可生食又可入藥胡蘿蔔又名紅蘿蔔有黃赤兩種長四五寸大者徑寸冬初掘取可生熟食

地蘿蔔俗名沙蘿蔔一名地瓜葉柔蔓生莖結地中大如拳宜沙地味甘脆可生熟食黃土不甚宜

油菜秋深播種明春二月開黃花形如十字結莢四月熟取子榨油供燈燭常品冬春間莖葉供蔬色紫者名紅油菜尤肥美

芹有水芹旱芹洋芹三種邑中旱芹最多可供香料之用取其根以益婦科藥品俗名土當歸

葱有二種火葱八月種明年五月枯可作茹一曰四季葱俗名分葱四季不萎可入藥無子分莖而殖

韭有二種葉大長者名大葉韭細而短者名細葉韭味香美均可和蔬同蒿冬甚繁茂可作茹每開一花結子百餘爲菜之最多子者

苣名生菜又名包生菜冬種春熟可生熟食春夏間雜治肴饌用其葉裹而食之別有風味性寒冬日以馬糞蠶屎石灰壅其根最宜

高苣俗名高筍初春種葉有白汁折之粘手四月抽莖剝皮生食味如胡瓜又可糟食煮食醬食博物志云有毒百蟲不敢近蛇觸之則目瞑人中其毒薑汁可解

蒜俗名大蒜八月分瓣種之葉可和茹夏初食莖五月食瓣瓣味辛烈能

去毒醋鹽密漬久藏可食秋種後種蒜田不蟲稼倍豐

莧有六種赤莧白莧人莧五色莧馬莧均可食可四季種紫莧莖葉全紫可取染紅

茄葉橢圓有刺開紫花結實如王瓜橢圓形紫赤色莖高尺餘蒂有刺性寒宜新地一年一易收必豐

海椒又名辣角夏初開白花結子色青味即辣老而紅辣尤甚黔中蔬園

要品猶齊魯之薑食燕晉秦隴吳越閩廣之用胡椒也鹽酒漬之可食終  
年長細者名牛角海椒細如小筆頭叢尖仰者名纂椒兩廣最多二種甚辣僅  
堪調味一種扁圓如燈籠或紅或黃味不甚辣名枋椒可泡淨罈供蔬亦  
中盆玩

菠蔕俗名菠菜葉綠作鏡三角狀莖中空根赤長二三寸味猶甜四月起  
莖尺許開黃綠花雌雄異株種之必過月朔乃生晦日插種者常與上旬  
種同苗冬令常食可除痰

小茴卽茴香也十月斫去枯梢糞之三四月生苗及長葉長細如松針而  
密俗名羊鬍子五月開黃花實如麥粒而有細稜簇生辛香六七月采實  
和五味治庖或製醬多用之興職府志產交廣者爲土苗即唐本草之藜  
香也產寧夏者爲大苗一名野苗即綱雅之

牛蒡是也小茴香則開寶本草謂之羅葎又  
請之慈謀勒產皆番名產廣西者爲八角

蒟蒻俗呼磨芋外莖花如蛇內莖入地中大者如盃秋間采之去粗皮磨

研成醬煮之用大七時時和之不令成餅俟熟用石灰水點之待凝成塊切薄片和鹽醋或更煮食之甘滑涼爽宜解暑俗呼磨芋豆腐揚慎丹鉛錄謂之漢書菹醬也

按一遵義府志一其芽俗名鬼鼻以為種五六月朝露時以竹竿拍其葉露所滴即旁生磨煮時忌多語

否則濕凝煮之不化或成水又遵志菹醬下引劉淵林蜀都賦注云菹醬緣樹而生其子如桑椹熟時正青長二三寸以蜜藏而食之辛香溫調五臟又引益部方物云蔓附木生實若椹壘或曰浮留南人謂之和尚以為醬五味皆宜因以丹鉛錄之說為誤

竹蓀菌屬也見日即腐莖如杵頂有蓋如網如絡陰乾用為盛饌味極鮮

脆邑之多年竹林中則有之舊時人不知取以為毒菌今則採之無遺

木耳生樹上以其形如人耳故名邊粵山中多產之黑者曰黑木耳供常

蔬質粗者曰沙耳細者曰云耳白者曰白木耳價昂難得黑白均入藥

凍菌土人於園圃伐胡桃松烏臼荏桐各樹之枯而腐者臥地每晨以淘米水灑之菌即生味芳美胡桃樹生尤佳為蔬中上品次則老桑樹皂角之枯根亦生味稍劣別種曰土凍菌生土中形同凍菌稍脆有毒誤食用

黃土和水食之可解

外有數種曰茅草菌夏秋間生草中蓋紅帶白形圓而小曰紫菌色紅紫堅脆秋冬間有雨多生叢毛樹

中又名叢毛菌鮮食味極美曰菽巴菌形黑如菽等故名切片曬乾作蔬味亦香別種曰石灰菌面如石灰有毒食之殺人

雙豆俗呼豇豆蔓長丈餘須承以架莢長尺餘有紅白紫駁數色莢必雙生可蔬可穀豆之上品葉可飼豚

刀豆一名扁豆又稱籬巴豆三月種蔓長丈餘葉如豇豆稍長大五六月開紫白花莢長數寸作蔬味亦佳

四季豆二月種六月熟可復種四時皆有蔓長丈餘結莢似扁豆而小彎環可作蔬

番薯一作甘藷俗曰紅薯蔓生一莖延數十莖節節生枝形圓而長本末皆銳巨者如孟皮黃紫肉白味甘美二三月種夏令剪新芽修六七寸雨後植數日生長數瓣而根其莖勿任滋蔓莖三四尺即斷其梢根遂肥大立冬乃掘擇完者窖藏可經年不壞損者可煮以當糧亦可切片和米作



飯黃瘠十種之最宜

獨山真友芝甘肅歌云山田易蕪今不蕪山農歲  
種甘肅紅衣玉肌相傳扶地一蕪千蕪瑤卡形蒞  
質拔連茹甌窶滿清汚邪車磊落塞破田間廬西成少休復東畬稱心為  
穀為果蔬仰事俯畜仍貧廚殘膏廣馥所勻濡飽死直道牛羊豬珠崖與  
古牂江隅諸糧自昔食圖儲常遇  
百歲無天孤計然三輔善儲餘

並俗曰壺蘆瓜清明節種數日發芽以肥料壅之結壺必多嫩時可食八  
九月即老取下懸簷間風乾納石灰其中熟爛子出可用為器以載茶酒  
遠行最宜

東瓜一曰白瓜蔓大如指中空葉大而青皆有毛三月種六七月開花結  
瓜如枕青色熟則凝霜如傅粉肉及子均白八月取之供蔬切片糖漬曰  
東瓜片味佳

南瓜蔓空葉大均有纖毛夏初開黃花結瓜扁圓大者如斗生青熟黃微  
凹處有白紋如橘瓣味甘老瓜中子可啖根可澄粉

絲瓜宜高架蔓綠有稜葉如胡瓜而無刺開黃花瓜大寸許長盈尺色深

綠去皮可食八九月老儲子作種瓜瓢滌器最可

葉可染藍以瓢  
鋪鞋底可防濕

苦瓜蔓有稜葉多歧青色開黃花結實皮皺如籊耽長有盈尺者味稍苦而清涼

胡瓜俗名黃瓜蔓五稜葉五出均有纖毛花黃結瓜青色熟則黃質脆多濕解煩止渴可生熟食

薯蕷俗名山藥多年生蔓草細長纏扳他物葉爲心臟形五月開花淡紅色實大如小指頭惟多年之根形如臂而長三四尺不等刮皮熟食味極甘美

藎荷俗名陽藿高二三尺葉如薑葉而大長尺餘夏秋之際花軸自地下莖抽出嫩葉及花序供食用有赤白二種赤者充蔬白者入藥治蟲毒瘡毒螫毒稻麥芒入目以根心搗汁注之卽出

筍竹芽也金竹斑竹縣竹皆園林中產水竹苦竹箭竹方竹徧生山野間

皆驚蟄後生日春筍箭竹方竹八月生名八月筍均甘脆苦竹筍味稍苦而清涼

菰卽菱筍俗名高筍生陂澤中葉如菖蒲春末生白葦如筍狀若小兒臂色白質軟味甘滑均宜生熟食

蕨有二種甜蕨軟滑其幼芽俗稱蕨薹長六八寸頂端卷曲如拳成復葉卽不可食高三四尺掘其根洗淨入木槽搗爛以縷布濾之渣別盛之經宿凝如膏曰蕨粉入釜熟之搏爲餅曰蕨巴歲歉邑民四集長林曠野掘取一空以之充飢腹果而色黑黃如病方疲氣軟免死而已苦蕨形質同味稍苦

木薑益都方物畧記艾子大抵茱萸類也實正綠味辛蜀人每進臚以一  
二粒投之少選香滿盂蓋或曰作爲膏尤良按楊雄蜀都賦稱木艾今通  
稱木薑五六月吾邑出產尤多食之可避瘴氣花尤香美

土瓜蔓生山野間其根俗呼土蛋童子常掘食之歲飢可助糧

果類

桃葉狹長邊有鋸齒仲春花五六月熟凡三種白桃紅桃又名血桃黃桃味俱甘美皮均有纖毛難消化多食之易生病仁均可入藥別種曰櫻桃樹矮小實亦細熟紅如珠味酸不脆又羊桃藤生子赤狀如鼠糞

杏葉樹實與桃相似但實形稍小肉白味微酸仁入藥

胡桃俗名核桃季春花如栗穗結實如青梨去皮取核殼薄仁肥者佳可入藥或榨仁取油以製石鹼塗器物有光澤木質堅製器尤良

李邑產凡三種實形如牛心曰牛心李色赤味佳色青熟微赤麥熟時食之曰麥熟李味亦可皮肉通黃如黃蠟李味甘脆別種野生曰苦李形小味酸苦

梨邑產凡四種木堅葉卵形而端尖花五瓣白如雪壓樹實大而圓皮有

細點曰青皮梨又曰香水梨味甘美不亞都勻玉家司所產又可與通州昭通相埒曰黃皮梨稍小扁圓味微酸而香曰冬梨清香無比凡果均移接他樹乃甘旨藏梨之法以蘿蔔相間收或削梨蒂插蘿蔔內可經年不壞護以椶囊懸之或以磚石鑲地硲藏之亦可忌酒氣藏柑橘橙子亦然刺梨叢生郊野隨處皆有春開紅白花秋實形如小石榴通體刺密如猬味甘香霜後熟透尤佳宜生食邑人多採取於九日釀酒色黃更香美名曰重陽酒宴佳客最宜

莫友芝刺梨詩芒果說山樞循名欲把疑形模難適眼風味竟舒眉品以經霜別芳緣入釀奇不須

忙採摘但就菊花期瑣實漫阡谷卑枝亂棘榛花時產可喜山國駐荒春功亦資籬落材原謝席珍元深王會裏毛帔等遼巡按導義志每冬月苗女子採入市貨人得江浙豫客買之苗女喜曰利市謂得佳客交易也本省人為之買則倍其價江南人或物色之則舉筐以贈曰愛莫離愛莫離者華言與你有夙緣也或有調戲之則大怒曰落勿渾落勿渾者華言沒廉恥也

柿葉圓澤大如掌四月開小花黃白色九十月實熟有二種曰柿餅形圓將熟時味甘脆大熟時紅亮肉軟入口消融尤甘美曰油柿稍小形如猪

心微黃摘藏谷中經月熟亦可食未熟時搗而漬之用塗雨傘最佳俗名

柿油

楊梅葉如龍眼經冬不凋二月開黃白花結實似蔗而大五月熟色赤黑

味甘酸可解渴糖拌密漬酒浸皆佳酒漬經年不壞治五更瀉最效北戶錄楊梅

者恬而絕美周必大次韻楊梅詩越人一枝古所重蜀無他物譜則同

枇杷邑多產樹高丈餘葉大於騾耳背有黃茸毛四時不凋實結成垂金

黃色味甘性滑用花熬膏或用葉拭去毛水煎服均能治肺欬宋祁枇杷詩有果產

西蜀作花凌早寒樹繁碧玉葉柯疊黃金丸上都不可寄吃阻獨長歎

奈蘋果也形似而小者曰花紅葉似梨而青稍軟二月開粉紅花五六月

實熟紅白相間味甘脆似花紅而微長者曰林檎林檎經五六年即多蛀

理蠶蛾樹下或以洗魚水澆之即止或以火藥照蛀處薰之亦止有云移

接地瓜根上而成者永無蛀患味尤甘香

葡萄蔓長宜高架正月發苞葉似括蕒五出生鬚蔓延三月開小花成穗

實繁七八月熟有紫黑白三種味均佳可生食釀酒尤妙種法不必根栽  
雨水節斫其藤

連兩端共留三節頭以兩端插入地露中節不蓋泥芽即由此萌久  
則成根也蔓延時搭架於池沼上引而升之罩於水面實尤繁大

栗葉如櫟樹高三四丈初夏開花成穗實有房刺攢簇不可捫八九月熟

則自裂而落房可染皂邑有二種大者曰板栗一房二實小者曰毛栗一房一

實或二實殼紫黑仁白外有黃衣包之生熟皆可食本草謂其主益氣厚  
腸胃補腎氣令人忍

飢多食滯氣作粉勝麥茨嚼生者塗  
瘡上療筋骨斷碎疼痛腫瘰甚效

棗木赤心有刺葉形小光澤互生五月開小黃花實橢圓七八月熟味甘

者曰糖棗味稍劣者曰糠棗生啖蜜餞均可口入藥健脾開胃大曰棗小  
曰棘孟子

稱棗棘是也木堅可製器刊  
板尤佳梨棗并稱此尤難得

榴一名石榴五月開花紅艷炫目古詩云五月實大如盂入九月熟有瓣  
榴花照眼明

間以膜形似蜂房子如兒齒有紅白二色味甘酸可口不宜多食

拐棗救荒本草拐棗葉似楮葉無花又面多文脉邊有細鋸齒開淡黃花  
結實狀似生薑拐又而細短深褐色故名味甜古語云枳椇來菓言其味甘故飛鳥慕而菓之本從

南方來能令酒味薄若以爲屋柱則一屋之酒皆薄田居蠶室錄拐棗子鴨食之須臾即死此不可解者

山楂一作山楂俗名山裏紅極間有刺三四月開白花九月實熟有黃有赤啗食助消化亦可作糕入藥邑廣產隨地皆有三合都江商民廣收轉運外省備藥材

紅子俗名救軍糧土人呼爲紅刺果根堅深枝間有刺如錐春開小白花結實纍纍色類珊瑚味甘酸道旁山谷多有之相傳諸葛武侯南征糧乏以此充食故名救軍糧

橘樹常綠灌木高丈餘有刺葉深青色而滑四月開白花實色青冬熟則紅纍纍然味甘辛微酸肉多筋脉性畏霜雪邑產有限鄰縣麻哈鑪山多有之

柑大於橘皮紋粗色黃而厚肉多白膜味辛甘亦冬熟邑產無幾地高多



霜雪故也

(羣芳譜)江南及嶺南為盛川蜀次之

橙柚屬皮極苦不可向口大如兒頭葉樹與柑相似殼極厚瓢有紅白二色味甘酸紅者佳白者遜

黃果柑屬也皮滑不皺瓢味甘香亦耐久存

荸薺狀如慈姑皮黑肉白質脆味甘美能消痞積化銅為水

誤吞銅器食一二斤即無

害澱粉曰馬蹄粉邑產尤豐但其味稍遜都勻縣所產者

落花生蔓生葉為偶數羽狀複葉夏秋開花花後子房入於地中遂結實

有莢如豆子一莢二三粒供茶點榨油芳香可口

葵莖單無歧枝六七尺高大葉互生邊有鋸齒六月開黃花蒂大徑尺如

盤然四周花如舌狀性向日子乾而茹之味香美亦可榨油

沙棠一名羊爛子枝幹似棠梨樹枝而細其色微白葉似棠葉而窄小色

亦頗白又似女兒茶葉却大而背白結子如豌豆大味酸甜

木瓜 詩投我以木瓜是也 葉長楮圓形花淡紅作房實圓長自二寸至四五寸味甘

酸入藥主療轉筋足疾生啖糖漬皆宜 (部) 勻志津潤味甘為木瓜味酸而濕者為木桃無鼻較大者為木李

木類

楸即梓木 (都) 勻志白者為梓赤者為楸梓之美文者為楸 號木王 (埤) 雅梓為百木長故號木王 幹高三丈葉似

桐葉而小夏日開花 農家視此花開即放心播種 唇形淡黃微紫木濕時脆燥則堅良

材也屋有此木則餘材不震

梧桐亦名榮葉大分裂狀如掌互生夏日開小花色微黃雌雄同株果實

為菁葵熟則裂開如葉子附其緣可生啖皮可作纜木中琴瑟亦可製器

漆樹高二三丈皮白葉似柿汁供髹物器五六月間葉端苞而不茁即孕

漆也夏至架其樹若梯錄升刀割其皮作鳳眼狀以蚌殼下承汁注其中

早割午取越三宿一割每割去皮僅一線漸大若牛目秋分乃止漆樹及

拱始割別種曰大木漆割較遲每樹可十餘割勿過多過多則傷經三割

必易植植用根魚以火否則麻口

俗謂製時不吐乳者曰麻口

有實可製蠟名漆蠟

此樹

利益厚邑土頗宜種植家不其講求惜哉

椿俗名香椿葉羽狀高二三丈幼芽作蔬香美消風祛毒皮葉可表各種痘症初夏開花成穗結角秋熟而裂子有翼藉風而播木質堅赤褐色可製器

楮亦名穀俗呼構皮麻以其皮如麻故名山谷郊野園林皆有

本邑三五兩區尤廣

商人收買運勻換皮紙每年不下數千担惜無人提倡造紙聽利外溢

樹高丈餘葉似桑而燥花雌雄異株

實如彈丸入藥搗其皮為白紙最細緻而綿

榭俗名青桐邑產尤多高者三四丈五六丈不等葉大長倒卵形緣邊有

波狀鋸齒柄短互生材堅緻可製器燒炭極宜

杉幹直挺然高聳對節四面分枝葉附枝生排列如篔簹狀端銳若針蒼青色四時不凋邑出產甲全黔高可十餘丈大可數十圍修屋造船製器作

棺多用之入水可千百年不腐土中亦經百餘年誠良材也在三十年前  
商運三江及兩廣售者不知凡幾利頗厚近雖此業不歇不及前時十之  
一且皆脚貨以其無人騰續培養棄利於地曷勝浩歎

松俗名樅毛皮作龍鱗狀葉青長如蠶二三月開花長四五寸結實爲毬  
長卵形乾綻裂如穿山甲木質亦可造屋製器但不經久邑中最廣多供  
薪用

柏葉成片側聚名側柏入藥樹簪直皮薄高數丈大數圍質堅緻堪製器  
造屋實壓油名柏子油

黃檀葉以多數小葉合成皮老則皺而脫木堅造重器最佳邑少兩廣最  
多

槐樹高葉細夏至後開花采苞暴乾可染黃色鮮美亦可入藥八月結子  
實黃如蓮珠

樟木理有文章經冬不凋高數丈葉卵形革質端尖柄長互生初夏葉腋發長越綴以黃白小花實大如豌豆可取蠟暑日服之清燥氣材堅緻灰褐色老

則環文如影木製器尤佳葉及幹根可熬樟腦或根切片水浸三晝夜入

鍋煮之合度即傾出用柳木棍攪之待滅其量半棍沾白霜瀝去滓傾汁

盆內懸宿結塊即成樟腦又用銅盆以陳壁土為粉先舖盆內乃加一層

又舖陳壁粉如是相間四五層以薄荷葉舖土上再鋪盆覆之黃泥封固

於火上款款灰之無過烈亦無不及勿令氣息俟冷取出則腦升盆上如

是二三次即成片腦見勻志此樹

邑多惜無研求製法誠為可惜

山茶即油茶四鄉皆產高丈餘葉似蠟葉小邊有鋸齒厚而澤互生八九

月開白花雄蕊頗多色黃實圓秋熟實淡黑褐色子三四枚仁黃可榨油

供防鏽食用然料糟粕供洗濯或糞料變種者色鮮紅大如盃如盃不實

只供園林庭盆之賞玩邑四鄉皆茶山人不甚識者多採作薪野火燒牛糞始盡

五椏子亦名鹽膚木生山野邑三五出高一二丈葉羽狀如漆長尺其葉總

柄在小葉間有翼夏日開綠白小花遂結實密生纖毛色白紫是為椏花

葉之裏面生瘤漸長成赤褐色大小不一曰五椏子螳螂巢也質澀入染

經久不變凡采椏子宜立秋前虫未飛出時取蒸虫死方澀而可用如遲

蟲已出無味不合用矣

邑之所采者盡天然品無人工殖按志殖法采老之子懸風處俟葉發時掛之樹一株歲可得一

最斤若樹近庭園便守望者采時勿令盡明  
二春虫飛出枚凡數百虫即化生數百枚矣

楓名楓香以有脂而香也

廣韻脂入地千  
年化為琥珀

子大如李二月發葉乃著實實

球狀有刺八九月熟暴乾嬰兒痘癩時燕室中可辟穢木堅而性冷濕誤

臥即中風拳曲人故不取

黃楊小灌木常綠枝條繁茂高尺許必百年乃及丈人故呼為千年矮又

名萬年青葉小對生卵形攢簇上聳無下垂者木理堅膩中刻印

邑不多  
產間亦

之有

白楊邑出尤多高可數丈葉長橢圓形端尖有鈍鋸齒面青背白春月開

花成穗實疏材堅直用為梁棟不撓亦中雕刻

皂莢俗呼皂角樹多刺入藥曰天丁夏開黃花秋結莢一種肥厚多脂曰油皂長數寸一種瘦薄枯而不粘曰糠皂長近尺用諸洗濯勝於番蠟別種莢短細如猪牙曰猪牙皂益肥厚多脂蒸而搗之芳香用亦廣

楠本作枏

李時珍云南方之木故字從南

黔南多有之幹端偉直上童童若幢蓋高十數

丈大數十圍氣芳香爲梁棟材四時不凋有赤白二色赤堅白脆枝葉不相礙花赤黃色似丁香色青不可食木近根處年深向陽者結成草木山水之狀製器尤雅俗稱影木亦作瘞木

陰成木深生土中枝葉橫茂如外生者或崩坡或開壘偶一得木理

細紋縱橫如枏狀以之製器盛食物經久味不變爲棺槨屍經多年不蓋人故等購之價最昂

榛一名厚樸邑五區多有之生山谷中葉如青桐經年不凋花紅實青皮鱗皺而厚恍若桂皮三月九月采皮陰乾入藥名厚朴肉厚紫色者佳杜仲高可十餘丈皮厚生山野園林中葉類柘折斷皮白絲相連者佳二五六九月采皮陰乾入藥用時薄削去上甲皮橫理勿令斷絲木堅理細

可製器

黃柏即黃蘗味最苦邑五區亦衆樹高數丈葉似吳茱萸皮通黃厚二三  
分二五月采入藥別種小棧狀如小石榴又名山石榴皮白不黃一名小  
藥

桑葉可飼蠶枝幹低亞產浙江湖州府者佳

邑桑區亦照法移接葉較土產大而厚

實曰葑

詩食我桑葑

味甘可食材可製什器及造紙入地根白皮可入藥樹上所產寄

生尤佳

梔樹高六八尺葉厚如革夏開白花曰梔子花層疊

者氣撲鼻實有

六稜七稜九稜者生青老黃入染尤佳亦可入藥秋深浸水中自能綻裂  
重瓣者實少

柳隨處皆有易生之物也小幹弱枝葉細長如線搖曳阿那花穗長三四  
寸色紅如蓼花河堤多種可防潰決



茶園圍屋後多產有密林防護尤宜自清明節至立秋并可采穀兩前采者曰兩前茶細者曰毛尖茶最佳不特可供本處用卽邊粵各縣爭購焉櫻欄卽棕樹高達二三丈葉如掌狀分裂柄長叢生樹梢花小淡黃色簇集若搏黍被以苞實如豌豆色灰黑葉之基部有皮絲毛錯綜附莖疊生性韌耐水剝取爲器物或作盛囊製繩尤佳歲必二三剝否則樹死或不長樹質尤堅重製器亦宜

桐子樹高達丈餘枝稀葉似葵而滑柄長三二日盛花花蕾時必有凍風冷雨俗謂之凍花天所謂二十四天桐子花也十月子熟去殼取米暴乾碾末蒸熟用箎籬棕皮包如鼓狀置榨間以堅木撞槩取油以資燈燭邑東北鄉產之尤佳近年長江一帶客商入境坐收製烏油銷途廣價頗昂惜種植家不甚講求洵爲可歎

楠

廣韻音朗

一作榔榆俗名癩皮楠生山野高數丈葉長寸許闊五六分邊有

缺刻夏秋間葉腋開小花淡綠色實扁圓皮厚經寸性黏材堅可造器白  
果樹高聳而濶可十餘丈大可十餘圍葉形如蝶翅實灰白橢圓而扁  
仁可熟食

八寨縣志稿卷十九

物產 下礦業附

竹類

筋竹長二丈許圍數寸長高幹漸殺葉成个字形經冬色不變清明前後根發芽是爲筍可食味亦佳籜赤褐色脫後成竹性堅勁農家用作曬墊簸箕筐箱之類視斑竹尤堅別種爲毛筋竹末小節密用途亦廣筍亦可供蔬

斑竹葉幹與筋竹相似而節稍稀細筍籜斑點故名陽山竹俗呼釣魚竹又名慈竹大者圍三四寸叢生葉濃綠根不外引其密間不容筍七八月出筍籜脫成竹性柔韌可織蓆作繩製纜籜中製鞣新竹可造紙遵義志人家宜

植一二十窠耕種時用牽用束視他竹尤柔勁兼可護墻落園圍

水竹葉似筋竹節踈高丈餘至大者徑二寸筍清明前後出質薄性柔直

製簫管及諸器尤宜並供農家製水輪編筐夾壁之用

苦竹

筍味苦

有白有紫長者二三丈葉黃綠節稀疏節附籜處有纖毛質脆

用者少只宜作香竹心製器遜諸竹

紫竹大者圍二三寸立夏前後出筍初解籜質綠年餘乃變紫

(益都方物畧記) 陸葛

山中尤多池園亦種為玩具然生二年色乃變贊曰竹生二歲色乃變紫伐幹以用西南之美漸轉黑又名黑竹性韌以

為几案杖架諸具甚雅潔可觀

方竹似苦竹而小竹箇皆圓此獨方形可供玩具製杖亦佳

觀音竹色黑葉細密無高大者種者僅供玩

羅漢竹節腫質薄脆庭園中多植節數截為玩具纍纍如貫珠頗饒雅致

(都勻志)

箬竹莖細如筆管節長高數尺性易撓屈農家以製器夾壁折葉作笠名

箬笠又編篾鋪葉護背名背篷栽秧後用葉包角黍名棕粃

實竹又名實心竹邑龍泉山頂多有之高約三四尺圍不盈寸葉細密自根以上皆實心質堅邑人取作炕乾豆腐之用

### 花類

桂樹高達數丈葉楸形尖厚而澤深青色柄長不相礙扶疏上聳遠視如團倉然經四時不凋八月開小淡黃花簇然無隙形如十字異香聞數里

榭大可十餘圍邑頗產惟城文廟台階特出

清光緒間邑紳羅金華手植今更樸茂

梅有青黃白紅四色青黃白三色皆冬月開花唯紅色經春始開花均雅潔宜人選結子者種之或插或接皆可作醬醋漬以鹽糖火熏之曰烏梅入藥臘月花黃白者葉可磨錫錫工之常需也

芍藥葉大如掌莖空節疏花大如盂盤瓣如鼠耳鮮紅色根紫紅形如甘藷別種曰白芍藥葉細莖長梗花白而小根小長形食之可補陰分

牡丹葉如掌柄長莖細於紅芍以八月中秋節栽根以豬大腸盤壅尤樸

茂花粉紅色大如盃雅潔宜人根補劑邑頗產(本草)牡丹生巴郡山谷合州者佳

菊有三種黃白紫葉相似莖稍異黃菊分雙單二種氣臭紫菊花如孟白

菊花有大如盃者瓣有回鈎氣香而可玩堪入藥按菊多種因形製名不勝錄

蘭葉長彎而下垂深青色花莖由根分出梗無節氣清香可供盆玩(田居

錄)山中多有之佳者可次建蘭其不香者曰木蘭一種不沾泥土根自盤結懸之自開一枝發十餘朵曰吊蘭不香

紫荊幹枝均無皮淡黃若茶樹高可丈餘葉長卵形六月開花有深紅淡

紅二色均由枝尖結蕊開時一樹燦爛宜人以爪掐其幹則枝稍皆動

映山紅俗呼艷山花樹高三四尺是山皆有(本草)杜鵑花一名映山紅(草花譜)杜鵑花出蜀中者佳謂

之川鵑花內十數層色黃紅

月季俗各月月紅四季開花不斷葉小長卵形而柔莖節有嫩刺婦經不

調采此花服之有效(每部方物畧)肥此花即東方所謂四季花者翠蔓紅花蜀少霜雪此花得終歲年十二月月輒一開贊曰

花宜四時月一披秀寒暑不改備國常守

鷄冠花形如鷄冠故名有紫紅淡黃二色花苞實如天星米

芙蓉至秋間開一日之內花容遞變由白而淡紅而深紅若灌溉得法則

花瓣細密色更鮮艷別種花白而單者性滑柔采之麥米作粥味佳兼補

竹節梅莖葉似竹而細花紫色較蘭花稍大亦雅觀

陽雀花枝似枸杞葉間有小刺花絕肖蠶豆花色黃一葉一花金光成串

見遵義志邑中此花尙少根可作婦科補劑

蓮有紅白二種莖徑直而長葉如船狀一莖一葉宜植水中夏季花開如

盃如盤清潔可愛

按周子愛蓮說蓮花之君子者也

水仙根如蒜瓣植磁盆內以河石壅根時以溫水灌溉葉由瓣端而發花

開如萱色淡紅而雅潔

繡毬葉如牡丹而大五六月開花如盃形圓毬故名花有紫色淡紅色二

種巖棲幽事蜀有紫繡毬

龍爪一名老鴉花山谷傍水處尤夥其根卽老鴉蒜

指甲五月開花結莢每莢包子數十黑色偶觸卽迸出謂之急性子婦科  
催生極效

玫瑰葉如茨梨枝幹遍生毛刺初夏開重瓣紫色花大如盞於半吐時摘  
下暴乾水氣加以糖或漬以酒風味特甚

### 草類

藍靛有木藍山藍二種木藍種植難而獲靛少故邑中無種之者惟山藍  
本邑出產特色其種植之法不用種子惟擇取其莖幹美而且老者至九  
十月割取去其葉切其尖止留其莖七八寸許擇向陽地鋤鬆作如溝形  
將其莖置地溝中兩面均覆以土僅露其尖然後以木皮或草蓋之至次  
年二月中則將田鋤好作廂取而插於田中無不活者既栽後每月必鋤  
草一次乃佳惟畏霜雪風雨若稍被霜雪侵之則糜爛無一存者

按山藍  
花藍色



分五枚然不常  
開亦不結實

按造靛之法先擇高處築一塘寬大約丈許深約五六尺以三合土將  
四面築緊下面築一小塘長約四尺寬約三尺以沙築其底乃可濾水  
至六七月即折靛葉置塘中以水泡之折葉或一次或二次不等不折則落去俟其水帶

綠色若起絲絲則漉去其楂泡法看水之冷熱則止泡二日冷則三四日不等然後兌以石灰

以竹杵搗之大約三斤葉即用一斤灰可得淨靛二斤少則不成靛多則靛色不佳視其水不起泡則止俟

其靛沉於塘底次日將其無靛之水放去其有靛之水則放於小塘內

待其水濾去則成靛矣邑中所產之靛惟長青堡為最佳他處皆不及

車前子周南采芩俗名蝦蟆菜以其葉形如蝦蟆抽莖結穗道旁皆生子葉

可入藥

何首烏產園墜中春生苗蔓延紫色其根在地多年者如盃如斗大形有  
如人及山川鳥獸者味苦澀氣溫有赤白二種入藥九蒸九曬者佳久服

可延年

金銀花蔓莖葉均有茸毛季春始花一蒂兩花對開長瓣長鬚有黃白二  
色相兼者故名氣香又名鴛鴦籐入藥服之明目清心又可解瘡毒

白芨俗名白鷄山谷河畔皆生邑尤廣根如洋芋而小根有三道黑圈者佳三蒸三

露曬乾為肺疾要藥性粘又名粘口若冬寒手足皸裂者以補裂口最宜

商人採運他縣  
經藥材者衆

茜草一名紫草葉兩頭尖有紋深綠色單莖有白毛莖端有岐開細白花

生野中根紫故名田子大根紫靈芝錄生山中花葉似胡麻惟幹圓結子如蘇麻

牛膝苗青紫色莖方節粗形如膝葉對生似莧葉而長且尖秋月開花結子

花作穗實甚細根長者至二三尺柔潤可入藥

前胡遍生山麓間春初發葉土人採為羹根即前胡入藥遵義北鷄喉關

處不及數里外產者曠之關上即有  
菊花心川廣人歲於關上收買甚衆

紫蘇莖方葉圓而有尖四圍有鋸齒地肥者面背皆紫地瘠者背紫面青  
七八月開花結子九月收子葉均可入藥功味同

天門冬邑產甚多夏生細白花亦有黃色紫色者結黑子在根傍根白或

黃紫色大如指長二三寸至五寸一科十餘枚同撮商人嘗買曬乾逆售重慶

黃精邑二區排卓產尤夥產陰地花實根並入藥根為最

香附即莎草也遍地皆產其根相附連續結小子其中皮棕色有毛即藥中香

附也

桔梗有心者春生苗嫩時可食葉似杏葉而長四對生莖高尺餘夏季開花

如牽牛秋後結子八日採根根如指大黃白色入藥

土茯苓山谷多生根半土上皮下皮如茯苓肉赤味澀入藥少可當谷食不饑

山豆根葉青經冬不凋八月採根含之噉濕解咽喉腫毒飼馬健草料肥

澤少病

酸漿草俗名酸爛菜隨地皆產治損傷

艾二月宿根生苗高達三四尺莖直葉叢如蒿端五岐面青背白有柔厚

茸毛入藥陳者佳並可治風氣

蕪草俗呼呵麻草籬邊多生葉類麻邊鋸齒甚粗長莖形如芝麻桿通體

皆白纖毛芒觸之螫人如蜂蠆有紅白二種紅者入藥治齁疾風疾者取

螫患處不以為苦白者煎湯浸糯米為粉油煎甚鬆葉飼猪易壯(黔魯) 草即燻

麻叶獨有之生籬落溪厓間葉類麻多毛刺螫人手足不可忍杜子美所謂草有害於人曾何生阻修其毒於蜂蠆蟻蝮不為過錮而去之置諸

水中勿使滋蔓所以遠惡也然土人采之以沸湯則已瘋亦可肥豕世固無棄物哉以草子厚而治軍以韓仇胃而傳旨非盡無濟願用之者何如

耳末部益部方物志於燻草亦云葉能螫人有花無實冒冬弗悴可以祛疾古人謂是草堪醫信哉

毛蠟燭山澤間叢生莖如燭心莖端細茸結聚色黃赤酷肖紅燭故名凡

刀傷取燭茸粘患處結痂即愈

四塊互草也長尺許根大如指枝葉皆細性補治虛弱諸病煨豕肉食

之奇驗

柴胡仲春始苗甚香美名芸蕎

俗名纒媽菜

莖青紫堅梗微有細線葉似竹葉

而梢緊小七月開黃根淡赤色入藥

本草綱目云延安府神木縣所產柴胡長尺餘而微白且軟不易得也

茱萸椒屬結子或垂如蓮蕊狀子似胡椒中含黑子產吳中者曰吳茱萸服之順氣

蒲公英花如金簪頭獨脚如丁故名黃花地丁

淡竹葉春生苗高數寸細莖綠葉苗紫四五日開蛾形花兩葉如翅一窠

數十鬚鬚結子如麥冬但堅硬耳九月抽莖結小長穗取根苗搗濕和米

作麪釀酒甚芳烈葉入藥

麥門冬根結子似天門冬而細

薄荷葉長圓形邊如鋸齒而柔細邑多產

禽類

鷄鵝鳴固屬家禽其狀態用途盡人而知無須贅筆所載者雖經常見而  
關考索者故列之

燕名玄鳥

詩天命玄鳥

又名乙鳥喙闊而短頷大翅長尾叉形以仲夏南來啣

泥營新巢或補舊壘於簷樓下飛翔迅速出喙飛蟲鳥之有益於農事也

雁

詩離離鳴雁

水鳥似鵝喙長微黃背褐色翼青灰色胸部有黑斑聲嘹亮飛

空中成行列或如一字人字八字不等

人序况兄弟

以雁仲春月來旋去故謂之

侯鳥家畜之鵝是為舒雁

鷓鴣俗名水老鴉形同老鴉善捕魚漁家畜之捕魚先以繩繫頸放之河

中須臾啣魚出漁人提頸吐之旋放之去如是者累若不繫頸過魚則吞

腹果懶於捕捉

(東齋記事)蜀之漁家養鷓鴣不數日得魚可數十斤以繩約其喉才過小魚大魚則不可食時呼而取出之乃復遣

去其剛狎指類如人意有得魚而不以歸者則狎羣者啄而使歸比之放鷹鷓無馳走之勞得利又差厚

錦鷄即雉鳥雄色五采相雜尾長如孔雀性勇健好鬥不入叢林恐傷其

羽雌者文采畧闇黑凡雉雄者性殘雌雉解卵非避匿他所輒食其雛聞振羽則起而相逐獵者常畜多數雌雉誘之取之易易耳

箐鷄長尾白羽羽之周遭黑文緣之如淡墨所畫或畜之見人輒避去終

不馴擾

見北  
偶

竹鷄尾突褐色羽不能高飛侵晨多鳴鳴必十數聲性好鬪捕者設埒置套以其儕誘鬥而繫之若不設埒套被逐急則以頭投草葉間自謂可藏也俗謂作事不顧後者類此畜之可免壁虱白蟻之患

秧鷄頰白嘴長背有白斑形如小鷄多居田澤間夏至後鳴徹夜肉甘溫可入藥

畫眉上下眼包如粉畫故名毛老黃色性好鬥能效羣鳥鳴村人喜畜之啄木鷄羽褐色嘴長而利小於鸚鵡啄木取蟲時尾健貼木如爪不墜凡有害於植物之幼蟲彼皆得捕食之蓋益鳥也

四喜鵲大於麻雀羽毛黑白相間飛時或上下不一能效羣鳥鳴歷歷可聽人亦喜畜之

烏春大於鸚鵡嘴黃身黑能效百鳥鳴春夏間尤夥

百舌鳥一云翠碧鳥善效他羣凡數十種非東方所謂反舌無聲者往往亦矜鬥至死不解然捕者告罕故惜之不使極其擊云贊曰綠衣紺尾一

啼百嚙可樊而畜為世嘉玩

(益部方物畧記)

翡翠一名青水翠俗呼打魚郎羽深綠而光澤嘴長於身無尾善捕魚捕得者販他省裝飾最良

鳴鳩俗呼斑鳩羽青黑色或紫黑色形似鴿性拙不能為巢

(詩)維鷓有巢維鳩居之

解卵叢枝間善鳴晴雨異聲農人以占晴雨頗驗

(田家雜占)鴉浴風鷓浴雨八八兒洗浴斷風雨

鳴鳩有還鷓者謂之呼婦主晴無還鷓者謂之逐婦主雨

白鷗(仁懷志)其文斑斑然修尾



雀俗呼瓦雀又名米麻雀色褐常棲宿人家堂宇間性貪饑遇食物則羣聚啄食叱去復來味酸澀入藥陽萎不起者服之有驗

杜鵑大如鵲羽烏而聲哀吻有血春至則鳴本草杜鵑小如鷓鴣呼鳴不已蜀人見鵲而思杜宇故名又

金川瑣記綬靖之遜克宗地名有一種雀形如班鳩尾常白呼曰貴貴陽晝夜不絕土人目為陽雀云

鵲羽白黑相間鳴聲茶茶故名燒茶鳴則兆喜又名喜鵲

鷹鷂鳥善捕捉以其啄堅如鈎爪利如刃復眼善矚背暗褐色腹白橫紋能製所欲食之生物獵者多畜之

鶉羽褐色而麻似瓦雀而稍小性好鬥村子弟多畜互鬥以為樂肉香骨脆最適口

### 獸類

虎性猛烈百獸畏之古云虎乃獸中王章黃而有黑花紋鋸牙鈎爪舌如錯家貓形近似殘害人畜有威骨在兩脅及尾端故尾尤力大其骨能祛

風去毒治跌打膝骨尤佳

豹小於虎面毛黃褐色圓班謂之銅錢化行甚速性殘不亞於虎

狼形似犬頭銳頰白前高後廣俗名籬子

狼牡名籬牝名狼

大如狗青色作聲諸

竅皆沸性貪暴皮可爲裘

豺狼卽豺狗與家犬大同小異喙長體瘦性貪殘膽大智多每每拖幼兒於人叢中犬豕雞鴨無論已惟凶年甚夥

麝名麝子邑間有之獺者不易得形似鹿無角上頸長牙突出口外陰莖前有香囊所存之分泌卽麝香也入藥可祛風去毒價最貴

獺俗名水獺頭與身皆扁形四足俱短喜食魚皮爲裘極貴肝可治心氣亦可治牛馬瘟症

山羊似家羊角細毛褐色善走害稼肉鮮美

箭猪毛如箭本白端黑頭小牙利齧物最快鬣如筆管遇急卽放箭以射

敵行則身箭互擊有聲穴居每夜害稼農家常以藁雜番椒熏而除之  
野豬似家豕而大重達三四百斤者毛黑端數裂紫褐色犬牙曲而突出  
口外力大逕行不撓負傷尙能留人食其肉能殺蟲毒

竹颯嘴如截竹根

(仁懷志)其皮如貂

### 鱗類

鯉魚

神農書

鯉爲魚王無大小脊旁鱗皆三十有大體肥而扁口之前端有

觸鬚二對脊蒼青色腹淡白間有金黃者喜羣居邑池田多畜之大者重  
二三十斤河中有至十餘斤者清明節後生卵附水草取出放田池中一二  
日子卽出田池肥者一年可至七八兩自七月至十月味最鮮美餘時稍  
帶泥腥河鯉隨時味皆佳

鯖魚又名青魚身長鱗厚青色形似鮫有重達十餘斤者味鮮嫩膽治喉  
火入藥

鰻魚形闊腹巨口細鱗皮厚肉緊細脊鱗有硬刺鬣皆圓黃質黑章與常魚迥異味香美

鯢名狗魚黑色無鱗頭圓大口巨於頭半部裏如錯四脚能緣木聲如小兒啼又名哇哇魚大者長二三尺日晴含水上河岸林木處以木葉覆身張口於外誘山鳥就口飲水則吞之書四志鯢肉清補廣商運販於南粵嗜者尤衆價甚昂

鯽魚人以其瘠故名鯽壳似鯉而短脊狹隆起頭口皆小作羹味遜鯉重不過斤

鱣俗名黃鱣隨處皆有田池泥窟中最盛黃質黑文似蛇無鱗體有涎沫味亦鮮

萬年魚形狀似鯉小不盈寸溪溝多有之人不暇採取以其細故也

介類

螃蟹頭部甲甚闊腹甲扁平屈折於胸部之下有黃紋小而尖曰雄大而圓曰雌腹眼在背甲前緣之深窩有柄承之顯大堅如齒便嚼食跪八螯二(爾雅)蟹八跪而二螯八足折而容俯故謂之跪兩螯倨而容仰故謂之螯橫行內藏皆在甲下邑產固多而小

蚌蛤大壳兩扇相連合如以兩手合捧狀軟體藏於內壳護於外行則露肉足緩步壳隨之動如人負干然(爾雅)蚌含漿(本草)生江漢渠澗間壳堪為粉邑二區番翁

寨河田中多產村人取食其肉留壳代匙

鼈俗名脚魚又曰團魚以其形名也有甲壳上壳為背甲下壳為革胴有肉緣甲邊曰肉裙其首尾與四足均能縮入甲內前兩足趾五後兩足趾四趾有爪尾短尖血鮮紅而冷味佳裙尤美甲入藥(埤雅)鼈以眼聽(音脊)連脊水居陸生(爾雅)

翼)鼈卵生形圓脊寄四周有裙

穿山甲又名鱗鯉產山野間體長三四尺吻短全身被甲片如鱗晝伏夜

出遇敵其體則捲縮如球性嗜蟻常舒甲臥地蟻聞腥叢集閉甲入水放之蟻漂水上逐哈食之

螺螄軟體動物壳硬有旋線其體可以宛轉藏伏其種類亦多大小不一田池中滋生尤繁村人嗜食之

### 蟲類

蠶喜燥惡溼自卵出如小蟻以柔桑葉切細飼之食而不飲足於葉三俯三起二十七日而老則紅故謂之紅蠶吐絲爲繭而蛹而蛾而卵而蚋作繭常烘以火既成則覆以被而烘之俾蠶窒而斃若留種須於未烘前擇繭大者別雌雄必均之俟成蛾使交二三時而離置雌蛾於紙面產卵如小米狀明春解蠶時則以蠶紙懸於有火氣處數日蠶子即出

蜂種類甚多曰土蜂在地中作房曰木蜂在樹上作房又有黃蜂黑蜂蜜蜂蠆有毒螫人蜜毒小採花釀蜜人頗重視多畜於家別種身長小腰細

如線名細腰蜂窠於乾竹節空處薑亦毒

蜈蚣生陰溼地冬蟄春出體細長節節有足背光黑綠色頭足赤腹黃雙

鬚岐尾嚼人有毒以烏鷄屎或大蒜塗之即愈以菜油泡其蟲可治一切

癰腫本草別錄蜈蚣性畏蜘蛛以溺射之即斷爛又如被蜈蚣咬急切無

可蟲均

偷油婆生廚竈間身翼皆赤黑走速羣燕遊食閣內渾身脂濡濡驅去復

來然毒蟲避之蜈蚣為甚患喉症以之焙成粉吹入喉為治喉症第一方

螞蟻冷水田多有之身長如線伸可六八寸縮不及寸性嗜吸人及牛足

之血液黔書元馮士啓者許昌人仕黔為順元府經歷嘗奉遣抵驛站日

搖手不敢言馮怒趣馬行數十里至溪畔忽見一物如屋烏刺赤馬祝之

曰某竊祿於此苟天命合盡爾其啖之否則容我行祝畢即轉入溪中腥

風毒霧尙觸人口鼻乃各上馬比曙抵前站吏驚曰是何麻色膽乃若是

馮問此何物始敢言曰螞蟻精也馮後官禮部尙書烏刺赤站之牧馬者

蛇毒蟲也形長首小尾尖無足如黃蟻身花紋分青綠赤白黑數種有長

丈餘者冬蟄春出僻靜地多有之均有毒性畏雄黃惟水蛇毒殺(爾雅翼)蛇草居

常饑每得食稍飽輒復蛻殼冬輒含土入蟄及春出蟄則吐之

棒蛇產山中長二尺形如竹棒兩頭如一不辨首尾行則一頭觸地一頭翻起互翻互觸而行最速人每以衣襟接之製成藥可治麻瘋及癰疽等

### 食物用器類

豆牙以城中龍井水沃之白色莖粗如箸質脆味甘美卽長至七八寸味不稍減別井沃之遜甚

甜醬以醬麥蒸熟鋪樓板上柘皮葉覆之經五六晝夜啓視則起紅綠霉卽取曬乾磨粉汲龍井水和鹽及五香下之日曬夜露十餘次色金黃卽收貯調味清香遠過兩粵之醬油

米花糯米染五色蒸熟將五色花飯配於竹規中團之取曬乾以豕油炙之味鬆脆婚家多用爲禮物



米線用糯米醬曬之微熟釜中令層起中空如網如羅紋亦點以五色以豕油炙之味比米花尤鬆脆婚家禮物尙之

重陽酒以糯米雜乾刺梨於九月九日釀之每斗米僅取酒二三十斤味醇而甜香可與遵義之茅台相伯仲金筑之高梁燒酒猶不及

竹箬邑二區底列寨土人於農隙時卽採細綿竹編之通體如人字形暑日爲簟清涼無匹並不粘汗且經一二十年不濫者廣西荔波之箬遠不逮外縣他省多購之稍加改良尤善

### 礦類

礦學未發明之先論之者不過以金銀銅鐵錫五者概括之隘矣若就已發明者而縷列之不下數百種蓋有名之而不知其用途而不諳其辦法者均付一歎然礦質固多非一地所產盡然不能不揭其所產而陳述之以待研究家逐類振興抑亦富國裕民之一道也

汞即水銀明澈晃漾過於銀形如水不凝結量重而性寒用途最廣邑城東南三十里有大山焉亘數十里廣袤如之總名水銀廠壁口數百廠名沿革不一難以悉數產汞頗多開採者鑿石深入歷年既久遍山皆嗣名曰壁口又曰槽子礦商僱炮手炬入審度礦引以鋼條鑿石如錢深者尺有五名曰大炮淺則盈尺名曰小炮實火藥其中以藥捻插入炮眼蒸之藥炸石裂礦含於石內名曰礦砂砂色有紫黑者成分濃厚紫紅者成分稍殺淺紅者成分稀薄含礦之石名曰夾口

夾有多種有白色夾雲版夾硬夾鬆夾捲筒夾鍋鋼夾煤

炭夾爛夾死夾種類不一何者生砂何者不生砂礦商類能辨之 將炸出之礦砂揀出錘碎如梧子或米粒大置於鍋中用烈火鍛鍊名曰燒灶其灶以土石築之高尺許架鍋於上鍋底凹如碟徑二尺五六寸厚寸餘鍋上以鹽泥築飯如圓筒形下寬上窄厚約二寸而頂露名曰子灶腰鑿一孔約二寸名曰氣眼以陶甕覆之名曰益罈唧接處填以砂砒

砂即煉過礦砂之渣滓 毋使洩氣煨煉移時睡於罈上

以察火候如唾津不沾到卽滾下則蓋罈熱度已達極點於是將罈扳下候冷以櫟帚刷罈內之白灰盛於器內入水數滴以手搓之水銀卽見蓋礦砂經火煨煉水銀變爲氣體上升凝結爲灰卽以水搓之卽見也盛於猪脬中以免傾溢器內所餘渣滓名水銀灰日後亦可參砂煨煉以其本質未盡故也此八邑採取水銀之舊法也諸廠水銀均須煨煉而成惟冷飯廠一壘產生天然之水銀名曰活水銀間於礦砂之間如蓮子之在蓬炮炸礦砂時濺飛滿硿撮而淘汰之每次可獲數斤少亦數兩以與煉出之水銀較重量稍遜而光澤過之誠天然之利也

硃砂分巖砂土砂兩種巖砂產於汞鑛內爲結晶體質脆有稜如菽實色不甚紅只可合藥土砂產土中大數寸小亦近寸如粟如米者甚多色鮮紅質堅無定形可琢器物並可入藥產地距治城二十里昔曾有人開採產頗豐因名其地曰硃砂廠今已不知歷幾何歲月也居民恆於滂沱後

在土場上或新闢園圃內找尋亦有獲者蓋因雨洗而砂見故也

鐵鑛隨地皆有惟硃砂廠附近及中孚堡一帶產尤佳因其鐵富於延展性故隣境商人爭購之然治者僅烏灘河中孚堡二廠以致供不給求如極力振興實爲絕大之利源又馬頸坳河岸一帶鑛頗多惜無開辦者銅鑛產天壩司中孚堡番仰番扛等處土人云有銅鑛發見但因資本限制未經實行探驗誠爲可惜

錫鑛邑二區野祝地方出產甚盛質純淨現有擬辦者如果有效利益亦頗厚

銻邑鄉隨處皆產質亦精良現無人開採

煤治城西去二十里得祿汛百元寨一帶產甚豐質最佳概係油煤現四鄉柴炭極廣取給尤便鑛雖富而少開採者

銀鑛排甲產昔邑人探過鑛嗣頗深遺跡宛然但將鑛質傾銷如足色白

銀墜地卽碎想煨煉無法故也

雄黃鑛水銀廠頗產與汞鑛夾雜鑛商分別提出質最佳外商採購亦廣  
硫磺鑛二區告要旁山頗富鑛圓形如磨芋然產千層石內碎開金黃色  
上年縣令劉管春迭經北平農工商部驗云中含鐵質可煉出百分之二  
十五

鉛番仰百元等處皆產番仰廠曾有隣縣商人辦過後資缺中止百元廠  
產較多經昔人開辦今遺址尙存現煤灰及破瓦鑛用以治鉛者如山積可想

見當日開辦之盛況又一種黑鉛產排么籬地方先年亦有採辦者但荒  
廢已久民國初邑人至彼採獲鉛鑛甚多以土法試驗初次冶鑛三斤得  
黑鉛二兩一錢二次所冶亦如之今尙無人開採實因驗化無術所致耳



八寨縣志稿卷二十

工業商業

工業之事吾國於三代時已設有專官孔子嘗曰工欲善其事必先利其器其時工業之發達可想見矣厥後迂拘之士每重義理而輕工藝尙清談而賤實業此國家之所以不振人民之所以漸貧也而入邑惟尤甚何也蓋以地處偏隅風氣未開且多苗夷知識固陋不求進益非惟工藝所未精卽工廠之名亦多未識無異於醉生夢死安得不日趨於困苦之途乎今鄉村里舍之苗民日出而作日入而息沐雨櫛風勤勞無倦於農工亦可謂勤矣乃自開闢以至於今只知用人工加以牛力而已至田土之宜稻宜麥不知分也種子之或良或窳不加擇也糞壅之宜酸宜鹼不知試也犁鋤栽插而外加以灌溉卽無所事事生產無增加而人口有增加是亦貧弱之原因也至於織工本邑中女子直接之工作亦男子間接之

工作也在昔邑中產棉不少出產亦豐鄉間女子所織之布除常用外有名花椒布者有名斜紋布者體質俱加本足敷用至洋布輸入成本較輕人多樂用邑中女紅之利盡爲所奪種棉者以無利益不得不改而他圖邑中織婦幾如鳳毛麟角利權外溢可不惜哉近稍有用土機自織者然皆外商沾利邑人無與焉木工樹木本爲邑中出產品不待外求然業木工者只能起房屋造粗器物品又不求新式以期合時宜而致人樂用雕刻又不精良不能推銷外縣石工邑中業石工者甚少雖有一二人然只能造粗器如碑銘刻字之類則鮮有能之者竹工邑中織竹席竹盒之類尙屬精微每年推銷隣縣所入贏餘亦大惟業此者多是宜提倡種竹加意講求種竹之法以保固有之利碗工本邑碗工惟柔遠堡一廠惜資本太少所用工人有限每年所出之貨只敷邑中之用年所得贏餘約七八百元但其泥粗黝黑倘能再合作成一大大工廠加意改良可以推銷隣



縣其利益之大如操左券矣密貨廠邑中有二一在治城西北十五里名藍家廠一在治城東北七十里仰天窩名密貨廠兩廠所造之酒缸瓦鑽等器大畧相同人俱樂用每年所得贏餘約各千元待馬路成功可以運銷鄰省其利賴實無窮焉至若鐵廠水銀廠俱係人工從無用機器開採者卽今據鑛類篇所書各工業俱當時之急務民生所必需惜其資本太少所用工人工資有限有鎮日勤勞終不能謀一飽者是宜提倡使富者出財貧者出力通力合作成一大大工廠安見不能轉貧爲富哉獨是邑人私心太重有藝者非其弟子則不教蓋恐人得其技而奪其利也有財者非其衣食則不用蓋恐其財出而不可收也故今日欲發展邑工業必藉官吏之勢以迫之信以成之爲董事爲工頭者均以民生爲念以羅利爲懷工業前途庶有發展之望耳

商業者民生之要素富強之根源也故凡關懷民生之國莫不以製造爲

本務通商爲大經蓋納稅於貨寓商於兵無損於民有利於公利益之大莫商務若也富強之邦尙且倚商爲重邊鄙小邑顧可忽之哉況今馬路既通運輸便利萬商雲集設邑中之財滔滔而去鄰封之財不能源源而來漏卮莫塞寧不坐困環顧邑中人民於操奇計贏之事竟若漠不關心及有一二商販除經營餬口外實無遠大之圖握千金而積百貨者竟無一人焉亦可見八邑之貧實爲黔省之最也茲特約畧書之俾關心民生者得以知其詳而竭力以謀商業之發展煙商在未禁煙以前邑中業煙商者實爲最多至禁煙之後現已不成商業也米商八邑本居萬山之中田少山多產米不繼數十年前除人民自食外尙有販運升斗出售者近則人口日增自食猶虞不足尙何餘米之可賣全縣亦無業米商者布商八邑雖云漢苗雜處其實漢少苗多所衣之布悉皆女子自織故布商亦少近年洋布充斥市塞途土布費工價昂乃有一二零剪小販攜百元資本

者亦少木商八邑素稱山國產木甚多然業木商者邑人甚鮮十數年前兩湖兩廣商人雲集人民不知十年樹木之計任意賤售現木植已盡商人亦少矣雜貨零星雜貨邑中雖有數家然所謂多財善賈者亦鮮有其人焉鹽商鹽爲人民不可少之食物故邑中鹽商甚多但亦多係小販能屯積一噸一引者蓋鮮藥商邑人並無以藥爲業者卽有藥室不過一二以土所書或關人民衣食之計或係民生性命之原猶寥落如此彼綾羅綢緞異寶奇珍更何論耶惟望當道爲之整頓使之通力合作務要工精其藝貨暢其流商業庶有振興之日耳

三ノノノノノ

八寨縣志稿卷二十一

風俗

黔南苗疆祇緣舊俗世隸土司格桀庸陋洎夫有清雍乾之際改土設流其自湖廣江西而來茲土者踵趾相接雖絕澗荒山咫尺拳阜不見天日之深箐終年霖雨之遐陬莫不誅茅斬棘以耕息於其間而獷悍好殺者耳染日薰且自陋其蠻夷之習語吾語而章吾章風氣爲之大變可知凡民皆具五常之性雖言語水土之不同好惡動靜之各異要皆隨政治之美敝以爲風俗班固曰聖王在上統理人倫必易其本而移其末混同天下一之中和然後王道乃成然則邊徼風氣之轉移不有賴於明哲乎今著於篇以備世賢之因革焉

參採遵義郡勻涪志以其風俗大概相同

士民家必設香火於中堂大書天地君親師位六字牌供奉於中旁列孔

子文昌關聖灶王各紙牌位於左右多則十餘位少則五六位不等近亦有書本家姓氏考妣於中而列各神位於旁者其歷代先人神主亦置於上富家有爲龕雕刻種種花樣奇麗悅目有奉釋道兩教偶像者亦與神主羅列承以板下位中堂土地書長生土地瑞慶夫人字樣朝夕焚香有禱祀必於此士家亦有另建宗祠者然邑亦甚少孔子曰非其鬼而祭之諂也冬至祭天於圓丘夏至祭地於方澤天地非其時不祭非其地不祭非其人亦不敢祭也昔季氏旅泰山孔子猶非之而况庶人祭天地哉且孔子關公乃古聖明神列於家庭褻地可乎至僧道女尼列於家龕俎豆之間祖宗之靈爽其安乎世俗之迷信亦可謂極矣即以二教論道家好清靜惡紛煩今煙火堂中呱呱泣女雞犬嘈雜確磨喧闐不慮濁穢道德乎佛家不飲酒不茹葷今奉之三牲酒醴俎豆馨香之地彼西方佛子南海觀音其肯破戒而受我供俸枉道而授我福壽乎有心人不禁爲之一

嘆

士民以正月十五爲上元七月十五爲中元十月十五爲下元陳祭饌焚包楮祀其祖先富家有迷信者亦多於此三節延僧道或教徒誦經禮拜超荐先人至於祖父生忌日士家則必設祭貧民則否

士民正月元日夙興陳茶果焚香燭於堂著衣冠拜天地祖先卑幼拜尊長始開門放爆竹謂之開財門向吉方行迎喜神謂之出行昧爽則各持香楮往庵廟寺觀拜佛道暨神聖像然後至本族家及祖墓賀歲謂之拜年遠親近隣他日次第賀之城市則以紅刺書己名某恭賀新禧字樣投於其家不必躬拜初一日始烹鮮荐享謂煮生後則召集親友享宴謂吃年酒親友多者盡正月皆燕食故俗稱爲酒肉開花時親友往必有所餽歸必有所贈初九爲上九俗傳玉皇生日士民夙興設茶果香燭致拜十五日必陳饌祀祖先焚紙錢錫鏹謂上元焚燭自元旦至是夕必朝夕供

茶午後焚松於門外市人始擇吉開張諺云火燒門前紙各人尋生理人日後則燈唱喧闐又以竹紮成龍形擇吉日遊街集兒舞之又紮魚蝦蟹鼈如生卽各種燈式矜奇眩異夜則然燈走賀人戶好事者放爆竹迎之一二里不絕謂迎龍爆竹聲金鼓聲震響喧闐人民觀者如堵舉國若狂二十日乃止執事者雖火炮灼膚不以爲苦十五夜譚開元宵中旬後婦女始往親族家諺云青草蓋牛蹄姑孃拜年時二月上丁日士民釀金祀文昌孔子三月三日各釀金祀社今謂土地會清明前後十日各家必剪白紙標掛祖墓上芟穢增土男女皆適墓前設饌祭奠跪拜敬禮食祭餘而歸若時氣稍暖農家必於此時播種謂撒清明秧四月八日爲牛王生日多以楓葉染糯米成黑飯而後食正午以紅紙書字驅毛虫謂嫁瓦蠟五月五日爲端陽節家家皆以箬葉裹糯米爲棧懸艾人蒲劍於門以雄黃菖蒲蒜和酒飲之餘末則以塗小兒頭面手足謂可驅蚊兼避疫以顏



色布作猴絲佩帶於小兒肩背爲戲是日或採集藥物煮水洗浴謂可除  
諸病六月六日謂爲土地生日各醃錢具雞酒祀之二十四日則祀川主  
置酒宰牲或有歌舞數日始罷七月十五日則陳祭饌祀祖先以楮爲包  
中書亡過先人姓名旁書某上奉字樣多少以親疎遠近爲厚薄然後置  
銅錫鏤錠於中焚之謂中元燒包其焚賻多先於十三十四夜行之此雖  
俗節亦木本水源事死如生之意也亦有此時荐新者卽古人荐新之意  
八月十五謂之中秋各設糕餅果品以祀月少年或摘瓜送艱嗣者博飲  
燕以爲娛樂九月九日謂之重陽亦具雞酒祀社令有以糯米釀酒謂爲  
重陽酒留對年飲之味極香美十二月二十四夜陳設資錫茶酒以祀灶  
神謂之送灶然多於二十三夜行之除夕復然謂迎灶送灶後則宰豚籩  
酒春粢粉磨米餅盛作歲食以供新年茶點包餽掃棟宇換楹聯若所定  
市場之期不合則減另聚謂之荐場三十陳饌祀先人後必約家人齊集

然後食謂團圓飯卑幼拜尊長謂辭年是夜合家不眠謂守歲每月初二  
十六以酒肉祀財神曰牙祭是日公所飲酒更盛每歲或正月或二月醮  
錢建道場祀瘟火虫蝗之神曰平安清醮然近來或三年五年然後一行  
非以今不古若亦可見物力維艱矣

婚禮男家請媒約向女父母求第幾女爲第幾子配女氏許諾媒乃轉告  
男家擇吉日聘具手鐲耳環皮布等視家有無以爲厚薄有拜書書壻父  
母姓氏名號無父母書兄長父母兄長俱無則書壻名至期媒奉香燭酒  
脯聘儀等物往女家飲宴謂吃開口飯一日問名曰定婚又曰要花女家  
酌壻物亦視家有無今則好者準有娶一壻  
嫁一女或改嫁者將定婚期壻家具庚書列壻  
生年月日時於右並禮物猪酒媒持往女家謂請庚俗謂要八字女家列  
女生年月日時於左並酌以禮物復壻家亦有問名時卽奉庚書者女氏  
亦如之乃擇婚期報女家先期一日納幣具衣飾簪珥猪羊等類送女家

謂之過禮女卽以是日卜吉者筭之開面梳髻謂之上頭亦有屆時方過禮者女必先日開面梳髻至期鼓吹花轎往迎壻則騎馬以贊禮同往謂之陪郎先向女家香火一掛謂請送親卽回坐轎以往待女家以刺請壻出轎贊禮者引向女氏中堂行三跪九叩禮並拜女父暨尊長待簪花掛紅畢女家乃扶女上轎以姑姊及兄弟送之謂之男送親女送親迨夫婦雙至男家則擇福壽雙全者扶女出於香火位前先拜天地祖宗然後交拜扶入房合卺結縭若男不告父母而娶女不由媒妁而嫁則終身爲人變觀世矣畢卽啓筵迎賓客飲燕明日昧爽則拜見祖宗以次拜舅姑及三黨親戚至夫之期親女必有所奉亦視其家有無有則餽贈無則免謝媒以酒脯無錢物一月後擇吉壻與女同往拜舅姑謂謝親亦曰回門若家遠女必獨往若女家貧不能待時嫁送往壻家養者曰養小媳待男女長成後合婚謂之團房招婿上門曰贅壻按古奠必以雁今則以雞一雙亦展

代之意歟有感星卜家言者曰某日執翁姑則進門時舅姑必遠避曰避兇然則誠迷信可笑也今歐東漸大啓文明結婚之禮大異曩昔既不承父母之命又不用媒妁之言所以仍陳此者亦愛禮愛羊之意云爾喪禮人死卽焚楮謂燒落氣錢死者含銀一塊逾時出之含卡不出以白紙包頭親汲泉水以浴體始殮入棺靈位供於柩前乃擇吉葬惟士家有惑於星土之言則久殯以待卜地者殮後停柩於堂招僧道設靈位置魂旛安四方帝王主紙牌於棺四角一一祈之曰開路以五色紙剪成各花樣繞棺吹之曰散花以白布約六尺許懸於門上作爲活結使孝子竭力扯而伸之曰解結計於親友告奠曰訃音至日親友具酒醴香燭往弔曰弔香至親富者或以羊豕酒饌俱備者曰上祭以白布與親友纏頭曰開孝有力家送衣曰孝衣亦曰遺念衣以紅布請貴者擬四字或二字包括亡者之生平用白黑書之曰題旌作木主請貴者點之曰點主貧家

則否寫旌則隨便寫主則必設香案點主特設三獻三奠講喪儀歌嘉魚  
詩祝主吉利禮成卽開奠賓客祭先客祭後家祭必歌蓼莪一家之卑幼  
必次第奠謝乃畢未葬前孝子置藁於柩側朝夕坐臥於其間曰守靈晝  
夜必點燈於柩前曰照靈夜次惡寂招親友擊鼓唱歌曰孝歌始死七日  
一奠謂燒七至六七親友必來奠謂六七不食家中飯七七畢過是則百期週年曰  
小祥二年曰大祥三年曰除服有力家或延僧道作道場貧家則焚包楮  
而已在三年中作道場擇吉日請僧道唸經盛造冥器超荐死者焚始設  
靈位曰除靈亦有在七七或百日燒靈除靈者葬後孝子必往送靈火煙  
三日上坎曰復山請僧道祝土皇曰謝土亦曰買山開奠畢葬前葬後隨  
便今大小祥及禫祭士家亦鮮有行者夫屬毛離裏必三年然後免於父  
母之懷三年之喪非惟古今通義亦報施之道宜然也今有父母在生尙  
以非禮對於親者又何怪其死後之不祭哉

雜俗邑中苗人惟土著之黑苗白苗花苗土家為最多狄家狝家則由他

方移來者然亦無幾樸實淳厚以耕耘為生約畧與漢俗同近亦頗好學

業有讀書成名列膠庠者少威儀多怯懦畏見官府不恥貧賤婦女頗勤

耕織以十一月辰日為歲首必備饗魚酒脯祀祖擊銅鼓俗傳銅鼓係武

吹蘆笙竟日歲孟春苗之男女相率跳月男吹笙於前女相牽於後連

節而節比之長短四尺以次而殺短者三尺參差若羽竅其一短者孔六以

達於長以指捫之又截木徑尺衡管於六孔之銜而吹之一呼一吸聲鳴

管之中置以簧簧用嚮銅為之亦古制也邑人歐陽朝相蘆笙跳月詩

盡少年舞殘牛陣合銀角萬舫傳獨山李世鈞跳月紀事詩風和日暖

當三春草長花開處新庶蒸然蠅動穴居野處事非倫苗人此際

言婿禮上自父兄下女娣遙從山下揮平原牝牡分行各濟濟啖肉嘔酒

先聯歡綴為粧飾未殊古執筌執威植就列畫地成園步其轍于于有領袖

不參差履回環與中節倏然翔手故猶延回肢轉唼和音漸多哀艷離中

復相近誰知兩意聊糾纏至是情恩各有許男直負女擇能離看帶互贈逐

妻同情終身依託爲蚤駝因緣訂罷兩無猜相攜始向雷場回間有遺棄  
成無偶涕洟羞澁形徘徊陰陽配合從此始不俟冰人總由己禮聘無妨  
作後觀三苗  
風俗向如是

黑苗一曰團裙苗衣黑及腰摺布爲裙黑布裹足自膝及脛蓄髮椎髻蒙  
以黑布巾如萬字然女子頭插長簪耳帶長環項約以大環皆銀質多者  
以十數兩計男女均躡草履夏歷元旦擇平原鮮衣麗粧男吹蘆笙導於  
前女把臂於後相率跳舞以爲樂及倦男女相對唱歌至元宵後方止家  
不用龕婚禮無一親迎者婚亦用媒妁率以甥女爲子媳謂還娘頭聘資  
自四兩至十六兩分四等視家之有無以爲多寡婚期由男家擇定先報  
至日女氏自集親友送之奩用稔谷及白米糯米飯多者數十挑間以醃  
過之魚牛皮雞鴨酒脯等類不具他物如係女之至親或兄弟送者男家  
必酌以銀錢謂送親禮不拘多少女至男家後卽分向本寨各家摩其碗  
筷不闕一家既週回男家飲燕畢卽仍回家遠或已夜深亦決回不住宿

但後不許近娘家鍋灶明日婿即往女家同住三日後夫婦乃同回來圓房姑之女定爲舅媳若舅無子必以銀獻之謂之外甥禮否則終身不得嫁婿歿女之父母兄弟得另嫁之翁姑不問也婦歿則其嫁所帶來之銀物女父母兄弟仍取之婿及女之子女不得取絲毫也親歿女若婿各襲荷包實以銀一兩或二兩繫諸腰坐以竹床橫置庭中不用棺擇卯未亥日以木鑲土坑而葬屍旁置牛角一對或雜置牛脚數隻稻穀一斗不隆

封近亦有照族封如馬不祭不以白布纏頭惟子女繫腰用白布五寸葬期擊銅

鼓吹蘆笙宰牛馬召戚友賻用酒米少用錢物婚喪擇吉推二十八宿十

支而用之謂之苗甲子通志黑苗在都勻之八寨丹江鎮遠之清江黎平

苗中有上司者爲熱苗無管者爲生苗衣服皆尚黑故曰黑苗婦人縮長簪耳垂大環銀項圈衣短以色錦緣袖男女皆跣足陟崗帶躑躅刺榛捷如猿狖勤耕樵女子更勞日出則作夜則紡績食惟糯稻春甚白炊熟必成團冷食佐食惟野蔬無匙箸皆以手掬艱於鹽用蕨灰浸水所得死體蒸豚鷄犬鴟鴞等類之毛臙置之甕中層層按納俟其蠅蛆臭腐始告成名曰醃菜珍爲異味寒無重衣夜無臥具貧富皆然婚姻喪祭各異八寨



結婚有媒妁，即遇節，跳月，笙歌，又隣，共建，空房，名曰，馬郎，未返，女家，父母，遇  
 晚，聚歌，情稔，即以，牛隻，行聘，歸三日，即回，母家，或半年，而一返，女家，父母，遇  
 向，墳家，索頭，錢不，與或，另嫁，有嫁，女皆，死，猶向，女之，子索，者名，鬼頭，錢人  
 死，亦有，哭泣，推牛，敲銅，鼓名，曰，鬧屍，葬以，無底，棺納，土置，屍於，內以，臘月  
 辰，日為，過年，每十，三年，畜牝，牛祭，天地，祖先，名曰，吃牯，臘丹，江俗，與八  
 同，但無，馬郎，房清，江婚，嫁姑，之牛，祭天，為舅，婿倘，舅無，子必，重獻，於舅，謂之  
 外，子守，墳一，則終，身不，得嫁，或召，少年，往來，謂之，阿妹，居喪，與八，寨全，葬則  
 女，子守，墳一，則終，身不，得嫁，或召，少年，往來，謂之，阿妹，居喪，與八，寨全，葬則  
 首，古州，男女，亦皆，以荷，合始，但寨，分大，小下，戶不，敢通，上戶，洞思，不致，通  
 爺，頭三，苗謂，上戶，曰爺，頭下，戶曰，洞思，偶犯，則女，家必，罄奪，其產，甚或，置  
 之，死地，人死，後停，於寨，旁或，至二，十年，合寨，共擇，一期，百數，十棺，全葬  
 每，寨公，建祖，祠名，曰鬼，堂刻，男像，裸體，不令，女入，見遇，病延，鬼師，於堂  
 持，咒以，上皆，背禱，違法，之陋，俗至，其性，剛而，黷生，苗尤，為最，悍輕，生嗜，殺  
 匪，皆之，仇雖，久必，報或，椎埋，伐塚，或捉，白放，黑焚，擄劫，掠無，所忌，憚自，經  
 則，撫編，甲認，賦至，雍  
 正，十三年，永行，豁免

白苗亦稱白領苗，又曰花殼苗。今歲早甲石一俗類黑苗，惟女髻蒙紅色。

巾衣用花布。布用蠟塗成花文而後長過腰，飾領以白束帶，以采孟春吹。

蘆笙跳月，男子科頭洗足，好白衣短，僅及膝，婦人盤髻長簪，祀祖擇大牯。

牛角端正者，養之飼及苗壯，約七年或十三年，則通知合寨，有牛者相鬥。

於野勝則喜敗則延巫師祝之無論勝敗均殺之以祀祖食賓客性好飲

酒春分至谷雨節丙子午日忌使農器有志白苗在貴定龍里黔西州亦有之衣尚白短僅及膝男子科頭

赤足婦人盤髮長簪姚月之習與花苗同祀祖擇大牯牛頭角端正者飼及苗壯即通知合寨有牛者合門於野勝即為吉門後卜日砍牛以祀主

祭者服白衣育套細褶寬腰筓祭後合親族高歌暢飲其性慧而夙轉徙不恆為人雇役舉田往往負租逃去

花苗今九門一好樓居屋多三層或二層者上層儲穀中居人下蓄諸牲

男子常以青藍布纏頭髮縮以木梳戴以竹笠衣黑而短裳用蜡繪布飾

袖以錦故曰花苗男女均躡草履婦女好以布纏腿及踵入山林捷於猿

猴常攜槍捕鳥獸有發輒中無一免者女常以花布一幅置於首未婚則

首或笠插鷄毛已婚則去之議婚封銀五六錢遣媒送女家收則已許之

也擇期定後以銀送女家為聘以家之有無定聘金之多少女奩用大猪一隻牛皮一

挑其餘各物亦如黑苗女家以親眷十數人各執紙繖送之近時以道路不靜有以器

械送之者女子歸在夫家一宿明日即回彌月後夫家以肉一方糯米飯鬪女

家不屋往置其家

若見則歐之或以棍擊之以為戲接戲塲之風西陽也  
雜俎云起至北朝蓋戲塲之俗已久不獨苗俗為然也

女家即送歸否則必待生子後方至既歸復返不許近外家鍋灶犯者即謂不祥至繪衣跳月等均如白苗俗惟喪葬畧異遇喪則屠牛召親友遠近皆以酒肉白米為賻環哭盡哀不用棺斂手足以葬卜地則以雞子擲地不破者為吉疾病不服藥惟禱於鬼宰牲磔雞雖破產不惜以六月為歲首其性戇而畏法其俗陋而力勤茲錄之以見舊俗遺風猶有待於時賢之移易固正多也

短裙苗又名披片苗無衣褲兩臂橫披青布一幅腰繫短裙約五寸許摺拆約數百幅絛絲鑲帶貫以嚮鈴手足裸露富者項約重圈耳環如鈎其孟春跳月等俗如白苗

長裙苗其裙拖及足有衣褲餘俗如短裙苗

土家多居山業農亦有多讀書為士者節序以寅月為歲首除夕朔日接

祖初三送祖服飾儀節多如漢族近亦多與軍民通婚姻端陽節必全寨分秧畢始包角黍一家未畢不爲也節後始補行節儀門不掛蒲艾婚姻亦通媒妁男女家均殺一隻雞看其眼之張合以定婚姻之成否塔有聘資視家有無以爲厚薄至婚姻女氏自集親友送之男家男家亦集青年男女接之至則飲燕雜沓唱歌以爲樂夫婦宿三日後復返一月或二月男家乃擇期接回以圓房焉親喪既殮橫棺中庭合家族均茹素雖賓客至不燕葬後始肉食臨誚孝子衣白衣跪牛前候巫誚畢大呼亡者之名而後飲之有女則須婿宰之壻力若不勝亦須繫牛始由他人代宰葬時將死者遺物捆載於馬上負送至山卽牽回宰之以宴客將牛馬肉連皮分送諸親戚飲食粗惡以多爲尙

狝家婚姻禮節衣服儀飾均如土家惟以夏丑月朔日爲歲首

此種人邑中甚少

狄家禮俗多同漢族婚喪亦類間有異者婚禮塔亦有親迎用酒脯等類

女家則召戚屬食之本族不得染指曰姑孀出門酒然多有男女相悅私奔送婚媾者其所用之書字形頗類蝌蚪篆文譜之甚不可解謂之反書據云彼用以推擇作崇亦甚驗親喪女息各上一紙繖邑中原無此種人近乃有自他方移

來者然亦無多

東苗

惟谷蒙大江岔河及翁壘翁通等寨有之

性強梗嗜酒服飾類漢族惟女子皆束青色帶

著青色衣項約銀質大環

俗謂戴項圈

不用裙以夏歷四月八日為歲首

是百楓

葉染糯米成黑苦李皮染紅楊梅皮染黃野辣染紫既成合而蒸之以為花飯先供祖然後食婚禮通媒妁以男求女得

允送雞酒豚肩加以銀幣

以二兩四兩六兩為止

遣媒人持去曰吃開口飯及請庚

亦用雞酒銀幣

自六兩四分至六兩分三等

猪一隻曰吃方酒女家親族請敬房酒戚

族若多恆有吃酒三五日始開庚者女家贈壻以冠帶鞋襪布帛等物並

花飯一盤壻家則以花飯分贈戚族迎婦不用輿馬以男子二人提燈女

子二人執繖至女家新婦即持繖隨行男女送親如土家之俗夫婦交拜

後男家飲宴送親女送親贈客以荷包唱荷包歌恆數日不止送親回家

贈以糯米棉布等物女以資作為荷形回贈男歌者曰荷包粍中實以五

彩線或銀錢今此禮皆畧之也新婦留十二日返外家曰回門必一年留

少亦五六月曰留新親親喪茹素如土家俗葬之前夕以糯米飯置棺上

分子女各一團子女則持糯米飯繞棺哭一場而後食之曰食老飯祭儀

如漢族通志在龍里情平等處者男着藍色衣短不及膝以花布纏頭

女子則穿花衣無袖惟兩幅遮前覆後着細摺裙以中秋祀先祖

親屬死亡則擇壯牛旋角端正養之時以水草至秋深草茂牛既肥澤釀

酒飲牛召親友飲宴又召鬼師於家露酒饌於木板次序呼先後亡者之

名竟夜乃己清初劫擄肇亂皆此種

人為多近番守去眺月與花苗同

九股苗通志在興隆衛凱里司與偏橋之間性剽悍武侯南征戮之殆盡

僅遺九人散為九股分處蔓延地廣而族夥其衣服禮節婚姻喪

與黑苗同力甚強身披重鎧越山嶺奔走如飛左執木牌右持標桿

口含利刃所刺牛度檢如子母炮着處無不洞穿挽強弩名曰偏架長

六七尺一人持之二人共張矢無不貫前明播州之亂常為楊應龍羽翼

發兵數十萬驟滅巫龍而九股猶未服嘯聚為亂雍正十年合楚粵三省

勦撫之度雖兵中建

紫薑 舊 有 仇 志 在 耶 以 十 丹 江 平 越 之 間 且 忌 門 不 出 七 日 而 解 犯 者 以 爲 不

詳 決 有 力 入 行 伍 立 戰 功 觀 者 見 之 不 知 爲 苗 也

狃 狃 種 志 其 種 不 一 各 處 皆 有 之 男 女 皆 以 幅 布 圍 腰 傍 細 鑲 謂 之 桶

不 葬 以 巨 木 上 覆 杉 葉 如 羊 柳 曰 羊 樓 其 人 力 強 喜 門 善 奔 輕 命 死 黨 得

人 片 肉 屠 酒 即 捐 軀 與 之 窮 頭 狃 狃 在 貴 定 得 獸 即 咋 食 如 狼 在 情 平 焚

之 又 狃 豕 狃 狃 身 而 經 年 不 洗 狃 狃 夫 家 即 所 謂 鑿 齒 之 民 又 剪 前 髮 而 批

願 通 糞 糞 必 先 折 其 二 齒 恐 妨 狃 狃 在 平 越 黔 西 間 女 人 以 青 羊 毛 織 爲 長

後 髮 取 其 齊 眉 之 意 其 性 嗜 悍 好 門 石 阡

木 老 子 通 志 乃 同 室 祀 鬼 用 五 彩 旗 遇 節 則 歌 舞 爲 歡 亦 有 長 幼 之 序 在 都

勻 情 平 者 必 四 十 九 日 不 洗 濯 不 婚 與 姓 不 共 食 巫 祝 荐 名 曰 放 鬼 出 門 長

子 貧 不 能 守 必 長 孫 或 次 子 代 之 其 子 亦 有 延 師 教 讀 入 泮 者

狃 狃 通 志 云 即 楊 荒 播 之 遺 黎 平 龍 里 等 處 皆 有 之 刑 鑿 不 塗 門 戶 不 局

出 入 以 泥 封 之 服 飾 婚 喪 均 類 漢 人 男 子 計 口 而 耕 女 人 度 身 而 織 暇

風俗

十

貴陽文通書局代印

蠻人 通志在新添丹行二司男人衣草蓑婦人着花短裙喪葬亦設牛歌

出入必帶刀弩又石阡府沿河司有冉家蠻俗類全

猺人 通志必擇人黔省原無自雍正二年有大樹皮接續渡水至家不用桶甕出汲男

女衣尚青長不過膝所祀之神曰黎黎動耕織暇則入山采藥沿村寨行醫有書名榜簿皆圓印篆文其義不解俗長厚見遺不拾

牯羊苗 黔書克孟牯羊苗在廣順州金筑司

谷蘭苗 黔書谷蘭苗在定番州性兇頑善擊刺出入必持槍弩蠻酋畏之 大都喜同惡異重忠信賤欺詐

男務耕作女勤織 馭也其始父子兄弟為家之見也愈近而逾化人羣之

曰種綜諸種族曰部落進乎部名曰國又進曰國故今日言國不啻昔日

稱也自五洲啓列邦通而天下之名不獨一國故今日言國不啻昔日

之昔天下進羣而國則德之戰是撤遜之久宜爭端之胥混矣乃英美之戰

至一條頓之攻條頓也法德之戰是撤遜之久宜爭端之胥混矣乃英美之戰

年開化既晚文教未興附郭之外皆苗民也威重之使數十年間蠢動數

千夫共謀漢有族無百家而日有閩小則禍聚一邑大則禍兼新豈種族之

時夫共謀漢有族無百家而日有閩小則禍聚一邑大則禍兼新豈種族之



關保也言民命者知其好惡不使惟知識淺陋尙鬼信巫有待啓發通志  
 漢民得魚肉其間無意外之虞矣惟知識淺陋尙鬼信巫有待啓發  
 皆不知正朔無文字刻木爲信魁特侖誅茅構宇架木爲巢寢處與牲  
 畜俱夜無臥具寒則挖地作爐薪柴炙火食惟麥粳蔬亦有糯稻至婚  
 姻間用媒妁然必抱子乃歸近經禁誠漸循禮法入市交易曰趕場要以  
 惟病不服藥尙鬼信巫積習難返諸苗大都如此  
 五日爲一次以邑無商埠凡置貨物均須於場上買之藏有貨物亦須於  
 場市出售按本邑市期有子午者有酉卯者有辰戌者各以其日支所屬  
 爲市民俗信巫鬼凡有疾病不服藥惟延男女巫覡禱於鬼神而巫覡遂  
 得以術愚之若不延之禱祀死亡卽在目前其宰牛磔雞雖破產猶不悔  
 悟又好咒詛盟誓稍負屈不明卽向神前惡誓執鷄以訴其冤懇神報應  
 曰斫雞其向神祠請其藏經平鋪於地赤身由經上滾過呼冤求報曰滾  
 經其請神像供於門外或置樹下朝夕焚香供俸呼曰求報曰憑神此皆  
 出於無良之徒屈實在已冒昧行之亦可見世俗之澆薄也  
 又有事急不能辨曰撈油謂熱油於鼎理直者以手探之決無患信以爲

然往往焦爛其手不能自明者非特頑苗爲然卽土著亦習以成風故有稍抱微寃每每以撈油爲說者歌舞祀三聖曰揚戲若有災害疾病能禱者則書願帖祝於神以後應否必須酌之曰還願或數月或數年則預備猪酒擇吉延巫於家歌舞以娛神獻生獻熟必誠必敬或間以詼諧觀者爲大笑至勾願酌神畢則以祭餘燕諸親友時以夜爲常又民間或崇或疾卽招巫師驅逐祈禳曰跳端公其術曰師孃教所奉之神製二神頭一男形赤面長鬚曰師公一女形白面曰師孃臨事各以一竹承其頸竹上下貫兩圈衣以男女衣倚立於案之左右下以兩碗承其足又設一小案右供二小神頭曰五猖巫黨椎鑼擊鼓於此巫則披紅衣戴七佛冠登壇歌舞右執神帶左執牛角或吹或歌或舞抑揚拜跪進退徐疾衣裙舒圓旋轉生風至夜深大巫兩手揮訣小巫戴假面具扮土地導引受令而出受令而入曰放五猖大巫則踏闕吹角側耳聽之謂其時必有應者不應

則再吹時擲卦卦得吉謂已得生魂故其角聲所及之處人家小兒每不令睡恐其於夢中應之也主家亦然間有小兒於坐立時無故如應人者父母不覺常至奄奄而斃先必斬茅作人形衣禱者之衣侑以酒肉以茅舟透出門焚之曰送茅娘謂其可以替災難事畢遺神像於案前歌以送之仆則謂神去女像每後仆謂其教率娘主之故其迎送獨難云

卜訟龍江爲老訟神以酒肉祀之祝畢將所供肉分視之有紅絲則勝黑絲則敗謂之卜訟故人有訟事兩造均以酒肉祈之曰得勝又盜賊亦祀此神不用火燭只以酒奠於地而暗禱之

送鬼俗謂路途中有鬼人觸之則頭痛身熱沉迷不省人事必以茅草作標掃之將此草標致龕上謂之願標延善禳者以酒飯香紙置於盤中夜送至三叉路焚之其盛物之器亦碎之

二分土地俗謂凡幼小兒女身熱腹痛或嘔吐必禱之日暮以香三柱飯

二盃每飯中置鷄子一枚送於菜園中祝之祝畢則祝者食之不留一粒  
 養蠱毒俗謂苗人有養蠱者每每暗置蠱於菜飯之中凡食者必週身浮  
 腫而死其毒有謂之水蠱者有謂蛇蠱名類甚夥總之不離最毒之蠱近  
 是養蠱皆女人其夫亦不送知由彼喜愛之人然後放之若果如是人亦  
 何樂而為彼所愛也

按田雯黔書蠱從皿蠱之藏於器者也器有蠱則必敵故欲輸之其為害不易知故又稱蠱惑蠱毒他省所無惟雲貴閩廣則有之苗神致富者多畜蚺蛇蜈蚣諸毒物於罌缶中滿其涎沫於酒食以飼人中之者絞腸吐逆十指皆黑吐亦不沉嚼豆不腥舍黎不苦是其說也又有挑生蠱食魚則腹有生鷄又有金蠱夜則飛出飲水光如疋練金彩爛然要智利人財物或與人有隙或代人報怨故無患襄荷葉似甘焦根似蕒芽差肥春初生根其有異即服襄荷汁可以無患襄荷葉似甘焦根似蕒芽差肥春初生根可為直曰尊直性好陰木不生者尤美潘岳閒居賦云襄荷依陰謂此也白者為首神農經云襄荷治中蠱中蠱者服其汁並臥其葉並時呼蠱也  
姓名周禮庶氏掌除蠱工祝禮之嘉草攻之即此物也

老虎鬼俗謂有老虎鬼者放於人或牛馬猪羊中之立斃若知之而急尋之收回則可緩須臾則難救彼亦知作此罪大惡極不敢放人只放於牲

畜近數年邑中牛馬亦多有死者其病不過一二點鐘卽請醫亦不及藥死後其腸胃臟腑均帶黑綠色人多謂之中老虎鬼云據俗說供此鬼者若久不放出則此鬼必尋所供之人其人亦不堪其苦若然則害人適以自害不知何所利而爲此也

紫姑茅娘俗以正月十五迎紫姑捉者覺重便是神來能占衆事卜蠶桑好否好則大舞否則仰眠茅娘以七月十五請之其來一一如紫姑但問以衆事喜則拜惡則仰眠

收水凡人手足爲金石湯火所傷血流不止延善收者收之則立止  
虎頭懸門謂之石敢當今人家衝道或山嶺懸一虎頭於門上書泰山石敢當五字於虎舌謂其能鎮壓兇煞

### 白苗語

父曰扳母曰捫夫曰互妻曰搬難兄曰伴弟曰野姐曰壓祖父曰干鴉祖

母曰鵝天曰雨胆地曰孚胆草曰囊木曰打梨曰正雅橋曰正豆橙曰正  
卡桃曰正指李曰正怒雅片煙曰銀直落花書曰達干打栗曰正個竹曰  
打撈栢曰打垢松曰打線濃楓曰打卯山曰右水曰牙石曰言田曰呂馬  
曰慢牛曰寧豬曰班犬曰下羊曰勇雞曰管鴨曰堪魚曰雞蝦曰簡孔蟹  
曰簡多油曰講鹽曰線布曰朶麥曰見卯辣曰正難衣曰垢紙曰豆炭曰  
攤柴曰楮菜曰臥鉄曰拉銅曰打銀曰擬早餐曰反午曰乃晚曰蓋槍曰  
難碗曰低箸曰恥房曰棧讀書曰東多寫字曰晚多墨曰也忙筆曰淚鞋  
含祿捫褲曰改丁帽曰磨笠曰狗犁曰坎耙曰克鋤曰峻斧曰多鍋曰尾  
灶曰敢磋籬曰籬箕曰及斗曰格升曰考尺曰浪糖曰當雷曰干孚燈曰  
楮肩窻曰康勞橙曰當棹曰講東足曰羅手曰打耳曰卡難鼻曰卡將眼  
曰卡米口曰卡牛頭曰卡可肚曰卡空心曰卡秀肝曰送雞胃曰卡雲鸞  
腸曰垢雜血曰歲吃煙曰哈銀吃酒曰哈就栽秧曰匡禮打米曰顛納兒

童曰呆雞木匠曰相打石匠曰相言裁縫曰相皮鵝溝曰貢呂蠟曰夔扇  
曰能梳曰啞篋曰求留切桶曰丁磨曰言麼髮曰雄考鬚曰研指甲曰改  
公板唇曰卡搬牛齒曰妹頸曰卡科背曰卡狗胸曰卡巷柱曰痛寨曰養  
堡曰線卡八寨曰改縐又名押羊押者入也改縐即入寨省城曰釀省都  
勻曰貞榮切三合曰排搬簡榕江曰改浪一日夷二日鵝三日板四日鎖  
五日乍六日丟七日凶八日牙九日轉十日糾

黑苗語

屋曰者窻曰懽密鬧棹曰。的門曰干丟凳曰當碗曰地鹽曰顯辣曰  
宰拿煙曰印煙袋曰奪鍋曰威灶曰干梭睡曰罷興曰。衣冠去曰母平  
坐曰孃飯曰敢吃飯曰冷敢酒曰酒吃酒曰好入酒唱歌曰噫霞洗臉曰  
臥面趕場曰捫更稱父曰巴稱母曰棉洗手曰臥般洗脚曰臥畧平兒曰  
皆呆女曰編妍

冰家語

家日鴨門日墮窗日糯灶日六鍋日道飯日蒿去聲碗日堆筷日主鹽日亂  
辣日令酒日蒿油日捫入聲桶日通水日朗入聲火日玉柴日梅入聲炭日炭書  
日賴紙日支筆日扁墨日芒牛日歸入聲馬日麻雞日介

冰家反書

子又曰巾

辛又曰辛

甲子乙丑

丙寅丁卯

戊辰己巳

庚午辛未

甲子乙丑金

丙寅丁卯水

戊辰己巳木

庚午辛未土

壬申癸酉

甲戌乙亥

丙子丁丑

戊寅己卯

壬申癸酉金

甲戌乙亥水

丙子丁丑木

戊寅己卯土

庚辰辛巳

庚辰辛巳金

壬午癸未水

甲申乙酉木

丙戌丁亥土



辛子り壬兆 元貴収卯木 壬未分己水 甲午乙未金

丙申丁酉兆 辛多り亥木 元子収丑工 壬貴分卯金

丁未乙巳兆 丙午丁未水 辛申り酉工 元多収亥金

壬子分丑木 甲貴乙卯水 丙未丁巳工 辛午り未水

元申収酉木 壬多分亥水 又春夏秋冬 春曰丙夏曰未秋曰非

冬曰辛吉曰辛凶曰凶月曰凶時曰凶志

ト  
シ  
ノ  
カ  
ラ  
シ  
カ  
ル  
ト  
シ  
ト



八寨縣志稿卷二十二

倉儲

積儲本爲生民大命常平義倉之制可以備荒旱亦可以賑災履古人之關心民瘼可謂法良而意美矣况八邑咫尺均石寸步皆山林麓居十之七田土僅居十之三軍戶自屯田官賦而外所餘無幾設無常平義倉之儲蓄一旦有水旱蝗蟲之災備戒不虞之變有不餓莩道路轉填溝壑者乎於是邑之官紳士庶遵例以設義倉力不足於已則以捐助勸諸人效雖不見於一時而利可及於百世特以其倉厥地址谷數多寡悉著於篇俾後之仁人義士擴而充之庶衣食足而禮義興豈非幸歟

八寨倉儲共分四項曰常平倉曰社倉曰牛租谷曰義谷常平谷一萬三千九百五十八京石六斗五合六勺分儲治城及八寨衛城倉貯谷九千

另九十八京石六斗另五合六勺衛倉貯四千八百六十京石社倉谷三千八百四十九京石五斗另七合儲八寨衛均咸豐以前創建自經苗亂焚掠無存其設置沿革及保守方法文獻無徵不可得而詳矣

常平倉 清同治十二年苗亂既平四民甫集田荒未治知府羅應旒請於省善後局出帑藏給民購牛資耕秋收每牛一頭征納牛脚谷白米四石分兩年收足經同治陳世芳領發耕牛九十二頭十三年經同知劉垂祺結領牛種銀一千五百兩折合耕牛一百八十七頭轉發人民購牛至光緒九年除丹苗窳劫及牛病斃豁免外先後征收存谷一千七百二十七市石修倉存儲計貯廳署一千四百二十七市石二斗貯八寨衛四十九市石八斗貯南皋二百五十四石謂之牛租谷曰豐備倉一曰常平倉每歲出陳易新地居高燥以十之七存倉十之三平糶地居卑濕則存半糶半各因時地而變通之以均歲之豐歉由地方官掌其冊結出納之數

若虧缺則請動帑買補至光緒十八年八寨衛火延燒牛租谷倉四十餘石蕩然無存又得祿汎治城兩處火災動用牛租谷賑濟共耗谷一百零五市石八斗尙存谷二千六百二十一市石二斗至同知吳光鑾去職僅存谷六十一石五斗其一千五百餘石則顆粒無存倉亦毀壞同知龔斌移文追問始以每石六錢折銀七百七十六兩一錢三分繳存省善後總局其餘二百餘石稱是余元鐸虧耗賠繳銀九十兩其廳署存谷六十一石五斗龔斌沈國良兩任先後耗盡以每石八錢折銀四十九兩二錢存署於是千餘石之牛租谷僅存銀一百三十九兩二錢谷則掃地無餘民國初秩序紊亂並此一百三十餘兩散歸烏有夫儲牛租谷以備凶荒不虞之災屢經散放未嘗取息所以惠民者至矣其後同知黎光瑜作俑變賣九百餘石每石僅折銀六錢錫明繼放四百餘石亦止折銀六錢然其時谷價尙低若果買補雖不得原穀亦未必不可設法補助乃繼之者既

不肯爲又從而甚之遂至顆粒無存惜哉大清會典凡直省長平倉州縣

官爲經理凡常平倉積貯之法必相風土之寒暄燥濕東南西北異方稻

麥粟米異宜每歲出陳易新士高燥者以土之三年糶十之七存倉卑濕

者則存半糶半各因時地而變通之以均歲之豐歉督撫於終歲覈實奏

銷以冊送部稽查如有虧缺先請動撥買補將虧空官題參照例治罪限

年追賠買補之法春夏出谷秋冬還倉供市價於產谷之隣邑價平處買

運歲款中貴則展至次年若倉庾缺乏即需補足者申明官准於價賤

之州縣印緡抑富民派保甲者効之凡民間收穫時預其所贏聽出粟麥

建倉貯之以備鄉里借貸曰社倉谷公舉殷實有行義者一人爲社長能

書者一人副之共領其事按保甲印牌有習業而貧者春夏貸米於倉秋

冬大熟則加一計息以償中歲則捐其息之半下歲免息社長社副秋

檢校歲以谷數存官經理出納惟民所便官不得以法純之豐年勸捐社

谷在順民情禁吏抑派有好義者能捐十石至百石以上者旌獎有差社

**義倉穀** 義穀係光緒四年貴州布政使鑒於北直各省饑饉荐臻通令

所屬籌備義穀以備凶荒罔知朱壽萱奉令勸諭百姓比戶量力捐輸每

收穀一挑捐二升或一升不筆同知孫家熊繼之捐得穀三千餘石官府

將其捐納姓名註冊建倉於各捐輸地方貯藏擇殷實而有行義者掌之  
春夏借與乏食貧民秋冬照數償還皆照例奉行考其散放取息其始以  
一斗爲限其後有增至二斗或三斗者其息穀用途以修倉及倉正副工  
食屬於十一堡者由衛千總提取息穀製造軍器民國初元籌款練團更  
有侵及本數者民國元年知事陳時濟切實清查僅存穀二百三十餘石  
其餘或虧或放穀既不存倉亦朽壞過半嗣經知事唐萬鍾李竹溪黃翼  
劉垣等廣繼清追幾復捐時之舊國制變更四司一衛均歸裁撤行政區  
域分而爲五民國六年省公署規定保管義谷章程每區設管倉員一人  
前日之義倉分屬四司一衛者今則分五區存貯矣其屬第一區者曰本  
城實存谷八十八京石六斗曰豐樂堡實存谷一百三十七京石一斗八  
升其屬第二區者曰長青堡實存谷二百六十六京石二斗八升曰柔遠  
堡實存谷一百九十四京石二斗八升曰抵列寨實存穀五十京石曰番

扛寨實存穀一百二十京石曰番扛大寨實存穀四十京石曰番仰寨實存穀四十四京石曰巖營寨實存穀三十六京石曰望城堡實存穀九十京石天驕司實存穀四十京石曰羊排寨實存穀二百一十二京石一斗四升曰硃砂廠羊武寨實存穀五十二京石曰屯上實存穀七十一京石二斗曰硃砂廠實存穀二百二十四京石五斗六升其屬第三區者排調實存穀三百九十九京石四斗四升曰芳勝河東麻烏實存穀四百二十九京石二斗其屬第四區者曰九門大寨實存穀一十七京石五斗八升曰雙守堡實存穀一百一十三京石三斗六升曰石橋堡實存穀一百一十京石二斗二升曰甲勞寨實存穀一百零二京石曰贊卡寨實存穀五十一京石曰烏高寨實存穀五十京石曰中孚堡實存穀一百一十六京石曰興仁堡實存穀九十一京石五斗其屬第五區者曰野牛寨實存穀六十四京石曰加烏寨實存穀六十四京石曰格益寨實存穀三十二京



石蕭家寨實存穀三十二京石白羊烏寨實存穀四十八京石曰柳烏寨實存谷四十京石曰南江寨實存谷四十京石曰排么落寨實存穀四十京石綜計五區實存穀三千五百零七京石五斗四升其實欠在民或倉正副虧蝕猶待追收者尙有一百七十三京石六斗一升四合倉之存僅第一區豐樂堡一間第二區長青堡三間番扛寨二間抵列寨番扛大寨番仰寨巖窩寨望城堡天壩司六處各一間第三區排調寨二間方勝河東麻鳥四間第四區雙守堡石橋堡二處各一間而已其存儲地與光緒七年之存儲地不盡符合者則以分割遷徙隨時變更云至光緒十三年同知吳光燮奉令續捐義穀三千餘京石侵吞淨盡虛報捐數茲不具載田賦 八寨係雍正間甫闢新疆田賦概免原設有衛千總一員屯田八百十號以能耕之軍兵開墾不足招人民願補充屯軍者領田耕種秋收後每田一份例納屯糧京斗一石二斗三升六合由衛千總征收除百戶

總小旗工食外餘糧解繳道署發給各處官兵糧餉至清末廢各武職後由廳征解至民國五年上憲將本縣屯餘兩項田及官營產業變賣後升科只征賦原額洋七百二十八元六角每糧戶另征稅單洋四仙上田每畝征洋二角正中田每畝征洋一角五仙下田每畝征洋一角現只中孚堡有屯田一份每年收官租洋四元又由麻哈撥換大小簸箕者泥等處插花地糧戶四十餘戶應征秋糧正米原額四石四斗八升四合二七折征銀十二兩二錢又一五折合大洋十八元三角由經征收員征解

義舉 八寨各義舉均因地方貧瘠無告興辦只有養老院瓦屋三間收養年老乏食貧民二十名每人按月給與養費洋 至冬給與棉衣一領欸項由 支領轉發

八寨縣志高卷二十三

年紀

古者諸侯建國各紀其年如晉之乘楚之檇杌魯之春秋是已八寨雖邊隅小邑不異古者子男之邦自開闢至今數百年其方輿之位置地圖之大小官吏之賢否風俗之美惡以及妖祥災變之事亦多矣以無人焉紀其事遂皆湮沒而不彰雖間有進士胡政舉所修邑志畧畧數端語焉不詳居今日而欲求數十年前之事父老已無傳聞况數百年以上之事乎只得徵諸鄰縣之志暨各土官之履歷探擇書之俾後之續修是志者得所考而加詳焉可爾

元

至正十三年天壩干賊首齋果反宣慰使楊輝平之置宣撫司以天阿路爲天壩長官司管理上中下都勻等處地方苗蠻土務屬於司地未幾復

爲生苗盤踞

按阿路廣西慶遠人以征南有功授爲天壩長官司管理上中下都勻等處地方苗蠻土務

明

洪武七年召見天壩長官司天阿路留之京師

時明室新造以阿路素得蠻夷心恐其不服因召見留之京師

十二年七月擢授天阿路爲天壩蠻夷長官司

阿路留京四載蠻夷無人撫綏不時蠢動因擢授阿路爲天壩蠻夷長官司差員護送回籍安撫

十四年苗蠻復叛欽命藍黨討平之

時苗疆復叛命總兵藍黨統大兵征勦調阿路隨征苗皆輸誠復召阿路留京

十八年陞天阿路爲襄直隸天壩安撫司仍管理都勻巴榔等處地方事務

永樂九年巴榔苗復叛天壩安撫司天阿浪帶兵討之陣亡時巴榔苗不服征調遂復叛阿浪大憤極力討之陣亡

天啓二年特命大兵征討平越苗王倫之亂天壩司王金貴帶兵救援平之

平越苗數叛特命大兵征討命金貴帶土兵五百救援擊殺亂苗三百餘人亂乃定

清

順治十一年命天朝玉仍襲天壩安撫司

清帝以入關後中外底定惟黔未歸服仍命大兵入黔勦撫時朝玉繳印投誠以朝玉忠順可嘉命仍復天壩安撫司

康熙十二年春二月都勻苗亂殺天壩長官司天應祿

應祿以都勻苗亂調土兵征之遇於燒茶力不敵被殺

雍正六年春雲貴總督鄂爾泰調貴州按察使張廣泗赴滇面授機宜進

### 討八寨生苗

八寨爲都勻要隘又丹江清江古州之咽喉居其中者爲黑苗盡屬天壩司管轄自將土司戕害後改屬都勻府而流土均不受制與化外無異楊排楊列七告楊堯四大寨恃強恣肆附近諸小寨皆爲役使又番仰番扛擺卓等十餘寨與丹江諸生苗勾結剽掠無忌總督鄂爾泰謂生苗不重加懲治將大爲民害調貴州按察張廣泗滇面受機宜進兵討之

五月貴州按察使張廣泗率兵赴都勻

六月按察使張廣泗及都勻參將趙文英率兵討八寨生苗

官兵既進入寨營於要隘廣泗謂大兵驟進必玉石俱焚其中不無果脅之良善今苗民已知我兵威尙未知德宜先出示招撫如其歸順可免動干戈善良受害於是有代理代省九門長塘等四十餘寨詣營就撫惟楊堯楊排等寨頑抗如故且脅諸小寨爲援

參將趙文英攻擊楊堯等寨克之

文英進兵攻擊楊堯等寨雖集衆頑抗要皆烏合交鋒未逾時卽敗潰次日有被脅之排牙大小肚等十餘寨投誠

按察使張廣泗調獨山州牧魯朝聘帶獨山汎漢土官兵來援並收復交圭羊甲等寨先按察使張廣泗至八寨知朝聘帶獨山汎漢土官兵駐防普聖因調赴八寨途經交圭等寨曾與楊堯楊排二寨糾結不知二寨已敗猶競出堵截官兵鼓勇前進破六寨於是乘勢收復附近交圭甲些等十餘寨

按察使張廣泗移營斗魁

斗魁者八寨適中扼要之地且有文筆峯高出雲表憑其上四面可望數十里甚便偵探官軍据此聲威大振數十里內之山洞生苗均紛紛歸附惟番仰番扛等寨恃其險阻頑抗拒命

按察使張廣泗飭撫標守備張璿麻哈州知州孫葵分道攻番仰等寨克之

時官兵以天雷鳳鳴爲鄉導分路進取苗亦分路拒敵官兵奮勇擒斬追擊焚其巢穴於是楊堯楊排番仰番扛等寨苗酋皆率黨逃匿其餘畏威乞撫

七月按察使張廣泗移營討丹江苗不果

時廣泗以八寨畧定丹江生苗在所必征請移營討之總督鄂爾泰傳檄戒其輕進謂若丹江生苗勾結八寨諸苗以襲我後則糧不濟



宜籌萬全於是廣泗乃移紮甕城河以扼八寨之吭而拊丹江之背  
八寨諸苗果爲丹江煽惑復叛廣泗請益兵討之

八月總督鄂爾泰調定廣副將蘇大有統兵援之

時苗夷復叛廣泗以羣苗負固狡詐莫測兵來則降兵去則叛天時  
可乘地利宜審近功速效固非遠圖凡事知難斯易視易轉難非添  
兵益將大加懲創斷難使諸苗心服於是請總督調左營守備徐希  
達把總楊漢飛遊擊田昌友貴陽遊擊史應貴守備任龍等各領兵  
赴軍前以定廣副將蘇大有統之又造靖蠻大炮送行營

張廣泗奉命巡撫貴州

總督鄂爾泰復授以機宜謂八寨丹江聲勢相倚丹江在外八寨在  
內非大創八寨使其弭首帖耳則苗情反復不常欲進丹江輒爲所  
阻卽不然我兵若進丹江兩地諸苗更番擾我益滋掣肘

巡撫張廣泗調副將趙文英扎九門

廣泗受總督機宜以九門爲丹江生苗出入要道調副將趙文英扎營此鎮攝以絕兩地交通消息調副將蘇大有領回勦羊甲等寨

秋九月副將蘇大有進勦交圭羊甲等寨克之

官軍既克交圭羊甲等寨其附逆之巴耳者良黃土烏龜龍井鐵駝等大小三十餘寨俱降

冬十月丹江生苗來助逆官兵擊敗之

先是初四日探報丹江苗來助逆遂伏兵以待次日果蜂擁至遇伏驚潰官兵乘勢追擊遂破附近七寨告之大小八寨又乘勝焚首惡之楊排楊烏楊堯楊列等寨

副將蘇大有率兵搜勦烏當山箐苗匪克之

大有領兵分剿烏當山箐苗至半途偵知前路有賊卽令官兵左右潛伏少頃見苗數千來候其過半截擊之苗首尾不相顧遂剿焚烏當山賊巢并招撫排倒排莫等寨

羊亭黨早甲石等數十寨刻木輸誠八寨平

時大有既克復烏當山後卽遣把總高選由左路逐殺毀擺措也畧壤頂壩垢等四寨大有率守備傅又新由右路逐至也告關口手斬逆苗無算會文英兵亦至遂焚也告三大寨各寨苗皆驚讐數日內羊亭黨早甲石等數十寨各刻木輸誠廣泗示諭除首惡不宥外餘許就撫八寨平議進兵丹江留文英鎮守魯朝聘招撫附近生苗其遠之千家寨亦先後歸化

七年春二月巡撫張廣泗調將軍哈元生扎來牛河

來牛爲都江與大小丹江往來要道時方議進討丹江生苗故調元

生營此以斷都江接濟

夏六月游擊楊 由都江之達地塲星夜襲擊柳排寨克之

秋九月哈元生擊柳塲加支加烏等寨克之

時八寨內地已定惟柳塲等寨叛服不常至是為元生所克八寨地

悉平

八年設丞倅隸於府

黔南志畧八寨設流官自此始都勻協移駐八寨

都勻舊設叅將尉府城時八寨苗復叛移駐八寨鎮攝營於柳塲進

攻排調芳勝羊烏排保加支加烏等寨均克之八寨既復平定改協

移駐置左右營遊擊守備各一

九年建廳署

時新闢苗疆設八寨同知丹江都江通判各一均隸都勻府並於都

江建上江協遊擊守備各署

貴州通志

十三年秋八月調張廣泗總理貴州纏疆苗事務

初廣泗以平苗功授湖廣總督令尙書張照總理苗疆兵馬錢糧事務新闢七廳羣苗復叛特命貴州提督哈元生爲揚威將軍節制全省官軍彈壓撫馭以湖廣提督董芳副之其後各持一見貽誤事機仍調張照回京以廣泗代之

夏五月調遊擊李晴川駐燒茶

時所闢各新疆苗復叛番甕楊列各苗酋亦躍躍欲動乃調遊擊李晴川由雅灰回駐燒茶嚴緝鎮撫

冬十月特授總督張廣泗爲經畧

至是揚威將軍哈元生副將董芳以下俱聽節制調遣

乾隆元年春正月遊擊李晴川進攻排調平之

排調苗酋老阿扛勾結丹江苗復叛張廣泗調遊擊李晴川進攻生

擒老阿扛及子阿蕩扛誅之經畧揚威將軍均飛飭嚴加痛勦

三月將軍哈元生進攻柳塢寨

柳塢爲苗往金往勇盤据與老阿扛相犄角阿扛既平哈元生進攻柳塢生擒往金往勇阿毛阿謝四人送行營誅之

夏六月奉命修築貴州苗疆城垣

秋九月授張廣泗貴州總督兼巡撫

以貴州料理善後事宜必事權歸一專責成也

二十六年夏六月弛貴州苗民結婚禮

三十一年按察使高積請禁苗裸佩刀跳月不許

貴州苗裸喜佩刀出入又孟春男女會合於野擇平地爲月場謔浪終日暮挈所歎而歸高積以每釀重案請定例嚴禁清帝謂苗人向化日久耕墾安恬今內地齊民尙不能道齊德禮而於苗疆禁立科

條徒滋紛擾不許

道光二十二年春二月移都勻縣訓導駐八寨

八寨自設流官至此百年餘乃設學官舉人楊超儒貢生莫嘉澤陸順乾張登泗等八人倡捐鉅款請頒學額巡撫賀長齡提學使王慶雲合銜奏請定歲試文武各六名科試六名廩增生各八名

咸豐五年知府鹿丕宗率師討丹江苗八寨苗匪戒懼

時楊鳳倡亂於桐梓黔疆苗民等皆蠢動丹江台拱乘其機竊發警告頻聞丕宗承大府檄會合古州總鎮巴揚阿討之比至凱里賊已間道犯清平今鎮山丕宗赴援先有川民劉義順習燈花教又名青蓮教一曰清水教實白蓮教遺孽也其術以半夜誦經拜燈開花如斗大以惑人有司捕之急乃倡亂旋敗入黔往來都勻平越徒黨日衆漸布丹江八寨清平麻哈今麻江等處都勻賀昌明沈中和丹江羅天

明弟兄尤傑出不宗兵討丹江於是入寨苗匪戒懼

夏六月武生莫嘉純禦賊於南門中炮死

羅天明光明弟兄本丹江生苗性獷悍喜殺至是叛應燈花教糾衆  
教徒夷首攻邑南門武生莫嘉純率兵登城禦之中炮死賊以有備  
退掠排調烏洛一帶地方所經之處燒殺一空

唐德芳聚團攻賊於排調敗之

增生黃燦明禦賊於燒茶不利死之

時賊日逼燦明悲憤集團得百餘人攻賊於燒茶陣亡

秋七月武生陳秉中帶團兵禦賊於水竹園不利死之

時秉中帶團兵守城探報賊將至往禦之遇於水竹園大戰陣亡團  
兵遂潰死亡百餘人委棄器械無算

秋九月九門汛千總何九錫集團禦賊敗績

都勻志



羅天明弟兄過九門時承平日久兵不習戰九錫集團禦之戰敗奔走都勻賊遂勾苗酋馬□□唐□□圍邑城

冬十月丁巳城陷遊擊楊廷柱戰歿同知馬世璜被害訓導劉琅舉人楊

超儒均自縊於大成殿旁

都勻志

初石阡千總帶兵援八寨至都勻丕宗留之援絕城遂陷苗酋馬□□唐□□乘勢攻城遊擊楊廷柱戰賊於大登高陣亡廷柱勇敢有謀畧楊元保事起先至獨山籌守具州城賴以得全元保被擒還守八寨以滅賊爲己任屢却賊至是以兵單無援殉城死其長子玉峯亦被害同知馬世璜全家被殺超儒道光壬辰舉人截取知縣晉省請咨部適八寨警報至因委回廳辦理團務見勢危輒以死自誓城陷與訓導劉琅同自縊左右營全軍俱覆千總明琨廩生官紹勛張登池附生楊元生崧生沛生等俱被殺於是羅天明據硃砂廠僭稱

天明王賀昌明據大朗稱 王馬口口據邑城稱大元帥相為犄  
角皆柳天成所授偽職也週圍城垣均被毀人民死者無算四城門  
外白骨如麻

七年夏四月馬口口僭稱王帶兵攻羅光明攻遁葛家坪

都勻志

城陷後苗首互爭雄長自相仇殺馬口口怒集其黨攻光明敗之遁  
走葛家坪於是馬口口獨據八寨遂僭稱王十餘年

八年冬十二月獨免都勻八寨被擾地方額賦

同治十年春二月提督周達武帶兵至都勻勦賊

大軍將攻八寨賊達武集部下議曰苗酋馬口口據八寨十有餘年  
與丹江苗酋相犄角若一路進攻彼必互為救援難於克復於是分  
軍兩路進勦謝廷玉一軍由都勻之茅草坪進王彥一軍由麻哈之  
宣威進苗勢日蹙又見柳天成敗於都勻文國興唐口口降古州援

絕乃請降廳城至是克復

同知葉正邦修復城垣衙署

時地方初復遍地荊棘正邦以無城垣不能阻戎馬之馳突無衙署不足壯人民之觀聽乃就地籌款修未畢卽去任陳世芳劉垂祺繼任委員余昌期尅期蒞事城垣城樓炮台衙署皆如舊制復修聖宮書院以廳邑向無義學更爲設立義學十一所久經兵燹之餘至是復觀文明苗人亦洗心革面欣欣向學家絃而戶誦頗有昇平氣象

光緒二年八寨汎兵變遊擊秦玉佩遇害

時餉絀官弁邀求無所得遂殺玉佩知府羅應旒率兵捕誅首惡衆始定

三十二年都勻苗吳朝俊叛八寨戒嚴

都勻内外套苗吳朝俊咸同間作亂號吳三元帥失勢歸降至是大

府袒護教民積不能平適都勻府潘家懌以興設學堂創辦新兵不  
量民力獨斂苛急而黠者又因緣爲姦各鄉苦之蒙恩慶吳當遂  
乘民心憤恨從中煽惑朝俊遂號召各苗酋揭竿起鬪進府城家懌  
倉皇走匿知縣江若樑馳往諭之乃退大府以家懌激成民變罷免  
該苗等遂以爲得志不聽諭裹脅各寨苗劫掠王司等處下至得祿  
汛城內人民驚懼無措適聞援兵將至乃繞道龍泉山後由壩固仍  
歸其巢人心始安

三十四年夏四月癸酉大水

癸酉夜大雨山溪暴漲沖壞人民田產無算

中華民國

元年同知嚴鍾琛遁

時湖北首義以興漢滅滿爲名貴州亦宣告獨立於是各地曾受滿

清官吏壓迫之苗民聲言殺官鍾琛聞之乘機而遁人民見附近各鄰縣會匪並興驚惶無措未幾大府委任都勻知縣許特任知八寨縣事老成重望鎮攝從容人心乃安

元年三月黔都督唐繼堯令委何名超爲八寨丹江都江榕江劍河五屬邊防團務總辦李應春副之

先是名超爲區團首辦匪有效未幾貴州宣告獨立時公口大開遍地榛棘名超維持五區安堵如常適繼堯由滇帶兵過黔假伐北爲名剷除公口五屬長官以名超勤能敢勇足資捍衛會銜保荐名超爲八丹都榕劍五屬邊防團務總辦故有是命

四月何名超生擒洪會匪首李湘之解南防統帶營正法

清光緒末葉洪匪李湘之率黨徒遍布五屬邊地出沒不常烏洛尤衆名超助前團首岑玉美逐之及反正時李黨又創立公口於榕縣

邊地名超帶團逐擊在劍縣之南梁接戰六小時格斃匪黨五十餘名生擒匪首李湘之解南防統帶營誅之

二年夏五月城內火

七月榕江叛軍田現龍帶兵滋擾邊地何名超擊却之

榕江駐防軍營長田現龍江漢卿等反水率黨徒三百餘人竄擾三區一帶欲長驅經過縣城名超患之另募勇百餘協同鄉兵分道截擊匪軍潰退斃匪二十餘名鄉兵傷三名匪等繞道遠遁邊民安靜如常

四年何名超率團搜勦雷公山匪

雷公山在八丹台劍鑪五縣之交地勢陡險寬闊縱橫數百里爲匪出入之場屢爲台拱劍河兩縣邊民之患名超帶團搜勦該匪等聞風遠遁邊民安焉

六年冬城內大火

先是反正後公口盛行唐督軍繼堯帶兵平復游匪猶不時出沒爲居民慮加以連年水旱不勻瘟疫流行民幾不聊生至是中街復遭火患延燒數十家迄今十餘年民房猶未恢復云

八年夏月大冰雹

冰雹大皆如拳小如雞卵打斃禽鳥甚多樹枝俱脫損壞秧田無算八年十二月何名超率團擊斃匪首黃海清

八年十二月二十四日同時名超接本縣三區及三合縣中區之警報稱巨匪黃海清率衆分途攔劫關羊吊牯異常猖獗名超卽率團晝夜不分抄出匪後兜擊匪首黃海清一名擒匪徒鄧福林等三名解三合縣正法

十二年滇軍蹂躪八寨

滇軍與黔軍發生衝突遂兩下開戰移駐八寨估估民房坐索火餉  
大肆搜括蹂躪城鄉殆遍又焚第四區賞卡寨數十家

### 十四年大旱

自春徂夏無雨全縣田畝均不能栽種即富於水源之田亦十無一  
二收成

### 十五年大饑

先是向年大旱田畝既不能栽插人民又素不注重小春纔及二月  
斗米賣至大洋十二元附近隣縣亦同被災無米可買草根木皮掘  
剝既盡宰殺牛馬牲畜復盡甚有以白泥名神泥雜糠粃而食者繼以  
瘟疫饑死過半時雖有中外慈善家捐資熬粥以濟然遍地餓殍杯  
水車薪安能有濟據父老言千百年來無此巨災誠浩劫也旱魃之  
虐可畏哉



### 春正月滇軍大隊據八寨

滇軍久據省城時爲前主席周西成所復數千人退却以八寨無兵阻攔卽據縣城將城鄉米掠擄一空大肆蹂躪無所不至旣焚北街十餘戶又撤兩等小學校舍四十餘間及居民之門窗棹橈作柴薪恣意搜括掠搶或捆標詐索城市爲墟路絕人行肆虐凡二月有餘乃去

### 冬十一月連長楊文權襲擊丹匪莫名澤於硃砂廠敗之

丹匪莫名澤率黨千餘劫掠三合而回道經二區硃砂廠住宿意窺取縣城警報至人民惶恐異常時城中駐軍爲黔陸軍第一師獨立混成旅一團三營十一連連長楊文權十二連連長滕代樑二部百餘人楊連長與地方紳首會議留代樑守城自率精壯三十名用城人爲嚮導乘夜趨至硃砂廠出匪不意四面圍攻匪聞槍聲夢中驚

覺不知官兵多少大爲辟易乘勢焚民房數十間以惑軍心而遁楊  
率兵士衝擊斃十餘匪奪回民間包袱無算

### 二十四日楊文權解縣城圍

丹匪莫名澤前被文權襲敗於硃砂廠不勝忿恨適有丹匪奸細趙

狼材

都江人

移居城中偵知十二月二十四日爲連長滕代樑婚期密

報名澤大喜率匪類二千人由長青堡一路剽掠而來四面圍攻縣  
城自巳至午激戰甚烈縣長錢福元出城調團代樑亦欲率部退出  
讓匪進城再圖恢復文權堅執不可囑代樑嚴守自選死士得七人  
由鼓樓坡頂一躍下城向匪叢聚處衝鋒前進匪衆原屬烏合毫無  
紀律一擊卽潰城上兵乘勢開北門衝出併力開槍股匪見鼓樓坡  
陣地已失亦同奔潰圍攻南門之匪亦焚附城民房而遁文權由桑  
區方面追擊斃悍匪數十人生擒十餘匪奪獲器械包袱無算官軍

陣亡二人受傷三人次日俘將匪梟首示衆人心大快地方士民感  
文權保護之功當送功德旗二面今復立紀功碑於城西里許

ノ多鼎二示不夕十三

八寨縣志稿卷二十四

文學

天不愛道地不愛寶人不愛才各出所能以與萬物相周旋卒俾萬物各呈其真相故曰天也地也人也謂之三才也然文學又表彰人才之具也文學足以闡發天地之菁而爲英萬物之宣聲者又何代無才何地無才八邑似又不然按八邑古爲毋歛邊遠地當漢桓帝時毋歛人尹珍自以生於荒裔不知禮義乃從汝南許慎應奉受經書圖緯學成還鄉里教授於是南域始有學焉是尹珍已爲南域文學之始祖而八邑乃邊地之邊地不惟文化所難輸抑亦聲教所難聲明初尙屬羸靡地未列版章迄清雍正間始置漢官從此漢族流寓者衆文化漸開人才倍出洎遭咸同兵燹後人文同盡能記憶者亦屬寥寥茲所掇拾不過掛一而漏萬是可歎也

劉朝弼貴陽廩貢清雍正季年開闢八寨新設流官所屬盡苗人子弟頑  
 蠢異常不知讀書爲何事後大府以八寨未設學飭令附考都勻府無一  
 人入場應試張大任知其學問深遽至省聘之教其子弟八寨苗人子弟  
 之讀書成名者由朝弼開其端今長青堡人士咸欲爲之立祠以志不忘  
 莫嘉澤城外莫家寨人道光己酉拔貢學問精純教授鄉里及門請業者  
 七屬均有其人成名者衆八寨增設學額嘉澤與有力焉

陸順乾恩貢賦異稟性穎悟少讀書過目成誦學政案臨都勻詣明倫堂  
 講書連講演數章於聖賢精義無不解釋詳明因贊之曰先生學問淵源  
 吾不如也其設帳鄉里時及門如盧振德胡政舉等皆舉人進士歷官有  
 聲而順乾以一貢終豈非命哉

按都勻縣志順乾有才而抗不治邊幅府  
 院試與張登泗輒捉刀自喜鹿丕宗知都

勻府時偵知之每試必將酒食羅糜二人試畢乃已順乾食餼時教授某  
 索其贊順乾袖其文以進教授怒碎其文擲地上詬之順乾曰不中公意  
 耶曰佳又何爲吾豈不慣見順乾曰公見所慣見何如見所未見教授忿  
 其抵牾呼門斗將堂戒飭順乾擊案以闕教授內子驚出厲斥順乾順乾

曰公老師銅臭不已母老師又以河東威封我內外夾攻我不能當言已大笑而出教授以醢酒慢師申於府請殺其矜丕宗爲之解說復代致費事乃已笑謂順乾曰子書以賣賦長門今竟不值文園一雉矣後苗陷八寨城得之飲其文名優待之使教其子弟順乾嘗使酒罵其曹曰爾等自視豈人類耶有何書可教蓄牲讀後竟幽鬱以歿順乾固多奇氣遭難後益發於詩歌今皆散失惜哉

張德音長青堡人都勻府歲貢天性純篤友愛和平慨本邑漢少苗多讀書者寥寥遂竭力教授地方學子講解經史多方譬喻從遊者多成名邑文教由是啓焉其後世孫曾均以文學鳴五世皆邑廩貢邑設廩額八名而其嗣得其七人稱其開啓文化之報云

陳致新興仁堡人歲貢博通經史精工詩詞教育鄉里成才者不少至今猶稱其教授有法

張登泗德音長子都勻府廩貢賦性岐嶷兩目炯炯有光讀書數行並下有文名不求聞達居鄉授徒入其門者常冠童子軍以故負笈從遊者戶爲之滿采芹食餼不絕於門本邑設學登泗亦贊助甚力云

周尊仁興仁堡人恩貢好學能文於地方義舉輒竭力興辦勞怨不辭  
黃元吉長青堡人都勻府歲貢好學不倦品行端方爲地方所信服凡有  
口角得一言輒解八寨設學元吉亦與有力

胡政周咸寧堡人拔貢性敏好學工詩能文遠近從學者采芹食饌絡繹  
不絕得資輒以濟親友辦公益德量爲一方之冠

官萬全木城人歲貢設塾於家循循善誘子弟多有感奮興起者遇地方  
公益輒直任不辭權貴不避

陸中乾興仁堡人歲貢孝友能文與子弟坐談終日皆道德中語與其兄  
順乾以文名世人稱難弟難兄

盧振德中孚堡人同治癸酉舉人歷任貴定修文安順定番等處學官兼  
各書院山長受其教者雖個儻不羈之士悉軌於正本省翰林進士半出  
其門晚年長邑龍泉書院與諸生講論終日不出道德範圍至貴定及圖



雲關見其德政碑轟然兀立可知其教澤之入人深矣

周敦五興仁堡人廩貢性敏好學循循善教睦姻恤貧一方咸感其德享壽八十八歲人稱齒德俱尊

張登池長青堡人德音次子都勻歲貢賦性穎悟絕倫有志聖賢之學惟性剛烈不屑居第二人咸豐五年奉委帶鄉兵守城西北隅躲口城陷舉家十三人均殉難八寨設學登池與有力焉

徐覲儒百元寨人恩貢孝友能文不求仕進居鄉授徒得資除奉母甘旨外餘則濟親故之貧乏者鄉里有急則盡力調解一方咸感其德

胡政舉咸寧堡人清光緒乙亥舉人庚辰進士榜下即用雲南建水縣三年陞授羅平元江等州臨政清廉愛民到處有胡青天之號所歷各州縣均立德政碑以衰老致仕歸林下所存薄產幾不能自給

張晉如長青堡人登泗長子歲貢性聰明謙厚孝友能文咸豐亂後家道

中落以教讀起家避難獨山受業其門者獲雋十餘輩回家教授生徒獲雋益衆著作甚富今已散失無存惜哉

何宗方咸寧堡人其學問淵源與胡政舉盧振德等並駕齊驅因爲家計累致不獲應試惟以教讀餬口終其在長青堡設帳一堂十二人無不獲雋者亦可見其學有淵源也

王治邦都勻縣人清光緒丁酉拔貢英姿磊落當年少讀書數行並下過目不忘人咸以神童稱之十歲能文十四歲遊庠十七食簞以家貧日奔走四方謀衣食不暇攻舉子業然以遨遊故日與文學士相往來藉助切磋學反大進年二十設帳於八寨一時及門皆英俊之士邑文風爲之一振是歲獲雋數人治邦亦選拔年僅及壯某科鄉試稿已脫矣自以爲謙留與某友錄而另作不料榜發竟落孫山外而某友中式非命也哉但恃才傲物以故光緒二十七年幾被大禍乃遶陝歷保直隸州知州民國成

立任財政銅元局等要職回家卒年五十四

歐陽朝相前清光緒丁酉拔貢連捷舉人其文章學業實邑中山斗也丁

酉嚴文宗案臨得其文嘆賞不置拔列超超等又調高才生入學古書院

肄業中式後以乏嗣故無心仕宦惟以教育後進為職志歷長龍泉書院

五年陳文宗聞其名調為省視學旋任古州釐務終於任所年僅五十其

門人萬大章鍾英相均為之作傳獨山仿韓萬大章傳曰歐陽雍衡先生

多有能言之者顧大侍從較久光緒壬寅年十五即就學於八寨先生以

大年獨幼特愛之入則侍講席出則隨與馬先生每於課業之餘衡論古

今天下事並述其家世生平未復一月以上之遊大亦來省肄業此後即奔走

衣食迄無寧歲大於先生雖無復一月以上之遊大亦來省肄業此後即奔走

逮疑適赴友約卒來賓駐二日而先生歸早書問教浹旬未得復正以

為捐棄吾輩不復有所教誨耶抑吾輩無福以幾於道故天之奪先生如

是其遽耶雖然先生死矣而先生之道德文章固有其不死者在也夫不

文愧不能傳先生於萬一然願念夙昔教誨凡先生之語我者寧可不任其

悠忽而不能述耶寧可緘諸未完而蹉跎以懸懸相俟耶又事可以不以文之

朝相字蘇衡原籍江西吉安府太和縣寄居湖南實慶府邵陽縣其高祖  
 考經邦公於前清雍正時來黔居麻哈之巖村世業農其後族蕃散居  
 於都勻八寨各地經咸同北街少時僱父世公及其遠集少而巳  
 亂定後先始居勻城五世公生及遠集少而巳  
 雞走馬雖讀書必遊蕩無以屬家人觀先舍淚以先生感一  
 又習專業謂必遊蕩無以屬家人觀先舍淚以先生感一  
 改其行學於孔某卿而所生諱憲章又勤勵之由是奮力學問先生  
 自苦其慧不於某卿而所生諱憲章又勤勵之由是奮力學問先生  
 提肄業於手創之經世學堂當是時同鄉八春閣以文觸時諱不  
 省望於先生者尤深學堂當是時同鄉八春閣以文觸時諱不  
 屬而歸然所為猶傳誦是年此後五年也當是時同鄉八春閣以文觸時諱不  
 試而歸然所為猶傳誦是年此後五年也當是時同鄉八春閣以文觸時諱不  
 書院計十年大獲從生此後五年也當是時同鄉八春閣以文觸時諱不  
 而傷先甚悼願一室讀書聲兩事都奢望何時慰此言云居聯生三  
 懷云半生惇族願一室讀書聲兩事都奢望何時慰此言云居聯生三  
 地家有生惇族願一室讀書聲兩事都奢望何時慰此言云居聯生三  
 傷喆嗣又酷好琴籍每日晨起即據牀把卷流覽必數十萬言日暮則  
 諸生問日課難鳴弗輟如虛日遂病累年不治然先生雖病苟未  
 至不勝坐究無日不反復羣籍無日不病累年不治然先生雖病苟未  
 大侍愛時有陳諫先生願之而弗能改也丁未京試於生復為北  
 將遊抵京殿範先署館諸私謂先生寬厚不宜入仕途以自擾留學之  
 相委先除所至亦未書面責也恒曰教者師者學徒之於進可擴而非至可  
 愚不除所至亦未書面責也恒曰教者師者學徒之於進可擴而非至可

恐以風振飭民國維新省議會面訓先生被選為副議士時值黔甫平  
 至軍代以武力維持秩序怯者先生即辭職羣阻乃已其後都勻選舉區  
 不為過激之論有謂先生怯者先生當局力爭文電紛陳皆初級師範  
 被部劃人手筆昂服其勇國代表選舉先生當局力爭文電紛陳皆初級師範  
 名義一人筆昂服其勇國代表選舉先生當局力爭文電紛陳皆初級師範  
 及模範中學校十屬合辦中學公推先生為校長乃返勻表無荷諸生畏  
 而愛之及都勻開化有年迄無志人乘擬聘先生及都勻表無荷諸生畏  
 玉麟以都勻開化有年迄無志人乘擬聘先生及都勻表無荷諸生畏  
 創條旋值反正遂關議至是邑人復推公主纂千棗芬兩載舉梳壁成  
 兵旅建置地理選舉種族實業賦稅紀事沿革等編乙卯冬月帝制鼓  
 滇黔首義海震驚黔中百僚多避去省長劉公財廳長張公共起先  
 生總榕江樞務論者以項城擁重兵雖安足特設不律理勸弗出先  
 州陸沈氏苦其魚我又不恤其私雖安足特設不律理勸弗出先  
 不陸沈氏苦其魚我又不恤其私雖安足特設不律理勸弗出先  
 哉先生以民國五年十一月二日自嚴疆抱道自守三年致力於榕江權務差次  
 享年五十有一歲先生與自嚴疆抱道自守三年致力於榕江權務差次  
 願不假之年俾底於泰和縣望族後徙湖南寶慶府邵陽縣有清雍正間  
 衡其先江西吉安府泰和縣望族後徙湖南寶慶府邵陽縣有清雍正間  
 一其生幼時姿稟絕異小俯就縑墨有所學輒悟又都勻人蔡歷四世而  
 父仕坤公病彌留呼先生而告之曰吾族來黔世業農所望以詩書光門  
 第者責在汝今游蕩如歐陽氏其絕也先生泣而識之歟後痛自刻

文學

五

貴陽文通書局代印

責游心學問其時宿儒孔文卿先生歸自粵西以經學授鄉里先生  
 往從游數年通經歲丁酉津門嚴範孫先生與先生同宗時為嚴公  
 貢諸朝時先生有兩歐陽之目蓋上遊某君與先生同宗時為嚴公  
 拔及見先生均秩禮部試不利歸主講八寨龍泉書院修明之樓書院  
 生復中榜應禮部試不利歸主講八寨龍泉書院修明之樓書院  
 講授者為文均秩禮部試不利歸主講八寨龍泉書院修明之樓書院  
 與署藏籍兩北遊冀展其學輔翼斯民榜發僅二遊視學相委先生諸  
 部署藏籍兩北遊冀展其學輔翼斯民榜發僅二遊視學相委先生諸  
 教育不發展故易旋教授師範模範中學校諸生樂不德忘倦至諄諄  
 迎校風氣之移易旋教授師範模範中學校諸生樂不德忘倦至諄諄  
 年被選為省義會副議長時軍歸改選返勻創之議甚烈先生不激不  
 隨乙卯冬帝制發難黔以軍興財在權事拮据當軸起先生去榕江權務  
 任振新濶舊所報解恆險類先財在權事拮据當軸起先生去榕江權務  
 一疾不起卒時年五十先生純孝性成年十五母劉孺人病會到足股和  
 藥以進獲愈而孺人弗知也先生家故貧通籍後劉孺人已歿所獲薄脩  
 裘輒泣曰前覓一襲與吾母不得今衣之身暖而心猶寒也所獲薄脩  
 為諸猶子婚娶耗去願甚樂之先生以同治五年十二月十五日生民  
 五年十一月二十五日卒以族姪名延者承繼先生壯年著有美譽但半  
 柳黨先生無子遺命以族姪名延者承繼先生壯年著有美譽但半  
 拓不得展其所學  
 齋志以效惜哉

莫讓二本縣人前清宣統己酉科副拔秉賦忠實孝友性成家貧好學二

十入泮卽攜其二弟尊三到三區方勝教讀以分親任居鄉四年頗得苗民歡心光緒三十二年由省立簡易師範學堂卒業次年受丹江縣聘爲校長歷任八年學憲獎給熱心教育匾額宣統二年應選拔科試列副取任本縣高初兩等學校職教員五年任都勻十縣合立中學監學兼教員二年勤於管理毫無嗜好平生精神可謂盡粹於教育也且對於地方善舉無不竭心贊助勞怨不辭鄉人稱道不衰

石元極本縣廩貢學有淵源隱居不仕教授鄉里循循善誘終日無倦容一時雋秀多出其門





八寨縣志稿卷二十五

武功

英雄無用武之地武功何著焉使英雄而有武功大爲時勢之不幸使英雄而無武功又爲英雄之不幸兩者論列姑置時勢於不顧而專取武功焉可也取武功又爲時勢之大幸也何也時勢不堪設想武功出焉有武功而時勢賴以底定也武功何礙於時勢武功適足造時勢八邑壤地褊小亦不乏武功其所惜者一經兵燹之餘不特傳記無存老成亦復凋謝茲所記載純係得之口傳多未具備畧存之以待後賢之補綴

池有蓮號香廷長青堡人以練目入趨剛節公營隨軍收復廳城帶兵擊退獮逆解圍安順普安收復龍里貴定開州修文等州縣奉旨賞給制勇巴圖魯名號加提督銜歷任遵義大定羅斛等處副將陞古州總鎮以壽

終

王榮光號耀廷咸寧堡人幼立志讀書遭咸豐乙卯苗叛大憤遂投筆從戎入趙剛節公營克復定番黔西大定等府縣榮光力爲多後又破王卡剿楊義犁大平復舊縣奮勇與葉有貴賈必祥齊名歷保花翎副將趙剛節陣亡後投效川軍鬱鬱不得志仍回黔補署大定協副將卸任後乃投戈講藝應童子試入泮旋食餼考准壬午科歲貢設塾鄉里優遊林泉以終

周有齡興仁堡人乙卯苗變投效趙剛節公部下隨軍解清鎮之圍援安順復永寧執爨前驅衝鋒辟易由軍功歷保至副將趙剛節倚之如左右手亂平歸里以創頸傷復發而歿

陳澤齊馬頸坳人少業儒考試不利改而習武中乾隆科武舉從軍至廣西屢立奇功歷保花翎副將中營指揮蒞任三年爲仇家所劾致仕

歸林下十餘年優遊以歿

趙得勝號春亭排調人前清同治八年以練目入春字營大小數十戰頗有奇功歷保花翎儘先補用守備駐紮排調鎮攝土匪爲之斂迹以壽終於任所

唐來欽排調人咸豐苗叛來欽從提鎮周達武張文德剿洗牛角坡香爐山等處賊巢由軍功歷保花翎儘先補用都勻帶兵防守上下兩江後陞授上江都司時地方初平兵餉告匱由各軍官自向地方勸捐維持來欽不願居官辭職以歸

羅永洪雄虎寨人咸豐乙卯苗叛避難四川因投入提督李有恆部下立功由六品軍功歷保藍翎儘先補用都勻肅清回里以科甲貴重改名永清應武童試獲晉武庠

劉志高芳勝人以家貧不能事讀十六歲入營效力由軍功歷保至副將

衛同治十三年署丙妹千總嚴緝匪類除派苛捐人民愛戴曾送德政旗幟二面後歸里於地方口角則竭力排解公益事務則盡力欣助

楊榮魁烏洛人由白丁入營積功歷保至遊府光緒初年署斷杉汛千總惠澤及民曾送萬民緘二柄繼由廣西遊匪成羣奉札委帶練軍防守王母宰香等處地方七年之久軍民相安人民稱頌德政不置

蔣德標烏洛人以白丁應署黎平府胡林翼之募於克南京案內保陞提督光緒中葉署陝西總鎮時有劉璧軒勾通外來不識之蔣姓以挖坟砌坟等情控何廷標於前廳丞吳光燮案下吳詳上憲以此案發塘詳請總鎮核辦越年奉德標咨覆謂咸同之亂漢人坟墓無不被逆苗發掘余先人之墓得以保全皆地方及何氏之力該具控人非余宗族須按律究辦其事乃寢由是可見其德量亦可見其居官之德政後以壽終於任所李必茂烏洛人以書生入伍字營效力歷保守備後於克復烏鴉山案內

以遊擊補用必茂以身曾受創傷辭職歸里同治十二年丹苗復叛必茂集團保衛烏洛一帶地方免蹂躪

李必明烏洛人以白丁入營効力歷保守備肅清歸里充地方總甲與李占元團首和衷共濟保衛地方十餘年

劉起先芳勝人因咸豐時應胡林翼之募於克復南京案內保陞提督署辰州府副將頗有政聲

李古富烏洛人入五字營効力歷保千總署西山把總頗得軍民歡心

何弼臣烏洛人以白丁應募入韓字營効力歷保千總清平歸里在地方辦團十餘年地方賴以寧靖

何名超字希亭本縣五區柳塢人卽何弼臣長子清文生也生而警穎幼時受書卽知刻苦自勵性樸直公正不好侈靡常抱安民志撥芹後逆知時局將變卽無心舉子業研究古今名將戰畧頗有心得辦邊防團務二



無團 無恙 六年 五月 之鉅 匪復 並搜 聚劍 河台 拱縣 之南 弓却 兩縣 附近 該山 之居 萬帖 然  
 超等 僅傷 二往 次在 劍河 縣之 養牛 與匪 投誠 名超 許其 自新 七年 匪十 石餘 晉  
 兵僅 率八 十餘 里時 難兼 顧一 帶該 縣官 紳星 夜求 援適 小丹 江有 匪分 竄距  
 臣率 乘千 餘里 時難 兼顧 一帶 該縣 官紳 星夜 求援 適小 丹江 有匪 分竄 距  
 烏洛 八十 餘里 時難 兼顧 一帶 該縣 官紳 星夜 求援 適小 丹江 有匪 分竄 距  
 絕少 匪擊 斃八 十餘 年十 二月 二十 四日 同時 接本 縣三 區及 三合 縣中 區之 函  
 均稱 有匪 關山 吊羊 粘劫 搶名 客商 巨匪 黃海 清率 衆百 餘屯 紮都 裕兩 縣交 界  
 之羊 稱有 關山 吊羊 粘劫 搶名 客商 巨匪 黃海 清率 衆百 餘屯 紮都 裕兩 縣交 界  
 超與 李應 春自 任並 邊務 以來 任勞 任怨 不矜 不伐 五屬 實利 賴餘 之黨 予盡 知  
 紳民 撰述 曰梗 昔范 文正 作秀 才即 以天 邑人 王世 鑫代 八裕 都丹 劍五 屬  
 而途 無其 贊乎 曰屏 將有 其人 而無 功業 震中 外非 富於 幹濟 者焉 得此 繼不 此  
 文正 若者 比也 雖然 士無 處世 但觀 其抱 負為 何若 命運 通塞 不與 焉  
 志所 在者 以卷 也雖 然士 無處 世但 觀其 抱負 為何 若命 運通 塞不 與焉  
 大志 每以 幹國 濟時 為己 任博 一其 逆知 世局 之將 變日 考也 山川 形不 勝地 解  
 勢險 夷何 者不 可戰 何者 可守 無他 以其 逆知 世局 之將 變日 考也 山川 形不 勝地 解  
 咸竊 笑之 恬不 為意 未幾 武昌 革命 軍起 湘瀘 接應 之吾 亦官 告獨 立時  
 公口 竊笑 之恬 不為 意未 幾武 昌革 命軍 起湘 瀘接 應之 吾亦 官告 獨立 時  
 不堪 於投 弟而 告十 人日 夕討 論戰 守若 法並 睦以 友助 大義 其易 人思 奮乎  
 因不 堪於 投弟 而告 十人 日夕 討論 戰守 若法 並睦 以友 助大 義其 易人 思奮 乎

武功

四

貴陽文通書局代印

率之巡邊遇寇則擊無分畛域所向克捷即大股匪當之無不披靡從甚  
團威大振聲動四鄰鄰有警聞之馳救若不及賊聞風遠遁莫之敢撓也  
至有披山易據何家軍難之概五屬防以昭信守亦云榮矣然先生之際  
丹劍五屬邊防關務總辦並給關防以昭信守亦云榮矣然先生之際  
僅此也嗣後對於邊務十餘年如一日賊匪歛跡邊民安堵不寧惟是賦  
性公正廉仁不徇私不挾嫌不苟取且好施與焉有貧而無告者輒賑之  
無稍吝有事力為排解曲直無假藉兩造帖然暇則與鄉子弟講學問及  
商賈農工率井井有條鄉里化之噫非幹濟素優者曷克臻此假使得如  
文正之知遇其功業又當別論也窮則獨善鄉邦達可兼善天下先  
生有焉吾儕夙仰風徽無所取譬擬以幹濟二字頌之聊作紀念云

胡政新咸寧堡原屬八寨地人童年就傅壯則棄學從戎清咸豐八年由

六品軍功隨從貴州古州總鎮巴口口剿辦下游苗匪以功歷保千總又

隨貴州提督軍門田興恕剿辦思南石阡一帶賊匪以功升守備同治元

年隨剿髮匪升都司四年又隨從防剿滇川黔三省賊匪賞戴花翎免補

遊擊升加副將銜

胡之材字子良咸寧人恩貢胡用中第四子英年棄學從戎清咸豐八年

補入貴州總鎮都督府吳口口標下在事出力獎給額外功牌咨送貴州



提督軍門田興恕部下隨從剿辦思石等處賊匪以功獎給六品頂戴又同治元年跟剿髮匪賞戴藍翎儘先補用千總四年隨剿滇川黔各匪升補守備

周天然第四區興仁堡人清光緒二十一年入伍在山東胡家岸小沙灘堵匪出力賞給六品軍功二十五年在廣東石龍介字前營張大鵬部下効力以功賞給五品頂戴儘先補用把總後請假回籍辦理團務趙登雲字瑞芝本縣人以行伍投趙剛節部下屢立戰功署石阡都司升署本縣游擊旋升都江協未幾以壽終



八寨縣志稿卷二十六

忠義

食人食者死人事豈特君主時代爲然哉時代可變忠義歷萬古而不可變者也惟忠義足以與人家國事忠義固爲家國扞衛之良圖忠義又爲個人譽聞之大本此忠義之所以可貴也如謂忠義不足貴誰肯犧牲昂藏七尺軀橫陳郊野而不一顧慮哉清咸豐間苗匪陷城一時官紳士庶婦孺僮僕膏鋒鏑者不知凡幾村里爲墟大有燕巢於林之概及官兵肅清後招撫流亡居民幾無噍類殉難者難以枚舉今所紀載不過就忠烈祠陳列牌位而錄之其餘無從諮訪何能着筆暫付闕如以俟來哲之採補

馬世璜 咸豐二年署八寨同知五年苗變殉難

楊廷柱 咸豐五年檄守八寨十一月城陷陣亡

劉 琅 咸豐二年授八寨訓導五年城陷殉難

程屏之 署八寨衛千總禦賊陣亡

胡 琨 署八寨衛千總城陷殉難

黃正高 出師興義陣亡議卹雲騎尉

天嘉賓 世襲天壩長官司咸豐五年城陷殉難

雷鎮宇 世襲永安長官司城陷殉難

王憲章 世襲排調長官司城陷殉難

楊元春 世襲揚武長官司城陷殉難

楊超儒 舉人截取知縣城陷殉難

黃燦明 增生咸豐五年六月攻賊平夷堡陣亡

王連中 陞用都司大定守備六年在灰坡打仗陣亡

張登池 廩貢帶團勇守衛城西北隅城陷殉難

龔生隆 城陷陣亡 誥授武功將軍

吳嘉賓 城陷陣亡 勅授武畧騎尉

王文川 城陷陣亡 勅授武畧騎尉

蔡永福 城陷陣亡 勅授武畧騎尉

李躍龍 城陷陣亡 勅授武畧騎尉

余煥章 城陷陣亡 勅授武畧騎尉

王見如 城陷陣亡 勅授武畧騎尉

秦玉佩 光緒二年署八寨遊擊 兵變殉難

徐定邦

黃金聲 張德和高耀廷 劉有德 四人均勅授昭武都尉

緯武 前中營 以下陣亡 士兵

黃玉興 楊昌第 陳貴喜 高明盛 馬祥盛 楊興邦 曾國楚

郭永清	戴洪恩	楊有順	周正湘	劉志勳	戴萬鎰	楊明春
謝得勝	劉煥文	劉德玉	楊清玉	胡翼朝	張得升	陳天揚
唐正才	余炳文	蔣春山	劉方元	王發祥	路得林	胡興發
馬洪興	王克成	袁炳忠	袁金魁	楊達章	何清明	王定國
羅文章	張得貴	文玉明	龍福元	周漢廷	趙玉春	李得勝
陳芝清	李有元	袁明芳	曾洪廷	羅玉芳	徐元興	金玉良
劉海山	魏其訓	陳宗用	謝登雲	楊洪貴	陳茂才	曾大興
謝志忠	楊興順	陳慶林	羅世堂	王甫臣	陳壽喜	徐魁武
盧乾海	彭萬發	王安國	張占勝	龐仁和	劉發全	王星桃
盧文俊	黃玉澄	萬玉芳	羅清山	楊益順	羅鳳山	余子鳳
陳平貴	侯金山	宋文發	黃尙榮	苟泰元	廖玉昌	周榮升
陳學林	楊洪順	張昆山	胡忠超	王義榮	何季能	黃升蜚

江有才	曹世澤	黃玉鰲	王貴山	唐有元	龔從龍	陳文清
朱連陞	文光運	楊國有	李汝明	張明達	張先勝	程登高
張義順	張得勝	李華武	施炳全	吳正山	桂世喜	袁仕龍
秦永興	曾安賢	張海亭	何忠發			

緯武中營

何有福	王文明	黃得勝	劉正邦	歐光明	趙興順	陶中禮
張洪發	曾洪順	羅青雲	黃汝星	劉光林	吳元順	張洪申
彭如漢	李進才	侯金山	周有才	劉興發	王柏林	王大成
孫章榮	黃明亮	葛邦才	傅尙元	張萬有	李洪順	李明玉
李洪泰	郭廷朋	楊洪順	楊光勝	彭德明	陳定國	唐光明
蔣漢明	張德奇	張長勝	曾安才	羅德友	高明盛	易德順
陳清元	張茂勳	黃元隆	蕭春田	張得貴	李忠順	李坤山

李洪順	何榮貴	朱壽春	馮長順	劉益清	袁錫貴	劉春生
范明光	陳大章	陳應山	吳文元	龍光有	陳山河	李正岐
曾榮升	王照吉	吳興順	王品三	宋成元	楊世林	黃定邦
劉鵬程	李光發	彭國泰	鄧萬福	朱協熙	向正清	文協盛
姚正興	王德操	張志德	張玉華	魯紹林	王榮富	羅漢忠
王大吉	雷玉才	陳邦喜	柳勝漢	楊昌福	劉正春	戴興邦
鍾玉堂	張有餘	夏有餘	吳成恩	劉德耀	周洪發	楊占標
陳萬海	宋清亭	龍乾順	楊正春	張步雲	劉有萬	任洪順
童云春	黃得香	潘榮相	張鏡山	許正東	靳玉順	陳汝珠
劉春申	李得勝	杜榮華	陳銘升	王佐武	何伯厚	張漸達
劉春玉	何嘉盛	雷大品	彭正興	唐天才		

左右營勇弁



唐興順	顧明發	羅長順	劉占云	華必勝	談德光	柏玉清
張進臣	浦芳斌	王海通	李玉廷	譚吉華	周東和	王三元
何金盛	王貴廷	何岐山	張亮彩	何文山	李興順	雷興發
白占春	王步雲	談得光	盧坤山	李紹榮	周學祥	陶有章
任大義	陳大極	徐春貴	楊安邦	何家彥	許榮德	青洪泰
李玉春	李洪順	蕭德勝	鄧獻廷	馬俊卿	譚興順	李云貴
張廷拔	董長青	蔡岐山	何安邦	彭興發	陳興和	雷清平
龍全泰	何世成	張得明	黃天喜	張坤山	謝正春	吳永壽
蔣坤山	嚴洪萬	胡得勝	劉正武	謝洪順	曾國其	余煥章
盧金山	余煥仁	敖得勝	高耀廷	程登云	余占魁	李洪順
張得勝	程登高	黃天有	蕭其祥	鄧洪順	羅世堂	管德音
陳玉順	陳玉林	陳慶林	唐有元	孫翠山	楊興順	胡永謙

張先勝 黃炳榮 胡仁邦 龔生玉 趙洪藻 袁金魁 劉德朝

劉有本 雷發祥 劉正元 戴得勝 呂洪發 成慶云 李得勝

呂洪順 葛興仁 張廷飛 張光炳 楊春山 何萬順 胡占魁

梁洪順 萬得勝 冉貴炳 王廷光 徐廷有 張大順 桂騰蛟

王興發 唐興發 范起光 劉正洪 郝玉貴 劉飛鵬 李子才

黃學樊 朱洪壽 張國政 周宗和 谷伏莫 何文發 劉福田

熊應吉 閻南瑞 劉家吉 米洪喜 郭臣傑 陳興順 鍾萬國

余美龍 何禮忠 賀洪興 李洪順 謝有餘 黃慶元 劉有德

范朝賓 朱錦山 賀榮貴 李順山 余朝元 楊恆盛 吳魁武

趙朝吉 張洪開 劉世發 馬得華 李尙珍 嚴興順 楊逢順

鄧日升 張廷相 文王春 楊開鰲 蔣洪道 何正春 胡成有

趙洪勝 劉桂開 曹登高 雷鳳鳴 楊永春 曾定魁 潘世榮

蒲洪春 陳春德 談德盛 劉有餘 王春山 羅有春

黔陸軍第一師第一混成團第二營第十一連士兵何雨高本邑第二區長池斯清暨各團勇黃老福熊阿道馬阿芳吳阿金趙連洲楊正元  
楊占標楊克清余成相

張金城鑪山縣文生也世居舟溪清同治因避苗亂挈家常就館於丹江三合八寨三縣時丹匪復叛破城戕官金城率妻負子避赴南皋

本縣第四區

欲入城避難湯汎官阻止謂寇來我能保護次日黎明寇忽至湯兵寡閉門不納因率家屬奔至太平坡之澗谷中賊黨突至拖其馬尾云若降吾卽保汝全家金城下馬抽佩劍擊賊賊衆奪而戕之其妻侯氏身負幼女抱夫屍大哭賊復逼之大罵賊衆賊大怒斷其右臂並幼女亦斃焉同時殉難者數十人其子文竹年方四歲賴家人負脫後入邑庠食餼經清御史陳田彙奏奉旨旌表雙烈節義

劉德超本城人家素封號八萬於慈善事業多力贊助如雞賈河渡捐田百餘挑以作修渡及舟子工食謂之劉家渡又修台黎上下各橋無吝容值清咸豐乙卯苗亂城陷被執不降匪以木椿立於西門大田中繫德超其上以鳥槍射擊臨死大罵不絕

八寨縣志稿卷二十七

列女 烈節賢明

柔嘉維則載在詩歌汎彼柏舟最堪吟咏此後賢媛淑女貞烈繼標於彤史者代不乏人本邑除魏周兩旌外寂焉無聞豈壺範盡壞婦道無稱歟抑亦迹晦人微易就湮沒卽有貞節常昭賢明素著者亦無強宗巨室爲之請旌淑德懿行無所表見耳不知貞操節烈實可擬儒立頑風化由是以成名教由是以光與忠臣義士實無軒輊不得不亟爲表彰以伸善志故不憚發微闡幽特採其已旌與守志年限之應旌者以爲是篇之殿

胡葵英當咸豐乙卯年苗叛城陷恐被執辱自城上投於城塹中不絕後復不食死

黃小琴清咸豐間苗叛避難城中城陷被苗逼不從投河死

莫八姑清咸豐間苗叛城陷被執不屈苗殺之

莫月英清咸豐間苗叛城陷被執不受辱苗殺之

趙領妹清咸豐間苗叛城陷後自投溪溝中水淺不死以面仆水乃死

以上

均胡志

蔡小華幼時其父廷亮卽許字邑庠生張柄光年未及笄柄光因受雲南協府張樑之聘以行役勞苦遂卒於滇華聞耗卽毀粧願往張門奉事翁姑奈炳光家已式微父母早喪不得已依父母居再三勸諭另字不從後將迫之華知其志不諒於父母遂長齋供佛以針滌自食甘受困苦非素性堅貞者曷克臻此今華已年逾六秩猶自食其力人莫不欽其操守云張連弟其父炳如年五十始生幼字羅氏及笄時其父已老邁龍鐘兼雙目不明乏嗣奉養遂不忍離父母而去議贅羅子羅亦有志之士不允憐其孝亦不勉強連弟得依父母衣食孝養無一不細心檢點後其父母死

連弟無所依張氏族宗欽其孝亦養之終身民國十七年卒壽五十八

### 旌表

楊

毓金

秀楊如杰之二女也幼時金秀許字張贊齋之子毓秀許鐘大生之

子均未過門卽遭世變張鍾二氏之子皆死於難清平回梓二女得悉其情遂矢志守節鄉里稱爲竹節松筠後巡撫某知其事爲之請旌楊氏合族憐其志立祠與之居住金秀年七十六而卒毓秀年九十六而終

魏徐氏青年守志莫與儔爲之請旌禮部具題頒發人中女士四字於道光十年建坊於邑城西門外

周王氏文童周不謨之妻也年十七于歸未半載而夫亡乏嗣青年守志迄於光緒中葉同知吳光鑾爲之詳請撫院題奏陳榮昌宗師書抱淑守貞四字懸於門光緒十五年建坊於邑城之南門外

魏王氏清咸豐間苗叛城陷夫亡守節不改

萬劉氏咸豐年間苗教叛亂全家遇害氏被賊執以刃脅之不從負其幼子投橋而死

莫王氏清咸豐間苗叛城陷後逃難至都勻屬拉結山被賊執不受辱賊殺之

羅李氏清咸豐間苗叛城陷後逃避不及被執不受辱苗殺之

王湯氏王金元之妻也年十六于歸時翁姑老邁在堂氏孝養備至未幾苗亂翁姑同日驚絕倉卒佐夫營葬如禮城陷被屠者衆時夫婦守墓在外哀毀不覺逃者見之呼與偕亡與夫倉皇出奔清平返家生子女各四子均不畜恐墜宗祧勸夫聘蒙氏連生二子長子七歲次子六歲而夫亡家貧氏與蒙捆屨傭工嫁諸女撫二子如親生務期成立以副亡夫遺命子廢學則對夫靈泣下不食子感激奮志長子世鑫十六入邑庠逾二年食餼宣統己酉拔貢次子世清亦慧氏與蒙以家貧難於兼顧命其輟學



作小負販謀資以助其兄膏火歿年八十二人莫不稱其苦節云

附邑歲貢陳步

瀛賢淑傳云王蒙氏王金元之次妻拔貢王世鏞之生母也賦性溫良勤慎于歸後事夫及大妻若翁姑然越二年連舉二子長即援貢世鏞次子世清無何夫歿長子七歲次子六歲家赤貧大妻湯年邁時氏傭工所獲輒先為其衣食然後及子女湯以故甚憐之扶病緝履以為助適值大饑朝夕莫保氏親率次子採樵換米為炊稍餘即命之作小負販以博微息其子仍嚴飭就傅未幾長子入邑庠食餼旋選己酉拔貢次子家業大興氏因劬勞過甚獲喘病而操作不稍息愈苦而志愈堅鄉里咸為感歎有涕下者卒年六十四

張吳氏歲貢張普如之妻湖南試用縣丞桂星之母也年十九于歸越二

年苗叛與夫逃難獨山十餘年備歷艱苦亂定返梓未幾夫歿遺子一女

二時氏年三十八子年十歲小女未期年氏矢志撫孤時昂以大義後子

桂星補弟子員宣統己酉科歲貢選湖南縣丞皆氏教道力也鄉里莫不

稱其賢卒年七十四

王簡氏王文科之妻也年十八于歸事翁姑極孝敬翁姑歿與夫徙廣西

年二十八夫歿遺子二家赤貧轉徙傭工撫養子長適獨山流移八寨遂

家焉年六十五卒守節三十餘年雖困苦流離而貞操不改

黎彭氏黎茂堂之妻也年十九于歸甫四年夫歿於亂無嗣氏卽矢志柏

舟繼螟蛉子以續夫嗣長爲之娶生一孫而子死氏復撫其孤孫成立年

七十九而卒人共欽其苦節云

以上均舊志

孫陳氏孫澤海之妻也賦性溫良嫻閨德于歸後事姑相夫無不井井有條及夫年六十老病垂危醫藥罔效氏泣禱於天割臂肉救夫昏暈幾殆稍甦卽熬湯以進夫食而甘之病亦愈奈年邁體衰遷延數月竟病不起氏欲身殉五日不食猶不死妯娌力勸乃進食年六十八卒人稱其賢

孫宋氏平越人孫澤溥之妻清大定協宋國貞之猶女也甫三歲其父被匪害母氏攜之至省垣撫養故頗知禮義嫻姆教尋母女隨叔至貴陽年十八適孫門時值叛亂之際居無屋炊無米氏勤苦相夫衣食始能自給清平回家生子女五人長子甫三歲而其夫亡氏哀傷異常幾不欲生憐

子幼稚恐斷宗祧遂矢志撫孤子漸長送入塾夜則課讀以慈母爲嚴父又若嚴師子學文因得以成立入巽宮皆其教道之力鄉里咸稱道弗衰  
亡年七十四

孫駱氏孫澤溥之次妻也其夫以艱於子嗣知其賢聘之年十八于歸後生子女各一而夫亡子纔週歲氏年二十六矢志撫之逾年而子又塲氏遂長齋奉佛柏舟自矢終身不改人莫不憐其苦節年五十六而卒

王胡氏王洪高之妻也于歸時年十六生二子一女咸豐時丹苗肇亂夫婦攜子女避難城中城陷卽各負一子跳城下不死乃逃至王家司其夫因心血過傷而歿甫三月又生遺腹子幸女已十三歲能操作故得不餒彌月後氏卽爲人傭工撫其子女苦節五十年見其孫燦章入學卒年八十今其子孫方興未艾人皆以爲食氏守節之報云

蔣龔氏蔣成景之妻夫歿時年僅二十二無出矢志柏舟撫嫡姪爲嗣情

恩備至亂平後家產賴其清存蔣氏子孫得不凍餒歿年八十餘鄉里共稱其堅貞云

劉潘氏劉宗杰之妻夫亡時氏年二十八遺一子二歲適年而子又殤時氏翁姑在堂見子死孫亡泣不可仰氏百端勸諭翁姑轉悲爲喜氏卽繼堂姪爲嗣以慰翁姑意後翁故與姑若母女然民國十四年丹苗叛變到處掠擄時姑年已八十五氏恐姑受驚卽負之避山中人見之莫不稱賢孝逾年而姑亡氏哀傷過度越月亦亡年五十九

劉周氏劉君清之妻賦性賢淑夫亡時年二十八遺子恩德氏矢志守節撫孤歿年七十有五

劉周氏劉廷芳之妻性極賢淑夫亡時氏年三十五無出矢志守節撫其姪君清以續夫嗣歿時壽九十有五

劉吳氏劉德恩之妻也夫歿時年二十六遺一子名瀛洲至此三代一堂

孀居人以爲難得及祖姑與姑先後亡故衣衾棺槨均吳氏一人經理鄉里稱其貞節賢孝歿時七十二

唐胡氏本縣人二十歲於歸唐氏生子來朝越五歲夫亡柏舟自守撫孤子克家年五十子來朝亡故遺孤孫峻彰甫數歲與其媳劉氏力撫成名劉亦賢孝人無間言胡八十五無病而終劉亦八十而歿鄉里咸稱一門兩節孝

官朱氏官紹熙之妻賦性溫柔賢淑勤於女紅年二十一於歸生子一僅四歲卽遭咸豐乙卯之亂夫婦攜子德修避難於三棒紹熙以驚恐過度歿時氏旣遭難又失所天告貸無門只得藁葬其夫攜子傭工度日撫養成人苗亂肅清乃與子回家守節五十年享壽八十八迄今言及氏之貞操清苦人莫不欽佩云

胡張氏咸寧堡

屬八寨後接歸麻江

胡政聲之妻遭清咸豐乙卯年苗匪之變夫卒

遺二子均冲齡氏誓守撫孤艱苦備嘗二子卒能成立至宣統元年經前  
民政部主政張玉麟奏准建坊旌表

胡甘氏咸寧堡甘正朝之妻夫卒氏年二十六遺一子之秀甫二月值清  
咸苗亂隨族人負幼子逃難滇川歷盡風霜備嘗辛苦後自川返里撫  
子成諸生年七十六無疾而終鄉里稱之

蔡桂氏蔡永孟之妻賦性嚴慈貞烈待子孫每具嚴肅之氣如不可干以  
私及聞其言又和靄可親惟諄諄教以孝弟仁義而已至其貞操自少至  
老不稍變歿年九十三迄今言及氏之嚴慈貞烈莫不欽敬云

王韓氏土弁王憲忠之妻夫亡時氏年二十五遺一子澤宣十六歲效力  
撫院岑毓英宮保帶之出關一往不返氏苦守貞操髮白又青齒落又生  
歿年八十八歲

唐何氏本縣第五區人賦性溫良言笑不苟朝夕奉事父母能得歡心父

母亦鐘愛之及笄於歸善事翁姑和睦家人無間言夫歿時年二十五  
矢志撫孤現年五十 里稱之

黃韋氏夫歿時氏年二十八遺二子矢志撫孤次年幼子殤屋亦被焚食  
住俱無氏終無異志歿時五十八

黎胡氏夫歿氏年僅三十遺一子苦守孤孀撫其子成立現年七十餘尙  
存

張李氏處士張燦如之妻於歸未一年而苗坂作與夫逃雖生子三均不  
育壽平回梓夫年已五十諸事灰心不事生產家遂蕩然後生一子年十  
五而夫亡氏恐墜夫嗣盡心撫養雖貧困交加終無怨言有欺其孤孀必  
侃侃與之理是非聞其言者無不屈服以故妯娌有事必與之謀繼而鄉  
里婦女皆信之凡與之謀如置器平地無不妥貼後撫其子明星補弟子  
員逾二年食餼人莫不欽其節操賢明歿年七十有九

公舉  
事實

孫張氏夫歿時氏年三十二遺子三氏苦守撫之均皆成立歿時六十四  
王葛氏夫亡時遺二子俱幼氏盡心教養其長子德音得列膠庠家業亦  
興旺人共賢之

王陳氏王雲之妻年十九于歸生二女而夫亡閱五月生遺腹子世林撫  
養成立年二十七而亡遺一孫五歲氏又撫養成立鄉里共稱其賢淑云  
滿陳氏邑庠生邦賢之妻夫亡時翁姑老邁在堂遺一子二女氏奉養翁  
姑撫畜子女備極勤勞鄉里稱賢云

羅陳氏夫歿時尙有祖父母及姑在堂遺一子三歲奉養無資氏惟以針  
黹傭工得資必先奉兩代翁姑然後及子人稱其賢不置

周林氏邑廩生以功陞用州同周芝謨之妻夫歿時氏年二十三遺一子  
名承宗甫生四十日氏 冰霜撫孤子成立十七歲遊庠越二年食餼  
氏享壽百有四歲四代一堂人以爲食苦節之報



胡邵氏庠生胡瀛海之妻夫歿時氏年僅二十越二月生遺腹子世貞氏矢志撫孤成立卒年七十

王潘氏夫歿時氏年十九家貧氏傭工撫孤成立卒年七十八

楊劉氏楊科培之妻無出夫娶妾生子女各一而夫亡尙有翁姑在堂家貧氏傭工謀資事奉翁姑不稍衰撫育子女如已出鄉里稱其賢

孫伍氏孫顯富之妻也咸豐時苗叛城陷後逃奔至雞賈河邊船少人多裝運不及賊追至氏恐被辱投河而死

劉張氏劉升之次妻也大妻王生子阿多甫三歲而王歿升聞氏賢聘之年二十來歸相夫有道撫孤兒如已出長爲娶徐氏女爲媳既而夫歿哀毀異常時氏年僅二十八遂矢志柏舟待遇子媳恩義並至子媳亦承順不少忤未幾生孫玉堂甫三歲阿多出門貿易被賊戕於途資本掠盡家因貧乏氏與寡媳傭工撫孤孫成立艱苦備嘗數十年如一日歿時八十

三劉徐氏年十八於歸素性溫良事繼姑張曲盡孝養張亦愛之如女生子甫三歲而夫負販被劫斃於途資本盡失家貧如洗氏上奉孀姑下撫孤子俱仰十指經營之力子長爲之完婚姑歿爲之營葬恩儀備盡子性嗜酒屢戒不悛成疾卒貽孫愛松甫生二歲氏撫之甚於其父而愛倍之及孫成立爲之完婚現其孫以耕商起家後人繁衍氏年八十二猶強健人皆稱爲苦節之善報云

楊唐氏年十六於歸撫孀孫子成立爲娶媳屠氏未幾子歿與媳屠氏共撫孤孫成立兩代孀居人稱爲冰清玉潔唐年八十六卒屠年六十六哀傷過甚不數月亦亡

孫岳氏孫德存之妻也咸豐時廳城被圍夫歿長子亦遠逃城陷時氏負次子澤溥跳城下不死逃至雞賈河岸時苗已追至氏恐被辱投河死羅宋氏排調羅某之妻也夫亡時氏二十九子清明尙在襁褓中適施乘

苗酋名九元帥者統率醜類掠荔波將及三合氏負子逃避被酋黨追及氏恐辱遂倉皇負子投於米陰河中適水陡漲冲擊漩窩頗大氏被洄波捲過對岸淺處識氏者以爲已死憐之隨手拖上岸擲叢葦中移時復蘇懼不敢出仍伏叢葦中一晝夜俟賊遠去乃負子出氏之所遇所行亦可謂苦而奇也非蒼蒼者默爲保護豈有幸哉卒年九十有三今其孫曾方興未艾識者皆以爲食氏全節之報云

劉楊氏方勝劉忠武之妻也夫歿氏年二十七遺孤子三有姑老邁在堂氏奉姑撫子備極辛苦子惰耕譴則喚至姑前請姑教責明不敢自專求得其歡心也姑見氏如此益加喜愛後姑病氏奉湯藥衣不解帶月餘姑喜病稍愈氏以積勞故反致病垂危姑執其手泣曰媳忍舍我去乎曰生死有命恨不得常奉姑留不孝名願姑壽享期願以教孫輩媳死無憾呼兒至前囑之曰我死汝曹當善奉祖母聽諸伯叔教訓言訖瞑目而逝

陳方氏陳國偉之妻也咸豐時苗教叛亂夫婦逃難於獨山適苗陷州城國偉及於難方氏被擄恐受賊污辱遂自經人莫不稱其節烈云

莫艾氏莫嘉鴻之妻獨山艾時薰之女也生於書香世族幼讀書明大義十八于歸生子女各一嘉鴻從戎一去不返適乙卯苗叛氏攜子女逃難於獨山路經蝦蟆塘遇亂苗要索金銀以雙刀加其頸氏左手攜其九歲之子告之曰銀實未有求你們殺我留此子女則我雖死亦感恩於地下矣苗感之亦不殺乃獲至獨山依其父以居代人縫紉剪花績麻以謀衣食有餘則以爲其子就傅之資後其子得列膠庠卽莫德懋也承平後歸家時亂久田荒氏率其子侄慘淡經營不遺餘力生活足以自給乃爲其侄娶媳旋娶旋卒婚配再三售田五百餘挑去產業之半而氏全無吝色怨言及其子婚後分析家產仍以半與侄守節五十餘年壽逾七十精神猶健雖喪明朝夕勤績不輟享年八十三而歿今其子孫方與未艾人咸

稱氏教道之方食氏守節之報云

張楊氏文庫張廷颺之妻于歸後生子一名老科方四歲而苗亂作廷颺沒於難氏攜子代人縫紵謀衣食及承平歸家子年二十二氏聞夫弟廷甫避難廣西遣子迎弟以歸時夫弟已生子女各一方二三歲以兩籬筐使老科挑回至都江側適遇匪老科固護其弟妹不忍逃致爲匪截誤認所挑者爲銀物卽開之乃二小兒匪怒將科砍死氏得僞號哭幾死者再妯娌力勸乃止從此常齋清潔自矢田地均留與夫弟終身自食其力苦節五十餘年至八十一而沒人無不服其貞操云

池張氏池自明之妻于歸二年自明被難死無子氏乃繼姪以續夫嗣冰霜自矢五十年卒年七十八

王畢氏石橋王封之妻也于歸後不數年家道中落夫歿一子零丁孀姑老邁奉養無資氏竭力女紅晝夜不息內則備養殮以事姑外則具束脩

以教子數年力不支遺產陸續售盡氏與子無立足地卒無怨言親屬見其孝慈可嘉均歡邀相處氏勤勞倍於曩昔今其子成立頗能振興家業現氏年八十精神猶健云

楊乾秀楊育廷之堂妹幼許字孔氏秀以父母年邁無兄弟事奉不忍舍而去遂矢志長齋奉事父母晨昏定省寒暑衣食無一不盡心檢點及乙卯之亂其父母死於難秀跋涉險阻尋獲父母遺骸歸葬田蘭均被土人侵佔育廷忠厚不敢與爭秀挺身赴省控告年餘卒復楊氏遺產今楊氏子孫得以溫飽皆秀之力也雖其行爲似甘爲老女有外人倫其賢孝鄉里莫不欽敬云

天辛氏土弁天象田之妻也于歸未久卽遭乙卯苗變歷盡艱難清平後回家稍理襲職事不久而其職廢象田亦亡撫養其子方成立未幾子又亡又撫孤孫將成立忽得惡疾旋殤氏之所遭亦可謂苦矣今氏年已百

歲於一身閱歷猶能一一記憶其受苦節享期頤壽均爲邑所罕見云  
劉何氏年四十而夫亡遺一子僅十歲氏對夫柩誓矢志撫孤遂延師教  
訓氏夜績伴子讀每每至鷄鳴方止無故不出門戶鄉里無不稱其貞靜  
享壽八十三而歿

康王氏康永尙之妻也于歸後生二子遭乙卯苗叛永尙逃亡於外氏年  
三十二矢志撫孤長子先亡復撫次子興家立業享壽九十三而歿

鍾段氏三合縣段大寬之女本縣鍾應芳之妻年十九于歸生子女各一  
子名奇英甫六齡值清同治乙卯年苗匪叛亂應芳挈眷往依岳家所有  
產業概爲隣寨苗匪霸佔肅清後舉家返梓應芳清理產業致爲苗人刻  
忌未幾下游營務處兼署都勻府羅星潭到邑招撫辦理善後有底列寨  
黠苗王耶免巖營寨奸苗龍耶豆等藉故誣控應芳於羅處羅不審應芳  
卒被殺時氏年二十七子幼女稚遭此慘變忿不欲生屢思自經以殉旋

念遺孤無託大仇未復產業未清徒死無益乃含辛茹苦竭力撫孤伺隙復仇既而邑宰某蒞任頗廉能氏就鳴冤卒將王龍二人抵罪被佔產業亦漸次清回子奇英稍長令就傅但子性遲鈍畏讀氏多方化導得列膠庠從此家道大興倍蓰曩日皆氏經營慘淡之力生孫三長鼎聲貴陽模範中學校畢業次鼎培亦由是校卒業旋升武昌高級師範因病告歸半途殂謝三鼎立由高小畢業方擬升學亦病故今鼎聲子嗣繁衍多聰俊人皆以爲氏苦節之報卒年六十八

胡唐氏咸寧堡胡之柏之妻夫卒氏年二十二遺二子一剛二齡一甫二月之柏故時家不中貲氏盡禮安厝旋撫二子成立孫枝蕃衍鄉人咸稱爲苦節之報



八寨縣志稿卷二十八

藝文上

文章身文華國子產善爲詞令春秋重之韓子因文見道後儒宗之  
文有關於國體者關於政教者關於風化人情者關於山川草木鳥  
獸昆蟲者體裁不一隻爪片鱗尙須掇拾况全璧乎八寨開化晚而  
事實稀聞有學士文人遺墨多銷於兵燹百計搜求所獲僅僅畧存  
之以作因文存事因事存文因文因事而並存其人之感想

張廣泗

貴州  
巡撫

議覆苗疆善後事宜疏

竊苗疆善後事宜經臣酌議三條具奏今於乾隆元年十二月十五日准  
兵部遞到大學士鄂爾泰張廷玉等寄字到臣臣查廷議內開一安設鎮  
營所添兵丁止一千三百餘名爲數少覺不敷應令再行妥議等因臣查

朗洞一處係苗疆適扼隘之區最關緊要臣前請另立一營設兵一千名內除分駐寨蒿都拉二汛外實存兵七百名微覺單弱應於朗洞再添兵二百名又都勻府屬之荔波縣向隸廣西管轄縣治僻處山隅未建城郭雍正十年始改屬貴州其間地廣苗悍甚於新疆前議安兵六百名亦不足應再添兵二百名台拱鎮標原額兵五千名今改鎮爲營議留兵一千二百名就目前不敷分佈但係新改營制裁兵過半且所管高坡一帶地勢深險應再添兵二百名丹江額兵一千六百名前議止留兵一千名但其地貼近大箐亦應添兵二百名又古州都江清江台拱八寨丹江各處於雍正七年設有同知通判等員做照湖南乾鳳二廳之例在於同駐之官兵內各撥給把總一員兵一百名爲其親標今查此項弁兵皆就各該處營兵內撥給一兵兩轄文武往往因此爭執互生嫌隙且既撥歸文員則於本營差操不能分身應役甚屬無益請將各該同知通判之親標

弁兵悉撥還本營該丞倅等各添設千把一員另募兵丁一百名又現奉諭旨於古州添設巡道一員有控制漢夷之責應請加兵備衛添設新標三百名再設守備千把各一員管轄即將該承倅等各募新兵統歸道標專轄一轉移間則所添之兵合之原添之數共三千名兵力愈加充足可以鞏固無虞矣又廷議內開一設立郡縣雖於新疆之體統似屬可觀但欽奉諭旨嗣後苗人爭訟之事俱照苗例完結錢糧應無庸議等因臣查新疆較之內地政務甚簡既有同知通判等官分地而治又添設古州巡道一員則上下相維足資料理實可不必改設郡縣惟是該丞倅等所駐劄地方均係巖疆重地兼有監倉之責除古州台拱二處向各設有佐雜其清江八寨丹江都江等處僅各有同知通判一員或遇因公出境陞遷事故一切公事竟致無員辦理再朗洞地方去古州一百八十餘里現議設立汛營今既不設縣斷不可無文員在彼協辦應請將原駐古州之開

泰縣縣丞改駐朗洞仍隸古州同知統轄至清江下河之柳齋地方爲水路要區去清江城一百餘里前議於清江協撥遊擊一員帶兵駐劄應請添設天柱縣縣丞一員分駐其處仍隸清江通判統轄再古州一帶兵糧悉資粵米協濟收貯接運不便無專員管理應於古州添設倉大使一員再將黎平府照磨一員改駐古州以供道廳臂指之用此外於清江添設鎮遠府知事一員八寨設都勻府知事一員丹江設清平縣主簿一員都江設都勻縣主簿一員俾各廳資其佐理至荔波縣地界週迴千餘里止有知縣一員典史一員實不敷辦理現議遷移縣治建造城垣應再設縣丞一員分駐舊縣地方如此則治理有人而要地不致缺員矣又廷議內開一逆苗絕產安插漢民領種臣等查新疆苗衆震懾軍威就撫地方始若招集民人分種管業未免復起驚疑轉於新疆無益臣等酌議不若暫給駐守之兵丁並兵丁之子弟就近耕種既可便於稽察亦可少佐兵糧

等因臣查新疆地方所遺絕產臣前陳請安插漢民實屬淺陋之見但大學士等抄寄欽奉上諭與其招集漢民不若添設屯軍俾無事則盡力南畝有警即可就近抵禦則苗疆駐劄之兵數較多而兵氣自奮且省添兵之費欽此仰見睿慮周詳指示盡善臣正在籌議舉行今奉到廷議祇令暫給兵丁並兵丁之子弟耕種查新疆安設營汛原以建威消萌守禦彈壓各該汛兵俱有營伍地方之責巡防操演之類非若口外征兵駐守無事可派令屯田以資軍實也况苗疆田土盡屬水田亦非若塞外陸地易爲耕種營汛兵丁行伍差操是其所長農畝之事多有未諳至其子弟中雖有能耕者爲數無多不敷分佈再四思維惟有凜遵聖訓安設屯軍洵爲至當不易永遠寧謐之良規也臣與司道等官悉心計議此項屯軍除先儘兵丁子弟內之能耕種者招令承領外但兵子弟無多查前經督臣尹繼善因逆苗蠢動飭令通省招募新兵共五千餘名訓練以及一年技

勇嫻熟今軍務告竣現在酌減歸農應卽在此新兵內招其能種田畝並  
情願前赴苗疆承領者給與耕種如仍田多兵少卽就近招募年力精壯  
可充兵丁之人令其領種但屯軍與漢民不同漢民三時力作之外別無  
餘事屯軍於農隙之時當令操演訓練遇事調遣行走應籌畫充裕庶無  
缺乏之虞查苗人所種水田每畝可出稻穀五石中田可出四石下田可  
出三石合計屯軍每戶給與上田六畝或中田八畝或下田十畝其所收  
米穀可敷一年之口食且苗人止知耕種水田所有山土悉皆拋棄今所  
設屯軍除不許侵佔苗界外其餘附田山土儘其墾種雜糧則衣食益爲  
饒裕再屯軍初設棲身無所耕種無資又不能裹帶餘糧以待收穫應每  
戶給修蓋房銀三兩牛具籽粒銀五兩再議給口糧秋冬應募者接濟至  
夏收而止春夏應募者接濟至秋收而止每大口日給米八合三勺小口  
半之計口授食俾得盡力南畝以待收成更宜選擇扼要處所建築堡墻

或用石砌或用土築官給工價口糧卽令該屯軍等自行修築庶幾彼此聲勢聯絡出入田疇得收守望相助之益既有屯堡可守器械亦所必需應將現在苗人所繳器械揀擇完好銛利者按戶散給以資操演捍衛再人數衆多不便聽其散漫無所管束查直省凡有屯軍之處皆有衛守備或衛千總管轄而統隸於府道官又查明建設衛所有指揮鎮撫並千百戶等官名色今雖不必沿襲其舊似應變通其意每十戶如營兵之什長設一小旗每五十戶如營兵之管隊設一總旗每百戶如營兵之百總設一百戶責令管束稽查與營兵無異查新疆現有同知通判等官政務甚簡此項屯軍似不必另設衛守備應於古州添設衛千總二員分拱清江八寨丹江各添設衛千總一員專司一切屯種訓練事宜將各該處同知通判加以清軍銜令其兼轄而總隸於古州巡道統屬每於農隙之時該管丞倅等董率操演該管巡道仍不時稽核點驗務俾技藝純熟以期有

勇知方遇有征調按冊而稽一呼可集較之遠調士兵其利奚啻什倍再苗疆既立屯軍則應禁絕擾累以寓撫卹苗人之意其就撫餘苗固不宜令與屯軍錯雜而居亦宜酌給田土資生臣現飭承辦苗疆道府等官分往各處相度情形將田土間雜處所逐一區畫整齊凡已剿之寨投撫餘苗酌其人口多寡撥給田土歸並安插量加賞卹務令屯軍與苗人田土山場界限井然以杜將來攙混侵佔之弊則一勞永逸不致復滋釁矣

### 苗疆告竣撤兵疏

爲天威遠播永奠苗疆告竣撤兵事竊查黔省古州一帶苗民向居化外迴環三千餘里盤踞數十萬衆性情獷悍兵械繁多居偏漢民界連郡縣時出擾亂爲地方隱憂臣前於貴州巡撫任內承辦清理開通安設營鎮扼其要隘欲以化導附循漸底馴順不意識見卑庸才力短淺既已冒昧從事又復經理疏漏雖規模粗定而一切善後章程全未妥善迨臣奉命



前赴西路軍營繼善諸臣既形勢之未諳又撫馭之無術遂致逆苗大肆  
跳梁不可救遏查逆苗起事如古州之八妹高表並接界丹江台拱之交  
烏交歪等寨捏造妖言傳散木刻到處播揚非止悍惡兇徒翕然聽信卽  
婦人女子亦羣起若狂於雍正十三年二月二十六日糾合萬衆襲攻王  
嶺營汛經古州鎮臣韓勳預派官兵奮力急擊挫折兇徒賊始奔潰乃逆  
苗等自王嶺戰敗聚集於台拱清江之間往來號召謀逆益急是時風聲  
傳播人心惶惑屢據官屬稟報情形而撫提諸臣猶以爲苗寨謠言不足  
深信令古州清江各撥弁兵數百人遊巡會哨便可了事迨後勾結旣廣  
附和愈衆於三月二十一日圍攻番招營汛始皇遽發兵倉卒赴敵將內  
地駐防兵丁盡行撥赴新疆派委一庸劣無能之副將宋朝相統領而前  
不意適至番招不能聲援策應反致被困山頭逆苗稔知地內無兵卽乘  
間四出侵犯熟苗同時附和攻陷凱里次及清平黃平餘慶等州縣又攻

煨清溪縣治燒劫鎮遠思州二府屬之附近村寨人民驚竄驛路阻塞台拱清江等鎮協營僅能閉城自保而排咱小丹江二汛因缺糧爲奸民所愚買路夜遁致被屠害因之愈肆猖獗豕突狼奔卒難收拾以致上厯世宗憲皇帝宸哀南顧殷憂遣發滇蜀楚粵六省大兵會師進剿特授貴州提督哈元生爲揚武將軍專司征討又以地方遼濶哈元生一人調度難周命湖廣提督董芳爲副將軍從下游分領夾擊又欽差刑部尙書張照左副都御史德希壽總理撫定苗疆兵馬錢糧賑卹事宜廟算精詳至周至備將帥諸臣倘能凜遵訓旨協力同心葺爾小醜不足平也乃撫提二臣已意見不合迨聞凱里已失勢甚危殆提臣哈元生始馳至羊老駐劄所帶兵役僅二百餘人逆苗聞提督親來以爲必有重兵不敢輕犯而平越都勻以上方藉以保守雲貴督臣尹繼善據屬員稟報已派遣廣羅協副將周儀奇兵營參將哈尙德等星夜赴援而本省黔西大定威寧官兵

亦陸續調集哈元生始派遣大定協副將紀龍雲南廣羅協副將周儀奇兵營參將哈尙德等將凱里清平黃平餘慶等州縣以次第收復開通大路逆苗見內地官兵衆多復回巢穴糾合醜類圍攻新疆營汛阻截運道於是台拱清江丹江入寨等處同時告急先是兩廣督臣鄂爾達聞知黔苗肆逆卽派遣督標中軍副將王濤並咨移廣西撫臣金鉉提臣霍昇派令右江鎮臣王無黨統領廣西官兵以桂林知府楊廷璋監紀糧餉先至古州嗣後令高雷廉羅鎮臣譚行義統領廣東官兵以廣南韶連道馮元方監紀糧餉晝夜沂流而上陞任湖廣督臣大學士臣邁柱湖南撫臣鍾保原任提臣董芳先派令九溪協副將李椅陞任洞庭協副將魏國泰湖南提標參將謝瓏等帶領湖南官兵星夜赴鎮遠協應繼復今襄陽鎮臣焦應林統領湖北官兵前來聽候調遣四川督臣黃廷桂焦應林撫臣楊必香亦預備漢土官兵以備咨調各省大兵先後來黔兵力充裕哈元生

遂派遣黔西協副將康世顯由革夷小丹江一帶援應稿貢汛以通台拱  
又派廣東惠州協副將馬成林湖南九溪協副將李椅原任清江協副將  
柳定國等由八弓梁上一帶援應柳羅汛以通清江又移咨廣西左江鎮臣  
王無黨帶領粵西官兵救援八寨維持古州鎮臣韓勳亦率同廣東督標  
副將王濤帶領黔粵官兵將起事烏弓八妹高表色同等逆寨嚴加攻剿  
卽進兵朗洞扼險駐劄惟丹江久被圍困先經哈元生派遣雲南廣羅協  
副將周儀大定協副將紀龍帶兵援應甫將雞講開通逆苗復於平寨黃  
士聖烏騷坡等處據險截糧都勻協副將馮茂護糧前往被逆苗阻擊遺  
炮位傷損甚多丹江兵率枵腹受困幾不能保哈元生復飛調四川署副  
將壽長雲南奇兵營參將哈尙德帶領滇蜀官兵救援至九月十九日潰圍  
破敵丹江方獲無恙是時五省大兵雲集會剿雖新疆大路俱已開通而  
首惡逆寨全然負固哈元生將遣到各省官兵由青溪以西上至羊老並

由大路斜通各新疆營汛沿途密佈連營數百里是以兵愈多而愈不敷用且逆苗始猶畏懾暫行歛避迨屯駐日久情見勢絀復於清平黃平一帶大路之旁時出燒劫九十月內尙在紛紛報警官兵奔救不暇顧此失彼幾有無可如何之勢副將軍董芳分統官兵駐劄八司一隅之地攻剿六甫寨頭等十餘頑寨其餘無分首從概行招撫以圖將就了事且與哈元生各持意見互有異同所以時經數月之久軍務茫無端緒也然皆由臣從前承辦苗疆原未經理妥竣以致黔省百姓罹茲顛沛各省官兵受此勞苦臣與諸臣厥罪維均臣自西路軍營奉命進剿途次驚聞惶悚慚憤恨不奮飛滅此朝食迺蒙皇上天恩暫寬臣從前之嚴譴特命臣總理苗疆事務嗣又以事權不一特授臣經畧重任自將軍以下悉聽節制繼復命臣兼管貴州巡撫印務從此文武事權統歸畫一委任殊恩至專至重更荷聖主指示周詳敢不敬謹恪遵竭蹶辦理臣自雍正十三年十月

十三日行抵黔省鎮遠府地方駐劄先將賑卹事宜酌定條款次第舉行並准雲貴總督尹繼善咨商再調四川官兵三千名以資協剿臣當卽一面奏聞一面咨調外臣查蠢爾愚苗原無終日之計其所以嘯聚成羣力能久抗官兵者以有奸苗數輩恃其寨大人悍號召勾結生熟苗夷羣相附和如上下九股清江高坡丹江山苗等處凡兇惡首逆自古州敗退咸聚集於此一帶地方官兵進攻一處各處爲之協助聲援則彼衆我寡每致挫折一番兩番賊勢愈張兵氣日怯至於熟苗之附和爲匪者雖罪實難逃而究非首惡驅之愈急則悉竄入新疆爲出力拒守非所以渙散賊勢之方也若不開拔精銳直搗新疆殲其首惡則黨羽終難解散因籌畫時勢之緩急審度地形之險易酌定分兵三路同時進攻逆苗各保巢穴彼此不能救援則我力專而彼力散以整擊散一舉可定蓋賊無常形兵無定法安內以攘外遠交而近攻原可互相爲用是當暫撫熟苗責以擒

獻兇首繳納器械阻截生苗不許放入內地然後大兵齊赴新疆將倡亂首兇並寨大人棄素稱頑抗者悉行剿除其餘附逆苗寨亦責令獻兇繳械阻截熟苗不許收入新疆必使生熟苗變爲二生苗已定再行佈置熟苗則釜中之魚無所逃命然後分別良頑逐寨清理方可以收一勞永逸之效臣一而具摺恭請聖訓一面親赴凱里與原任揚威將軍哈元生面囑機宜派令四川署副將壽長貴州定廣協副將會長治雲南奇兵營參將哈尙德等帶領官兵四千餘員名由凱里之空稗一路前進又派令左江鎮臣王無黨黔西協副將康世顯等帶領官兵三千餘名由台拱之台雄一路前進又以清水江苗寨繁多南連古州東達黎平地勢遼濶臣率同原任副將董芳帶領襄陽鎮臣焦應林暨九谿協副將李椅惠州副將馬成林原任清江協副將柳定國等帶領官兵四千餘員名清江之谿擺尾前進三路官兵尅期並舉逆苗雖分衆迎敵而各不相顧官兵奮勇進

攻自十二月初一日起至十四日止已將上九股之掛丁朗利空稗大小營等處二十餘寨下九股之台雄打革等寨清水江之鷄擺尾鷄呼黨鷄右烏溜等寨凡係首惡險巢苗人所恃以抗拒官軍號召羣苗者悉皆攻燬無遺附逆餘黨始知畏懼兵威紛紛投撫乞降臣思逆苗此番逞惡迥異尋常若非逐層深入痛加剿除不足以彰國威而昭法紀臣因自清江起程卽由各鎮將攻剿之鷄擺尾台雄空稗一帶沿途查勘形勢於乾隆元年正月初三日至凱里駐劄居中調度隨令襄陽鎮臣焦應林留駐鷄擺尾四川署副將壽長留駐空稗台拱鎮標遊擊尹成宗留駐台雄各處搜捕未盡餘孽以資彈壓派令副將會長治參將哈尙德等由空稗鷄講分路進攻丹江各逆寨石江鎮臣王無黨黔西協副將康世顯並新任貴西道劉泚等由台雄交上一路惠州協副將馬成林九谿協副將李椅清江協副將柳定國並貴東道宋厚等由烏羅反牌一路會兵進攻高坡各



逆寨同時又令古州鎮臣由朗洞一帶前進羊色高雷廉羅鎮臣譚行義由滾縱一帶前進擺弔皆新疆深險之處復令副將曾長治攻克丹江之後卽繞至八寨會同都勻府知府孫紹武進勦山苗並飭令上江協副將王耀祖帶領弁兵由上江前進山苗聲援夾勦是時臣續調之川兵適至臣卽令統領之川北鎮總兵王廷詔帶領所部官兵搜剿烏溜報德囊堯囊堯一帶進駐丹江各路大兵奮勇進攻逆苗始猶悉力抗拒繼則聞風奔潰摧枯拉朽所向披靡自正月初旬起至三月底止凡新疆之爲首悍惡大寨如丹江之防里烏堯桃繞排提馬家聖鷄勇聖烏疊昂牌等七十餘寨高坡之烏羅反牌上交工南工交蔑交包交烏交歪鷄花等四十餘寨古州之羊色扣里羊弔洞里高枯八倒旁洞官舟等二十餘寨又滾縱之烏婁擺弔擺列斗扣等寨以及山苗之擺調方勝加照加支加撓加熊等三十餘寨無不燬其巢穴燔其集聚戮其兇頑俘獲其子女著惡首

兇陸續就縛附從逆黨勦除殆盡所餘遺孽悉竄入牛皮箐中藏匿臣令各路鎮將尾後窮追逐漸緊逼俱屯駐箐口以坐困之查牛皮大箐線長數百餘里橫亘於新疆之中峭壁懸崖高出雲表深林密樹霧雨不開泥濘沒膝虺蛇交行不但從來兵威所未臨卽人跡亦所罕到詢之本地苗蠻亦止能知其附近概不能悉其幽邃深遠也臣因詳揣地勢因路徑之通塞爲連絡之聲援飭令官兵四面攢逼以次進攻凡屬至幽極險無不深入窮搜於是倡謀首逆妄稱苗主之包利往利哄銀三元阿苟蠟老能老恨強銀堯撒汪隴帶麻阿扛包往由甘講翁苗瞎子等或被生擒或被殺獻其餘附逆兇徒俘獲者以萬餘計臣又恐逆苗遽出箐外復卽令總兵焦應林署副將壽長內外設防分佈嚴密復傳諭衆苗罪輕之犯得擒罪重之犯自贖由是醜類互相擒拏彼此舉發雖比鄰族黨父子兄弟之間不敢容隱護庇一人是以幾經肆逆兇苗自揣必被擒獲四無去路有

彼此交縛赴營乞降者有自知情急自盡者其迫於饑餒斃山林惶遽奔竄投崖身故者不可勝計自四月初旬起至五月中旬止牛皮大箐之內暨四旁巖穴林木之中往返嚴搜悉無藏匿新疆一帶軍務已竣隨飭令回兵辦理清江下河兩岸苗寨並台拱所屬之大小兩江以及凱里清平黃平施秉一帶餘孽查新疆之苗甫歸王化猶可謂野性未馴內轄熟苗受國家深恩百有餘年乃敢附和逞兇無所不至乘此兵威大震之時若盡力掃除可使不留遺種第苗寨種類不一善惡判然必當詳慎區分以期無枉無縱其有寨小丁弱並未附逆逞兇比聞大兵進討卽能遠赴行營泥首歸誠隨師效力者從權安集招撫此時不宜擾累其或雖經附逆未敢抗拒官兵投誠日久應役恭順者務令將該寨所有兇苗逐名擒獻鎗械全數收繳方准量行安插至於首先從逆樂於附和或妄稱官職或代佈文告有一於此必應勦除固不得以現在畏憚之情形卽可稍爲

寬假臣將內地各苗寨詳加考核分爲首惡次惡脅從三等指示鎮將弁仍專委署貴州提督王無黨雲南永北鎮臣劉永貴貴東道宋厚貴西道劉洪督率辦理嗣據陸續呈報清江兩岸之九甫繞號躡賴反受南孟培鳩柳受往刀柳寨等三餘寨清江北岸之抱金絞狂平夏高坵台革者磨柳羅等十餘寨附近台拱之苗江稿武革東稿貢等十餘寨又大小兩江之八梗舊舟望虎總場等十餘寨附近施秉黃平之龍場白壩革夷山乘附近清平之翁丙妹各逆寨皆首先附逆罪大惡極斷難寬容俱已掃穴犁庭斬馘殆盡復駐劄凱里之廣羅協副將周儀駐劄黃平岸門之台拱鎮標遊擊邱中瑞駐劄施秉新城之貴州提標遊擊董國棟駐劄勝秉之黃州協副將姜熾曾先後呈報所有內地未盡餘孽或據役撫苗人自行擒獻或據被害土民指名控告俱已詳細查拏審實正法並無一名漏網又古州鎮臣韓勳回兵朗洞沿途將月姑元賽八輪盤嗎高定翁脚唐流

九衣斬牙高猫邑王等二十餘寨或因其餘孽未清或因其獻兇遲玩俱經勦燬又據高雷廉羅鎮臣譚行義回兵滾縱將滾縱之火燒仰黨喬扣三寨因其庇兇不獻復行嚴加勦洗又據都勻協副將都勻府知府孫紹武等回兵八寨將番仰番槓番翁羊堯擺卓牙門羊牌羊烏等十餘寨嚴加勦懲又據署四川川北鎮臣王廷詔署副將壽長以桃撓烏疊爲丹江第一惡寨雖兇苗已多擒斬尙有兇首枉洞蕭撒二名未獲去歲殘燬小丹江營汎罪難輕恕復加該逆寨痛加勦洗又據署副將壽長台拱鎮標遊擊尹成宗報稱排咱落翁鳳黨台盤打革弄賽趙舍世柳等逆寨去歲傷害排咱汎官兵罪大惡極復將該寨嚴行勦燬又據高雷廉羅鎮臣譚行義上江協副將王耀祖古州同知毛振翎都江通判鄧瀾等以上下兩江苗寨上年雖未附逆但各寨鎗械甚多當趁此兵威勒令繳獻旋據各苗寨呈繳鎗刀器械等項共數萬餘件又據九谿協副將李椅惠州協副

將馬成林清江通判蔡時豫以九丟互且柳拉等寨去歲首先附逆嚴加勦燬查自六月中旬起至九月止所有新疆內地從前未淨餘孽掃除罄盡其現存者皆逐名查訊悉無正兇贖逆分明威信昭著各路鎮將文武先後稟報軍務全竣到臣臣先由凱里移清江遂自清江前赴古州經由上江八寨丹江一路仍回凱里沿途查詢各路軍情悉皆妥竣臣查新疆內地附逆悖叛者共一千二百二十四寨悉經勦燬痛加殲除其餘三百八十八寨係寨小丁弱致被迫脅姑免燬其巢穴仍令將該寨所有附逆兇徒全數拏獻方准贖罪統計臨陣斬馘者共一萬七千六百七十餘名臨陣生擒並順苗擒獻贖罪者共二萬五千二百二十餘名口內妄稱名號或僞署官職首惡要犯應解省質審者共四百餘口審係拒敵官兵燒劫村寨法無可貸即在軍營梟示者共一萬一千一百三十餘名所獲逆苗家口審有稍可矜疑者卽行釋放安插外其逆犯家屬例應充賞爲

奴者共一萬三千六百餘名口其臨陣鎗炮中斃未及割取首級圍寨焚燒投崖自盡以及餓斃山林者實不下數萬收獲炮位鳥鎗共四萬六千餘件得獲米穀牛馬畜牲無算是役也仰賴聖主恩威遠播諸將士戮力同心兼以楚粵滇蜀各鄰省封疆大吏等公忠體國疆域不分籌餉備兵有呼必應士馬飽騰兵力充裕是以指麾如意所向無前該逆苗等經此大創始極畏懼知山箐之深險不足恃兇悍之伎倆無所施國法不可再干天威不可再犯臣查逆苗等性雖反覆人實愚頑所以屢肆跳梁皆由於不知法紀若不開其愚蒙明白曉諭縱使極逞兵威多行誅戮亦屬無益臣自上年抵黔以來仰體皇上如天好生仁威育物之至意每次遣將發兵總期昭佈恩威聲罪致討不許誘擒襲取妄誅老弱善惡既分良頑攸判是以倡謀黨惡雖擒斬已有數萬而區分甄別實未敢妄殺一人逆苗等亦曉然於兇惡爲匪者乃自取誅夷良懦守分者必不致波累臣自

清江前赴古州沿途查勘已撫苗民見其泥首道左俯伏環迎咸有畏懼  
悔艾之誠決無反側不安之意兇逆殄除軍務全竣所有各省官兵自應  
撤令凱旋查黔省山高風冷暑雨不時各省來黔官兵率多不合水土其  
有染患病疾者先以陸續撤回今軍務雖經告竣辦理一切善後事宜尙  
須留兵彈壓臣酌留楚粵官兵三千貼防外其餘並令照依各省程途遠  
近先後按撥全行撤回查各省官兵遠來協勦克著勤勞屢次欽奉諭旨  
令臣詳記檔案俟事定議敘分賞今軍務已竣例應將在事奮勇官兵等  
次並陣亡帶傷弁兵等詳造確冊送部核議至臣以至庸極陋之人由知  
府微員荷蒙世宗憲皇帝高厚殊恩擢至貴州巡撫苗疆重務臣既冒昧  
從事而一切經久章程全未籌劃妥備彼時規模粗定仰蒙世宗憲皇帝  
天恩念臣奔走微勞勅部議敘賞職迺臣甫離黔疆雍正十年台拱遂有  
圍困官兵之事迨至十三年又復大肆猖獗擾害內地世宗憲皇帝懷保



萬方本欲奠定黎庶而臣經理疏謬反致重困黔民貽累隣省捫心自問罪實臣始上年卽欲具情陳請緣正在辦理軍務未敢仰瀆天聽今軍務已竣竊謂賞功罰罪聖朝之法紀攸關伏懇皇上天恩革去臣都尉世職並將臣交部嚴加議處以爲人臣承辦地方要務冒昧疏忽者之戒伏乞睿鑒施行

### 苗疆義學疏

爲敬陳學政事宜仰祈睿鑒事竊臣看得黔省雖屬遐邊叨蒙聖朝休養德澤於茲百年民物歸繩人文日盛所以內地熟苗觀感興起皆知從師受學出而應試仰蒙聖恩特設苗籍取進之例現在每屆科試於各府州縣有苗童取進生員一二名者不等以示獎拔因之此外生苗率皆聞風嚮化稽首歸誠共附版圖咸蒙樂利是誠我皇上仁威遠播治化攸隆默喻潛移有不期然而然也今陞任學臣徐本條奏新附苗生旣爲良民其

子弟亦思上進請照東川湖南之例於苗人就近鄉村設立義學課讀經史數年之後果能赴考附入內地苗籍一體酌量錄取等因臣查苗人亦屬血氣心知之倫茲幸霑沐聖慈概予招徠共爲赤子總計上下兩游新附苗疆延袤二千里人戶不下數十萬並經題請安設營制以資防維酌立耑官以司教養於撫導綏戢之餘必當誘植彼之秀異者教以服習禮義庶幾循次陶淑而後可臻一道同風之效是所設立義學訓誨新附苗人子弟實爲振厲苗疆之要務茲據布政使司布政使鄂爾達議詳前來臣等復查上下兩游新闢各處苗人種類不一如上游附近安順鎮寧等府州地方者則爲狃苗其下游附近都勻鎮遠等府州地方者則爲黑苗附近黎平一邊之古州則爲洞苗俱屬生性犷悍習俗野頑從來未經聲教所及至於永豐州向係廣西泗城土府之地所轄土民原非生苗可比因土府陋習恐土民向學有所知識卽不便於彼之苛政不許讀書以

致忝頑竟與生苗無二是此等苗民既已頂戴皇仁一旦出諸水火而登之衽席則教養訓迪之方必不可少惟是苗民向化伊始其子弟就學者爲數無多兼之苗寨凡有漢奸往來正當嚴禁若因課讀而遂使生儒等居停於此設或一時選擇不得其人該文武稽查有所不周卽致生事以及永豐州地面尙有烟瘴之處人亦憚於前往是以臣等酌擬似應先就已安營汛之處分別苗戶多寡各爲設立義學使之課讀俟其逐漸觀感依向愈殷然後隨地分設庶資實效也查下游附近黎平之古州已安重鎮周圍苗戶繁多應設立義學二所附近清平之大小丹江附近都勻之八寨附近鎮遠府之清水江舊施秉又上游附近安順鎮寧等州縣之擺頂威遠等處均有安駐將備等官各應設立義學一所責成新任同知通判統爲稽查董率其事永豐州志係在珉球而册亨羅斛乃州同州判分駐之地俱安設營汛在此三處各設義學一所責成該知州州同州判就

近稽查又永豐州已設學正一員既尙無應試生童可以管束卽將該三處所設義學交與該學正董率勸導至課讀之人應在附近選擇老成生員前去所需設立義學館舍及每年修脯等費俱係臣等酌捐應用無許藉端派累苗人除俟各處營制安駐已竣卽爲奉行外但訓課此等苗人非同內地俊秀要在開其知識使漸曉禮法應於每年義學俱先將聖諭廣訓逐條講解俾令熟讀然後課以詩書於苗民子弟中能勉力趨學日就領悟各該管官不時稽查隨予嘉賞並將其父兄一體獎賚以示鼓勵數年之間有稍識文義者卽送該管官申送學政衙門考試仍仰懇皇上天恩准令學臣不必入在向定苗藉之內祇就此新附苗人子弟中酌取一二名以風苗衆庶彼見有進步之榮而久之咸切觀感之念陶以文教消其悍頑於苗疆治理不無裨益皆出自聖主訓俗牖民之至意也臣謹會同少保雲貴廣西總督臣鄂爾泰貴州學政臣晏斯盛定議合詞具題

田雯

濟南人著  
貴州巡撫

朱砂

自馬蹄關至用砂壩十里而近自用壩至泮水熱五十里而遙皆砂廠也  
泮熱之砂爲箭鏃爲箇子用壩之砂爲斧劈爲鏡面此其凡也采砂者必  
驗其影見若匏壺者見若竹節者尾之掘地而下曰井平行而入曰塋直  
而高者曰天平墜而斜者曰牛吸水皆必支木幕版以爲廂而後可障土  
者鋪錘斲斧鑿之用靡不備焚膏燭入蛇行匍匐如追亡子控金頤而逐  
原鹿夜以爲旦死生震壓之所不計也石則斧之過堅則煤之必達而後  
止有狡獪焉象王焉於菟長離焉則大幸矣否則枯樵焉篋數焉簪珥焉  
要亦聽之靡而重者爲砂寶伏土中啾啾作伏雌聲聞者勿得驚驚則他  
走凡砂之走響如松風無巨無細咸以晶瑩爲上柳子所謂色如芙蓉是  
也方其負荷而出投諸水淘之汰之搖以牀漂以箕旣淨囊而壙之不卽

乾口以吹之其水或滫之池或引之竿越崗踰嶺涓涓天上落也獲之多寡  
眊眊庫命地之啓閉眊庫時砂之楛良眊庫質不可強亦不可恆也銅仁  
萬山葵川板廠皆有

附賦 考夫銀燭流於朱提銅山啓於吳會合浦有夜還之珠番禺有醋  
潑之瑁精鏐美盪林邑螢飛黃鶻青雅錫蘭流遺西域之首蓓葡萄南  
粵之珊瑚翡翠莫不居之爲奇有以爲利至若丹砂之名首見禹貢與  
砥砮而稱入髹漆以成用鐘乳質近而形分紫璘性殊而貌並烹而  
煉之絳雪瓊膏餌而服之十州三洞術傳鴻寶鷄犬昇雲書秘枕函杖  
藜照誦稚川勾漏是求香山廬峯見弄衛公以之檣羹昌黎因而兆夢  
石可點兮逋償金可化兮采送訪邵陽之巔遺井尙存過洞庭之埜鑄  
鼎猶頌匪恠匪迂宜愛宜重于稽所產不一其鄉二酉之麓間出湯池  
之下深藏雖習聞而未睹今乃見於黔疆阡江盤水葵邑銅崖或可握

而可採然忽閉而忽開未有若開陽之夥者也於是奇贏之徒廢舉之士指煙嵐以爭趨驅舟車而來至相與募保傭工畫壤列肆追一線之蝮蛇探重泉之幽窟盤高支而忘天脂親費以覓地悵曉夕之莫知置死生於非意乍吐微鋸儼獲大貝雜土石以同居寢礦牀而酣寐或如矢鏃或如斧劈或瑩如鏡或黯如漆韎韐比光火齊較色燦矣霞披歛然榴滴是稟離精聿鍾火德細若輕塵巨等拱璧曩魄陸離尺量斗計謂之砂寶辟邪魘魅豪客名家連城肯易鋪入畚出梯升縵墜附蠟引獠擔肩負背載檢載披且淘且汰審厥楛良別夫族類此什襲而韞藏彼貿遷而罔市別有沿邨埜老接澗孤茨措斗引竿澆末拾零足浸溪而蝕趾目注粒而損睛波濤爲之盡赤襟袂爲之頓頽荷錙銖之可取雖纖忽其敢輕爾適作灶興鑪置碾施杵研之則我朱孔陽蒸之則揮汗成雨學團璣之走盤任點易而滴露更呼爲汞改號曰硃其實則一

其變則硃噫噓嘻此一物也既不足充耳目之玩乃妄傳服食之神以致多搜索於官牒遂視爲希世之奇珍使者不言神仙顯下令而長禁砂其莫產山谷何爲苦此一方民

丁煒曰物之寶者取之必殫其勞采砂之法約畧與采金同嗟夫天地生物本以利人迨采者既竭而求者未厭則利適滋害矣再讀黔行紀程詩采砂淘金二謠幾下捕蛇之淚

### 硃礬

灶有大小釜亦如之大者容砂二十升離而爲十層次入之間以穉糝布陳汞灰於其上治以杓中凹而圍凸覆以釜差殺之椽鹽泥而塗其唇築之乃煨之凡一晝夜而汞成滴滴懸珠滉漾燿燦皆升於覆釜之腹小者以煎砂石相錯之巖子既實之掩以筠籠籠如篩塗以泥豆其孔以疏氣者四孔則周遭槽之穴其上覆以小甓亦鹽泥固之而後煨炷薌可成汞



登於甕溢則注於孔之槽俟其性定挹而注諸豕脰裹而縛之乃可行遠如或傾之斂之以椒聚集如故啓釜甕者必舍醴或鬱汁乃可邇不則觸其氣而齒墮已成汞而升之復可爲硃不忘其本物亦有然者矣又有自然之聚生砂中不待烹煉而成者尤不易得羽化之資糧也

丁煒曰升汞事極瑣細入古雋之筆始知九還御頑鑽皆可成金

### 雄黃

產安籠之這興邇於粵採之法易於砂塊者爲上末次之皎者爲上黠次之卮榼仙佛皆可鑿塊不恆得則聚瑣屑而媿之媿之之用爲茅膠茅膠者薯蕷之別種不可食者也其汁若糝漆可以合離而萃渙黃有雌有雄雄則皎雌則黯矣古人點讀之誤抹以雌黃人之講張爲幻者率類是故曰雌黃其口而春申君以之塗堂故曰黃堂蒲觴藥物取諸是辟惡而除毒也虺螫見之則骨靡黃之精爲至寶其光可奪日佩之宜男賈是用售

連城不足多也

丁煒曰簡勁如古菱疏陸離之光黃精長色

蘆笙

釋名曰笙生也象物貴地而生以匏爲之其中空以受簧是爲匏笙女媧氏之笙也記曰絃匏笙簧黃帝命伶倫截蟹谷之竹雌雄十二以象鳳凰之鳴形似鳳翼故又曰鵝笙爾雅曰大笙謂之巢小笙謂之倫又云笙之大者曰竽則又可稱竽笙矣鹿鳴之什曰吹笙鼓簧笙必有簧猶喉之有舌也語云調鳳管炙鵝笙簧必炙而後鳴物必暖而後生也古之善吹笙者緱山之事杳矣不意得之蠻荒每歲孟春苗之男女相率跳月男吹笙於前以爲導女振鈴以應之連袂把臂宛轉盤旋各有行列其笙截蘆爲管者六通其節而櫛比之長者四尺以次而殺短至三尺參差若羽竅其短者孔六以達於長以指捫之而又截竹徑尺衡縮於六管之銜而吹之

一呼一吸聲若鶩鵝之瞭漢每至看場既圓歡情欲洽則遲其聲以媚之  
長管之上冒以匏短管之中置以簧簧用響銅爲之恆用火炙亦古制也  
前人詩云管清羅袖拂響合朱唇吹人情應節轉逸態逐聲移苗俗固不  
嫻音律而其應節之轉逐聲之移則又甚善余覓而眎之其狀如此

丁煒曰天地中聲自在人心荒裔遠巨截竹于喁亦自成聲應節豈非  
莊生所謂天籟乎異時采白狼慕義之歌試以蘆笙吹而進之當編入  
鞞鞞之科傳此盛事也

劉欽

黎平開  
泰縣人

### 防邊議

按渠陽沿境諸夷種落大概有三曰生苗曰熟苗曰洞蠻生苗者自古不  
順王化熟苗者或梗或附向背無常此皆有苗遺種之滋蔓者也其曰洞  
蠻者乃槃瓠之犬種間有姓氏同華人者則省地郡縣歷代逃竄之餘孽

耳但蠻之與苗言語皆俗各自不同然皆從古無大豪長或千人團譁百人合款紛紛藉藉不相兼統蓋族不一其心多疑徒以盟詛要約終無法制相縻往往輕聚易散故其兵利於疾戰而不利於持久時或作逆唯恃其烏合之衆欲以徼倖求逞而已吾輩制勝之方貴在以逸待勞以飽待饑來則清野堅壁以挫其鋒去則伏兵險隘以乘其釁所謂避其銳氣擊其惰情此則十全必勝之算也何則夷人每喜自相仇殺以爭鬪爲常事而吾國中用武者少兵無所試或至妄戰怯鬪是以野合交刃決勝當時此夷人之所長而中國之所短也矢石交乘堅守罔懈此中國之所長而夷人之所短也洪武開邊時深知其然乃分疆布棚築塢以居大曰衛小曰守禦所曰堡曰屯各據形勢要害益其咽喉遇其侵犯則互相犄角以應援故當時宣諭邊防武臣曰自古邊地築衛城署千戶所其首務要在城高池深所以然者恐敵衆而我寡必督兵固守以待救援方今守邊者

全家居邊若平日同寅僚佐人人同心葺理城池置守備具其來寇若衆  
我其堅守以待彼必老其師頓於城下救兵一至安有不俘獲者耶昔漢  
光武當四方平定之後詔諭將吏凡料敵戰守不拘以逗遛法論者謂其  
不獨知兵之要亦足見不貪功之意宜綱目書以美之聖諭與之合益信  
中國禦夷之道守備爲本非攻戰爲先也

胡定之

黎平開  
泰縣人

### 平蠻議

嘗謂孔明有王佐之才而功業之成止於霸何歟蓋不嗜殺人者王也殺  
人安人者霸也在因乎時而善用之耳時可王而王則王時不可王而王  
則必至於亡孔明以不殺人之心行殺人之事亦時之無可如何而非心  
之得已也如受命南征馬謖教之曰攻心爲上服其心則服蠻貊矣孔明  
曰公合我心夫孔明之心豈不欲昭宣漢德傳檄而定之哉無如恩綸下

而蠢茲不服矣文命敷而逆命橫行矣甚至驅虎豹而戰之擁藤甲而襲之此時能敦仁講義而位偃草從風哉勢不得不變計而從事於殺也雖然擒之者義也縱之者仁也孔明之於孟獲擒而復縱殆仁義並行王霸互用者歟厥後歸命投誠乃曰南人不復反矣心誠服矣殆先以殺而服其心心服而殺乃不用矣如使孔明當日不嗜殺而心自服也何瀘水之度鬼泣夜臺盤蛇之谷甲無遺類耶今天下幅幘一統矣苗民遺類散布於五溪十洞之間以一隅言之其類似在王化之外合四方觀之其類實在省治之中一有竊發四境不安議平者遂執攻心爲上之說奉爲龜鑑而不可易不知至頑者苗也非可以理諭也至驕者苗也非可以德化也惟勢之所在則必降心戢志焉卽非征勦之不能者雖然平苗與平賊異賊之爲賊亡命是聚習騎射多智謀若夫苗文教未通草標木刻能決勝千里乎家無宿春也裹糧負戴能度支不匱乎勝則烏合非有恩義相結

敗則獸散亦無法紀相繩能旅進旅退險難不移乎且性多疑忌反間易行也俗尙貪鄙小利易誘也倖勝則追逐不已可設伏以擊之潰敗則鼠竄莫支可出奇以邀之豈非察敵之俗以破敵而敵無不摧順敵之性以制敵而敵無不勝也哉昔孫可望居滇黔他政皆無足齒獨制苗有法鷄犬不驚者數十年故陳琳征皮林雖勦撫並行而亦不輕加以德故享安靖者七十八年書曰殲厥渠魁脅從罔治何今並渠魁而罔治之也所以不數歲而一叛者未始非仁柔階之厲也後之議平蠻者倘不因時制變徒慕王道服心之名而姑息長亂吾恐始也黜霸以崇王繼也反將黜王以崇霸也不已爲公孫僑之所竊嘆也哉余也生斯長斯閱歷多而黠練熟非謂仁不足用也爲偏於仁而忘夫義者辨也

### 苗蠻部落考

苗蠻不可不爲之所也而種類尤不可以不辨東晉夷西曰戎而南則曰

蠻謂之蠻者以其不通文教而其舌若缺也考其種類所自其事不雅馴而野史相傳以爲黃帝時有犬名槃瓠蚩尤亂嚙其首以獻負帝女而南生男女各六自相爲配種類蕃息自湖南以及交趾其夷族通曰南蠻皆槃瓠遺種也在楚曰獠謂足不履公廷遙相控制而已故爲獠不具論若黔之苗蠻爲類不一有曰獠曰猺曰獠曰獠曰獠曰獠曰獠曰獠之殊要亦或因其風俗之所成與性情之所近而命之名也然名皆從犬其亦不忘槃瓠遺種之謂歟獠者其俗出入以革衛身故曰獠又曰猺謂其貪乞無厭之意也猺者其男女未三十而色敗且耐老而壽故曰猺獠者性愚昧無知若童蒙然狃者其俗善弩箭好投石所發多中以是名狃俗呼野豕曰獠能與虎鬥號曰獠取其威猛之意也樸實無文者莫如農因其性樸拙而鮮詐僞乃稱獠焉若獸之輕利疾便者莫如貓若也足捷而身輕履險如夷故亦曰貓以其爲有苗之後又曰苗今從之諸類皆有名而無姓其有



姓者係中州之流落成苗也水西以上又有所謂羅羅者蜀漢時濟火從孔明征孟獲有功封爲羅甸王卽安酋遠祖也部屬有姓羅名羅者其裔甚蕃因祖諱以爲號通謂羅羅俗尙鬼又名羅鬼要而論之獬狔獠獠獠獠羅羅者部落在貴陽之上愚而戀主雖虐不以爲仇且鮮叛志所謂苗者部落在貴陽之下自平越都勻以訖黎平凡府八苗蠻各居其半其類有紅苗黑苗花苗之不同總以服色而變易其名耳其近府縣爲熟苗輸租服役稍與漢人同不與是籍者爲生苗然生苗多而熟苗少其俗險而健黎苗更甚不數年而一變但其輕褻易散好鬥一敗則披靡不復振予小利以誘之則奮身爭取雖有禍而不知顧震以威則貼然共服字以恩則漠然而不以爲德孫可望蟠踞滇黔他政無可齒獨苗蠻風行草偃路不拾遺者數十年殆以威治之而不輕假以德故也似亦彷彿乎子太叔殺盜止盜之意歟

胡正舉

傳詳人  
物志

重修雲南順寧登瀛橋記

順寧郡城居萬山中山泉百道匯而爲溪自東北環注於南奔流奮迅廣不容船亦深難蹇裳而適當雲緬往來之衝每值夏漲秋霖咫尺有望洋之嘆昔人曾建石橋以資利涉咸豐間以兵燹毀肅清以後旋建旋圯前縣鄧鄭兩君相繼而經營之其爲勞費已非少矣丁亥夏積雨兼旬橋復圯於水舉適承乏斯邑則方竣鐵索橋之工民困於財又困於力勢頗難以興作究不得以勞力傷財故終任其墮頽而不謀紹修所幸江橋餘欸存四百餘金尙可藉以始事因集士民與謀曰民捐不必再議也而寺廟之餘租或可酌取之以濟不足民力終當藉資也於近里之編戶尙可均徵之以使從公其有好善樂施者聽之作僞避役者懲之庶幾可觀厥成乎僉曰可於是鳩工庀材度地面勢岸不欲其狹則微闢之使寬所以紓

水勢也石不欲其削則全易之以厚所以固基址也慎終於始積日累勞斯時之率作興事則陳羅兩明經也度支徵發則胡趙兩茂才也程功監理則李楊兩汛防也而一切之指示機宜審量規模者則副我李公春圃之匠心爲獨運其間之隨力樂助者不乏人子來趨事者無難色財雖費而不擾力雖勞而不怨高於舊者三之一寬於舊者五之二遂使虹腰永垂鰲背穩跨爲城南之大關鍵焉愚以謂心之所至力卽赴之力之所萃功卽隨之是役也實由諸君子好義之一心乃能集衆力而成善功且以上繼前徽下垂永利也至其經費之出入工役之多寡董其事者固不難核實而勒諸貞珉以質諸衆庶而無庸贅及者也橋成于君春霖秋捷之報適至遂名以爲登瀛橋云時在光緒十有四年歲次戊子孟冬月

羅平州孔氏家譜跋

時權羅平州家  
孔氏族長請撰

羅平之北有魯特鄉倚山面河自成村落佳蔚之衆遙望氣而得之近村

則平疇沃野宜麥宜禾居民田廬相接出入息有古井田廬舍風一村百數十家而孔姓居其半甲申秋余因履勘至其地止宿孔氏宗祠宮牆巍然規模舊頗宏敞茲則頽宇三楹聊蔽風雨是因兵燹後僅存之魯靈光也夜雨挑燈有耆儒孔昭然者曾見德貌藹然詢爲孔氏族長語次出其宗譜相與觀按牒以稽則源遠流長支分派別固曲阜之餘裔其入滇隸已三百餘年於茲矣繩繩繼繼書香綿延登科第列膠庠者代不乏人於以見聖澤靡涯而食舊德者之非偶矣然余尤有望者夫爲聖人之後而不能備聖人之德立聖人之功人或可爲我恕也爲聖人之後而不能守聖人之訓率聖人之教人實難爲我寬也孔子之垂家訓也曰學詩曰學禮蓋學詩則事理通達心氣和平而一切暴戾恣睢之習自消矣學禮則敬慎不敗退讓不爭而一切競凌怙侈之私自化矣又况偃屨巡墻三命益恭載諸鼎銘尤有宜循之家法乎爲人子孫聰聽祖考之彝訓將見



骨肉更多喪亡乙卯而長子歿次子殤祖父既辭塵世母氏又返仙鄉一門半罹患於寒陽然猶幸大椿無恙老父健強省垣重親色笑彌殷殷於視膳燂湯方謂強移棲息相安於几杖之旁也夫何降割方酷家難未央癸亥而慈父見背終天抱恨無限悽惶甲子而來慶不祿復思子而斷腸以及戊辰庚午無歲不慟哭兒女而淚債迭償既而天銷禍亂世轉平康幸故國之可復共回車以相將而余適鄉榜之倖捷就北道以觀光繼假館於榕城仍旅處而奔忙凡所爲披荆棘築垣牆闢蕪穢督耕桑無不賴官人之贊襄乃甲戌而生二妹乙亥又歿桃芳屢阨而猶有餘殃皆宜人所憫心疾首而難問於被蒼者也迨庚辰又會試幸雁塔之名揚始通籍於廊廟旋出宰於益梁由是權建水署羅平邀順寧之真除赴蒲旬而趣裝蓋莫不相與偕行而宜人皆歷勸以爲吏之循良自時厥後壬午而引弟生癸未而三妹生乙酉而四妹生雖屬女子之祥胥視爲一體而保愛

周詳胡丁亥之夏秋又二女之並戕人以憂而易老共返棹於瀟滄計謀  
歸而滯滯身隨遇以徜徉究免俗而未能撫螟蛉以慰望爲弱息而相依  
喜佳偶之相當方心願之稍遂而二豎忽又肆其披猖始則河魚疾苦繼  
而痿痺枯僵難挽救於醫藥莫解免於祈禳一病久經三月而大夢竟入  
黃梁已焉哉數之所定死亦何妨惟此繞膝之寂寂未免含恨於茫茫凡  
逆遭之相累皆藐躬之德涼冀前緣之未斷期再世與頡頏茲值幽明永  
訣殷爲餞奠一觴果靈爽之有知其欣欣而來嘗尙享

祭內文代作

嗚呼冷月浮陰嫋嫋簫聲咽鳳輕塵積翳沈沈鏡影封鸞玉瘞而色黯幽  
泉香埋而悽增茂草朝飛有雉舊侶誰招晚唱來蟬離音自譜情天之缺  
莫補恨海之深難填有不愴懷邱屋慟絕安仁惆悵人琴神傷奉倩也乎  
繫惟靈也坤貞秉厚巽順天全蘭蕙同根生成慧質槐花伴繡育長清門

牽膝下衣裾聽從婉婉辨指間絃索流露聰明夜月幾絲女紅自課家風  
荆布儒素同安柔嘉著而壺則昭溫惠兼而德音播斯固寶家有女入選  
久重張屏雍伯求婚締緣必先種玉者矣爾乃求本寤思作由天合兩家  
宦迹滇海同舟萬里仙源岷江共派孟堅有女弟許曹叔而降心相從蹶  
父重婚姻爲韓姑而相攸戾止蓋自鏡台既下鴛牒定祥固已琴瑟遙臨  
鸞和奏雅俟著不於我尤宜家爲之子詠時則點額粧成梅花度曲同心  
帶結艾綬增華焉則見三日入厨職親盥饋五紋添線勞任箴級謂禮缺  
執笄姑遙拜而彌歉罪風欽舉案婦竊願而未能謂何有伺亡求能黽勉  
謂偕臧偕老遇可隨安凡內則之素嫻已家政之克理洵所稱佳偶曰妃  
幻爲窈者也夫何人事乖迕天道渺茫羅敷方謂有夫曹娥倏悲喪父憶  
蜀關共發憐女忘行路之難忽昆洱少留呼爺失寒帷之愛仰天一慟血  
與淚俱積日長號身餘骨立不必侵體疴沉久已殉親志決於是纒絰歸



來微存一息遂使玉釵飛去永訣三生矣嗚呼炊臼有占妖夢竟踐鼓盆  
自遣矯飾何安况復黔婁既嫁有家嗟百事之乖元稹尙微營奠乏萬錢  
之俸謂我何心於卿能忍今者天涯淪落形影相憐歲月浸馳年華自惜  
錦江花落年年恨引啼鵲巫峽雲寒處處聲悽猿嘯愁縈香草何地招魂  
潔薦芳蘋無言寫恨果默默而鑒遠勿珊珊其來遲尙享

楊超儒

傳詳選  
舉志

官經畬暨周氏合墓誌

辛丑孟冬露亭夫子修太老師暨太師母之墓於展良山之陽徵志於儒  
以儒生同時居同井受業有年能悉其家事秉性鯁直不知習爲諛詞且  
素有景仰心故不敢辭而爲之志太老師諱禮字衷和號經畬行二又行  
七太師母氏周露亭先生係其長子號象埜名永淳六世叔次之經畬公  
居廳城生於乾隆乙酉年十月初五日未時卒於嘉慶庚子年十月十一

日丑時儒生也晚已不獲見公之爲人成童就傅時先父母呼儒而訓之曰廳城人情渾樸吾所契慕者固不乏人惟經畬官七公朝夕與居其立身制行處已待人吾愛之重之願汝曹效之因舉其處家庭能篤孝友教子弟必事詩書欲世世子孫不失爲讀書種子並一切嘉言懿行諄諄焉爲儒也告癸酉甲戌年間露亭先生尙未入泮先父命儒執經而從事焉請業之餘每以不及晤聆經畬公誠爲憾猶幸太師母周孺人尙存而晨夕得聆慈誨也孺人生於乾隆辛卯年七月十四日丑時卒於道光甲午年十二月初八日丑時二十三日附葬於經畬公之左蓋本禮經地道尙右之義故公居右回思居露亭先生門下時見孺人舉止莊嚴不苟言笑並聞其佐經畬公侍太孺人處兄弟間小心將事惴惴若不及宗族鄉黨稱之經畬公棄世後貞節自矢而家務並不及中人之產孺人飲冰茹蘗惟以義方教露亭先生輩先生恪遵母訓經理家政不棄教讀偶有事去

一堂子弟不敢廢時失業恂恂然各務所學而無不成就者則孺人督責之力居多戊寅歲試先生卽領袖膠庠象莖世叔亦能分任賢勞家道昌熾孺人持盈保泰顧而樂之如是者殆廿年此孺人之可法可傳皆孺人之所親承而素識者迄今鳴虞世兄名紹臯者復相繼遊庠其前程均未可量目前景地經畝公周孺人雖不及身而享而厥後克昌諒必共含笑於九泉矣孺也不文未能備紀其言動而屬茲書不敢使公之盛德孺人之貞操有遺典策擬將來修廳志時再備述其大節載之簡編以垂久遠而昭實錄爰勒斯銘其詞曰 聖有謨訓惟德動天如公造詣追踪前賢旣行立名古心自鞭讀書有種忻然陶然周太師母植節尤堅持盈戒溢式禮莫愆培蘭毓桂榮茂庭前祥鍾吉壤億萬斯年

陳步瀛

傳詳選志

遊迴龍井序

己未歲季春月之中旬有友人談及迴龍井其水出沒不時並有聲若擊鼓然予聞之似近於妄然天地間無奇不有故未敢指爲妄因此不釋於心欲一往觀焉及得間偕同人以往是日也風和日暖清爽宜人由城南過金鐘山有一小溪緣溪行左右良田萬頃耕作往來不息睹之怡然不覺其倦可三里有一山橫截於前小溪之水繞山而出友告予曰山之下百步卽至也河之上亦不百步卽迴龍井也予等至時其水漸回入穴中有聲鏗鏗然如擊鼓之音故又名打鼓井五分鐘時點滴不見矣坐至十分鐘時穴中忽有聲若震雷聲止水卽奔湧而出其水清而無滓微帶浮沙約三分鐘仍如前漸消矣詢其歷史自古皆然友人曰名稱不一恐後之有意遊觀者不知其實二而求之反以生疑宜改稱之以一其名可乎予曰不然斯井也斯名也由來久矣若改之則生疑轉甚兩稱之故繁一稱亦未盡善可合而稱之名曰龍鼓井庶使後之人因其名而考其實俾

斯井斯名與天地同不朽而後之遊觀者亦易於尋跡不亦善乎予因之有感矣若夫待雨而後盈滿者吾知其無本也春夏漲而秋冬枯者吾知其源之不深也斯井自有天地以來未嘗枯涸其本源之深長不問自明但或漲或消令人不測人以爲奇不亦奇乎雖然奇近於怪見之者固以爲常聞之者必疑爲怪既名爲怪反辱斯井矣若不釋此疑團必致吾邑特出之佳境辱於悠悠者之口可勝惜哉凡天下之物莫不有理惟於理有未窮故其知有不盡也如細心以求之雖不得其真亦不流於怪易曰山澤通氣氣旣通源大則大流源小則小流不至或漲或消令人不測矣竊思此井其流域必長其注水之處必廣出水之路必狹隘其中必積有最猛烈之氣動盪成波濤波退則水消有聲若擊鼓之音者回滴其水於石上耳譬如波退至北盡處無竅以洩其氣必回轉而南加有猛烈之氣送其波濤逼之以出故其聲若震雷出水之口復不能洩其勢則又退而

北矣比之潮水子時而南午時而北未有失其期者知潮水之有信卽知斯井之不怪矣謹書愚見以待宗匠

蔣中

傳詳職官表

### 八寨縣郡齋記

士大夫日居車馬喧闐之地與達官貴人相往還工酬酢酒食徵逐肩輿呵叱前有導後有隨冠帶送迎昕夕不輟一旦選清淨境或山巔寺觀或僻遠洞巖或瀑布千尋或蓬池百畝盤桓寄傲探竅討源未嘗不色然心喜及後來營一室構一宮久乎林壑岑寂之鄉姻婭不履其闥軒蓋不造其門與木石居與豺豕遊則又怫然於中覺向之暢悅襟懷蕩滌見聞者倏爾而變爲長戚戚似儻焉不俟終日抑又何耶蓋其德性未堅而不甘於詹定也憶昔先父官蜀任瀘州嘉明鎮巡檢二十一年調補按察司司獄九年調署富順縣鄧井關縣丞二年余未嘗不隨侍左右缺皆衝繁地

亦富庶余以翩翩年少周旋其間每思異日手假斧柯肯堂肯構繼承先志既而在本省則署鎮遠縣教諭在鄰省則辦洪雅劍州經徵局非不印纒纒綬若若而身當其境往來譙會似若以奔走之煩爲苦者良以仕宦之才既遠不若先父而獲上信友又乏先父之資望故弗克以舉重若輕也入寨官廨自滿清同治時前任司馬吳光鑿續修二堂之右隙地頗廣其外爲辦公室甫進一層有池方廣盈一畝架一敞屋爲船篷翼以欄憑欄有椅有几公餘之暇臨池遊眄俯察魚苗之泳游仰觀蜂隊之馳逐耳目有寄詠歌有託花則有碧桃月季紫薇戎葵芙蓉樹則有槐柳梧桐櫟桂冬青果則有石榴桃杏櫻橘橙柑草則有蘭蕙青莎苔蒟蕒凡四時雜卉之茂植風日之清和鳥雀之閒鳴蝶蟬之嬉唱靡不畢獻於庭階之下自余觀之自謂養尊處優嘯精吹和栩栩乎與造物游波沍微緘偃仰其閒渺不知爲我渺不知爲非我此中之樂未易與俗者道也所惜者同年

友歐陽湘蘅不幸早世倘天假之年得相與續修志乘於握管展楮時一  
敘斯邑民風之樸政治之節俾後之覽者藉游想夫俗美化淳之世豈不  
快哉然而不可得也可慨矣

致惠溥五弟感言

古之所謂有司者孔子以與人出納之吝例之夫出則出耳納則納耳必  
以吝之一意聞乎其間然則人有弗工於吝者不足以勝有司之任耶吾  
家世居播西隅里由明迄清道咸間閱年三百代更十數其先九世從事  
農業日不識丁自吾祖奉政公幼時九歲入塾年十五棄而課徒既壯在  
縣爲公務員積三十年勵行陰陽僅營居所於大士閣吾父通議公束髮  
授書咸豐丁巳入泮乃鮑穆堂侍郎督學黔中所進取者時亂年荒久停  
科舉知不得制勝於矮屋搗資遊蜀入賂文忠公乘璋幕府積勞保薦旋  
補瀘州嘉明鎮巡檢四弟念卿六弟恩普及弟皆生於嘉明任內維時吾



穉頗知嚮學甫七八齡握管學爲試帖及制藝破承題念卿及弟當時尤  
穉雖入塾每日不過畧識之無而已未幾吾於庚辰與思遜兄入泮丙戌  
念卿入泮己丑弟入泮均歲試新進科試食餼以家貧故每以授童塾開  
廩保爲糊口計吾弟兄又頻年娶室食指漸增吾固素竭才力以謀登科  
弟則不屑沾沾習舉子業仍橐筆赴蜀遊諸顯宦幕丁酉秋吾登賢書受  
善化杜翹生本崇東莞陳子礪伯陶兩座師知同考官爲黃岡授鎮遠縣  
知縣喻濟丞彼時弟旅蜀聞之躍然喜先時吾父以不獲坐補原缺旋里  
措資至是吾弟函促計偕入都赴部視察何爲以禮去官不得坐補司首  
領缺及吾於會試前後同鄰友楊馥宣文燧訪部書胡明齋澈查源委始  
知吾父服闋赴川候補坐失機會已非一次不然吳棟以一理番廳照磨  
何以克調按司獄吾下第臨出都諄囑明齋父子其子胡若逢川臬司獄  
孤缺出時無論川督以何人咨補皆以該省原有坐補人員指駁則吾父

之得復任不啻在吾掌握中者然果也吾於季夏末抵家延至仲秋弟由蜀函知吳棟以任滿推升自流井縣丞請父速出俾免再誤吾又函京胡明齋喬梓果然坐補吾父乃得由己亥至丁未九年之間秩晉四品并調署富順縣鄧井關縣丞年餘吾同胞五人只長兄忠普因病抑塞吾與念卿及弟一以引見授鹽大使簽分蜀一以入貲引見授知縣分滇一由吏部驗看授府經歷分蜀一以入貲指項驛丞補綿州魏城驛驛丞又堂兄思遜仍以引見授庫大使分滇除念卿與思遜赴滇外吾父以一司首領率吾弟兄三人同宦一省每逢春秋大委延頸企踵咄咄逼人弟乃簽呈赴渝聽差父遂掛冠告老開缺吾以考試列等奉委洪雅經徵雇舟送父母至嘉定吾卽登岸到差命恩弟隨侍抵渝又有弟在巴縣差次兼有孫玉珊瑚兄在巴縣典史任吾父母由蓉至渝之狀況昔疏廣受年老辭位於時公卿設供張祖道東門外車數百輛觀者歎息共言其賢往事具

在吾父辛苦一生至七十四而致仕榮莫榮於此矣所苦者在弟與吾二人吾今年六十八矣近二十五年之飽經憂患幾致地無立錫委順聽天以迄於今得過且過姑不具論獨弟在父按司獄任內鄔氏弟婦病歿生一子德震所娶劉氏弟婦生德孚甫二歲半而弟婦亦歿續配陸氏弟婦至吾在洪雅差次始成六禮洎吾調劍州經徵將近兩年因案被議弟攜眷赴射洪經徵差次值辛亥反正吾決意出蓉還里在途被劫弟得署鹽亭縣知縣任二年堂上甘旨未嘗缺骨肉困乏之濟未嘗慳父故遭喪匍匐奔馳之勞未嘗辭其瘁廿年來只此一任宦囊儲蓄以及簪珥之資料民十三四年時裘敝金盡矣弟以一人褻裒於長壽綦江間甲子冬又丁母憂復傾鉅資以營喪葬迨丙寅辦運軍米旋家遂尼於行經胡羽高縣長委任團防總理悠悠忽忽幾致怨叢一身不得已又售田業以彌補德孚獨山廬累始脫身以出川及庚午夏吾在正安幕接晉兒信知弟歸白

髮昆季別離太久急思反家互作情話適因正邑弗靖拂衣而行比抵舍作五日聚會風雨連床殊不易得撮影有記促駕赴筑八月始得一差分民政廳效用及至臘鼓寥寥家家準備迎歲得弟函得委余前所任之八寨縣八寨在清時爲都勻府屬同知分駐廳缺民窮官貧吾曩在任不遑具輿馬祭祀大典及巡行各區之外公出皆徒行官場候補人員視爲畏區弟以磊落才華抱負奇氣蜀黔浮泊幾十七八年偃蹇困阨始膺一秩其城距都勻九十里家又貧甚雖知己者胥爲弟不樂而弟當其際仍處泰然且曰昔聞吾言全縣僅七千餘戶民簡政簡長官無奔走賓客無徭役此真吾所樂者君子於是知弟之志趣亦與吾大抵相同也同時吾又奉委桐梓縣秘書天南地北各在一方四月下潯爲弟六十四初度祝弟永康旣以絕詩十二章寄之竊又思心存躁進者則其趨勢也必工心每患貧者則其冒貨也必厲有一於此雖有倜儻之才廉恥之念其孳孳

於勢利如馬牛之勒在項羈在目以晝夜旋轉於磨縱欲自拔其足不可得已弟與吾生平行事只問囊之有無素不知吝且彼此年均在六十以外始謀人生生活其非躁進非患貧可概見也豈專望領一有司之職而營營同於蠅蚋者哉拈毫爲此以敘邇來事實俾後人見之藉資觀感云  
民國辛未四月在桐梓縣政府時年六十有八

王世鑫

傳詳選舉志張採冊

募修王氏合族總祠堂序

甲寅年八月

仁者體天立德天於萬物一視同仁人得天以生而不體天之德以爲仁是人而不仁非人也仁主乎愛視胡越一家况同姓乎欲聯同姓爲一氣非共建合族總祠堂不可祠堂者家廟也古者天子七廟諸侯五大夫三適士二官師一庶人無廟祭於寢而已降及中世庶人漸有焉非僭越實以春露秋霜誠無所託不致莫敖鬼餒而不止不能不假之家祠以爲追

遠地故古人於事死之典討論精詳綜理周密重孝德也苟家廟之不立人自爲祭大非敬祖合族之義所以家祠之立上尊宗祖旁睦族人下聯子孫俾世世相承永守勿替也竊吾王氏受姓最早其族最旺漢唐之際賢哲迭生指不勝屈及南北宋時朝廷半柱石衣服多華袞元明滿清間族尤繁盛求之天下異姓居七本姓居三歷朝譜世系者莫不目之爲望族非過譽也溯自受姓以來數千百載世更代變派別支分本本源源難以窮詰卽以現居本土之族屬而論合城鄉內外不下數百家親疏莫辨長幼莫識遇之若路人視之若胡越休戚不相關慶弔不相及大乖孝友睦婣任卹之誼今合族長幼有鑒於此莫不附膺而歎同姓之乖離未有甚於此時也欲思所以集合之以表親愛之誼擬於秦陽中心地點建一王氏合族總祠堂其規模取其廣不取其狹人數取其多不取其寡無遠近無親疏無貴賤無貧富來者不拒往者不追更有進者其闢本姓或以

官爵國邑而易其姓者無與焉總之終此一姓以爲斷其間異姓或以勛勞恩義而受其姓者無論已總之同此一姓以爲斷昔崇韜之拜汾陽重同族也非之未免過當狄青不祖梁公避冒族也是之未免過誇今吾合族祠堂之立以示一表大同之意非拘攣亦非牽強也然千金之裘非一狐之腋大廈之木非一坵之材吾族中願表同情者各量其力爲捐助此祠落成庶幾先靈有託族屬大和王氏其昌卜於是舉當日相議已決屬序於予自知材識固陋不足闢揚顛末聊述此以待族中文人學士而擴充之是爲序

本縣公民上滇黔將領公函

代作

（銜畧）鈞鑒頃聞盧公壽慈由黔蒞渝代表唐莫帥暨滇軍將領願以和平退還黔政恢復省交協同應付大局已取得旅渝黔軍全體同意不日履行以敦舊好公民等逃聽之餘如獲大慶共服此等主張若果實行踐

履何啻肉白骨而然死灰也竊以公民等生長邊隅形同坐井敢以窺管之見而輸獻曝之忱夫滇黔兩省以地理歷史上之關係考之勢則唇齒相依有天然不可離開之概自上年冀帥撲滅公口以來黔民得慶更生從此兩省交情膠漆殆無以過及後帝制發生舉國寒蟬惟我滇黔首倡大義護法軍興四海景從不旋踵而帝制打消共和復設如此經天緯地之事業不出於時所注目之通都而偏出於素不介懷之邊省雖曰天授抑亦人謀從此兩省義聞不特彰彰在人耳目卽環球列國實共鑒之公民等素本愚昧不堪罔知忌諱以私心竊計早識兩省不以小怨微嫌而竟作仇讎報復之舉遂使昔年痛癢相關之契合卒然冰釋於一時並重悠悠者之口實况連年動兵莫非爲我人民謀樂利以固民權萬年不拔之基凡具一知半解者莫不洞見其苦衷譬如一家之中父母相鬥爲子弟者惟有零涕陳諫以求罷休曷敢有所左右一聞息怒止爭實屬喜出望



外况復兩省和平解決後俾得協同應付大局表出真正民治此又恩外之恩自當淪肌浹髓而我黔人民歡欣鼓舞之處難以言語形容者也然兩省保重民權之義舉足爲全國樹楷模迨至漸清漸寬愈推愈滿自然全國同歸於一致從此民治大放光明永無磨滅之一日而全國人民歡欣鼓舞之處更難以言語形容者也惟願兩省和平解決之事實早日舉行以慰萬民之渴望 公民等不避斧鉞瀝血懇陳伏祈鈞鑒

唐繼熙

邑康生

石子善先生七秩壽序

萸囊紫玉菊毓黃金當茲落帽良辰喜值懸弧令旦緬生平而致慶莫紀  
休嘉開菊徑以延賓尤堪獻頌書田廣袤乘時笈負三千 從師肄業  
迢遙早得鵬程九萬爲人好善處世惟和另除一畝良田廣種萬年心地  
勤修要路剪礙道之荊榛喜架橋梁免往來之厲揭振家聲於奕世長發

夕陽東... 卷之十一

其祥存陰騭於當年克昌厥後繼而烽煙四起離絮千條乙卯苗民作營亂漢戶均逃

生在八千里外歸家計三十餘年至戊寅年治歸故里無道則愚由是螻藏於窟有

道則見依然鴻漸於逵操筆陣以從戎丹旗映日展胸兵而助戰白刃凝

霜亂世中入營效力凱歌頌昇平之象懋賞紀格外之褒蒙會中丞於麻哈案內考語云營隊復城擒斬

首要以選缺儘先選用縣賞戴藍翎宏文之講座原高芹香桂馥帳設入寨及門最多點鐵之儀型未

艾玉潤珠圓甚至辭工應對依然還我使君對黎中丞數語使君魯仍留入寨益尙切磋

猶是借他攻錯前任八寨廳陳會事其賢不徒鴻禧懋介鶴算頻添同登苜蓿之盤共

喜霞觴之晉也且絳帳凝祥青衿溢喜令郎遊泮恩光自蟾窟而來北宸錫寵

瑞氣與詞壇相近南極騰輝快擊介壽之觴爭歌百歲祇捧延年之菊共

祝千秋喬梓爭榮椿萱並茂詎非天上之瑞星人間之樂事也哉

八寨縣志稿卷二十九

藝文 下

胡正舉

傳詳選  
舉志

憶舊遊

哭雲曉庭總戎

記定王台畔陶尉祠前立槊橫弓大選貔貅隊要健兒猛士報國精忠忽  
然一騎飛到颯爽氣如虹便帖首傾心隨吾帳下南北西東 匆匆幾廝  
殺乍挽住乾坤閒卻英雄髀肉生耶未尙難忘故帥遠就蠻中一聲薤露  
聽罷鼓角起悲風歎無命關張南征剩了孤臥龍

清明

前調

怎風塵卅載回首鄉關總是天涯受了蒼生累把故山榆柳萬里雲遮百  
蠻也拜邱墓飛徧紙錢花猛極目村煙驚心社飯何處是吾家 差差這  
時節在朗浦滄溪幾倍妍華領畧東風味有桃飴香粥槐火新茶一聲杜

宇相喚紅日又西斜似奉勸勞人不如歸去安樂些

庚辰十月望後二日抵滇寄家中弟兄兼呈何敬亭

遊子返故鄉芳晨值重九

重陽前二日余由京都抵家

登高逢比鄰勸飲菊花酒爲我

拂征塵致辭別大斗昨宵冀北回良會得之偶此日滇南行歸來亦別久  
別久亦何妨所慨人皆老春餘愛景光日暮愁遠道矧已貧病侵而能瘴  
癘飽底事官遊誇勞生眞草草

草草束行裝當頭見雁行西風吹散急一影竟孤翔相隨關月冷轉苦雲  
路長何如漸磐者呼羣謀稻梁

稻梁本易足何需升斗祿妻耕妾復鋤泉明遂所欲見獵偶不持頓與初  
心拂惆悵墮塵緣白雲封山谷

山谷有老友交從總角來臨歧無語言揮涕重徘徊聚散亦常耳悽愴胡  
爲哉相看一引手霜鬢指皚皚

皚皚履霜雪此行何日輟兩開驛路梅幾易輪蹄鐵危徑歷盤陀毒霧噴  
出穴風景感河山指陳憚瑣屑

瑣屑別難已深心語同懷葛藟庇根本芝蘭植庭堦蘼蓑有豐歲趑趄迷  
津涯吾衰嗟甚矣相倚勝朋儕

朋儕若我問素志爲分明肯慕浮雲狀而忘飲水情範馳思彼御越畔戒  
於耕潤屋有所歉貽安有所盈捫衷常此志藉以答昇平

荷花生後二日感懷十四韻

我生鬱鬱復草草王粲歸家壯歲早塗炭遭逢數久奇劫灰銷鑠人垂老  
溟茫幻境聽升沈飄泊餘生歌懊惱馬齒驚心歲月加蜉蝣裳怵目容光槁  
當年經訓守菑畚繼世筆耕勤索討偶然矯翼出瓊林條爾章身頒黼藻  
一竿廁隊襲虛聲五斗折腰撻遠道材高顧盼讓羣賢政拙趑趄遲上考  
吁嗟匏繫自淹留輾轉心勞仍潦倒華髮侵霜色欲蒼秋懷倂冷怒如擣

惟凜冰淵素履貞不啻饑渴初心保循陔永感愛日移是日爲先君子忌日綿旆常  
殷靈根葆誦芬但見先澤長貽安尙有室家好人間佳景亦何常晚晴光  
輝滿蓬島

送友人回江南四律

晴雲飛白散天西吹笛離亭日照依春意任饒花作錦客心無復絮沾泥  
驪歌度曲人將遠蝶夢移柯路不迷注目鄉關風月在迅看鞭影與輪蹄  
牽人自古是蕙絲江上歸帆正及時三尺蕉桐餘鬢尾六朝煙柳舊風姿  
炎方陰暍鳴蜩畔深樹巢雲倦鳥知此去應須行得得銷魂休唱渭城詩  
皖公山色鬱蒼蒼指顧重登萬仞岡故我歸來非化鶴歧途辨定異亡羊  
青衫宦迹人千里黃葉秋心水一方洱海滇雲回首望煙江風景異炎涼  
芰荷香裏送歸橈艷說湖山大隱招王粲登樓春色淡泉明瞻宇俗情消  
頻年客鬢絲同感幾輩遊踪梗尙飄料得珊瑚添玉樹垂竿長羨倚紅橋

陸補元江直隸州咨送引見留別順寧士民二律

幾逢頒朔紀春王鳩拙類年慶旬藏

順城古名慶旬

自是繭絲捐俗念何堪襍線

說微長栽花未起荒陬邑折柳旋催遠道裝留戀莫嗤多別緒由來三宿

憶庚桑

亦知火烈易銷鋒可奈慈柔賦性慵遇事哀矜難繫斷與民休息廣包容

雙清心迹隨流水百里游踪戀故封此去不當賢者路好尋三徑舊栽松

陸順乾

歐陽朝相諱嗣集順乾字豫齋人棗貢生城破陷賊中歌吟不輟壁扉皆滿卒後其禍無存僅從友人處得遺詩十餘首皆受

之人口者

懷鹿簡堂太守 丕宗

李廣不侯元是命寬饒無酒亦能狂澹園以外公知我低首南豐一瓣香

椎牛唱雉火生風滿眼臧奚欲化龍何處去尋乾淨土羨君騎鶴化人宮

莫友芝

字子偁一字邵亭獨山縣人貞定先生與儔子舉道光辛卯鄉試侍父宦遵義與郡人鄭珍君子尹同志講學博通綜貫當世

郗為郗莫子尹專精三禮小學著述皆有專書子儂博通不名一家與  
當代鉅人游都門書肆識湘鄉會相國與訂交詩稱祁相國亦折節倡  
和遊道其廣屢試不第遂絕意仕進攜妻子居金陵獨出往來於江淮  
吳越之交日與諸人士飲酒談詠所至忘歸卒時六十一平生所為書  
如詩紀野遊義府志聲韻考畧過洞庭碎錄邵亭詩鈔博蘭譜  
注唐本說文木部箋異諸書其尤著者也後歸葬遵義東青田山

自省南往獨山道不通且一歲始得猶子遠猷來書知州人以社團  
自保城尙無恙却寄示一百韻

遵桐昔未亂齋匪假妖術糾結異種人豐甯肆侵軼鐙花走愚蠢趨死不

自悉其渠雖就殲同惡未盡極遂乘白錦翼還擾白陽卒

甲寅二月二十七日 獨山齋匪

楊元保等亂豐甯土司三月會州城四月十八日就陰九月桐匪 我詩

在重圍涕泗念兄姪倉皇乏毛羽敢信何土吉雄兵萃三省惡馬馳萬匹

雷台走度柳逐北數道出連郡驅風颺巨慙屬鉄鑽

楊鳳以十二月十六日破走乙卯三月七

日授首於石 一時反側子何者不股栗坐想乘勝師一鼓痛爬櫛指搗清

阡之葛章司 鬼教叱咤洗蠻猾譬之湯沐具何處留蟻蠱捷書馳爾叔謂指安江末方



隨於通部橫戈更磨刷阿兄適南來共喜破憂憫家人兩無恙鄉亂庶可  
 輟握機者誰子自誑不暇恤耳目忘腹心枝條昧根節朝防趣甲弛暮繫  
 觀竿揭驚傳崖門陷旋報合州失乙卯六月三日魏棠等苗陷崖門釀成  
 燎原患尙冀杯水滅南行歸路斷八番起回屈千峯低粵徼黯黯送落日  
 滿道逢流亡老小互扶挈疋羸衣履破饑餓言語喋偶然風鶴警戰縮有  
 餘慄荒荒紅崖河饑徒盡還蹶牙洲昨夜火生死介一髮迂遲免新恐返  
 轡復何說半道得遮要草堂敵修潔平生文字知忠憤待選述表章有賢  
 嗣敘次敢辭拙翰林名父子羈羽息飛就一巷呼可騰朝昏破愁疾廣文  
 隔勞江踉蹌弄冠戴相逢尤意外自詫虎口脫人誇德星聚亦笑窮鳥聒  
 干戈自滿地詩酒竟累月浩歌惜蠻三授命借蔣冽劉芝山字伯龍淑浦人龍手提六十斤大  
砲六品之輻斃數十賊征粵匪獲功盡以讓其族兄士哲得知府而芝山  
僅六品翎頂巡尉職不就率其部治鐵於南丹子尹與荔波令蔣嘉穀守  
城時感慕來助過賊無不被靡十月十七日嘉穀追賊入賊死二十日芝山亦中飛砲死嘉穀字晚雲人  
 深入賊死二十日芝山亦中飛砲死嘉穀字晚雲人

文下

廣陽文通書局代印

逾急切相將趨大府痛哭眼欲瞎稍知吾遠子失業久投筆糾旅當北藩

猛氣頗盪決危哉黃梁戰幾作灘頭血桐刀仍兆亂北走願我室無從助

多算回望屢愁結十月中秋楊鳳餘黨徐子入門餘飢飭小女遽天札桐棺

完遣嫁忍淚且作達愁聞我行路妖黨轉滋孽豚涓皆沉首橫亘何肩鏹

延辰更始閒木耳又草竊壞城未一收弄乃過七八儒冠即戎首詩禮竟

何物材官工遁逃文吏安用詰毅哉兩游戎門死不怵楊君吾保障愈

令想屹嶮孝廉楊與蹇寸祿未干舌殉義同錚錚士恥稍可雪後三脚里

月都江應八月定且營十月大塘羅解兩州判銅仁府八寨

江縣思南府松桃廳石阡府正大營其以死事聞者定且遊擊保齡八月

遊擊楊廷柱入寨守城死者有舉人蹇諤廷

柱字果敢有謀畧楊元保事起先至獨山籌守具州城得全元保徐遠

守八寨至是屢却賊十月二十八之夜以兵單無援城破死於學宮諤已有

壬辰舉人截取領咨當謁選撫軍令其暫歸湖練城破死於學宮諤已有

詩輓唇亡歎八寨我州愈艱脆連書戒持重飛夢遶嶢岵遲爾消息來重裘

抄單葛開函乍驚喜涕淚幾橫溢言從去年夏州境環賊窟州人爭敵愾

奮發氣莫奪秋成皆入保官私稍充實宿飽便荷戈何銳不摧折所以一

歲周崇墉尙完屹今年耕作計僅有二分一眼前縱無虞常恐到支絀矧

自我里焚乙卯八月五日賊焚兎場全家寄城闕東南姑姊妹驚聚守饑渴遠也扞賊

衝百戰苦力竭傷心四叔病遽此多難沒醫藥了不知喪葬從草率既死

謝百憂生存盡旒綴北道猶未通呼援越徵發都南鄰阡危久常恐更蹉

跌波荔何當偕衆叔升斗相陶沫暫爲太平民所願亦已畢遠乎爾誠難世

事非故轍我生既不早死地覓真活荆吳漫耶蘇滇雲肆回乾綠營卒已

罄水衡費徒括驍材多掣抑鴛帥習喪蹶欲紆宵旰慮差賴巡社唐潯

兵山河子弟宋河朔巡社陝西湖北等處保甲等軍即今鄉團道法近者觀湖湘遠者東南越連城自保障

百撓鈔一拔故令新使者行省概增設剛頭丁亂始柔氓與筋骨延北尋

次之其衆益勇傑邇雖遺小蠹宥使更延苗黔盜自如毛兩徼足式遏天

心若厭亂勁選在此列老我習願領出處信天抗時危右韜符戎經頗穿

穴善師如轉環絲隙不受鏤吾家君顯公開疆有前伐遠乎團子弟千銳  
慎一茶偏氛觸手靖羣逆好槍讎純武良在茲以慰老眼刮

洪亮吉

貴州  
學院

跳月謠

一年中好時節前中秋後元夕錦袜碧當胸羅裙紅染血蘆笙吹徹人欲  
還眼波一瞥郎上山上山亦識儂心切天際黑雲來罩月

嫁女謠

十五愁嫁遲十三欣嫁早嫁女雖十三偏愁歡已老山羊十角米百石養  
女不惜傾家財歡來牽儂儂不宿却抱黃羊水邊哭

胡政舉

和實甫浴佛日登古州五榕山古歡閣之作步元韻

江水懷珠山韞玉流輝耀采皆濃綠遊情狂縱未停踪秀色飽餐常果腹

幾度尋春日匪遙重來消夏雲猶宿舊呂都參石上緣閒身每占人間福  
梵天深處碧嵐平飛閣盤空逗晚晴選佛開塲紛鶴舞逃禪覓地靜聽鶯  
會心不在拈花笑浪迹聊隨泛梗行快與羣仙參一座慵將妙果證三生  
酬酢縱橫飛酒棧瓊樓高會勝同選紅螺傾倒玉顏酡綠蠟浮沉春色滿  
雅集清談破寂寥酣歌長嘯從疏簡偶逢佳節動鄉心半倚夕陽舒醉眼  
綺思纏綿對几筵揮毫有客灑雲煙塵埃撲地消三斛珠玉隨風落九天  
江郎慧業花生筆坡老豪吟水走盤從此溪山增勝概不教光景負華年  
嗟余歷盡崎嶇路書劍風塵祇安遇羅鬼千年認劫灰閔仙三鳥迷雲霧  
一朝旅跡晚相逢幾輩名流天人護香火前因剪燭聯烟蠻淨境班荊住  
晚涼薦爽透輕羅碧落餘霞散綺多並以醺酣形放浪誰能清醒看奔波  
暮山幢形空蓮界歸路鐘聲度竹坡回首碧紗籠罩處清遊韻事不消磨

盧振德

字又奮同治癸酉舉  
人官普定縣教諭

詣鹿壯節公祠堂

龍頭石上角聲起，雨花台下賊如蟻。天地人和呼滿城。

賊入城時內應於高真觀門外龍頭

石上吹角城中四門火起賊相呼以天地人和字為口號

男婦山崩血，流水火光燭天聲。熊端笏中

坐，衡州公九閩碎。旬振天鼓天戈指日龕，渠凶生時未湮。渤海波死後猶

盪條侯戈山童就誅林兒斫伐鼓淵淵公有憐

敬匪羅光明首禍老賊也及其子老券俱敗死甕安

自言見公部兵擊之以及於敗

康金鼎

字定九八寨丁酉拔貢

謁鹿壯節公祠堂

調寄大江東去

四方多故正伏波，矍鑠據鞍時節局。黔山膚寸地，花帽紅巾竊發捧土

盟津驅車印阪盲，老釘人舌冷灰一片銷沉數斗熱血。太息七尺昂藏

扶風歌罷竟澆漿，短碣溫詔旌祠多少事。總算閒雲點綴薛燭不逢青萍

自倚老項空疆，偏屈平天問天公更誰說

附歐陽朝相雜詩四首牛角山尖牛角雄棉花冲裏棉花紅報

道陣亡何九錫李賢協鎮再從容一鹿副本府履易大寇苗匪素備始至九  
 錫東討承平久無兵習頑脆九錫尤輕率分無紀律至棉花沖不見  
 九錫率衆出城無子弟從之盈千餘人又兩槍突鳴衆驚退入城自  
 賊衆及墜藥邦溪溝中斃者以數百計傷亡又百餘人九錫藏焉得入城自  
 相賊衆及墜藥邦溪溝中斃者以數百計傷亡又百餘人九錫藏焉得入城自  
 再者從僅容數百人時李協方坐南樓於城下後兵至惟此當日營兵  
 下戲場以不火敢進浪隊二十槍耳及兵潰樂邦奔途見乘之云返走惟此當日營兵  
 老之情酣睡鬼呼矣一前日本府石公均一任汰守城兵減燈油內應起城是  
 陷一匹馬才西東魁也管梳羣盜朽蓬飛觀壯苦李劫頭後陳六殘劫魂再  
 不陷一匹馬才西東魁也管梳羣盜朽蓬飛觀壯苦李劫頭後陳六殘劫魂再  
 壘公追之獲賊出救大六六恚去大復至城下訖及是破猶降無伏苦八李  
 陷公追之獲賊出救大六六恚去大復至城下訖及是破猶降無伏苦八李  
 劫明日乃敢入城且忽自絲高歌未歇綿山劇烈被殘於其黨一兔走人  
 奔擾日乃敢入城且忽自絲高歌未歇綿山劇烈被殘於其黨一兔走人  
 小紀云帥師輔及歌其家鄉人覘之門杜如故城兄弟方按板唱火燒賊閉  
 戶不應逮夜忽酣歌其家鄉人覘之門杜如故城兄弟方按板唱火燒賊閉  
 劇本已而燭其室鄰人撲入則供壯節公神人並未燼猶二衣服而或目  
 俱灼不燭其室鄰人撲入則供壯節公神人並未燼猶二衣服而或目  
 不謂汗賊慕其長上之義從而殉之而就命之時從容擊節歌古烈士詔然

藝文下

七

貴陽文通書局代印

爲士大夫之所難不亦矯然足異哉而妻孥並適願焉是其心儀壯節與蕭夫人之事而慷慨以附箕末也吁可以風也

歐陽朝相 傳詳選

白雪歌

我無張生之雄風磨劍策策戰玉龍惟有王子之冰心一壺對雪長酣吟  
大明賦雪雪爲瑞灞橋踏雪雪可醉抽豪命翰謝不能且喜孤心雪無二  
雪兮雪兮塵不侵只緣身是水之晶飛向山南生白吹來山北白生生  
相親若對陶元亮在遠如瞻尹彥明與世詎無守黑意泥途難免不涅名  
爲璧成圭亦有時積慙惟應明月知月亦有知月未至爲月一歌致月意  
爲君歌進君觴君馬白我馬黃馬色雖有異我之與君同一腸澡身但得  
瑩如玉何須逢人道衷曲

元旦大雪

妙絕東皇助趣來霏霏玉屑滿樓台人間一瞬銀成海天上誰家笛落梅





年競打鷄風過疏林繁  
遠響却隨笑語渡前溪

### 都勻八景七言律

東山曉日

忽重紫氣嶺頭生  
赫赫明曦戶外迎  
山色鬱葱呈半面  
容光改

舊手雙擎西峯縷雲

練峨山勢壓城西  
常愛晴雲縷披乍  
向半腰拖粗

後垂安得高齋當面南樓夜月

樓上誰家笛鏡懸  
高橋頭估客船  
獨倚然風牽

初撲鴈飄飄羅袂欲飛仙平生北嶺七星

斗是誰削出碧稜  
七岫連環天

外畫為屏雪封森立常階玉春到渾浮滿

庭夢遇觀瀾五字神  
仙夢遇千山

台懸向壁問安可憐一炬咸陽後斷石頽雲

古道寒靈岩雨花  
轉空濛起

看石前一片紅落地無聲還有色酒空柳絮

復粘蜂誤萬山同  
龍潭春漲

披衣待誰識維摩說法功若使因風隨柳絮

亦城霞起萬山同  
龍潭春漲

魚石朝宗

不爭媧后補天謀不向黃河會濁流  
玉尺拋來都北面  
龍潭春漲

願有田問誰

新月有感

手把菱花欲斷魂，案頭眉史怕重論。攪人偏是天邊月，却向長空畫一痕。

金卷益壽

大豆黃卷，黔中所產，僅寸許，稍長則不可食。而秦陽龍井水所漬者，長輒及尺，而軟復肥甘，獨饒滋味。

龍井饒生意，黃卷最饜心。抽莖盈尺玉，上市一肩金。蓴菜情何切，蒼英會若林。他年續本草，應不重蒼參。

蘆笙跳月

銅鼓寥寥震蘆笙，隊隊聯牽裙雲錦。爛緩步月輪圓，躍馬周三匝。垂鞭盡少年舞，殘牛陣合銀角萬觥傳。

春柳

帶雨和烟水上亭，纖腰裊裊復娉娉。云何猗娜衣偏綠，未許逢迎眼便青。家在陽春工蘊藉，性含慧業易忪惺。風流合是書堂侶，慚愧無緣植後庭。

題畫

四律四絕各四章

漁

一葉扁舟望若迷  
桃花兩岸夾清溪  
生涯自傍竿三尺  
遠近隨教室盡攜  
春水鴨頭醅發綠  
秋風鱸膾玉和泥  
散人慣是江湖性  
肯放飛熊易鷓鴣

樵

箬胎笠子一規圓  
摩斧深山豁豁然  
地僻每逢鬪虎跡  
巖高倦枕白雲眠  
仙人突罷枰留古  
野戍雲荒鳥浴泉  
薪粟參差行步穩  
似聞歌嘯月明邊

耕

愛把艱難示後生  
幽風一幅寫偏精  
人都帶雨和煙立  
家警鳩呼鵲噪聲  
汗滴禾根當日午  
酒澆邨社祝秋成  
世人共說田家樂  
誰識甘來苦幾更

讀

午風晴啓墨花香  
中有佳人興正長  
坐似達摩常面壁  
默非遼海亦穿床  
蝸居鬱鬱風雲氣  
鱗甲森森松柏蒼  
我欲迎前攬半席  
只嫌塵色滿衣裳

不用尋蒼鹿還來就菊花有時數點雨秋意滿人家芭蕉菊

巖巖大夫節落落高士致相逢杯酒中陶然共一醉松菊

天際青鸞吟庭前鴛鴦舞仙袂何飄飄竟欲臨風舉竹菊

老樹不招風孤懷唯貯月澹然百慮清秋聲何處發秋枝菊

王少農司馬孔鑄泣任未期年諸政靡不舉民無擾者乞假去邑人

攀留不得爰誦一章代表輿情即用送別

少農司馬今循良顧家縣譜胸羅藏少農司馬古名士精書善繪子猶子

公愛竹見竹輒留家中玩具悉手刻竹為之贈我入分書數幀山水一幀清妙絕俗去歲新聞除寨陽漢民歡喜苗

民狂今年前旌下得鹿少年攀擁老年哭月前千百紙鄉人遺我書謂公

教蠶桑公招工放謂公闢菜汗公在天柱粗織製植公司至謂公課農業

公設農業小學城內日往勤懇家事如興學及治匪寸朽不棄非種鈕公推

廣初小學堂甚多專匪有號洪家會者由榕漫入率質富民再三再四丁

甯寄要我泥首呼當塗願爲寇恂借或作臨邛留謝傅東山自有意安能  
爲爾還踟躕昔走夜郎國譚公徃事羣惻惻公令桐梓扶弱抑強振興學務澠陽江外去  
觀風到處謳思如一轍公令天柱勸導墾植民樂其利年來斷斷究新學改良進步紛紛  
作都向文章政事求誰從實業究生活黔山荒瘠古來聞蘇息唯有神農  
言請學方登樊氏子舞斑偏斬楚萊身平生骨節稜稜峭不重軒纓重歌  
嘯王子楸紋間聽雨珊瑚碧海舊垂釣自鑄小印老山東萬頃烟波鷗夢  
通漫道棲霞好泉石何如騎竹幾兒童

### 讀史

我觀楚漢際黠哉一蒯通始弄在穴虎終擾天上龍漢王定三秦九州運  
掌中况乃夷燕代黥彭方連縱獨有崛強楚勉強撐酸鴻狼羸混一基指  
顧告成功蒯生坐長歎揮手裂堯封乘齊爲韓地假王間沛公衆建諸侯  
力馳騁不世雄弱漢計弗就事仇心有忡入市辦一哭解衣趨一烹不蒙

雍齒耻不蹈丁公忠富貴所自有反覆何其工

蚊

攻人微生物唯蚊尤足憎細喙長而銳巧鑽衣難任嘆爾半粒腹能空血  
幾升一吮何足累所憎長呻吟坐立如不安寤寐頻使驚但得暫依倚左  
右爭嚶嚶生命一彈指黃緣殊苦心彼圖聊充腹終夕煩虛聲昭昭一無  
覩紛來適冥冥炎熱隨處見霜落齊飄零營營訖何日嗟爾徒勞生

哭康定九同年

種黍提壺日往來十年心事詎成灰秋風有恨憎文命愛日餘暉繞夜臺  
差強書遺兒可讀每歌天問案爲推人生共說如螢火嗟爾何曾亮一回  
君看我病方無恙我卜君灾未是凶駿骨千金沈腐草幽魂一點傍鵲叢  
城頭鳥鬪嘲秋雨籬角花疏墜晚風夢醒欲尋尋不得可憐楚些未能工

秋草

山城幾夜肅嚴霜  
摧上秋原草亦黃  
金埒記才嘶劣馬  
玉階忽已鼓寒螿  
天涯棖觸離人淚  
沙塞功名攬鏡傷  
轉眼飛紅憑獵火  
春風依舊踏青忙

偶吟

小憩芳園坐翠微  
最難兩後露晴暉  
樓前岷嶺看龍變  
池上新亭愛鶴飛  
蒹菜何如青菜美  
鱗魚更比鱖魚肥  
閒來偶訪神仙迹  
一片斜陽映日磯

梵天寺見僧守詮小詩清遠可愛次韻

但聞煙外鐘不見  
山中寺幽人行未已  
草露濕芒屨  
唯應山頭月夜照  
來去附原作落日寒蟬鳴  
獨歸林下寺  
柴扉尙未掩  
山月隨行屨  
時聞犬吠聲  
更入青蘿去

春日郊行

性耽青鳥十元經  
常袖南車趁好晴  
水自有情流不盡  
山逢聚處畫難成  
驪珠隨處猶留領  
龍化何人識點睛  
自笑捕風談造福  
何如餘日讀回生



雍正三年初開地都勻九屬最貧民溪深水落渠難導田少山多患不均  
地方拙於罌粟種茶林付與祝融神獨看荷耒多槎觸五世黔南事穡人

春日有懷

泥融日暖燕跚跚舊壘才傾新壘乾爲嘆聖人工締造肯容後世有留難  
賂秦六國方成誤亂晉五胡寇苟安共說關中天府國翠華曾去小盤桓

迎春

共道春來何處來春旂翠葆繞樓臺洗塵合買東門酒清道先憑驛使梅  
鳥弄歌聲迎面出山裝粉本向陽開此君艷福真饒勝到處名花待品裁

癸卯元日二首

千家爆竹走雷鞭燈火連城散紫煙旒旆新陽隨鳥轉鬱葱佳氣接龍泉  
渡江柳色春成媚獻歲椒花性獨全且幸聖人調玉燭太和翔洽徧孩姪  
長年豈是天天舊今日偏教處處新游市兒童錢壓歲過門揖讓語溫人

韶光無限纔開眼雲物先期欲釀春我是臥疴經日久回生喜得趁芳辰

### 大松

干霄矯矯棟梁身飽閱風霜倍有神滄海不同驚浩劫空山一任笑輪囷  
有時避雨留龍馭未許餘香與蜨親却喜羣兒寄名字年年鷄黍醉郵醇

### 秋夜病中三首

青天欲問首搔遲身世茫茫那可知太息蘇洵方有志傷心伯道尙無兒  
幾家甘藿單寒况五代來黔忠厚基自作孽身原料爾吾宗後顧仗誰持  
彈指光陰四九來此中半與病爲媒讀書初見古人意觀政欲求經世才  
學有素心商邃密家無俊子可量裁秋成早晚嘗親廟安得餘生更一謀  
意境年來逐逐新喜於吾道有前因得心每在語言表同契不知今古人  
徧解侏儒通九譯要鉤河洛發全神加年五十師言在一讀從教一省身

### 病中五言

平時恨無子病裏怕看兒何日乾毛羽方今患鼓鞞微生常苦瘠諸父自  
難支成敗將胡底悠悠懸我思

也知非丐相頭角尙崢嶸但恐雙瞳短無能望爾成半生惇族願一室讀  
書聲兩事都奢望何時慰此情

五世入南黔相承過百年居聯三屬地

蕩井屬麻哈縣擺泥屬八  
縣縣長半河屬鐘山縣

家有一

犁煙自我初開學全宗欲問天范公置義產開卷只潸然

### 乞巧

天上佳期邁人間樂事同巧緣牛女會乞許鬼神通語自喃喃祝心期竅  
竅空兒曹欺不得今夜奪天工

大賢長守拙伶俐却何爲可笑羣兒輩如爭乞巧時望星齊下拜涉想亦  
云奇誰識中庸理愚夫可與知

微風拂拂散餘氛香靄遙空徹夜聞蒙巖一盂烹欲活湘裙大幅拜來分

拈鍼漫詡鴛爲度，迴漢何曾鵲喚羣。年來誰乞得，依然變態走浮雲。

丁亥戊子己丑，連館興仁堡陳府余女兄之外兄也。新正來省女兄。

借宿舊館，慨然有懷。壬寅

十四年來舊講堂，重開徐榻話滄桑。主人幾縷髻飄雪，弟子成行藻有香。夜雨打窗思往事，春風拂座惜流光。女嬃一事差強意，羸負唵成親路長。

題覃君二如金錫明經詩稿三首

標懷嶽嶽比秋高，提筆蜿蜿作劍豪。味到丹山探鳳髓，聲從元圃聽雲璈。忘言豈但肱三折，非想應知首重搔。一讀一回神欲旺，案頭幾碎碧檀槽。命途節節蜀蠶叢，恨事與君道一同。珠掌迷離振昨夢，繭絲婉婉戀春風。身緣多累譚僧達，病久逢親屬願豐。日倚藥鑪如有悟，嫁衣未免太求工。狂如漆吏教爲友，詩學隨園自有師。一局楸枰觀世事，滿胸傀儡付鴟夷。機從慘綠愁紅化，目小開天闢地奇。謾道邯鄲眞乞夢，科頭松下有誰知。

王治邦

傳詳女  
學志

清明前一日偕門人郊遊遇大風

天近清明分外新  
午風狂處更怡情  
征沙倒捲連天去  
雲鳥旋飛逐客程  
遠水漾翻無際浪  
短歌吹破不成聲  
吾徒畏服青衫薄  
笑向蒼蒼祝晚晴  
釣魚未獲晚歸

常提坐几遍西東  
那有魚兒上釣筒  
不是諸生催去急  
夜深痴坐水晶宮  
檢點今宵會鯉盤  
歸來只得一枝竿  
主人更有酸心意  
笑說先生慣素餐

咏燈花

不信燈花夜夜開  
怪將喜信報將來  
情痴怕別燈火落  
浪把前程一一猜

題新進諸生

先生設帳於邑中者數年教誨激勵成材不少丁酉先生既選拔諸生獲進學者數人因喜而咏此

三載丹鉛初過眼  
幾場白戰已成名  
笑煞一班新秀士  
都來囉唳拜先生

張登泗

傳詳選  
舉志

漁以八香冠首

革却紅塵到水邊竹竿日照影沉泉  
絲綸裊裊懸香餌木葉飄飄亂似烟  
石磴四圍閒小坐匏瓢飲水渴常酣  
金魚攜得賡歌轉土築墻陰醉後眠

樵

絲綸名利不關心木伐丁丁伴綠林  
竹徑曲登紅日露金刀斜劈白雲生  
石磯苔厚常稍憩匏葉風翻助晚吟  
革去笠簑歸屋後土階攜手聽鳴禽

耕

金鋤閑荷步平疇竹笠圓圓映水浮  
土性相逢分溲濕木桑偶憩愛輕柔  
絲環綠膩兒童戲石上清泉饅婦謳  
匏苦自忘功急日革除憂患是三秋

讀

金箱萬卷費精求革却心粗與氣浮  
石室儲藏搜旨趣土膏濟世建動猷  
匏瓜徒繫遵前訓竹簡留心礪進修  
木遇工詩舒抱負絲綸輔治重千秋

張晉如

群人物志

難中除夕

悶悶憂憂又一年  
悽涼苦楚恨三千  
無家無所飄零外  
低志低聲宵小前  
逆賊可誅徒怨耳  
天兵無奈尙安然  
親朋相會無他說  
個個低聲只問天  
因時自歎

端因兵亂亂遼波  
食絕衣襟奈若何  
草卽毯衾千個虱  
手爲碗筷半邊鍋  
傷心手足多零落  
延命萍蒿少劑和  
休怨蒼天休怨彼  
我生適會受磋磨

山居

數叢修竹幾株松  
水水山山疊萬重  
滿目崗巒難繪畫  
捫蘿覽眺不扶筇  
衣牽稚子添君笑  
手植奇花帶雨濃  
終日自由皆自得  
渾忘世態變秋冬

醉酒

三杯兩盞面通紅  
彷彿身騰雲霧中  
口角涎流心跳躍  
額頭汗出眼矇矓

地天滿目旋而轉路道何知異與同舉步艱難扶左右家鄉不覺在西東

### 牧童歸

踏破寒煙帶晚霞笠邊斜插野山花牛羊路熟休麾叱短笛吹殘恰到家  
一層古木一層煙策荷簑衣步步穿幾曲新歌相和答聲聲響徹碧雲天

方超林

詳選  
舉志

### 誠子

人家興旺豈由天總要兒孫果象賢勤使倉箱多剩穀儉教囊橐有餘錢  
弟兄親睦財常聚妯娌和諧福自全勿仗聰明攻賭博敢充行市會吹煙  
須尋活路朝前去莫在窮鄉坐不遷磨礪何愁刀鈍缺殷勤那怕蠶蠟連  
宜將當日思貧日莫把凶年當樂年力與乾坤爭命限乾坤到底也無權  
英雄謀事貴爭先動作知機法聖賢不可因饑田始種勿當極渴井方穿  
禦寒宜在無寒日防老須於未老年莫待臨危追悔晚徒教翹首顧蒼天



初夏雨後野望迴文

晴初雨後去雲閒好畫難形此水山晶掛樹尖巒疊翠練拖江面岫迷髮  
鳴鷗衆集爭游戲舞燕雙飛競往還城郭露兮收盡霧行人遠見路灣灣

登蓮花山

欲望鄉關山嶺頭天邊雲樹掩雙眸泉聲惟聽如絲竹地面難分那縣州  
一水中流飄玉帶千山南向擁金毳濃蔭蔽日家何在鳥語巖前動我愁

詠姊妹巖 步周來軒原韵

占鳳清門禮不修長隨天地度春秋却嫌犴草污雲鬢淡掃蛾眉待月鉤  
共笑望夫空木立還羞有口問風流今逢過客題佳句姊妹雖頑亦點頭  
盼黛容顏不必修荒郊拱立幾千秋繡衣橫列苦千縷雲髻常懸月一鉤  
情切望夫隨雨點更深無語愧風流奈何世事消磨盡姊妹雙雙未白頭

李竹溪

傳詳職官表附邑人王世鏞和韻

別黔中諸友

宦海論交誼吾儕獨見真來如尋舊夢去似別家人置酒拈紅豆分襟託  
素鱗情深潭水淺何以答汪倫  
論交非泛泛言出見天真世界殊多事風塵大有人相休誇燕頷性不逆  
龍鱗令我歎黃鶴清高孰比倫

別黔中僚友

萬里苔岑洽相期互策勳不貪先自足無黨始能羣別共黔中月歸停白  
下雲清貧還故我事業讓諸君  
宦黔垂八載治績證殊勳自樂民同樂人羣志不羣莼鱸多正味富貴等  
浮雲勇退功成後何來見此君

別諸生

治事希前古斯民賴作新一堂勤論道百政本修身聚散殊踪跡磋商共

性真凌雲鴻鵠志慎勿溷風塵

學自分今古人無論舊新立言知大體明善本誠身竟使中通外尤難偽

溷真掃開桃李徑自不著風塵

別八寨

留題蘭月榭

署有蘭月榭刻楹聯云人品當戀戀寨陽城紡織因民利開創

源紡織廠官俸商辦收養幼稚平反息訟聲清理舊案平反疑獄十數起

起上訴人民十年籌樹木印製種種樹表頒行各區保甲四野聽吹笙土人

薰教養施犴狴多慚事未成改造縣監及民刑看守所暨獄內工場事

催科書政拙撫字賴陽城八月膺民社先生蒞任千年播治聲投錢方飲

馬清椰駁屍及勘田土飲食臨別戀吹笙土人攜笙送別先生願而惻終

始稱條理前人集大成

別安順

辜負重遊望鴻泥數習安

十一年四月奉委復任安順固 插花完繡壤西邑

云舖東石板房本非番花舖甯平 拔薤挽狂瀾

彼種鴉片功令甚嚴羅

甸移風久文忠繼軌難

清胡文忠公

官邪懲失德盟誓未曾寒

巡按龍公

家之敗由官邪也四言儆戒

吏治無奇理官清民自安江南分化兩羅甸息狂瀾只道重來易誰知再

晤難

上峯委先生復任安順縣

甘棠歌召伯赤字不曾寒

別大定

不盡憂時感心旌繫大方培材興國學

有籌辦國民學校十所他

築圃墾山

荒

置馬廠荒山為漆園並

轉粟輸鴻雁

邑遭奇荒斗米八元日

蒐兵拒虎

狼

匪劫大兎場後撲縣城先是練團二百名聞耗馳堵馬場並沿 勸農歌

十二永祝慶雲翔

一官遊大定政策更多方變俗從添學安民在賑荒練團防小醜嚴禁儆

貪狼教養洵該備仁恩啓鳳翔

別第一監獄

獄政崇歐美應探恥格源督工防日玩滌垢寓春溫創建浴室以重衛生珍重儲金

制在監人作業賞與金初皆耗費無存乃嚴加限制積有十串以上為櫛子母按本攤分多編便利承宣假釋恩假釋乃國家特

恩依法創行日求完密叮嚀時記憶警省醒三言題警省醒三字類於教誨堂以期觸目警心

得情當勿喜曾子善探源警省還知醒先生題訓誨室額三字曰威嚴寓

以溫蒲鞭懸示辱囚犯解承恩治獄多陰德于公已自言

別梅園

梅園風雅甚省署辦公樓下即梅園莫道近紅塵挂笏來仙吏園有挂笏軒調

羹問主人冷泉宜判事園有小池近池有茅屋合沽春我亦莓苔印

相思未了因

領得梅園趣風清不著塵訟庭無俗吏園中設審訊上訴民人挂笏有仙

人園中有挂笏軒前賢所題緩步尋新句凭欄愛晚春他年思道貌鴻爪證前因

### 別貴陽

筑垣三度別當作故鄉歸踏月吟浮玉浮玉橋步月舊有題句聽濤坐翠微翠微聳時南

明河來時民俗儉戰後野人稀應讓賢能吏從容霽德暉

先生辭別去遽忍送將歸好句歎黃鶴佳章賦翠微城南二里許有閣曰翠微下臨南明河風

景最佳先生曾遊憩於此賦有聽濤坐翠微句跡留名宦重法歎治人稀才學猶餘事清風盪日

暉

### 留別

一官萍泛泛隨遇便為家歲月離弦箭功名在鏡花急流須返棹歧路且

回車唱望江南曲絲絲感鬢華

來黔剛一鶴功就便還家張翰思鱸膾陶潛愛菊花詩篇洵飽載蕙苾且

盈車山水江南勝優遊惜歲華

張桂星

傳詳選  
舉志

平日讀書

小別銀缸月上初手披新史口吟唔潛修宜貴常三到磨礪須知有四如  
白髮易生悲歲月青春不再惜居諸茲當几靜窗明日努力常懷富五車

約友北上

堤上離離草色青行裝檢點問迷津異鄉初歷乘佳日逆旅相親有故人  
千里雲山多景物一生筆墨訂緣因京師屈指何時到領畧風光廣見聞

上船

轉瞬風帆過萬山回頭家在白雲間身隨小艇途千里夜傍西巖月一彎  
惟對舟人真寂寂但聞水鳥自關關嗟予總爲浮名事勞攘風波往復還

宿五岔河

星稀月朗碧天空小坐扁舟向晚風雲樹回環分上下商船來往列西東

鴨頭滿岸千層綠漁火隨波數點紅料得明朝仍惜別何妨樽酒放詩翁

過湖南箱子巖

巖巖危石聳溪邊誰把箱兒半壁懸附和隨聲傳曠代荒涼無籍考何年  
人踪不到莓苔靜塵上迴封鎖鑰堅過此高瞻前勝跡但聞父老說神仙

五月五日至某處值大雨

山水突漲沿河人物隨波逐浪而去因賦此以記其事

年年當此日兒女拜端陽盤呈斯角黍斗酒酌清香家人偕晤對其樂也  
洋洋今夕復何夕宛在水中央雷聲驚激浪蒲鞭雜電光且傍西巖宿小  
艇繫垂楊雨急兼風勁衾寒枕倍涼欲行不可得鎖夜總皇皇鷄報荒村  
曉舟人語短長披襟船尾立溝壑變為湘雲歛煙收後悲聲滿道旁沿河  
被漂潑隨浪盡淪亡忙煞捕魚者輕舟列兩行往來斫拾物那管係何方  
尚有悲原事江邊羅酒漿龍舟不可渡簫鼓息喧揚我今過此地辛苦亦  
都嘗不成清夜夢開樽酌兕觥詰朝風浪靜舟子擊流槳欸乃一聲響開



船邊異鄉

到洪江

紗帽偏偏欲上街  
階前松竹舊時栽  
兩旁瓌貨如鱗萃  
真個商人善理財  
又向街頭上酒樓  
亭台城郭眼中收  
人間事有遷移日  
惟此長江日夜流

宿常德

雙槳歸來傍洛城  
亭臺水樹總分明  
誰家玉笛隨風起  
野寺金鐘隔嶺鳴  
船靜天空新月上  
帆收桅立淡煙橫  
終宵客館無清夢  
料得明朝又早行

過洞庭

世有洞庭湖同人共仰名  
使非親越歷何得曉情形  
樹色千山遠煙波萬里平  
日斜帆有影風過浪無聲  
水與長天接舟如一葉輕  
但看紅日出不見錄萍生岸  
莫分南北深誰度量衡  
我今剛過此真箇快幽情

火輪船

不待懸帆不借風長行且不費人工衝開巨浪波翻白炊起濃煙火正紅  
大澤深灘亡險阻一時百里任西東途長鷁速精神爽多少行人樂在中

### 桃花

東皇昨夜到堂東徧染桃花樹樹紅淡淡着煙輕着粉天天含雨媚含風  
未嘗旨酒容先醉恐掩芳姿葉不芘賞到詩成酣酒後恍然身在武陵中

### 重陽後二日湖南新軍營樓成觀察集諸同事宴於其上

城西有樓擬籌邊地亘十畝高插天將軍大纛縣星斗左右甲冑相迴旋  
我今登臨一憑眺四座有花足詩料天風過處盛筵開主人未言先口笑  
笑指座中一酒籌道是我馬也風流拈此籌者合成詩不學班生輕筆投  
歌聲高唱清平調令行如入山陰道興豪起舞昆吾刀酒酣亂脫黃花帽  
欲罷憑欄放眼觀漢家宦寺晉清談縱有長城圖不得空餘百二好河山  
若不見漢水南流渭水東終南泰岱古今同惟有函關新政布若大丸泥

不可封我願將軍憑藉力一作重文輕武習掃盡亞南歐風時紀功再濡  
今朝筆

弔屈原

甯葬汨羅魚腹中寸心羞與俗風同茫茫千載知音客淚洒江楓一色紅

蔣中

傳詳職官表

惠普五弟六十四初度十二首

廿載艱辛各一方梗途箕舌愈囂張仍償賈氏同州願

壬戌余任八寨吾弟今年又任八寨

城北

余現在精神任秘書職

天南夢一鱗

五年游泮憶高齋

己丑弟游泮水

賦獻揚雄萬選錢

取古學第一

慚愧池塘春草淺無

鳳遊汝上青天

京華初上試春官科第尼人進步難差幸同心惟有弟高堂獬豸又彈冠

父傳...

萍飄聚首在都門

丙午夏指囊赴京引見弟於乙巳冬間已先入都

引見連番荷聖恩記得頤和

園退直肩隨聯袂試高軒

引見弟同車在海淀為余冠帶

椿庭晚歲宦囊慳我弟當時東海鯨絃續鸞膠頻計畫機雲華胄慰親顏

供職徵收負聖明中年鐫級誤平生蹉跎不得庸兒力直到桑榆志乃成

分川離務三年淹弟匪賊官乃宦鹽

兩年在川任鹽亭縣長

最笑牛兄原

庫使迤南查井職相兼

思緣二哥勸引授職庫大使到省奉派往迤南香沿井辦理鹽務余以鹽大使簽分川省並未辦到

鹽務差使先後只開辦洪雅縣劍閣縣都徵事務

一官一邑幕游時佐治名皆口有碑

長壽茶江兩縣民人至涸鮒西江難

潤透年年贏得鬢如絲

已拚閉戶誅蓬蒿魯衛同封異數叨

弟任入寨縣長

鶴俸賈春醪酒樂無

聲雨透一犁膏

地原母斂多苗族時在咸同雜漢家

入寨廳原屬都勻同知分

烏洛何君

其名爲名超清時摩生性至孝每旬十屬及格江等縣均仰願其正直辦國難土匪最稱得力真健者能令獍狘聽無譁

左頌功碑右謗書琴堂隨處有乘除潛心圖展流民玩夜雨秋燈察毀譽

余任入憲時母親每月困獨勿妄殺人吾弟亦當引以爲傲

近年酷愛讀南華秋水宗師點竄加趁此從心從所欲使君眉壽總無涯

偶於公暇拈毫題成殊不值一哂也我弟閱之於不當處加以商酌亦

是晚年弟兄間之一樂云

王世鑫 傳詳選舉志以下張採冊

丙辰秋七月哉生明偶登小樓閒玩月影橫斜因而有感

素性非疏闊物情早渙散浮生真如夢花甲倏過半論文重隨陸論武取  
絳灌錯節復盤根金刀割不斷黃鳥止丘隅宣尼極口贊賢如晉殷浩書  
空咄咄歎通如宋張詠偏好立崖岸貞而不絕俗郭泰高東漢無過無不  
及可與登道畔披閱尙友錄從違心不亂遺懷在詩酒胡牀月可玩

暮春雜感次友登滇省寧州華蓋山原韻

入山懷遠志嘯傲白雲低  
夢渺梁刀益祥空殿榮齊恍  
參蝴蝶舞怕聽子規嘯  
狂態傾巢父牽牛飲上溪

重陽訪友遲歸有感

訪友重陽節遲歸自不知  
星摩山頂過月傍馬頭馳  
聲耐秋蟲雜甘餘菊酒滋  
一鞭家未遠入座興催詩

春景次友韻

大地畫圖開人間遊戲台  
且傳金谷令慢舉菊花杯  
挽得東皇住時留碎錦  
堆已成新世界柱宇莫相催

春遊

講台初罷課僮伴出郊遊  
山鳥迎人語村花逐水流  
得心遲幾步有象闢  
雙眸試問尋春者癡情似我不

健步園林下清風拂面來有花都雅淡得句費敲推聽鳥調新語呼僮把  
舊醅遲歸還未覺星月上庭槐

讀明高季迪岳王墓詩因感岳軍之整就原韻賦此

長家軍隊有儒風兀兀羊羣敢恃雄指日河南恢宋緒尅期漢北掃金宮  
權奸到底墜和議萬鳥方能脫勁弓扣馬書生誇卓見十年功廢一朝中

步張西垣春景原韻

纔把軒窗四面開東皇幾扇到春台頻搖嫩綠鋪簾幌又送零紅入酒盃  
王氏輞川詩有畫石家金谷錦成堆愧余寫景無佳句謹記蹉跎歲月催  
一般桃李趁時開淺白深紅點翠台人在景中多助趣神遊象外且停盃  
無窮天地連環扣大好河山錦繡堆學步邯鄲惟我拙揮毫未竟馬蹄催  
人關景運自天開攜手同登百尺台悅目豈分南北徑放懷且酌兩三盃  
穿簾紫燕情何密隔岸青山錦作堆無限春光無限樂寄言歲月莫頻催

酬高桂冲楊茂松邀飲用宿南萍場原韻三章

清光緒末葉

身世萍飄不問家茫茫大海正無涯  
朝陽到處誇鳴鳳雪恥何人式怒歸  
燕北令名終未艾遼東處士實堪嘉  
閒來無事評詩酒種遍桃花又李花  
水畔山隈隱士家高山流水興無涯  
亭開時放千年鶴鼓吹聲傳兩部蛙  
舉網得魚羹自飽尋村沽酒味猶嘉  
吟風弄月無餘事門外呼僮掃落花  
冲名高桂是楊家欵客真誠誼靡涯  
李白能邀孟底月馬援難誚井中蛙  
奇才曾荐公孫座聖脈傳來孔父嘉  
大道不行歸著述皋比講易散天花

步和周靄梧縣長七絕原韻四首

案牘勞形晚放衙民詞未盡有誰家  
公餘尤重栽桃李來歲春風一縣花  
民房漫道似蜂衙寂寞蕭條百十家  
來暮一詞歌叔度種桃滿縣換蠻花  
吏民拭目長官衙文武兼資有大家  
亂定投戈勤講藝操觚染翰筆生花  
黎明卽起促排衙亂後欣逢政治家  
平越口碑猶載道塞城池畔放蓮花



誦張科長子吉傷老七律四首情真理確語語從血性中流出令人  
悲歎酸辛然馮唐述老畢竟奚裨李廣難封終留話柄士君子涉  
身處世當濶眼放步以聽造物之低昂得喪窮通在所不計因就  
原韻作寬老四首答之

尙書五福先言壽境遇何如老者安放眼長天誰處窄置身大地等閒寬  
陰陽迭長終無礙物我相忘自不干事事勿須窮問訊且將容易解艱難  
及時憂樂與人同文正精英豈獨鍾趙鼎桂蠹稱老辣稽康情性慣疏慵  
縱觀時世心還濶仰止前賢氣可通韓愈送窮窮則變聲施百代又何窮  
縱談時世意難休骨相爭誇萬里侯太息人寰真擾事生成福命勿庸謀  
雲天渺渺翔鴻雁滄海茫茫宿鷺鷗得喪窮通原有數悠然物外又何求  
本色書生不改初算來經歷有盈餘奇才多向風塵覓妙韻偏堪世俗據  
汶水迹存雖自得渭濱車載復何如側身天地皆廬宇隨遇而安是我居

喬桑春日郊行七律三章

以下和張君  
衷白鳳韻

優遊山水度年華俯唱遙吟有大家拂面紛紛飛柳絮驚心片片落桃花  
新翻萬物方無限艷鬥羣英正靡涯無事且尋郊外樂賞心悅目興何奢  
避世偷閒玩物華春風得意是誰家清堪鑑貌一泓水雅可怡情兩岸花  
勝日尋芳心更適古人秉燭興無涯好將美景從頭敘染翰操觚願正奢  
千紅萬紫正紛華道是荒村野老家金谷何心傾雅爵桃源有路問飛花  
征途竹杖欹籬落逐浪漁舟傍水涯共說喬桑風景好歸兮載詠意方奢

酬都江排座羅君級三昆仲五律四章

相攜排座去心性樂怡怡北海重逢也東山再見之天低煙鎖樹風蕩雨  
遊絲聽說來賓至呼僮啓竹籬

羣山如拱揖一水隱環包徑曲疑仙窟梧高引鳳巢宜人多美景歎我有  
嘉賓賓主情方洽忘懷誦警苑

主人溫語洽自不怯春寒交固情難淡渴除味取酸人文稱濟濟士武尙  
桓桓酒後爭聯句狂謔夜已闌

情豪拚酒戰不覺月升東起舞精神壯高談意氣雄旭顛差可擬白敵得  
毋同歡洽更將盡評詩豁眼瞳

過南潯不遇歐保董七律一章

民國十四年滇軍過此民屋爲墟不  
數日予與二三同志適五區訪友不

禁觸景  
傷懷

南潯主人不在家征人何處覓生涯碾房自簸粃糠米厨室誰驅土竈蛙  
濕當草柴燒未得破鍋炒豆味還嘉油鹽茶炭無須問詩料催開筆下花

春晴喬桑晚眺

羣山一片罩煙輕凹凸高低色漸平隱約人家驚吠犬依稀柳樹戀飛鶯  
斜陽返照花收影淺水長流浪有聲贏得桃紅和李白分明帶月伴鴈傾

答鑪山張君衷白賀生子原韻七言絕四首

添丁報到我心開  
選問兒兮才不才  
異日先人如質問  
承祧交替有詞推  
男夢占來定是熊  
頻占幾度付空中

連生三子  
均夭折

今占又是熊羆  
夢想此前

占迥不同

自譽還須亦自嘲  
全牛能解不需庖  
縱然說是人工巧  
也是命宮否泰交  
湯餅贈來有好詞  
披吟不數盛唐詩  
他年題鳳渾閒事  
莫謂王家沒字碑

張明聖

字少垣邑廩貢

感懷五言律二首用友原韻

子立無同氣艱辛獨負之  
廢殘增我辱壯志少人知  
日暮途窮候充飢煮  
字時從今思往事心亂眼迷離  
學博緣偏吝奇情信有之  
世途真險惡天道實難知  
力弱難匡國年高懶  
問時盼他強健者好挽此分離

八寨縣志卷三十一

變異

變不虛生災不妄作此天人感召之理捷於影響之最可信者矣世之人每以爲天道元遠遂至大變當前亦慢不經心夫山崩川竭載在春秋星隕石雷列於簡策其餘六鷁退飛藹羊致雨等等災異之存諸史乘者數十條大聖人之所以存而不削欲使讀之者知所警惕俾勉力爲善以祛災害而迓天庥耳爰做其意錄變異數條以爲讀史者鑒省之一助云

清咸豐三年癸丑三月天雨黑雨着草木微污溝渠積水皆如淡墨石橋堡溪岸有蛇千萬盤聚如困散而復聚如是者屢日蟹亦如之

四年春排開司地竹結實較糯米稍大色如墨而無殼可食好事者試食之亦無他異

五月邑城南門外里許莫家寨樹結刀豆如利刃

十月重修南門城樓甬上樑是夜雷雨大作次早題識銜名之面轉而向上

十一月文武衙署甬墻學署甬墻同日傾圮

長青堡有人名陸開忠素有疥癩疾人惡之遂野處久之徧身生黑毛未幾變爲虎形修尾鈎爪毛色斑斕輒於山箐間博食物類遇之者但呼其名卽退去渠生有一女嫁排道寨陳姓因此常於夜間至女家屋前後女聞聲卽以雞一隻與之食乃去女問曰父居山中將何以爲食渠尙能人言答云我與一虎同行虎凡得猪狗卽分與我先看是生肉虎以舌舐之卽如熟肉可食云後漸噬及人鄉鄰遂械備欲乘間斃之女乃對之祝曰父今不像人形使人畏惡女已成人不勞掛念若再來倘被人殺害女心何安仍以雞一隻與之食訖流淚而去自此遂不復返

以上胡志

邑文廟同治十年署同知魯侯傳創修其正殿樑面題寫年月並魯銜名至光緒丁酉年冬十月任同知吳光鑾補苴罅漏就將其年月並魯銜名拭去另書年月及吳之銜名於樑上至戊戌春二月風雨大作雷聲轟轟繞殿數刻而去羣以爲怪卽往視之則此樑已提至屋脊並將吳所題之年月銜名洗刷淨盡一字不留惟中畫之太極圖絲毫未壞吳見之仍將樑上好不敢再書其名矣天之不沒人善而惡其掩人之善如此誰謂天公無皂白耶

清宣統元年秋八月某日天朗氣清忽天宮現出五大圈西南兩圈畧大其色赤紅相並如姊妹然東北三圈畧小其色白相連如貫珠然不知主何吉兇茲書於此以俟天文家詳考焉

民國十五年豐樂堡吳某家一雄雞生有四隻脚渠家以爲奇養之已能司晨矣有術士見之云此雞不可殺宜放之吳某遂攜至深山中放去後

不知所往

十六年卓左秦吳二家貓生一子僅三隻脚前一隻後二隻如鼎足然吳驚以爲怪卽擊斃之吳僅三十餘歲因驚悸得疾未幾夫婦俱亡可見變異之來誠非偶然

光緒三十年六月日正午忽颶風大作將塲市中一切腐敗草渣滓等物類裹作一團捲入游某家閣室堆滿如砌假山然後其家漸零落人口死亡幾盡是亦衰敗將至天故預示之兆以儆之歟

裴開秀本城南街人也年近六旬無子因盡其堂侄爲嗣於二十八年爲之娶媳夫蕭和偕孝順妻亦心喜殊數月後忽起怪異如火焚屋然或焚其屋樑或焚其床帳焰不甚熾撲之即滅先猶二三日一颶繼則每日一一起氈席箱櫃無不被焚鄉鄰恐有池魚之及日以爲憂妻則日夜戒備狼狽萬分符籙禱告均無效遂指爲新媳身帶邪魅決意出之夫國家將亡



必有妖孽乃不思悔過遷善挽天意而迓禎祥而謂出婦即可免災是誠愚不可及矣

烏藥寨苗叟某

偶忘其名

年七十餘一日亡去家人子女初以爲遭親友家待

數日不返子女情急四處追查無踪詢之親隣亦無知者無可尋覓乃作罷論年餘叟忽歸闔家忻慰詢問此年餘何往叟諱不言惟舉目灼灼然週圍注視很現不安於室之象其衣服雖然如故朽濫污穢不堪言狀親友聞信前來慶慰詢答一言卽他往不相接待人莫測其故俄而語其子曰我爲一虎導去居深山谷中食以豬犬肉若父子然今方轉送回家言畢脫其衣視之則體毛茸茸矣子女大懼初無敢近者既久視叟殊無歹意復奉養如初後此叟竟同子女家人相處十餘歲年九十乃歿錢某住本城北門場市中充邑衙役娶陳姓女爲妻連舉數胎均不育至光緒二十一年忽一胎生三子其貌亦如常見無他異以爲祥瑞蔣報官

驗視殊不數日均夭殤

宣統元年第三區雄虎寨楊再發妻 氏一胎生二女一男未一月均先  
後夭殤未幾其妻忽大呼曰金銀紛紛湧進家來箱櫃俱滿矣其夫視之  
果然鄉隣聞之往賀再發宰豬招待盤桓數日乃止既而便與羅姓大購  
產業價值說定待將書契再發復往視箱櫃則空空如也分釐沒存亦奇  
聞矣

楊再芳亦雄虎寨人也宣統元年其妻任氏生一子形狀怪異初生約長  
二尺許口闊耳大異於常兒面生白毛二股自額際分披兩邊如八字鬚  
然兩額角另生毛黑如漆長約寸餘月餘乃夭殤

第三區加配寨苗人羅先九於光緒二十七年三月入山樵採遇一蛇大  
如股長丈餘舉柴担擊而斃之剝其皮挑至寨中炊煮與衆食之是夜忽  
大雨傾盆山崩屋壞田土高埂無不傾圮俄聞空中呼曰爾等所食者龍

肉所飲者龍湯也人以爲此龍想是二隻不知某所斃者是雄是雌今只存其一故有此異耳何足怪旣而食蛇肉之二十餘人均死人以爲食龍肉之報或曰不然此蛇之大如此其毒諒亦不少人食之而中毒故死耳若龍則神物也能大能小能見能隱夫豈常人之所能斃哉

金發貴第五區苗首也有一子名阿三於光緒末入山樵採至晚空回白云身體不安於是漸次腫濫日益加重未經年手足俱脫形象變異遍體生毛茸然與虎相似特無爪無尾人近之不相害於是鄰近各苗皆云此人成老虎鬼後果變虎入山而去所遺田產宗族均不敢受亦未有人敢種者

四區烏底寨產異蛇最毒身肥澤而短雄鱗赤紅色雌鱗淡紅色人被螫數刻卽斃無能醫者其寨被此蛇咬者數人無一存者據云此蛇吃紅籐葉後入山採籐者見紅籐無葉卽不敢入此山云

龍井在本城西南隅水色歷來清涼明朗如鏡爲一邑之冠從未稍帶濁色者至光緒三十三年六月忽然橫濁如黃泥漿約四點鐘後乃反其常民七年又濁一次不測其故

第二區長青堡東去里許有塘一所名長塘縱約二十丈橫約三丈餘深約四尺其水清涼塘中每現潢水一股兩側水色仍清如常似劃有界限清濁分明天久晴其水中濁則必雨雨久其水濁則必晴土人每每以之驗晴雨從無一爽然不常現有一年數見者或數年一見不測其中有何物而能使其水清濁不相混亦奇事矣

雜類 附

第二區長青堡東去五里地名涼繖坡有石龍頭一個其唇舌狀如三字高約五丈寬約二丈兩角如雲形勢天然非人工可鑿成不知何年雷震其右角雖斷而不脫落又有石人一個高亦數丈石倉一座中空約丈餘相傳爲仙人張三豐遺蹟惜其地處偏隅無文人學士游咏遂湮沒而不彰故特表而出之

第四區石橋堡之西五里一石洞名穿洞中亦傳有張三豐遺跡其洞大可數畝深則不可測巖漿淋漓滴成形像有若人物者有若飛禽者有若走獸者千奇百怪不可名狀當中一石大如圓棹面若蜂窩嵌有大人足蹟一隻長約一尺二寸寬約四寸餘似仙人由此棹上穿洞頂而出去者仰而視之有一脚懸空似尙未縮去然猶奇者此洞中有水流出八寨嘛哈兩屬卽以此水中分爲界水中石子在八寨界河內爲白色若被水冲

過麻哈界卽變紅色以一水之隔輒變化如此真奇異極矣

王者壽石橋堡人也賦性勇猛雙手能舉百斤用鐵劍一對重三十二斤現尙存其一咸豐乙卯苗變曾奉令勦辦廣西一帶苗疆大小數十戰未嘗敗北獲獎金質勳章尙存相傳其曾奉某教能掌雷止風雨云

王保掛蟒蟒寨苗人也性極野蠻每飯必米三升能挑二百斤重物又嗜屠牛極大牯牛一人扭之倒地殺之如割雞乙卯苗變保掛率黨羽三十六人周游鄉里鋤強扶弱既不降官兵亦不從苗亂若請之禦兵擊匪俱樂從勝後但邀重謝以故上下均畏愛之其黨有至光緒初年名善泔者猶津津樂道其似有封刀之術終身未嘗被一彈受一傷真異人云

蘇江氏天司長塘寨苗婦也力强兇悍各寨苗人無不懾服乘乙卯之亂遂約集各寨獨立築石圍於長塘垣墉堅固積谷亦多官兵攻之年餘不下不得已與之和乘間刺之中其腹腸已出矣官兵乘隙來攻此婦拖腸

抵敵猶手殺十餘人乃倒地而斃

一、

變異

雜劇

六

貴陽文通書局代印





募修八寨縣志

國無志乘等於不國一鄉一邑無論已宇宙間有其理卽有其事有其事須有其人表而出之其事乃見其理乃真否則舉一方之星野疆域山脈水道城鎮村市職官賦稅兵事典禮農桑物產等等位置若何建設若何沿革損益又若何曹焉弗知文獻不足徵此宣尼所以致慨杞宋也吾黔素號南夷漢武始置牂柯郡猶等荒服迄於有明建設行省而入寨僻處南隅僻教難暨迨滿清中葉甫置漢官從此漢苗雜治文物衣冠漸漬漸滿風俗爲之不變三百年來無形同化幾無畛域之分回溯三百年前之風氣習俗人物規爲必具一種之真像久無遺蹟之流傳而三百年間之風氣習俗人物規爲亦具一種之真像仍無遺蹟之流傳徒俾後之論世者如瞽看星昧其分秒不敢定權衡之準如聾聽樂爽其音節不克持輕重之宜長此江河日下直謂文明而草昧焉可也不寧惟是三百年前

之賢豪貞烈頗不乏人三百年間之賢豪貞烈亦不乏人加以文人學士  
崛起其間又惜墨跡之流傳即欲傳之又為時勢之所阨此欲傳而不果  
傳之明證也嗟嗟吾黔現治八一縣縣有縣志惟吾獨無若然直謂黔縣

八十焉可也吾儕後學敢參末議不過前有邑紳胡公孟存之針引胡公清進

土歷署雲南州府願著 中有邑令劉公管春之贊襄民八緒符本邑適省

循聲並著本縣志畧 我邦人士欲足成之又因兵匪交加事忽中輟茲

志公囑邑紳採訪編輯 縣長郭公孟瑜蒞任斯土每於接見搢紳時談及縣志對以闕如不禁

浩歎慨然提倡此千載一時之盛如吾儕仍漠然置之直謂縣無其人焉

可也雖然千載事業必具千載目光者出而提倡之又必須重義輕財者

從而贊助之然後相與有成同歸不朽環顧吾邑父老昆季對於尋常公

益尙然踴躍况此千秋盛舉其踴躍十倍於尋常公益者自不待言且有

邑令為之倡客卿為之輔其踴躍百倍於尋常公益者更不待言茲值進

行期間需款在卽卽不望其解囊相助或可稍分所得之盈餘其殆庶幾  
民國十九年歲次庚午仲春邑人白菱王世鑫謹撰

何名超

蕭榮宗

王世鑫

蘇起棻

劉富邦

田慶源

發起籌備人李國清

黎煥枚同啓

孫學文


周起龍

劉金榜

賴廷軒

何第忠

李時德



修入寨縣志樂捐姓名

郭縣長孟瑜

樂捐大洋三十元

傅特派員

樂捐大洋二十元

夏景麻

樂捐大洋一十元

何希亭

樂捐大洋一十元

王白荻

樂捐大洋一十元

劉海仙

樂捐大洋一十元

蕭曝仙

樂捐大洋一十元

孫叔餘

樂捐大洋一十元

馬玉章

樂捐大洋一十二元五角

李尊三

樂捐大洋一十二元

劉瀛洲

樂捐大洋一十元

系

五

樂捐姓名

一

貴陽文通書局代印

張北垣

樂捐大洋一十元

馬瑞珍

樂捐大洋一十元

何玉珊

樂捐大洋一十元

田澤淵

樂捐大洋八元

陳閻安

樂捐小洋一十元

馬魯卿

樂捐大洋六元二角

李文江

樂捐大洋五元

黎有章

樂捐大洋五元

王質哉

樂捐大洋五元

賴雲霄

樂捐大洋五元

賴鏡澄

樂捐大洋五元

劉玉卿

樂捐大洋五元

黃淵明  
朱德軒  
蔡貫之  
何孝臣  
彭英  
劉申之  
萬全堂  
鄧德軒  
張伯升  
趙孝先  
黃滌五  
周敦紀

樂捐大洋四元  
樂捐大洋四元  
樂捐大洋三元  
樂捐大洋三元  
樂捐大洋三元  
樂捐大洋三元  
樂捐大洋三元  
樂捐大洋二元  
樂捐大洋二元  
樂捐大洋二元  
樂捐大洋二元

樂捐姓名

二

貴陽文通書局代印

孫應麟

樂捐大洋二元

周雲從

樂捐大洋二元

吳海臣

樂捐大洋二元

湯景章

樂捐大洋二元

楊有貴

樂捐大洋二元

盧阿艾

樂捐大洋二元

龍海清

樂捐大洋二元

郭青雲

樂捐大洋二元

王應貴

樂捐大洋一元

藍渭清

樂捐大洋一元

王德元

樂捐大洋一元

段國梁

樂捐大洋一元



余秀生  
王定舉  
王和軒  
余少春  
彭阿農  
王治發  
蒙阿馬  
蒙阿艾  
陳德明  
陳左往  
陳阿萬  
陳光梁

樂捐大洋一元  
樂捐大洋一元  
樂捐大洋一元  
樂捐大洋一元  
樂捐大洋一元  
樂捐大洋一元  
樂捐大洋一元  
樂捐大洋一元  
樂捐大洋一元  
樂捐大洋一元  
樂捐大洋一元

樂捐生名

三

貴陽文通書局代印

陳阿哥

樂捐大洋一元

陳阿你

樂捐大洋一元

楊阿萬

樂捐大洋一元

楊鳳鳴

樂捐大洋一元

楊農三

樂捐大洋一元

湯永邦

樂捐大洋一元

湯成和

樂捐大洋一元

龍德興

樂捐大洋一元

龍天喜

樂捐大洋一元

蒙玉清

樂捐大洋一元

莫相邦

樂捐大洋一元

簡棟臣

樂捐大洋一元

張成林

樂捐大洋一元

吳玉貴

樂捐大洋一元

蒙德才

樂捐大洋一元

蒙阿艾

樂捐大洋一元

吳阿農

樂捐大洋一元

王沛澤

樂捐大洋一十元

王追武

樂捐大洋二元

楊池區長共交二區人民

樂捐大洋二十元

王何區長共交五區人民

樂捐大洋七元

鄧德軒交一區陸保人民

樂捐大洋一十元

朱德軒交一區陸保人民

樂捐大洋五元

唐峻天交三區人民

樂捐大洋四元

周雲從交一區六保人民

樂捐大洋三元

孔兆之

樂捐大洋二元

楊正南

樂捐大洋一元